

*Ex
Bibliotheca
Joachimi Comitis
Chresplenac
Pro-Cancellarii
M. L. L.*

107.
LEONHARDI GORECII,
Equitis Poloni,

Descriptio belli Iuo-
niæ, Voiuodæ Valachiaæ, quod
anno M D L X X I I I I, cum Se-
lymo I I, Turcarum imperato-
re, gessit.

H V I C A C C E S S I T

Io. Lasicii historia de ingressu Polonorum
in Valachiam cum Bogdano, & cæde
Turcarum.



*Ex Bibl.
Joach. Com.
Chreptowicz*

FRANCOFVRTI,
Apud Andream Wechelum.

A. M D L X X V I I I.

1578
Alex. Morolus

Центрально-научная
БИБЛИОТЕКА АН УРСР
№ 2807863

ILLVSTRI AC MA-
GNIFICO VIRO, DN. AN-
DREÆ, COMITI GOR-
CANO, CASTELLANO
Miedirecēsi, Capitaneo Gne-
snenſi Valcenſiq; , Leonhardus
Gorecius, Eques Polonus, & ſe
& officia ſua commendat, pa-
trono ac mæcenati clementiſſ.



TTVLIT mihi, ma-
gnifice Comes, Craſ-
ſonius , puer fratris
Rochi, à te ex caſtris
litteras : quibus mihi
& gratias agis pro
oratione ad te miſſa, qua Gedanenſes
ad deponenda arma, contra principem
ſuum insolenter ſuſcepta, hortatus ſum:
& ad maiora ſcribenda me excitas,

eaq; in parte operam mihi tuā pollice-
 ris. Agnosco, illustris Comes, præstā-
 tem ac eximiam voluntatem tuam, ad
 iuvādos viros doctos promptam & ala-
 crem: qui personam patris tui, olim in
 Republ. nostra florētissimi, & opibus,
 auctoritate, acumine, iudicio facile
 principis, non solū nomine, sed re ipsa
 repræsentas. Quare, ut me gratum es-
 se tuæ huius benevolentiae declarem:
 hanc meam historiam Valachicam, in
 qua scribenda Barthol. Paprocius se-
 quutus sum, ad te mitto. quam non du-
 bito quin sis eodem animo quo tibi of-
 fertur, accepturus: mihiq; commenta-
 ria rerum gestarum, non solū de hoc
 Gedanensi bello, sed & quaecunque de
 rebus maiorum nostrorum habes, sup-
 peditaturus. Quibus ego habitis, &
 istud Gedanense bellum absoluam, &
 histo-

historiam meam ad hæc tēpora in quibus versamur, pertraham: ubi se mihi præclarus locus mētionem honorificam Stephani, regis nostri potentiss. facien-
di offeret: qui mihi & omni conforma-
tione membrorum, & magnitudine
rerum gestarum, illos priscos Reges Po-
loniæ, Boleslaos & Casimiros, repræ-
sentare videtur, qui non solum Prussos
cum urbe Gedanensi, sed & vicinas
gentes perdomuerunt. Singulare certè
beneficium diuinū in nos Polonos ex-
titit, quòd post occasum Sigismundi
Augusti, talem regē habeamus, qua-
lem hoc regnum hac in perturbatione
rerum omnium, poscebat flagitabatq;.
Cuius quæ & quantæ virtutes sint,
initium regni demonstravit, exitus post
declaraturus est: qui de se viuentibus
materiam præclaram scribendi relin-

quet, & apud Deum immortalē æter-
 num præmium cōsequetur. Quid enim
 hac in vita prodest alios laudare, eos
 ad summa sidera euehere, si diuinum
 iudicium nō accesserit? Sed ego regem
 Stephanum utrumque habiturum &
 spero & confido: quem & cōsensus to-
 tius populi laudabit, (quod iam nunc
 faciunt principum Germaniæ ad eum
 missi legati) & præclaris eximiisq; vir-
 tutibus suis, habita in Christum fide,
 æternam immortalitatem consequetur.
 Cæterum Christiani monarchæ cogitēt
 quàm longè lateq; virus acerbitalis suæ
 Mahometes propagarit ob hæc intesti-
 na eorum dissidia: quæ utinam inter
 eos conquiescant, omnesq; simul iunctis
 armis, eadem huic teterrimo hosti no-
 minis Christiani inferant. quibus ut
 Deus successus det, ex animo precor.
 Sed

Sed iam lege, si placet, hanc historiam.
 ex qua & cognosces non tã validas esse
 Turcarum vires, ut cõsensu Christia-
 norum ac concordia debellari non pos-
 sint: & præclaras virtutes Polonico-
 rum equitum recognosces, quorum
 opera Iuonia vsus Turcas ad interne-
 cionem persequutus est. à quibus mini-
 mè degenerasse tui quoque tunc visi,
 cùm pauci cum multis ad Dantiscum
 12 Augusti dimicarent, Sdrowsciusq;
 tuus insignem quendam Hessum cepis-
 set, ex quo permulta rebellium contra
 regem suum cõsilia cognita sunt. at ve-
 rò id 17 Aprilis maximè apparuit, cùm
 duo millia nostrum Hungarorumque,
 duodecim Gedanensium millia ita pro-
 fligarunt, ut quater mille & quingen-
 ti hostes in acie ceciderint, mille vivi
 capti fuerint, è nostris solùm duode-

*sexaginta cæsis: quam historiam Las-
cius noster, ut verè, ita breuiter, histo-
rico stylo descripsit. Vale, Illustris
Comes, Gorecij tui memor. E Saniki,
15 Octobr. a. 1577.*

CASPAR LINDENERVS, MEDI-
cus & philosophus Posna-
nienſis.

Historiam vitæ veteres dixere magistram:

Historiæ quando multa docemur ope.

*Tam bene quis Romam, doctas quis nosset
Athenas,*

Liuius æternum ni fabricasset opus?

*Non multi legerent Valachum, vel gesta Po-
lonum,*

Nobile Gorecij si latuisset opus.

*Hinc potes effectus bellorum, & discere cau-
sas,*

Et quàm Turcarum sit malè tuta fides.



LEONHARDI GORECII,
Equitis Poloni,

*Descriptio belli Iuonia, Palati-
ni Valachiae, quod is cum Selymo,
Turcarum imperatore, magno cum
successu gessit ab initio, demum à Ie-
remia Czarnawieczio Valacho
proditus, & à Turcis contra fidem
datam ac sacramento confirmatam
occisus.*



ELLVM scripturus,
quod ab initio ma-
gno cum successu
Iuonia regulus Va-
lachiae, cum Selymo
Turcarum Cæsare
gessit, operæpreciū
me facturum puto, vt de situ Valachiae,

incrementis gentis, feracitate soli, moribus, & de aliis ad eam rem pertinentibus, ex secunda decade historiæ gentis nostræ Polonicę, quam viginti libris, usque ad exitum Sigismundi primi, regis Poloniæ, persecuti sumus, dicam. Valachia, quę olim Mysia & Dacia dicta fuit, habet ab ortu Euxinum, à meridie Istrũ, seu Danubium: ab occasu Transylvanix, ad Boream Russiæ, seu Roxolanis, contermina. Tota regio in partes duas diuiditur, in Valachiam Trãsalpinam, ac Moldauiam. Trãsalpina quidem, ab oriente habet piscosum lacum, quem Hirassus amnis, ab accolis Pruthes vocatus, efficit, suis denique aquis adauctum ac latè stagnantem relinquēs, in Istrum euoluitur: ad meridiem vergit terminata Danubio, atq; item ab occasu Transylvanix fines attingens, ad oppidũ Severinum, vbi Traiani pontis admirabiles pilæ triginta quatuor, nequaquam totas obruente Danubio, visuntur. Ad Septentrionem autem finitur Hoina, ignobili flumine, & directis terrestribus terminis

Situs Valachia.

terminis ad Istrum, curuata admodum
 regionis fronte cōtra Paucem insulam,
 spargente sese primò in ingentes ramos
 profluente Istro, antiquis scriptoribus
 notam, quam hodie Barillanam dicunt.
 Oritur autem Danubius in iugis Arbo-
 næ montis Germaniæ, ex aduerso Rot-
 wilæ oppidi Sueuię, in Nigra sylua apud
 pagum Doneßing. Vbi primùm Illyricū
 alluit, Ister appellatus, sexaginta amni-
 bus receptis, medio fermè numero eorū
 nauigabili, in pōtum vastis sex flumini-
 bus, euoluitur. Altera pars Valachiæ,
 agrorum & pastionum multitudine ma-
 ior, armentisque & militaribus equis o-
 pulentior, ab amne Moldaua, qui mediā
 interfecat, Moldauia dicitur. Is ortū ha-
 bet paulò infra Hirassi fontes è Tran-
 syluanix montibus, quibus antiqua Da-
 cia ad ingentis theatri similitudinem,
 obuersa in occasum scena præcingitur,
 delapsusque Soczauiam, quod oppidum
 est sedes Palatinorum, præterfluit. Atq;
 inde violentus Hoinam, Dobenisam,
 Argiamque, paruos, sed perennes a-

*Danubij de-
 scriptio.*

mnes secū trahens in Olta effunditur. Olta verò, qui antiquitus Allutus fuit, non Transyluaniae modò, cuius partem ab aduersis montibus descendens rigat, sed Moldaviae & Transalpinæ minora flumina, in orientem reflexus, ad Nicolim in Danubium rapit. Omnium verò amplissimus Tyaras, qui ab incolis vocatur Nester, ad Aquilonem Moldaviam terminat. Ortus enim à Carpatho monte Sarmatiae, & rectà in Euxinum contendens, Russiae & Podoliae fines tandem attingit. Qui primi loca Valachiae tenebant, nihil potest certi ex tanta vetustate scriptorum erui, quam variae gentes, ut Vngariam, obtinebant. Hodiernae gentis Valachicae originem quidam referunt ad Flaccum praefidem Romanum, à quo nomen leniter deflexo & ipsa Valachia nuncupata esse videtur. Ab eo enim tempore quo Flaccus cum imperio Mysiae siue Daciae praefuit, quae ultra Istrum ad Scythicam gentem extenditur, Flacciam appellari constat: quam demum corrupta voce, sensim in Vala-

Mediarum Valachiae ad quae stirpem suam referunt.

Valachiam abiisse perspicimus. Apud Valachos enim non modò Romanæ disciplinæ mores certi, legesque vigent: sed ipsa quoque Latinæ linguæ vocabula permulta seruantur. Vnde Wlochorum & Valachorum nomen idem quidam esse volunt, quos Wlochos, id est Italos, etiam Germani lingua sua Wel-schen vocant. vtraque gens Itala: ideo commune nomen. Qua ratione autem eam regionem Flaccus occupauit, Æneas Syluius, qui pòst Romanus pontifex fuit, sic tradit. Tempore Traiani Imperatoris, Daci, seu Gothi, detrectantes Romani iugum Imperii, missus est eò Flaccus cum triginta millibus hominũ, quibus in coloniam deductis, ibidem ararent, commeatum Romano exercitui, qui ibidem semper in armis contra Scythas ac Sarmatas fuit, præberent. Vnde pòst interiecto tempore pulsus Gothis, illa tota regio, quæ Valachia à Flacco est appellata, Romanis cessit. cuius sententiæ haud pœnitet me esse. Sed diuersum alios scripsisse videmus, qui Syluium,

*Flaccus qua
ratione Vala-
chiam occupa-
uit.*

*Aliorum de
Valachia in-
colu sententia.*

uium, in laudem suorum propēsum, falsa tradidisse affirmant. Post quē qui scripsere historiam, eadem quidem de gentis origine, sed diuersa ratione scribunt. qui hodiernorum Valachorum stirpē ad Romanos quidem referunt, sed ad exules, qui eò relegati erant. Quorum cū tantus numerus fuisset, vt non tantū contra incolas potentes fuerint, sed & Gothis inde eiectis, fidelem operam popularibus suis nauandam rati: ponte Danubio imposito, eadē loca obtinuerunt. qui in partes duas diuisi, vti à nobis dictum est, Valachos Transalpinos ac Moldauos. vtraque pars regulos suos habuit. Nam Transalpina Valachia, quę à Turcis Carabogdana minor, eò quòd nigrum frumentum ferat, vocatur, præcipuam ciuitatem Tarnouizam habet: quę est regia regulorum Transalpinę Valachię, qui continuo parendi obsequio, Turcarum amicitiam tuentur, aureūque nummū myriadem, tributum nomine quotannis pēdent: eaque vel indecora pace perfruuntur, quòd impunē fidem

fidem mutare nequeant, cùm in oppo-
 sita Danubij ripa, Serviæ Bulgariaque
 præsidia in antiquis Triballorum sedi-
 bus spectentur. Illa quoque pars Vala-
 chiae, quam Nester à Podolia disiungit, *Moldavia*
 à Turcis duce Mahomete Cæsare, qui *quãdo à Tur-*
 Constantinopolim, olim Byzantium di- *cis occupata.*
 ctam, ceperat, subacta, eisdem tributum
 pendebat. sed superiori anno, Iuonia à
 Turcis per fraudem capto, ac crudeliter
 occiso, vtraque Valachia Turcarum di-
 tionis facta est. Modicum tum ab initio
 tributum Turcicis imperatoribus Pala-
 tini Moldaviae pendebant: eò quòd Ca-
 simirus, pater Sigismundi primi regis
 Poloniae, occupatus bello crucifero,
 Petrum iuuare contra Mahometem nõ
 potuit: cui Mahometes nomine tribu-
 ti, solùm duo millia nummũm aureũm,
 anno à Christi regis ortu, supra mille si-
 mum quadringentesimum quinquage-
 simo quinto, imposuit. Demum in-
 teriecto tempore, Imperatoribus Tur-
 cicis Asiatico, Persico, Ismaelitico, Aegy-
 ptiano bello distentis, Valachi partim

Valachia Vo-
garis Polo-
nisq; subie-
cta.

imperio Vngarico , partim Polonico
 subiecti fuere. Qui pòst in tantas vires
 creuere, vt nostris exercitibus aliquo-
 ties deletis, Vngarorũ iugo excusso, de-
 mum ad imperium Turcarum pertracti
 sint. Iurabāt & in verba regum Poloniæ,
 se cum eis pacē habituros: quibus sem-
 per vectigales fuēre. Ac si maior vigi-
 lantia demortui Augusti regis fuisset,
 etiamnum Valachia vectigalis Polono-
 rum esset: cuius oppido Chocimo Al-
 bertus Lascius, vir consilio manúque
 promptus, aliquandiu obtento, regem
 Augustum obtestabatur vt sibi daret au-
 xilia. nam se Valachiam totā facilè eius
 adiecturum imperio. per eumq; Iaco-
 bus Despotes, perq; Lassocium, Philip-
 pouium, ac cæteros (qui genus suum ad
 antiquos regulos Valachiæ eodem no-
 mine appellatos referebat) superiori-
 bus annis in Valachiam restitutus fuit.
 Eiectóque Alexandro, tanti motus bel-
 lorum in Valachia excitati fuēre, vt à
 Valachis Despota crudeliter occiso, ac
 Visnieuicio insigni bellatore capto, &
 in Tur-

*Lascius De-
 spotam in Va-
 lachiam re-
 stituit.*

in Turciã misso, (de quo ibidẽ suppliciũ
 sumptum est) Lascius Chocinum non-
 nullo temporis spatio retentum, pòst
 Alexandro restituere coactus fuerit.
 Alexandro filius Bogdanus successit,
 Bogdano Iuonia, (Iohannem ea vox si-
 gnificat) de quo hìc historiam scriben-
 dam sumpsimus. Is armis Turcicis ad-
 iutus, exercitu Bogdani profligato, ali-
 quandiu Valachis præfuit. Habuit Va-
 lachia insignes ac bello egregios ante
 hæc tempora regulos: in primis verò il-
 lum Stephanum, qui sæpissimè tot exer-
 citibus Moschorum & Scytharum de-
 letis, ex eis præclarissimas victorias re-
 portauit, omnibùsque terrori ac formi-
 dini fuit, præcipuè autem Turcis, quorũ
 numerosos exercitus profligauit, ad in-
 ternecionemque dedit: deinde Dra-
 culam, quem vt Matthias rex Vngarorũ
 in officio retineret, pro amisso Monca-
 stro ad Turcas Czizouiam & Cechillũ
 oppida, dono ei dedit. Ea sunt in extre-
 ma Transyluania parte, qua per saltum
 Moldauia iungitur. Quibus virtute

*Reguli Vala-
 chie insignes*

Dracula

Petrus.

bellica ille Petrus haud inferior fuit, violento indomitóque ingenio præditus, ob idque Selymano Turcarum imperatori minùs carus: ex quo Sigismundus memorabilem victoriam, autore Ioanne Tarnouio, viro omnibus imperatoriis virtutibus instructo, ad Ober-
 tinum reportauit. Mores, religio, sacra Valachorum, ad Græcas Armeniacasq; ecclesias accedunt: apud quos sacerdotes vxores ducunt. Gens equitatu pollet. Nam quiuis, vel egentissimus, domi equũ alit, quo prædatur ac militat. Scuto, hasta, galea, quemadmodum Vngari vti solent: nonnunquam lancea missili atque arcubus rem gerũt. Equi eorum pectorosi robustique, non pernicitate quidem in cursu, sed perseuerãtia & viribus maximè probantur. Proinde mos est, tenellis, cùm castrantur, nares præscindere, ne angusta respiratione fatigẽtur, quando nec mediocris equi laus sit triduo, vel per æstiuos soles, bellicæ agitationis laborem pertulisse. Tanta perfidia gentis est, inconstantiãque in regulos

*Mores Valachorum.**Perfidia Valachorum.*

los suos, vt facta in eisdem conspiratio-
 ne, leui de causa eos interimant, nullá-
 que claritudinis & stirpis ratione habita,
 pecuarios, vel fordidissimos quosque in
 locum regulorum asciscant. Regio ad-
 eò ferax, tantáque multitudo boum in
 illa est, vt & in Russiam, pòst in Germa-
 niã quoque, ij adducãtur qui inter alios
 maximi sunt. Habet copiam vini & hor-
 dei, nec tritici indiga. Malmaticum vi-
 num ex Turcia, & id genus alia in Polo-
 niam Armenij per Valachiam adue-
 hunt: piper item, crocum, preciosa aro-
 mata, peristromata, quæ sunt instrumẽta
 luxuriæ. Atque hæc obiter de Valachia:
 nos ad institutam historiam reuerta-
 mur. Bogdanus igitur, Valachia post *Inchoat hie*
 mortem Alexandri obtenta, adeò Tur- *storiã.*
 carum imperium aspernari visus est, vt
 cum Augusto rege Poloniæ, anno M D
 LXXII mortuo, fœdere perpetuo per-
 cussio, legatis missis impetrauerit, vt sibi
 ex Valachia in Russiam, quando vellet,
 commeare, domos magnatum vetustæ
 stirpis inuisere liceret, vt cuius virgo si-

bi pudore, formæque præstans placeret, eam vxorem duceret, ac vt ex fœdere belli tēpore Augusto regi viginti quatuor millia equorum armis virisque instructa mitteret. Omnium de eo vulgatioꝝ fama fuit, eum bona sibi in Russia emere voluisse, ac Valachica gente perfidissima, si quis ita casus tulisset, vel si à suis pelleretur, relicta, in Russia mansurum fuisse. Augustus Turcicam fidem suspectam habens, (quorum Turcarum si non instinctu, at saltem conniunte Selymano, patre Selymi, Scythæ, gēs bello inuicta, illam partem Russiæ quæ Nestrum attingit, sæpe ingenti clade belli affecerunt, oppida, villas, vicos exusserunt, maximam multitudinem pecorū, pariter cum hominibus, abduxerunt) vt Bogdano in fide retento, si quando bellum contra Turcas suscipiēdum foret, habita Valachia fœderata, (quæ interdicionem regum Poloniæ, ac Turcicum imperium, tāquam firmissimus murus, propugnaculūque quoddam, est interposita) omnem barbarorum impetū
facilius

faciliùs sustinere posset: adhuc, nō igno-
 rans, maiores suos sæpe cum Valachis
 religiosissimè fœdus conseruasse, qui-
 bus sæpè periculosissimis ac difficillimis
 temporibus contra vim Turcarum au-
 xilio fuère: id facilè Bogdano concedit.
 Bogdanus igitur, hac tali amicitia tanti
 regis fretus, sæpiùs in Russiã venit, sum-
 morũ domos obit, eos muneribus ex-
 plet. Quæ cum ad aures Selymi Turcarũ
 imperatoris, qui iam Selymano patri in
 imperio successerat, perlata fuissent: in
 primis verò illa re offensus, quòd tãtum
 equitatum Augusto ex fœdere in subfi-
 dium belli dare debuit: tacitis consiliis
 agitatur, vt abdicato imperio Valachia
 Bogdano, illud ad quempiam alium de-
 ferret, cogitans, si quando sibi cum Po-
 lonis, gente ad arma nata, belligerãdum
 foret, eis Bogdani arma, ac totius Vala-
 chia, maximo adiumento fore. Iamque
 Bogdanus ingenti inuidia apud suos
 populares flagrabat, eò quòd non so-
 lùm totum se ad amicitiam Polonorum
 contulerat, sed eisdem militari stipen-

*Cōsiliū Se-
 lymi de abdi-
 cando impe-
 rio Valachia
 Bogdano.*

dio constituto, eos apud se liberaliter fo-
 uebat, Sborouióque Christophoro, fra-
 tri Petri, Palatini Cracouiensis, sororem
 se suam in matrimonium daturum pol-
 licetur, quoniam antè Casparo Panie-
 uio Russo alteram dederat. Sborouius
 ea ex relætus, quoniam ingens æs alic-
 num cōtraxerat, vt ex eodem sese euol-
 ueret, ad Bogdanum magno comitatu,
 pulcherrimo habitu exornato, in Vala-
 chiam venit. à quo pòst elusus, vindictã
 animo spirans, re infecta in Russiam, vbi
 amplas possessiones habebat, redit: ac si
 quando occasio daretur vt Bogdanum
 vlcisci posset, animo intentus erat. Bo-
 gdanus igitur adornata profectiōe in
 Russiam ad Ioannem Tarlonem, cuius
 filiam, virginem specie ac pudicitia in si-
 gnem, in matrimonium ducere statuit,
 trāsmissō Nestro in cisiis, quoniam tum
 glacie obduratus erat, vno atque altero
 ministro comitatus, longeq; à suorum
 agmine seiunctus, in Sborouij puerum,
 quem ille cum literis peregrè miserat,
 incidit. qui à Bogdano cuius esset per-
 cunctatus,

*Aduētus Sbo-
 rouij in Vala-
 chiam.*

*Aduentus Bo-
 gdani in Rus-
 siam.*

cunctatus, dolenter lamentatur se literas cum sarcinula amisisse, quas herus suus sibi perferendas commiserit. Quare subditis equo calcaribus, ad herum redit: ubi Bogdanum nullo comitatu septum viderit, narrat. Ibi Sborouius cum aliquot ministris, conscensis pernicipibus equis, ad Bogdanum aduolat: cui à Secignieuio, non impigro iuvene, secundum aurem vulnus infligitur. dehinc eum Sborouius secum abducit, & in custodia dat: nec aliter dimittere vult, quam sibi satisfaciat pro impensis & damnis, quæ subierat cum ab ipso in Valachiam venire iussus esset. Bogdanus tam inopinato periculo circumuentus, sex millia nummum aureum Sborouio dat: reliquam pecuniam se ad certum tempus dissoluturum pollicetur: pro quo Panicuius fidem interponit. Cōstat id factum Sborouij Augustum regem iniquo animo tulisse. Valachi igitur, siue fidem Bogdani suspectam habentes, siue eum in Polonia interiisse rati, Selymum sollicitabant ut ipsis alium, in locum Bogda-

*Bogdanus se
Sborouio redemit.*

*Origo Iuonia
stirpis.*

*Iuonia sollici-
tat purpura-
tos.*

ni, daret. Erat Iuonia (quem quidā Polonum fuisse, in Masouia natum, dicūt) stirpis Valachicæ, qui se antiquis prognatum regulis Valachie aiebat, vir proceræ staturæ, facie decora, oculis gracilibus, quodammodoque minacibus, toto corpore lacertosus, viribus pollens. Is igitur post mortem Alexandri, viuo adhuc Selymano, Palatinus Valachicæ fieri voluit: cui ille Bogdanum, filium Alexandri, prætulit. Aliquandiu post hæc in Russia ac Turcia vnā cū Ieremia Czar-nieuieczio Valacho, cuius in eum hoc in bello insignis perfidia extitit, versatus: vt sibi animos Turcarum magis atque magis conciliaret, suscepta circumcissione ac religione Mahometana, animum ad amplam copiosamq; mercaturam exercendam adiecit. Cuius magnitudine ac splendore, non solū in purpuratorum, qui Bassæ (id est capita) vocantur, notitiam peruenit, sed & ipsius Selymi. Is igitur ex purpuratis cognito consilio Selymi de imperio Valachicæ alteri demandando, eos largitionibus

corrum-

corrumpit, orátque autoritatem suam
 apud Selymum ita interponát, vt ipsum
 Voiuodam Valachiaë renunciet. Osten-
 dit fidem Bogdani esse suspectam, qui se
 totum ad amicitiam regis Poloniaë con-
 tulerit: fieri posse vt Polonorum auxilio
 adiutus, pòst Turcarum imperium ex-
 cutiat abiiciátque. Selymus, propensa
 purpuratorum volūtate cognita, nactus
 absentiam Bogdani, qui in Russia degēs
 ex vulneribus nōdum conualuerat, Pa-
 latinatum (id est dominatum) Valachiaë
 ad Iuoniam defert, cūmque per speciē
 mercaturæ exercendæ, in Valachiam,
 addito ei numerofo equitatu, vt omnes
 in verba ipsius, iussu Selymi, iurent, mit-
 tit. Dicitur ea de re Augustus rex cum
 Selymo expostulasse. At ille respondit
 Iuoniam in Valachiam causa mercatu-
 ræ exercendæ profectum esse. Iuonia
 in Valachiam veniēs, facilè ab omnibus
 iuramentū accipit. Est arx in Valachia
 Chocimum, natura loci munita, quam
 firmo præsidio Bogdanus firmauerat.
 hanc præfidiarij milites Turcis dedere

*Selymus Va-
 lachiaë ad Iuo-
 niam defert.*

*Augustus in-
uat Bogda-
num.*

nolunt, sed eam cōtra vim ipsorum stren-
nuè defendunt. Bogdanus de rebus do-
mesticis turbulentis certior factus, vt se
contra vim Turcarum tueretur ac de-
fenderet, auxiliū sibi ex fœdere ab Au-
gusto dari postulat: cui quatuor millia
equorum, plus minus, dantur, ductore
Nicolao Mieliecio, Palatino Podoliæ
vigilantissimo sapientissimoque, vt ipsū
in Valachiam reduceret. sed incassum.
Nam adeò vires Turcarum in Valachia
inualuerant, vt ille totus exercitus, cum
Bogdano in Valachiam missus, colloca-
to Chocimi Bogdano, in Russiam inco-
lumis regressus sit, non tamen sine cæde
Turcarum. qua in expeditione, præcla-
ra virtus cū aliorum, tum verò Nico-
lai Herburti, nobilis ac egregij viri, bel-
lōque clari, enituit: qui vndiq; ab equi-
tatu Turcico septus, eorum acie perfra-
cta, multis occisis, ad suos nullo lethife-
ro vulnere accepto, saluus rediit. Bo-
gdanus verò, aliquandiu Chocimæ mo-
ratus, eam arcem, quàm firmissimo præ-
sidio potest, munit: qua Dobrosolouio,
stirpis

stirpis Polonicae viro egregio, commissa, ipsemet in Moscouiam fugit, illicque degere dicitur. At Dobrosolouius, nō-
 nullo temporis spatio Chocimensi arce retenta, eam post Iuonia tradere, ita iubente Iaslouiecio, magistro equitum campestri, cum id Augustum velle (cuius mors nondum diuulgata erat) dictaret, coactus fuit. Iam Iuonia omni turbulento statu Valachiae composito, eum pacatè obtinebat, tributum solitū Selymo pendens. ex his quoque supplicium, quos sibi aduersari videt, sumit: praesertim ex propinquis Bogdani, summo loco ortos, opibusque florentes, crudeliter contrucidat: fortunę suę impendentis immemor, paulo insolentius victoriam exercet. Erat Palatinus Transalpinae Valachiae, quem non mediocriter fortuna Petri fratris sollicitabat. Quare de eo anxius, Selymi purpuratos in regia prensabat, vt, quemadmodum Bogdanum Iuonia, fultus auxilio Selymi, ex Valachia eiecerat: sic Petrus adiutus auxilio eiusdem, posset Iuoniam

Iuonia Chocimum traditur.

Cōsiliū Palatini Valachiae Transalpinae.

eiicere. Quare eadem via purpuratos, qua olim Iuonia, aggreditur. & si Palatinatum Valachiaë apud Selymum fratri Petro impetret, se duplo maius tributum, hoc est, centum viginti millia nummum aureum, daturum pollicetur. Iuonia fidei esse suspectam, qui religione Mahometana spreta, iterum Christianam suscepit, ideoque Christianis apprimè faueat: foreque breui ut Bogdanum secutus, post ad amicitiam Polonorum se conferat, quorum auxilio adiutus, Turcicum imperium abiiciat. Purpurati, magnitudine tributi pellecti, ac hisce verbis moti, Selymo suadent ut missa legatione ad Iuoniam, ipsummet ad se venire iubeat, illique quem committeret, Valachia cedere. Quod si dicto ipsius minùs pareat, id se armis consecuturum. Selymus, qui ingenti cupiditate pecuniæ flagrabat, post profusum ærarium in classem quæ in Ionio mari à Venetis, post captam ab ipso Cyprum, in alto depressa fuit, ad id se facile pertrahi patitur. Quare legatum ad Iuoniam mittit,

*Purpurati
assumentur
Selymo.*

mittit. quem sic verba fecisse, quæ dies
 erat vigesima prima Februarij, cum Hē-
 rico Gallo à nostris Cracouiæ diadema
 imponeretur, accepimus: Selymus,
 Turcarum Cæsar, Iuonia, Palatine Va-
 lachia, me ad te tributarium suum, cum
 hisce mādatis, quibus te quàm primùm,
 nulla mora interposita, satisfacere vult,
 mittit, vt sibi tributum, non quale olim,
 sed duplo maius, nimirum cētum vigin-
 ti millium nummūm aureūm, mittas. Ni
 feceris, est alius qui idem se tributū ipsi
 sua cum posteritate daturū pollicetur.
 Sed Selymus, memor constantia, virtu-
 tis, fidei tuæ, non vult tibi in imperio Va-
 lachia molestus, si id tributum quam-
 primum mittes, esse. Quòd si id detre-
 ctas, cede alteri, ac è vestigio simul me-
 cum ipsemet, ad dicēdam causam, Con-
 stātinopolim proficiscere. Si tibi id mo-
 lestum est facere, Selymus me tibi de-
 nuntiare iussit, se cum firmissimo equi-
 tatu, alium ad occupandam Valachiam
 missurum. cuius voluntati si tu aduersa-
 beris, te ad extrema quæq; adducet: ti-

*Oratio legati
 Selymi ad
 Iuoniam.*

*Perturbatio
Ioannis.*

*Consultatio
Ioannis.*

bique non solum de regno, sed de vita
periclitandum erit. Hæc legati verba
in animum Iuoniæ, altius quàm quis
quam existimare potuit, ascenderunt.
Quare dissimulata animi egritudine, le-
gatum suos in hospitium deducere iu-
bet. rē esse maioris deliberationis, quàm
ut eadem die legato possit responderi
ac, cum ad totum senatum pertineat, eū
se extemplo conuocaturum dicit, ac ea
de re, tam ardua & difficili, cōsulturum,
quidque omnes animi habeant, se ei sta-
tim dicturum. Deducto legato in hospi-
tium, omnia postulata Selymi animo
pensat: gentem vniuersam Turcicam
esse perfidissimam, quæ Christianis
regibus fidem iuramento confirma-
tam (quamuis ipsemet Christiana fide
abiurata, nescio quo pacto iterum Chri-
stianus fuerit) non seruet, sed captata oc-
casionē eos in fraudem inductos fallat
decipiātque. Si id tributum, tam amplū,
in tāta inopia regni, quod ciuilibus bel-
lis exhaustum sit, concedat, eo Selymū
minimè contentum fore, sed illud inse-
quenti

quentianno aucturum esse, taléque demum exacturum, quale cum vniuersa gente non possit dissoluere: nec se iam tutum fore, exorto alio qui hæc impetrata sit facturus. Quare vniuerso Senatu ad se conuocato, in hunc modum ad eum verba fecit. Si vnquam de re ardua ac difficili vobis consulendum deliberandumque fuit, hoc certè tempore est. Nā Selymus incredibili auaritia æstuans, nescio cuius instinctu, non contentus eo tributo quod ei pendere soliti sumus, duplo maius à nobis extorquet. Si concesseritis, mea nihil refert: utpote cum non mihi, domino, sed vobis liberisque vestris pendendum sit. Quòd si id negamus, extemplo vim, bellum, direptionem oppidorum, incendia, rapinas denuntiat. In hac igitur inopia regni nostri, quod est vniuersum ciuilibus bellis exhaustum, quomodo ei illud dissoluere poterimus? Proinde quid omnes animi habeatis, exponite. Ego quidem illud animo prouideo, si tam amplum ac immensum tributum Selymo iam conces-


Oratio Iuonia ad Senatum.

feritis, minimè eum fore cōtentum, sed singulis annis maius exacturum, donec opes nostræ planè exhauriētur. Præstat igitur vitam pariter cum vxoribus par- uisque natis amittere, quàm tantum de- decus pati. Nec fortuna mea adeò an- gor: cū sciam illud vobis esse penden- dum, non mihi. Quare si hanc indecorā flagitiosāque seruitutem nō vultis pa- ti, omnes absque vlla cunctatione dici- te. Ego certè diligenter prouidebo atq; curabo, vt huic Ethnico cani, nō solum hoc nouum, tamque amplum tributum dem, sed ne vllum planè deinceps pen- dam, dummodo vos mihi non defueri- tis. Scio, collegæ carissimi, quid ego vo- bis debeam, quid Reipubl. vestræ: pro quorum salute ac incolumitate vitam meam profundere paratus sum. Hæc vbi dixit, tacitus mæror, ac insolitum si- lētium, vniuersum Senatum cepit: tan- dem tāquam graui somno expergefacti, fremunt. Seruitutem sibi à Turcis im- peratoribus multiplicari. Iuoniam non tam luculenter quàm verè de tributo loqui.

*Mæror Sena-
tus Valachie.*

loqui. Mori se malle, quàm tantum dedecus, summa cum turpitudine cōiunctum, pati. Proinde vxores, liberos, ac quicquid preciosioris supellectilis habeant, in arcem Chocimensem, cuius munitioni fidant, se importaturos, ac ibi omnia se collocaturos, pollicentur, seq; Iuoniae propriis sumptibus militaturos, hostique ad Danubium, qua parte ad se delendos veniat, vnà cum illo occursum, cum eoque ad vltimam dimicationem congressuros. quæ omnia se iureiurando facturos confirmant. Iuonia, omnium constanti voluntate cognita, paucisque verbis collaudata, fidem ac iusiurandum omnes inter se dare iubet, vt simul secum iunctis armis, Turcas ad internecionem persequantur. se verò etiam atque etiam diligenter curaturū, vt non solum influentes copias Turcarum, à ceruicibus Valachiae reiiciat: sed longè latèque eorum regno euastato, honestam pacem ac quietem vnà cum eis sibi comparet. Accepto ab omnibus iuramento, legatum ad se Selymi

C



*Iuonia legato
respondet.*

accire iubet: cui tale responsum audiente Senatu dat. Equidem pro veteri fide mea, quam datā Selymo domino meo conseruare solitus sum, de dando tributo libenter parērem, ni voluntatē meorum ab eo abhorrere scirem: qui quæq; acerbissima ac durissima ferre malint, quàm eam indecoram seruitutem, nulla ratione ferendam. Quare, cū id à meis nullo pacto extorquere queam, Selymū me, ne in malam partem accipiat, vehementer precari: cuius amicitiam mihi ornamento & præsidio, non detrimento esse velim. ideóque me ea spe Palatinatum Valachiaē ab illo & petiisse, & ob meam singularem fidem in ipsum, obtinuisse. Quæ spes ne me fallat, etiam atq; etiam oro. Hisce dictis legatum, nulla mora interposita, è finibus Valachie excedere, eūque nullis muneribus, uti alios legatos solitus erat, ornatum, equites Valachicos ad ripam Danubij deducere iubet. Quæ res ipsi haud mediocrē suspicionem attulit, Iuoniae animum esse à Selymo alienum. Iuonia, responso
dato

Iuonia legatum ex Valachia excedere iubet.

dato legato, ad comparandum exercitū
 continuò animum adiecit. vbi illico o-
 mnes pedites stipendio militari inauto-
 rati: quique equo stipendia merere soli-
 ti erant, ad Iuoniam conueniunt. qui iu-
 ramēto se iterum atque iterum obstrin-
 gunt, se cōtra Selymum, tam crudelem
 dominum, ad internecionem, supre-
 māmque dimicationem, pugnatu-
 ros, omniāque potiùs, patriā, vitam, vxores,
 carissima pignora liberos, amissuros,
 quàm Palatinum suum deserturos. Tri-
 butum autem se statim exacturos, in id-
 que collatu-
 ros, vt Iuonia equitibus Po-
 lonicis, quorum tum maxima opinio
 virtutis esset, militari stipendio inauto-
 ratis, expedita opera eorum in bello cō-
 tra Selymum vtatur. Quo cōsilio Iuo-
 nia auidē arrepto, credidit illos fideles
 erga se fore. Itaque legatum suum Cra-
 couiam ad Henricum & vniuersum Se-
 natum, eum de statu rerum Valachica-
 rum certio-
 rem faciens, mittit, in quo
 periculo constitutæ sint demonstrans,
 auxiliūque ab ipso petens. sibi enim

*Iuonia exerci-
 tum cōparat.*

*Legatio Iuo-
 niæ ad Henri-
 cum regem
 Poloniae.*

cum Selymo acerrimum bellum fore. Reges Poloniæ cum Palatinis Valachie semper fœdus religiosissimè conseruasse, ac eos contra Turcicos imperatores defendisse, semperque hos regum Poloniæ cliētes fuisse: ob eamque causam tanto temporis spatio regnum Poloniæ saluum ac incolume stetisse. alioquin, Valachia armis Turcicis occupata, statim regnum Poloniæ in summo discrimine futurum. Nunc se regem maximopere orare, non vt aliquo conducticio milite se iuuet, sed vt Camienieciæ, Leopoli, passimq; in reliquis oppidis, per præconem proclamare iubeat, quicumque in Valachiam ad accipiendum stipendium militare proficisci velit, Palatinum tantum ei stipendium numeraturum, quantum ipse poscat. plus enim apud se omnium incolumitatem, quàm impensas valere. Hisce Henricus auditis, se luoniam nullo auxilio posse iuuare respondet, nec cuiquam, vt ad promerendum stipendium in Valachiam proficiscatur, permissurum. idq; ideo quòd

Henricus Palatinus respondet.

quòd supra centum annos antiqua fœ-
dera regibus Poloniae cum Turcicis im-
peratoribus sint. Iuonia tristi nūtio ab
Henrico de denegatis auxiliis perturba-
tus, fit à suis certior, leuem armaturam
equitum Polonicorū, qui ad Borysthe-
nem & Ponti ostia, causa prædæ acqui-
rendæ degunt, esse: gentem tot bellis in-
duratam, vt eis ad vincendum nihil ar-
dui sit. iam eos domum nulla præda con-
secuta regredi velle. ad eos igitur subito
internuntios mittendos censent, vt ad i-
psam in Valachiam veniant, qui eis pa-
ratum stipendium, quantum velint, dis-
soluturus sit, modò opera eorum cōtra
Turcas, quos ipsi etiam oderint, vtatur.
vim totam belli in eo equitatu sitam ef-
se. Iuonia consilio suorum arrepto,
subitò vnum atque alterum internuntiū
ad illos ipsos equites (qui velites optimo
iure nominari possent, eò quòd nusquā
in loco certo consistunt, solūm abacta
hostili præda, huc illuc per loca hostiū
auia, abdita, occulta, vastamq; eorum
regionem euagantur) mittit, vt ad se

quamprimum veniant: esse quod cum eis de rebus eorum loqui velit. Quòd si quas occultas insidias pertimescant, eis apertè denuntiare iubet, Palatino graue bellum cum Selymo Turcarum imperatore imminere, quod cùm gerendum suscepit, si stipēdio militari in auctorari velint, Palatinum velle eis, non solùm in vnā partem anni, aut semestrem, sed & singulis diebus tantum constituere quantum ipsi poscant. Quæ cùm ad aures Colacorum (sic enim ij velites à nostris vocantur) ab internuntiis perlata fuissent, nihil de Henrico rege cogitantes, id iter suum in Valachiam voluntati ipsius aduersari, ex illis ipsis patentibus campis ad Palatinū in Valachiam proficiscuntur. qui de more, gloriæ ac prædæ tam sibi quàm heris suis acquirendæ causa, in illos vastissimos campos, permissu suorum herorum excurrunt, ut aliquo numero Scytharum vel Turcarū comprehenso, quid in solo eorum agatur, vel quæ consilia hostium sint, scire possint. Nam quāuis Turcæ ac Scythæ

pacem

Velites in Valachiam proficiscuntur.

pacem cum regibus Polonię seruare videntur, eiusdēque volunt cupidi videri: tamen ingenti manu suorum coadunata, solum Podolicum ac Russicū effusē depopulari, magnāque damna inferre solent, ni subito velites eis occurrant, ac nonnulla manu suorum subnixi, numerosas eorū copias fugent. Erant autem ij præcipui ductores velitum. Suierceuius habuit sub signis ducentos equites, vir omnibus artibus, pariter militaribus, instructus, viribúsque pollens. Barsanus ducentos duxit. Braßlaviēsiū quoque erant ducenti. Hi sese omnes Suierceuij imperio commisere, nec sine ipsius voluntate cum hoste cōgredi aucti. Cossouius quoque ducentos duxit: Stusenius itidem: Iancius centum, Socolouius totidem. Qui omnes in Valachiam simul ad Palatinum omni metu deposito, profecti fuere. Postquam igitur velites fines Valachię attigere, de his Iuonia edoctus, extemplo, qui eos honorificē nomine suo, ac liberaliter exciperent, com meatūque ac rerum

Ductores exercitus Kosacorum.

*Iuonia ad ve-
lites proficisci-
tur.*

omnium copiam, quæq; ad victum ne-
cessaria essent, liberaliter suppeditarent,
mittit. Cùm ad secūdum lapidem à ca-
stris Iuoniæ velites cum ductoribus Va-
lachicis abessent, de eis Iuonia certior
factus, ipsemet cum pulcherrimo equi-
tatu, adiūctis sibi aliquot ex Senatu, ob-
uiam eis proficiscitur: vt se exhibito, ani-
mique sui in eos voluntate declarata, il-
los pòst obsequentiores haberet, ac ad
quæuis pericula adeunda alacriores. Vbi
in conspectum eorum venit, præ nimio
gaudio, paucis verbis salutados, singul-
tus vi lacrymarum impediēte, ne ver-
bum quidem proloqui potuit, sed secū
ductoribus illorum acceptis, eos sese in
castra comitari iubet: vt militari conui-
uio exceptis, pòst cum eis de periculis
imminentibus suis, de bellóque sibi Se-
lymi ingruente, liberiùs loqui possit, re-
liquis se sequi iussis. Vbi in castra vètum
est, bombardarum maiorum artifices
ingētem boatum edere iubet, sic vt cœ-
lum sonitu resonare, terra strepere visa
fuerit. Postquam satis concentui datum
fuit,

fuit, tot pedites è numero suorum, quor equites velitum erant, egredi iubet, vt singulorum equis acceptis, quod satis pabuli esset, darent, eosque curarent. Hisce ita imperatis, Kosacos non certè militari prandio, sed magnifico ac copioso conuiuio excipit. Ductores illorū *Iuonia velites tractat.* suosque proceres, secum in tabernaculum, quod in patenti campo erectum erat, ducit, eosque secum epulari, vbi & Senatus erat, cogit. Reliquos Kosacos in alia tabernacula ductos simili ratione tractare iubet. Postquam epulæ remotæ fuere, iubet aliquot argenteas patinas nummis aureis onustas afferri, ac ex eis tātum ductoribus Kosacorum, eorumque ministris apponi, quantum satis esset: dictitans, id eis eo nomine se largiri, vt longinquitate itineris fatigati, in balneis lauent corporaque curent. Illi pariter pudore ac quadam admiratione defixi, se accepturos negant. Sed vi coacti, ac precibus non solū Iuoniæ, sed & procerum Valachicorum fracti, accipere, gratiisque actis pro tanta in se mu-

nificentia Iuoniæ, omnes assurgētes, in conspectu eius steterē. Ille dextra eis ad læuam partem castrorum suorum, quæ in proximo erant, vt ibi stationem haberent, innuit. Deinde mittit eis sex grādia vasa vini generosissimi, sexcentosque taleros, vt illud in memoriam nominis sui exhauriant. Nam alioquin illi militi aqua solū in illis vastis solitudinibus perpetuus potus est. Ad hæc parochos iisdem, ne quid omnino tam ipsis quàm ipsorum iumētis desit, addit. Appropinquante luce, ipse met ad ductores velitum venit: quos, vt in tabernaculum suum veniant vnā cum comitatu suo, orat. esse quod ad eos de summa rei referat, & quid eos facere velit, omnibus exponat. Qui vbi alacres venerē, talem orationem ad eos lingua Polonica habuisse dicitur. Si de vestra fide, virtute, constantia, fortissimi equites, certò mihi non persuasissem, nunquam hoc difficili ac periculoso tempore, vos procul è patria vestra euocassem. Sed cū hæc omnium constanti ore celebrata fuisset,

*Iuonia ad se
Kosacos accit.*

*Oratio Iuo-
niæ ad Kosacos.*

fuisset, vos huc euocaui, vt mihi operam
vestram & industriam, in hoc bello ge-
rendo contra Selymum, infensissimum
hostem, præbeatis. pro qua nauata si vo-
bis certum stipendium militare consti-
tuere velim: non mediocriter pertime-
sco ne meritis vestris minùs dignũ præ-
mium detur. sed, quicunque successus
nostri contra hunc teterrimum hostem
erunt, omnia vobis, milites, à me largè
suppeditabuntur, commeatus, pecunia,
equis pabulum, ac id genus alia ad eam
rem pertinentia. Ego vos, pristinæ virtu-
tis memores, ita vos gesturos esse hoc in
bello arbitror, prout de vobis omnium
opinio est, ac eam in animo meo exci-
tastis. Vobis autem summas perpetuas-
que gratias & ago & habeo, quòd ad
me, hominem Christianum, ipsi etiam
Christiani veneritis. quorum volùtatis
erga me, semper gratum ac memorem
me fore polliceor. Qui etsi pro magni-
tudine periculi mei pauci estis: tamen
non minùs mihi gratus est conspectus
vester, quàm si duodecim millia mihi in

auxilium aliunde missa fuissent. Quare,
qualecunque stipendium volueritis, id
me vobis dissoluturum recipio. Nec vos
vires Turcarum ita animo pensare ve-
lim, quasi à nobis vinci non possint. Fa-
teor eos hætenus miro successu vfos
fuisse, qui à sordidissimo initio orti, in
tantam amplitudinem peruenere: sed
quæ ab eorum perfidia, nõ virtute, pro-
fecta, summo cum scelere coniuncta sit.
Fateor item Deum immortalem con-
fuisse, quò grauius homines ex com-
mutatione rerum doleant, quos pro sce-
lere eorum vlcisci velit, his secundiores
interdum res & diuturniorem impuni-
tatem concedere. Sic Turcæ si hætenus
felici successu vfi sunt, id ita volente ac
permittente Deo factum est, vt quanto
altiùs ascenderunt, tanto grauius corruant.
Plura loqui me vis lacrymarum non pa-
titur. Qui sit animus erga vos meus, vos
optimè & perspicere & intelligere pos-
se video. Quemcunque casum fortuna
inuexerit, hunc vobiscum communem
ducam. Hæc proloquuto Suirceuius
pauca

pauca pro omnibus militari ac rudi ser- ^{pro omnibus}
mone sic respondisse dicitur: Non sti- ^{luonia re-}
pendium tuum, luonia, vt ad te venire- ^{spondit.}
mus, nos pellexit: quod nos semper pro
minimo duximus: sed potiùs virtus no-
stra singularis, vt contra hùc fœdissimũ
ac acerrimum Christianorum hostem
pro incolumitate tua dimicemus. Sti-
pendium non curamus. qualis tandem
fortuna nostra futura est, exitus belli
declarabit. satis à te remunerati videbi-
mur, si hoste tuo intra fines regni hisce
nostris dextris represso, honestam pacẽ
cum eo habueris. Tu verò quid postea
nobis præstare debebis, fortuna nostra
id te docebit. Nec vires Turcarum hor-
remus: quorum successus quales tãdem
adhuc erunt, eos diuinæ prouidentiaẽ iã
committendos cẽsemus. nos in hostem
intenti erimus, vt eum à iugulis tuorum
auertere possimus. Oratione Suierce-
uij luonia confirmatus, ductores Kosa-
corum secum prandere iubet, quibus
epulum dat: alteram mensam Logafe-
tus, Veremias magister equitũ, cum re-

*Indignatio
Selymi in
Iuoniam.*

*Exercitus Pa-
latini Trans-
alpinae Vala-
chie contra
Iuoniam.*

liquis Senatoribus occupat. Hæc acta sunt vigesima die Martij. Cæterum Selymus audito responso Iuoniæ, simul ira indignationeque accensus, (quam legatus amarulentis verbis, eò quòd nulla munera à Iuonia acceperat, auxit) sine mora Palatino Transalpinæ Valachia triginta millia Turcarum, duo Vngarorum mittit, vt coadunata suorum manu, Iuoniam capiat, eoque ad se misso, ipse totam Moldauiam occupet, in eaque Petrum, fratrem suum, Palatinum constituat. Is mandato Selymi alacriter suscepto, suisque ad arma conuocatis, simul cū Turcis ac Vngaris flumen Moldauiam tranat. Erant ferè omnium centum duo millia fortissimorum virorum. Qui non solùm Iuoniam è Valachia eicere poterant, sed & quemque fortissimum regem bello laceffere ac vincere. Hinc nocturno diurnoque itinere fatigati, vt tam sua quàm equorum corpora reficerent, nil de Iuoniæ inopinato aduentu suspicati, in loca herbida, quæ supra flumen latè patent, equos effusè euagari

gari patiuntur. Interea speculatores ad luoniam prandentem veniunt: flumen Moldauam maximam vim hostium transisse, quibus Turci simul cum Vngaris intermixti sint: nec eorum certum numerum sciri posse, sed supra cētum milia esse suspicari. nunc omnes equis in pascua leta missis, se quieti dedisse. Quos si luonia cum parata suorum manu aggre-
diatur, facilè ad vnum deleri vinci-
que posse. Hæc tanta alacritate animi à luonia audita fuere, vt Suierceuium cum suis confestim præcurrere, datis ei sex millibus Valachorum, qui linguæ Turcicæ gnari, omnia certiùs cognosce-
rēt, iusserit: ipse met verò cum suis, quoniam paulo onustiores armis erant, subsequitur. Suierceuius omnes orat, vt, si leta ex hoste victoria potiri velint, quanto silentio possint, ad hostiū castra nullo clamore dissono aut tumultu edito perueniant. Hisce ita inter se compositis, in speculatores Moldauorum, qui supra castra suorum stationes, ne quis impetus in quietos fieret, agebant, incidit.

*luonia fit de
hostibus cer-
tior.*

*Capiuntur
speculatores.*

Erant verò hi quadringenti: qui omnes à Kosacis circumuenti capiuntur. Quos primò benignè, demum minaciter alloquuntur, quid consilij hostes habeant, vbi sint, quid agant: si indigna nolint pati, vt exponant, cogunt. Illi suppliciter & ingenuè, præsentis periculi metu perterriti, fatentur, Valachos Transalpinos pariter cum Turcis, quibus intermixti Vngari sint, non tam longinquitate ac difficultate itineris fatigatos, quieti se dedisse, ac corpora curare, quàm vt Iuoniam vegetiores inopinatum aggrediãtur. Quos si iam securos ac omni cura dissolutos inuadat, eum facilè cõpotem victoriæ futurum. Valachorum Transalpinorum non esse ampliùs septuaginta millia, Turcarum triginta, Vngarorũ tria. Hisce Kosaci cognitis, subitò ad Ioannem nuntios mittunt, in quo statueres hostium sint, eum certiolem faciũt: vt cum suis maturè (in manu enim victoriam esse) appropere. Ipsi verò non procul ab hostium castris, duabus horis stationes vigiliãsq̃ taciti agunt, ne vs-

*Iuonia de statu
hostium
cognoscit.*

quam

quam hostis commoueatur, aut quicquā incipiat. Quæ ubi celeriter ad Iuoniam perlata fuissent, statim ipsemet adest, Suerceuiumque suos disponere, ac quamprimum cum hoste configere iubet. Ipse verò, quoniam multitudine abundabat, sua acie in lōgitudinem extensa, tribus ex partibus hostium castra, omni præsidio nudata, aggreditur. Suerceuius parte ab altera cum suis citatissimè ad hostē, antequam Iuonia accessisset, peruenit: ibique sublato clamore, castra hostium inuadit. Hostes, ignoto & horribili sonitu repentè excitī, neque fugere, neq; arma capere, neque omnino facere aut prouidere quidquam poterant. Ita cunctos strepitu, clamore, & nullo subueniente, Kosacis instantibus, tumultu, terrore, formidine, quasi vecordia ceperat. Ecce tibi in tanta strage hostium subito Iuonia cum suis adest: qui & ipse stratos ac perturbatos egregiè cædit. Fugę nusquam locus est. Nam Moldaui procul equos à se in pascua abegerant, nec quomodo fugerent habe-

*Stratagema
Iuoniae.*

*Prima cades
hostium.*

*Fuga Palati-
ni cum fratre
Petro.*

bant. omnes nudi inermesque hosti, ad
primos successus victoriæ exultanti, iu-
gulum præbent. Fit totis castris plâctus
gemitusque. Ex tanto numero hostium
nemo, præter Palatinum Transalpinæ
Valachiæ, vnà cum Petro fratre, quem
in Valachiam fretus tantis copiis dedu-
cebat, fugit. Hi igitur, conscensis equis,
qui in tanto periculo vix eis oblati erant,
pernicibus, per lacum qui ex Danubio
oritur, tranant, peruenerêque ad arcem
Brailouensem ad præfectum Selym
reliqui omnes ad vnum cæsi, alitibusque
obiecti. Tum spectaculum fuit horribi-
le. in campis patentibus omnes viri affli-
cti: ac multi vulneribus acceptis, neque
fugere posse, neque quietem pati, nisi
modò, & statim concidere. Postremo,
omnia quæ visus erat, constrata telis, ar-
mis, cadaueribus: & humus infecta san-
guine. In castris multum opulentiæ re-
pertum fuit: quæ Iuoniæ omnis cessit.
quam ille militibus, in primis verò Ko-
facis dat, qua plurimùm ditati fuere.
Iuonia in iisdem castris quatríduū mora-
tus,

*Castra ca-
piuntur.*

tus, vt suorū corpora cæde hostium defatigata, viribúsq̃ exhausta reficeret, cadauer Palatini ac fratris Petri summa cura requirit. Quo haud reperto, rectà exercitum in regionem Palatini Valachiae Transalpinæ inducit: castella oppidáque & natura & viris parum munita, adgreditur: quosque obuios nulla fœminei sexus ratione habita, necare, puberes interficere, villas & vicos pariter cum oppidis igne succendere imperat. Triste ac miserum ibi spectaculum fuit, cùm illam partem Valachiae Transalpinæ omnes fumantem ac flamina relucentem aspiciebant. Trahebantur senes ad cædem, rapiebantur parui pueri ad necem, matronæ pariter cum virginibus stuprabantur: quæque crudelissima & acerbissima perpetrabantur. Iuonia vniuersos laudat, atque agit gratias: hortatur ad cetera quæ leuia sunt, parem animum pro victoriã gerât. fatis iam pugnatum: reliquos labores pro præda fore. Hactali populatione victor exercitus ad Transyluaniam, siue Sedmigro-

Iuonia Palatini ditionem vastat.

densam regionem, peruenit: visaq; Brasouienſi arce, iter ad inferiorem Danubij ripam deflexit. Ibi cognoscit Palatinum Tranſalpinæ Valachiæ vnà cū Petro fratre eſſe in arce: itaque protinus aduerſum illud oppidum ſuos ducit. Eſt ciuitas Braſouienſis ſupra Danubium ſita: quæ arcem per commodam habet, & natura loci & firmo præſidio benemunitam. Ibi Iuonia non procul ab oppido Brailouia arcéque, naſtus locum per commodum comuniendis caſtris, ſic vt ex arce tormentis muralibus nulla ratione infeſtari poſſet, aberat. Hinc ſcribit literas ad præfectum arcis, eâſque duobus captiuis Moldauis perferēdas committit: quibus illum orat vt Palatinum Tranſalpinæ Valachiæ, per enem hoſtem ſuū, vnà cum Petro fratre, qui ob nullum iplius maleficium bellum ipſi intulerint, ac poſt infeliciter tentatum prelium ad eum ex acie fugerint, ex templo ſibi tradat: alioquin ſe exercitū ab oppido non remoturū, donec vi adactus eos dedat. Ad has literas ſic præfectus arcis, per quatuor

Caſtra Iuoniae ad Brailouiam.

quatuor Turcici sanguinis, (quorū duo oppidani erant, duo ex arce domestici) respondet, ac simul Iuoniæ decem globos grandes tormentarios, totidem minores cum duabus sagittis mittit. Audio te, inquit, ministrum esse Selymi: ideo rationem tui habeo. eos minimè apud me esse, quos petis, nego: sed cū ad aures meas perlatum fuisset, te ingentem multitudinem exercitus Cæsaris cecidisse, qui mādatis ipsius parentes, in Valachiam Petrum fratrem Palatini Trāsalpinæ Valachiæ deducebāt: edico tibi, nisi hinc obsidionem quamprimum solueris, huiusmodi ferculis cum tuis pascēris: quibus vnā cum exercitu tuo satiatus, pōstruētabis. Hoc tale respōsum tantam Iuoniæ indignationem mouit, vt illis ipsis internuntiis quatuor comprehēsis, naribúsque eorum simul cum labiis ac auribus præcisiss, pedes singulorum sursum versos longissimæ trabi ferreis clauis affigere iusserit, cōsque terrā capitibus attingentes ante oppidū sclopetarios ferre abiiceréque imperarit.

*Responsum
præfecti arcis.*

*Iuoniae indi-
gnatio in in-
ternuntios.*

*Nouum ge-
nus crudeli-
tatis.*

Horrendum id omnibus spectaculum fuit: quo Iuonia prefecto arcis demonstrare voluit, eum similem exitum una cum profugis manere. Hoc tali tristi exemplo edito, nulla mora interposita, pedites scalis in eum usum paratis, admotis, moenia urbis clamore sublato conscendere iubet. Nec consilium euentus moratus est. Nam pedites tanta celeritate sese sub moenia oppidi insinuauere, ut priusquam oppidani sese ad resistendum opponerent, euaderent in murum. quo diruto, totus exercitus in oppidum irrupit. Ibi ingens caedes Turcarum facta fuit, nemini parsum. ubi ex caesorum cadaveribus sanguis instar riui in Danubium profluxit: parui pueri ab vberibus matrum abrepti, vagientes occisi. Quatriduum ibi in caedibus perseueratum est: in locis abditis ac occultis latitantes homines quaesiti, ex latebrisque ad caedem tracti: tota urbs direpta, ac per iram incensa, nullo hominum, ac ne canum quidem inter incendia ruinasque relicto. Plurimum ibi auri, argenti, pecuniae signatae,

Celeritas peditem,

Capitur oppidum, ac caedes ingens.

gnatæ, vnionum, margaritarum, reper-
 tum est: quæ omnia prædæ militum ces-
 sere. Erat ea ciuitas in illis locis omnium
 opulētissima, eò quòd post occupatam
 à Turcis Græciam, multum diuque in
 pace vixit: qua parta, nullo motu belli
 cōquassata, supremam tum cladem ad-
 iit. Nam à victore hoste ne vna quidem
 domus integra relictæ fuit. omnia euer-
 sa ac solo adæquata fuere, præter arcem,
 quæ omni præsidio vrbis nudata, sola re-
 lictæ fuit. Ad quam capiendam Iuonia
 suos admouere voluit, ni à præsidio, quo
 arx validè firmata fuit, clades pœniten-
 da subeunda foret. Interea Iuoniæ in
 direptione vrbis occupato, speculatores
 adsunt, qui ipsum certiores faciunt,
 quindecim millia Turcarum magnis iti-
 neribus in subsidium arci Brailouien-
 si venire. Quibus ille cognitis, ac nihil tãta
 multitudine hostium territus, cōfestim
 Suierceuium cū Kosacis, additis ei octo
 millibus equitum Valachicorum, con-
 tra illos mittit. Ad quos vbi is præprope-
 rè aduolasset, nullo illis spatio ad recol-

*Funditus de-
 letur vrbs.*

*Victoria Sui-
ercej.*

ligēdas vires dato, cum eis alacriter pre-
liū init. Omnes occisi ac perempti, præ-
ter mille equites, quos fuga subtraxit.
Quibus Suierceuius insecutis, multos
pallat & cædit. Qui cædi supererant, fu-
ga ad arcem Teinensem, quæ ditionis
Turcarum erat, delati sunt. Erant in pro-
ximo, non procul ab illa ipsa arce, Tur-
carum copiæ, quibus agmina Scytharū
intermixta erant. Subitò Suierceuius
ad Iuoniam cum læto victoriæ nuntio
mittit, certissimam ex hoste victoriam
pollicens, modò omiſſa oppugnatione
arcis Brailouiensis, cum omnibus co-
piis absque mora adsit. Ille, tã læto nū-
tio accepto, arce Brailouensi neglecta,
cuius expugnationem & sibi difficilem,
& periculofam esse sciebat, ad Suierce-
uium celeriter venit. Quocum consiliis
communicatis, simul illas ipsas copias
aggressi delent, & ad internecionē dant.
Hinc ad oppidum Teimense exercitus
admotus. Quo facilè, sine vllō oppu-
gnationis labore, & expugnato & ca-
pto,

*Alia copia
Turcarum.*

*Iuonia ad
Suierceuium
venit.*

pto, omnes oppidanos, pariter cum foeminis, crudeliter, ne vno quidem ex tanta multitudine relicto, necat. Hosce Iuoniae successus Suierceuius cum suis Kosfacis adiuuabat. Nam primus semper cum Turcis hastatis prelium inibat. in prima fronte equites cum tormentis manuariis locabat: quorum horrendo sonitu, crebrisque ictibus globorum, semper Turcarum aciem non mediocriter turbabat. A dextro cornu eis sagittarios opponebat: qui graduine sagittarum immissa Turcicas acies vulnerabant. A laeva parte erant locati qui erectis breuioribus lanceis, in omnem occasionem intenti, Turcas eis confodiebant. Quos Suierceuius ab his conturbatos, caedi Valachorum obiiciebat. Interea sexcenti Kosfaci oppidum Bialogrodenfe versus, quod est ditionis Turcarum, citato agmine proficiscuntur: quo direpto ac successo, dimidiata pars ipsius foedo incendio conflagrauit. Plurimum ibi praedae non ignobilis repertum fuit: qua militi obie-

*Oppidum à
Iuonia capi-
tur.*

*Stratagema
Suiercenſis.*

*Iuonia exer-
citus quiete
reficit.*

Etā, multum ea ditatus fuit. Iuonia ve-
rò cæde Turcarum fatigatus, læta quie-
te, non procul ab arce Teinicensi, quam
nudam in patētibus campis reliquerat,
per octiduum suos reficiebat. Vbi iterū
repētē fit certior, Turcarum simul cum
Scythis aliquot agmina, ab oppido Bia-
logrodēsi proficisci, qui in proximo Iuo-
niam cum exercitu adesse ignorantes,
dispalati huc illuc, reperto vado trana-
bant. Quos procul Kosaci conspicati,
orant Iuoniam vt ipsis potestatem illos
inuadendi pallandique det. Ad quos sic
Iuoniam verba fecisse, vt autor est Bar-
tholomæus Paprocus, intelleximus.
Vestra incredibilis, Poloni fortissimi,
virtus facit, hîcque ardor pugnandi, et
vestri successus, vt vobis nolim quicquā
à me denegatum esse. Ite Deo comite,
proficiscimini felices: hostiūque ex-
ercitus, vt vsu edocti estis, cædite. Tibi
autē, Suierceui, hic totus exercitus cure
fit: quos ita contra hostem instrues, pro-
ut occasio rerum gerendarum postula-
bit. Hæc vbi dixit, Suierceui o tria mil-
lia

*Iuonia oratio
ad Kosacos.*

lia Valachorum, ut eorum opera contra hostem utatur, addit. Quibus ille acceptis, ei gratias agit, quod de se tantam opinionem habeat: quam ne fallat, se etiam atque etiam diligenter curaturum. Acceptos igitur Valachos cum Kosacis non miscet, sed ab agmine suorum remotos, ex eis novam aciem quandam post terga Kosacorum instruit. Suos vero illos ducentos mille Kosacos, in tria agmina disponit. Quadringentos in prima fronte scutis rotundis tectos locat, ac hastatis Turcis obiicit. Ipsemet sibi dextrum cornu cum sagittariis quadringentis sumit. In laevo totidem cum lanceis missilibus locat. Turci eorum paucitatem conspicati, eamque praese contemnentes, prelio sese expediunt. Qua visare Suierceuius equites, quos in prima acie collocauerat, tormenta in eos displodere iubet. Quibus turbatis nimbo sagittarum, in eorum agema suis immixtis ex laevo latere, eos hastis vrgere iubet. Sic illi anticipati prelio distenti, (nam in unicum tantum agmen coadunati erant) egregie

*Suierceuius
Iuonia re-
spondet.*

*Committitur
pugna.*

*Victoria ve-
litem.*

à Kosacis cæduntur: quibus, qua vi pos-
sunt, Turcæ simul conglobati resistunt.
Ab initio ferè horam anceps preliū ste-
tit: donec Valachi, post velites à Suierce-
uio dispositi, intenti in pugnam, vegetes
animo ac corporibus, haud secus quàm
diu retentæ feræ concitati, cum ingenti
clamore ad velites aduolant. qui maxi-
ma vi in agema Turcarum turbatum
incurrunt, eosque omnibus ex partibus,
quibus pedites intermixti erant, aggre-
diuntur. Pedites nunc equis crura succi-
dunt, nunc ilia suffodiunt: qui in fugam
dissipati, omnes fermè terga vertunt, à
velitibusque cæduntur. Ex quibus so-
lùm tres desiderati, ex Valachicis centū.
sic Polonis paruo tum insignis victoria
stetit. Iuonia ex longinquo tam inclytæ
victoriæ spectator fuit. Hostiū castra cū
impedimentis & capta & direpta fuere.
plurimum ibi prædæ inuentum: quæ vi-
ritim militi distributa. Capti erant ho-
stium ducenti: qui omnes ad Iuoniam
tanquam pecudes adducti fuere. Quos
is inter pedites sclopetarios pellere iu-
bet:

bet: qui omnes ad vnum, falcibus maioribus, quibus fœnum secari solet, in frusta conciduntur. Dux illius victi exercitus, in potestatem Polonorum venit: homo tantæ opulentia, vt sexies se librari *Opulentia ducis.* atque redimere, modò ne Palatino viuus traderetur, voluerit, bis auro in altera statera posito, ter argento, semel margaritis. Fuit egregia ac proceræ staturæ, ad promerendamque gratiam habilis. Sed apud Polonos plus fides quam Iuonia dederant, valuit. Nam antè ex tot spoliis Turcarum, auro & argento satiat, omnes pollicitationes eius flocci pendentes, cum viuum in potestatem Iuonia tradit. Quocum ille per aliquot dies colloquium de rebus Turcicis habuit: posthac cum peditibus membratim dissecandum obiicit. Hinc ad Vssam oppidum suum copias mouit: vbi tot preliis fracti exercitus vires refocillauit. Interea Selymus, Cōstantinopoli tot Iuoniae victoriis perturbatus, ac territus ne *Selymi terror.* planè Valachia exueretur, ac è Græcia (quod illi, opinor, cōtigisset, ni defectio

*Proponit se
de origine Sa-
racenorum
ac Turcarum
dicturum.*

Czarnieuiacij ad Turcas obstitisset, pelleretur: cum suis Deo more suo supplicat. Nam Turcæ peculiarem religionem, à Muamede, seu Mahomete, hinc ab anno Christi millesimo supra vigesimum, quam Mahometes Saracenis anno Christi sexcentesimo vigesimo tertio obtruserat, acceptam habent. Ne verò quis Saracenos & Turcas eiusdem stirpis aut originis esse existimet, nonnulla mihi de origine vtriusque gentis esse dicenda videntur. Saraceni longe sunt vetustiores Turcis. Ij sedes suas, regnante tum Lechone apud Polonos, in ea parte Arabiæ quæ Petræa dicitur, habuere, vocabanturque ab incolatu loci Arabes: stipendiūque sub Heraclio, tū bellum cum Costrea rege Persarum gerente, merebant. A quo, stipendio militari exautorati, vt ignominiam nomini suo iniustam vlciscerentur, Mahometo se adiungunt. qui Meccæ, in vrbe opulenta, in tātō diffidio Christianorum de religione, adiutus à Sergio, monacho factionis Nestorianæ, à Christianis diuersa

uersa docere cœpit. Arabes enim vana opinio Ara-
 opinione ducti, se vnicos mortalium ef- bum de sua
 se à Sara, vxore Abrahæ, genitos, regniq; stirpe.
 cælestis legitimos hæredes, opinati sunt.
 quorum opinioni Muamedes assentiē-
 do, eos ad se pellexit. Vtq; militarem di-
 sciplinam inter eos cōstitueret, multitu-
 dini decem duces, ex nobilioribus, po-
 tentioribus, ac sibi affinitate iunctis, præ-
 fecit, eamque in cohortes ac centurias
 distribuit. cuius viribus adiutus, Meccā,
 urbem in Arabia opulentam, demum a-
 liquot oppida capit, ditionisque suæ fa-
 cit. Hinc facile tota Arabia potitus, ve-
 nerabilem se tot populis præstitit. Post
 cuius mortem, apud Saracenos, pontifi-
 ces ad Caliphum, seu Mustacenum, in
 Perside potentes fuere. Hinc Africa po-
 titi, pariter cum magna parte Hispaniæ,
 sæpe Siciliam, quondam populi Roma-
 ni, victoris tot gētium, prouinciam, Ita-
 liam, Galliam, infestarunt. Quorum au-
 daciam Carolus Magnus armis vix re-
 pressit. Pòst, anno Christi nongentesi-
 mo supra octogesimū primum, vel pau-

Potentia Sa-
 racenorum.

lo plus minúsve, Scytharum multitudo, qui præ cæteris ad orientem vergunt, circâque Tanaim sedes suas habent, domo profecta, sine duce, sine legibus, vagi dispalatique, ex raptu prædâque aliquandiu vixerūt: donec Persas, qui tum Saracenis subiecti erāt, bello adorti, eorum urbem magnam & opulentā, Turcē nominatam, occuparūt: à qua se post eodem nomine Turcas, seu Turcos, dici voluerunt. De Turcarum origine alios diuersa tradidisse video: quos aiūt ex Caucasi portis egressos, primū finitimas gentes, & in his Armenios, inuasisse: inde minorem Asiam, ab hinc anno Christi octingentesimo quadregesimo quarto, ab eis occupatā fuisse. Quæque ipsi de se memorant, non omnino diuersa à superioribus esse videtur. quorum hæc sententia est. Gētis autores sue, ex Caspiis montibus ac finitimis pulsos, in Persidem & minorem Asiam descendisse: nec prius apud eos regiam familiā cœpisse, quàm sint è Scythia profecti, cū antea sine duce, sine legibus viuerent.

*Asia à Turcis
occupatur an.
Christi 844.*

rent. Inde (vt sunt humanarum rerũ vi-
ces) ex cuiusdã Othomani successu, ce-
lebrari vnã familiã cõtigisse : ex qua
reges, demum Cæsares creare confue-
uerint, & hodie creẽt. idque ita accidisse
memorãt, vt tres numero fratres, in am-
pla & regia fortuna à patre relictĩ, cùm
vicissim imperitare cœpissent, siue pu-
dore impediẽte, siue metu, quum parũ
tutum esset nõ cedere ætati : duo mino-
res natu, Aleus & Othomanus, regno
maiori fratri relictõ, domo vterq; cum
manu sua profecti, hic Cappadociam,
Galatiam & Bithyniam occuparit : ille
Caramaniam, Lycaoniam, & eas terras
quæ Tauro adiacẽt. Et hæc Turci de se
memorant : quibus perbellẽ se Scythas
esse fatentur. Cælius Curio, qui Sara-
cenicã historiam scripsit, de origine
gentis, eorũq; regibus prorsus diuersa
trahit. qui vult Turcas originem stirpis
ab Hunnis sumere, nec apud eos tũ pri-
mũ Othomanum regnasse, sed longẽ
antẽ, ante Trangolipicem Mucaletum.
Etenim Saraceni, in aliquot factiones

*Sententia Cæ-
rionis de ori-
gine Turca-
rum.*

*Trangolipix,
primus rex
Turcarum.*

principum, qui tum totā Persidem pariter cum Africa obtinebant, diuisi, inter se domestica bella gerebant, seseque ciuili ferro confodiebant. orto igitur bello inter Muhumetum, qui tum in Perside regnabat, & Babylonium Calysam, Muhumetes ad se Trágoplicem, qui è Caucasimōtis angustiiis cum Turcica multitudine egressus, circa fines Persarum vagabūndus degebat, accersit. A quo adiutus, Calysam facilè vincit superatque. Turcæ igitur, ex Perside cum duce suo regredi volentes, transitumque sibi tutū per pōtem qui Araxi flumini impositus erat, concedi à Muhumeto postulantes, (quos ille apud se retinere cupiuit, vt opera eorum contra Indos vteretur) id se facturū detrectat. Illi, simul ira indignationēque accensi, (quorum solū tria millia erant) veritque grauius periculū, in Curbātidem solitudinem sese subtrahunt, indēque crebris excursionibus agros Saracenorū depopulantur. Quorū ferociam Muhumetes reprimendam ratus, triginta millia Saracenorum cum certis

certis ducibus ad eos delendos mittit. Sed Turcæ, audito aduentu eorum ad se, in densiores solitudines sese subducunt, vt captata occasione Saracenos opprimere possint. Nec cōsiliū euentus moratus est. Nam exercitus Muhumetis, Turcas metu cessisse ratus, nullis stationibus habitis, ab eis per insidias contrucidatur. Hac tam insigni clade suorum Muhumetes irritatus, comparata ingenti manu suorum, ipse met contra Turcas, quorum iam exercitus ex colluue tot gentium creuerat, proficiscitur. Quibus cum non meliori euentu collatis signis acriter dimicat. Nā Turcæ, assueti Saracenos vincere, Muhumeto occiso, qui equo lapso ceruices, cum suos ad acriter prelium incundū adhortaretur, fregerat, ex Saracenis facilè victoria potiūtur. Cuius admiratione Saraceni defixi, illum ipsum ducem Turcarum, Trancoplicem, regem apud se creant. qui, accepta pariter cum suis religione Mahometana, vnà cum Saracenis in vnū corpus Reipubl. coaluit. Tran-

golipix igitur à Saracenis in Perside rex factus, omnes magistratus dignitatēq; à Persis in suos transfert, indigenisq; Persis, quorum reliquiæ adhuc supererant, oppressis, inter suos ac Saracenos vniuersam Persidem diuidit. Quóque finitimis terribilior esset, à suis nouo nomine Sultanus (quod nomen lingua Latina summum imperatorem sonat) appellatur. Qui pòst per manus posteritati suæ regnum tradidit. Ac ne qua inter Saracenos ac suos discordia esset, omnes Turcas, à ciuitate quæ in Perside diues opum fuit, appellat. Turcæ, tanta potentia aucti, illos ipsos Saracenos qui in Africa potentes erant, adorti, cum eis societatem ineunt, simúlque armis iunctis, Constantinopolitanis imperatoribus, reliquóque Romano imperio, terrori formidinique, quod ad Germanos translatum fuit, fuere. Durauit potentia Sultanorum Turcarũ vsque ad bellũ Scythicum, seu Tartaricum, quod Scythæ Turcis illis qui Persidẽ obtinebant, anno Christi millesimo ducentesimo supra

Origo nominis Sultani.

Turcæ à Scythis in Perside deleti anno Christi 1240.

supra quadragessimū, intulerūt. Quibus deletis, (quo etiam tēpore vniuersa Polonia, viuo rege Pudico, ab iisdē Scythis magnam cladem acceperat) vix ex tam numerosa multitudine pauci eorum relictifuerunt: qui infima plebe sibi ascita, nil secum præter arcum ac pharetram gestantes, latrocinari cœperunt, nec vllō rege vñ sunt. Nihilominus nomen Sultanorum mansit penes illos Saracenos qui in Africa erant: qui se antiquo nomine Saracenico quàm Turcico appellare maluerunt. Turcæ igitur latrociniiis assueti, angustias montium infident, ex eisque finitimos agros, & Romani imperij vrbes crebris incursionibus vexāt. Non tamen viribus Scytharum, quibus finitimi erant, pares esse poterant: quos illi ad finitima Græciæ pellebāt. & quàm infirmi contra Scythas erant, tam fortes contra Græcos existebant: adeò vt tandem etiam cum Græcis Cæsaribus ad aperta bella deuenerint. quorum copiis sæpe deletis, Romanas prouincias depulabantur, ad Sangariūque amnem

*Turcæ vires
recuperant.*

usque populatione peruenerunt. Hinc
 à mari Pontico atque à Galatia ad Lyciū
 atque Carium mare, & Eurymedōtem
 fluuium, omnia ditionis suæ fecere: ve-
 terisque nominis sui memores, quod
 fortassis in gente nō abolitum fuit, Tur-
 cas se appellant. Quoniam verò se cō-
 modè sine ducibus viuere non posse vi-
 dent, sex potissimū è numero suo le-
 gūt: inter quos omnes prouincias, quas
 breui temporis spatio consecuti sunt,
 partiuntur, eorūque imperio se subii-
 ciunt. Caramanū Alifurium: cui Phry-
 giam mediterraneam, Philadelphiam
 usque, & prope Antiochiam ad Mæan-
 drum fluuium sitam, (à cuius nomine
 post illa tota regio Caramania appellata
 est) concedunt. Saraconem: cui quic-
 quid est Smyrnam usque ad interiorem
 Ionæ oram, dant. Safanum: cui Magne-
 siam, Prienen, Ephesum largiūtur. Ca-
 lanum, eiūque filium Cerasum: cui Ly-
 diam, Ætoliam, Mysiam quæ est ad Hel-
 lespontum sita, impertiuntur. Armarij fi-
 lios: quibus eas terras quæ à flumine Sā-
 gario

*Turce inter
 suos duces
 imperium
 partiuntur.*

*Caramani re-
 gnum.*

Saraconis.

Safani.

Calani.

*Armarij fi-
 liorum.*

gario ad Paphlagoniam vsque extendū-
tur, fruendas permittunt. Atmanum, seu
Othomanum: quem omnibus regioni-
bus quæ circa Olympum sunt, præfi-
ciunt. A quo Othomano hodierni Tur-
cici Cæsares hinc ab Christi regis ortu
millesimo supra trecentefimum primū,
originem sumūt: à quo tam Italici quàm
Germanici scriptores historiā suam in-
choant. Atque hæc quidē origo Tur-
carum, eorūque regum successus mi-
hi verior, vt Cælius tradit, esse videtur,
quàm quòd primò ad Othomanum re-
feratur. siquidem illi longè antè Turci-
cis Sultanis, quemadmodum ex supe-
rioribus liquere puto, hinc ferè à sexcē-
tesimo anno, vsi sunt. Othomanus igi-
tur præ illis reliquis, inter quos Turcicū
imperium diuisum fuit, longè gloria re-
rum gestarum superior fuit: quibus non
multò pòst bello illato, eisdē iugum im-
posuit. Nec hic successus ipsius solūm
contra Turcicos imperatores fuit, sed &
contra Christianos: inter quos cūm dis-
cordia glisceret, Bithyniam & omnes

Othomani.

*Othomanus
regnare cepit
anno Christi
1301.*

*Othomani
imperium ac
felicitas.*

*Orchanes
Othomano
succedit.*

*Baiazethes à
Tamberlane
captus anno
Christi 1392.*

Amurathes.

*Mahometes
secundus.*

circa Pontum prouincias, decem annorum spatio (tandiu enim rex fuit) ditio-
nis suæ fecit. Filius huius Orchanes,
paternæ virtutis æmulus, bellū per ma-
nus acceptum strenuè est executus: mi-
ræque felicitate Mysiam, Lycaoniam,
Phrygiam, Cariam subegit: armæque sua
in Hellespontum vsque ad Euxini litto-
ra promouit. Post hunc alij qui regna-
runt, celeri cursu victoriæ, vsi mira feli-
citate, tot populos vsque ad Baiazethem
subegerūt: cuius Tamberlanes, Scytha-
rum rex obscuro loco ortus, imperium
adeò labefactauerat, vt eodem capto,
cauæq; incluso, cum in ludibrium per
totam Asiam secū duceret: cui si quando
equus conscendendus erat, tergo ipsius
pro scabello vsus fuit. Post Amurathes
exercitū in Europam deportauit. Ma-
hometes verò secūdus, Constantinopo-
lim, toties armis Saracenorū oppugna-
tam, (quæ olim Byzantium dicta fuit)
occupato regno Trapezuntis, nominé-
que Cæsaris occidentalis assumpto, Græ-
ciam omnem, Thraciam & Mysiam, seu

Vala-

Valachiam, cū Illyrici parte, & ad Istrum
latè omnia per Pontum occupavit. Tam
insolenter Mahometes ac crudeliter, ca-
pta Cōstantinopoli, victoriam exercuit,
vt omnibus Christianis gladio dissectis,
Constantinum eius vrbis Cæsarē inter-
fecerit, eiúsque caput ludibrii causa pilo
affixum in castris circumferri iusserit.
Pòst sequitia sua in nobilitatem conuersa,
omnes inter conuiuia per ludibriū con-
trucidauit. Magna iam tū potentia, post
imperium occidentis à Turcis occupa-
tum, Cæsarum Turcarū fuit: quam duo
potentissimi reges non mediocriter in-
frangebant. quorum alter Asimbæus,
quem Vscanassanum, quasi heroa ma-
gnum, Persæ appellabant, fuit. qui in
Parthia & Perside regnabat. cuius regnū
ibidem initium à Mutare sumpsit: quem
Iozedus, filius Muabiæ, qui post Maho-
metem Saracenis præfuit, præfecit. Sed
Mutaris regnum in Perside apud Sara-
cenos propemodum extinctum fuit:
quod post lōgam seriem annorū à quo-
dam Sopho, qui in Perside Ardenolim

*Mahometes
Constantino-
polim cepit
anno Christi
1453.*

*Duo reges po-
tentia Tur-
carum in-
fringunt.*

*Asimbæus
Turcarum
hostis.*

*Initium re-
gni Asim-
bai.*

*Sophi origo.
Sophianorum*

regnum in

Perfide anno

Christi

1480.

oppidum tenuit, ab anno Christi mille-
 simo quadringentesimo octogesimo,
 qui Mahometanæ religionis erat, reno-
 uatum fuit. De Sophi pietate ac sancti-
 tate, tanta opinio apud vulgum fuit, ut
 magno numero mortalium ad se per-
 tracto, ab eo tempore in Perfide reges
 qui Sophini appellantur, regnent. Ibiq;
 stirps Saracenica, quæ à Turcis extincta
 erat, renouata fuit: acerrimæque bella
 usque hætenus cum Turcicis impera-
 toribus gerunt: quorum vires non me-
 diocriter, siquando bella eis hîc in Eu-
 ropa cum Christianis gerenda sint, disti-
 nentur. Alter, Sultanus in Ægypto. quo-
 rum Sultanorum nomen ab illis Turca-
 rum regibus, qui idem nomen à primo
 rege Trangoliplice sumpserunt, desum-
 ptum est. Obtinebant nonnullo tempo-
 re Ægyptû Hierosolymitani reges: quæ
 eis à Saladino hinc ab anno Christi mil-
 lesimo cêtesimo quinto, qui stirpis Tur-
 cicæ fuit, erepta erat. Qui, incolarum
 mollitiem pertæsus, Calyfaque (fuit id
 nomen pontificis summi apud Sarace-
 nos)

Secundus rex

Sultanus Tur

carum hostis.

Saladinus

regnum Ægy

pti occupavit

anno Christi

1105.

nos) vnà cum vniuerfa stirpe deleta, si-
 ne à nepote ipsius, nouum genus militiæ
 ibidem instituit. Nam cum populos, qui
 magis ad septentrionem vergūt, austro-
 libus ad belli vsum aptiores esse videret,
 subito cum populis quibusdam circa
 Mæotim & Pontum sedes habentibus,
 qui à veteribus Zigi, à nostris Circassi
 appellantur, fœdus init. à quibus emptis
 pueris, adolescentulis, eos in Ægyptum
 perducit. quos ab ineunte ætate in mili-
 tari disciplina erudit. armorumq; vsum
 edocti, adeò hic in Ægypto ordo creuit,
 vt penes eos solos armorum vsus, ac bel-
 lipotestas, omniùmque dignitatũ, fue-
 rit: qui Mamaluchi, id est serui, sunt ap-
 pellati. Pòst, Saladini stirpe in Ægy-
 pto, anno à nato Iesu Christo millesimo
 quadringentesimo, extincta, ad eos Ma-
 maluchos regnum Ægypti translatum
 est. qui è numero suo rege creato, terri-
 biles ac formidolosi Turcicis imperato-
 ribus fuere. Atque eo tempore in orien-
 tetria regna solùm potentissima, certis
 limitibus terminata fuere: Sophianorũ,

*Stirps Saladi-
 ni in Ægypto
 extincta, an-
 no Christi
 1400.*

*Regnum So-
 phianorum.*

*Sultanorum.**Turcarum
Cæsarum.*

qui in Perfide, Media, Mesopotamia atque Assyria regnabant: Sultanorum Aegypti, qui à Cyrenæis Africæ, per oram maritimam Issicum sinum, qui Cilicià à Syria dissiūgit, & introrsus hinc ad Euphratem & desertæ Arabiæ terminos, illic hinc aduerso vsque ad arenarum solitudines, læua dextraque per Arabicum sinum ad Erythræas angustias extendebatur. Turcarum Cæsarum, quicquid Euphrate, & Amanomonte, Ciliciòque maris ac Euxino continetur, erat. hisce addidit Græciam omnem, Thraciam & Mysiam quæ Valachia vocatur, cum Illyrici parte, & ad Istrum latè omnia per Pontum vsque ad Theodosiam, Thraciæ Chersonesi emporium. Si que ea concordia Christianorum regum fuisset, ut omnibus ex partibus Turcas aggressi essent, facile eos non solum è Græcia, sed & ex Asia ultra Caucasum montem, unde primò egressi fuerant, pellere potuissent. cum & Scanderbegus, Epirotarum regulus, contra eos feliciter belligerabat: quorum tum supra trecenta millia ad interne-

terneccionem dedit, ipseque Amurathes sub mœnibus Croie Turcarum imperator expirare coactus fuit. Sed illi successus Scanderbechi contra Mahometē non profuerunt. Post cuius mortem, ab eo capta Epiro, exercitūque Persarum regum deletō, Turcicæ vires à Sultanis Ægyptiacis haud sustineri poterant. Nam Selymus, Baiazethis filius, gloriæ & imperij auidus, bello Campsoni Sultano Ægypti illato, eū interemit. Post cuius interitum, Tomumbeium à Mamaluchis constitutum, nō solū regno, sed & vita, omnibus Mamaluchis deletis, spoliauit. Hinc ferro in promiscuam multitudinem conuerso, vniuersum nomen Sultanorum funditus sustulit, vniuersa Ægypto potitus, illaq; parte Mesopotamiæ in qua Hierosolyma fuit, quæ tum deserta incultaque erat, nec à ludæis, veteribus incolis, qui tum toto orbe extorres, in admissi sceleris pœnam, nec sedem nec patriam habebāt, habitabatur. Huius filius Selyma-

*Selymi bellum
contra Campsonem.*

Successus Solymani.

*Selymi impe-
rium.*

nus, memor virtutis paternæ, Rhodum imperio suo memoria patrum adiunxit. Vngariæq; bello illato, cum antè Wladislaus, patruus Sigismundi, qui tum & rex Vngariæ & Poloniæ fuit, ab Amurathe, omni exercitu ipsius profligato, interemptus fuerit, cum Ludouico, nepote Sigismundi primi, regis Poloniæ, collatis signis, fortiter dimicauit. in qua pugna tristi, Ludouicus, omnium cum acerbo desiderio, interiit, sui que in animis omnium triste desiderium reliquit. Hinc per speciem ferendi opem Isabelle, ac Ioanni filiolo, in cunis vagiēti, contra Ferdinandum tum regem Vngariæ, Budam cum adiacētibus locis occupauit, Selymóque filio amplum ac florens imperium, Caroli Cæsaris in Africa sæpius classe in alto, Venetorumq; deprensa, reliquit. Qui Venetis erepta Cypri, supremam cladē Iuoniæ, perfidia Czarnieuiēcij adiutus, attulit. Vnde quiuis facilè iudicare potest, impiam Turcicā gentem, à tenui principio ortam, ad tantam amplitudinem imperij nulla alia re, solūm

solum per scelus ac per fraudem, Christianorum discordia subnixam, occupato regno Ægypti, omnibusque provinciis quæ Sultanorum erant, pervenisse: quod Alexandri magni Romanorumque potentia comparari potest, ne dicam anteferri. Quod non tam facile unius gentis viribus infringi potest, solum consensu omnium Christianorum: qui in tanta eorum discordia nunquam, opinor, futurus est. imò inter eos magis discordiam gliscere videmus, quæ eos ad civile ferrum, domesticumque sanguinem effundendum adducit. Sed nos

Redit ad historiam.

Iuonia post tot ex Turcis partas victorias, ad se Ieremiam Czarnauieciũ Barcabalum, præfectum arcis Chocimenfis (eo enim nomine præfecti arcium lingua Valachica appellatur) accersit, sicque verba fecisse in conspectu omnium dicitur. Cùm optatis nostris fortuna, Czar nauieci, successibusque, quibus contra

*Oratio Iu-
nie ad Czar-
manicum.*

Turcas, crudelissimos hostes, hactenus
vsi sumus, respondeat: est quòd gratis a-
nimis id prosequamur, ipsiq; Deo opt.
max. perpetuas ac sempiternas gratias
& agamus & habeamus, quòd res no-
stras contra hosce tetrerrimos hostes se-
cundat, nobisque ex eis tot tatarumque
victoriarum autor est. Nunc quid aliud
restat, nisi vt exercitum tot laboribus fa-
tigatum domum remittam, proficisci-
patiar, vt, cum ad nostras aures de adue-
tu Turcarum peruenerit, illico ad pri-
mum signum, quod classico dabitur, re-
creati adsint. Tu verò, cuius fides erga
me constans fuit, hunc exercitum à me
(erant autem Valachorum tredecem mil-
lia, armis virisque instructa, qui cuique
validissimo hosti opponi poterant) ca-
pe. quocum ad Danubij ripam profici-
scere, transitumque, si eum Turcæ tentare
velint, arce. Est ibi in proximo ex altera
parte super Danubium, oppidum Obla-
ciense, Turcarum ditionis: in quod tu in-
tentus eris, (ne alibi vado Turcæ reper-
to, Danubium traiciant) meque de eo-
rum

rum aduentu quamprimum certio-
 facies. Postquã hæc Iuonia dixit, mul-
 tistum hæc verba lacrymas excusserūt.
 Demum osculo Czarnieuecium exci-
 pit, vt eum maiore obsequio sibi deuin-
 ciret, obsequentiorẽmque redderet. Il-
 le poplite flexo, fidem operamque ei suã
 pollicetur. Iuonia commisso exercitu
 Czarnieuecio, aliis nonnullo temporis
 spatio vacationem militiæ concedit,
 eõsque domos reuifere iubet, vt refectis
 corporibus labore fatigatis, & obsoniis
 acceptis, quamprimum signum daretur,
 omnes equis armisque instructi, ad per-
 sequẽdum hostem cõuenirent. Czar-
 nieuecius, accepto exercitu, ita vt ius-
 sus erat, Danubium versus proficiscitur,
 stationes intentissimẽ agit, ne quis Tur-
 carum Danubium traiciat. Adfuit eorũ
 infinitus numerus, qui non ausi Danu-
 bium tranare erant. Quo viso, Bassæ cer-
 tos internũtios ad Czarnieuecium mit-
 tunt, eisque triginta millia nummũm au-
 reũm Vngaricorum dāt, vt quoquo mo-
 do animo Czarnieuecij tẽtato, ad ipsos

*Omniũ læ-
 crymæ præ-
 nuntie frau-
 dis Czarnie-
 uecij.*

*Bassæ Czár-
 nieuecium ad
 defectionem
 sollicitant.*

*Colloquium
Petri cum
Czarnie-
cio.*

colloquendi gratia occultus veniat. Ille, magnitudine pecuniæ illectus, fidē dat se venturum, pecuniāque missam accipit. Hinc occultē, suis insciis, in colloquium cum Petro Palatiniade Valachiæ Transalpinæ, qui trans Danubium cum magnis Turcarū copiis erat, venit. Coram quo Petrus, in quo & quanto periculo Iuoniæ res constitutę sint, commemorat. Ostendit quā in eum Selymus animo offenso exacerbatōque sit, quòd ipsius tributarius tantos exercitus deleuerit. eum Selymo aliter non posse satisfacere, solūm pœna capitis: nec ampliùs dominatum Valachiæ obtinere posse: se certo certiùs gēti illi imperaturum. Proinde, inquit, si sapias, cū adhuc integræ res sunt, animum Selymi nouo ac recēti aliquo beneficio tibi cōcilia. Omne bellum sumi facilē, cæterū ægerrimē desinere. nō in eiusdem potestate initium eius ac finem esse: incipere cuiuis, etiam ignauo, licere: nō deponi nisi cū victores velint. Habere illum magnā opportunitatem & copiam societatis atque amici-

micitiæ secum coniungendæ, quæ bello potior sit. Et quamuis Iuoniæ opibus cōfideret, tamen non debere incerta pro certis ponere. Nunc accepisti triginta millia nūmūm aureūm: pōst plura accipies. Proinde si tibi consulere vis, ne florentes res tuas cum Iuoniæ perditis misceas: verūm liberè Turcas omnes per Danubium transire permittas. Se enim cum ingenti exercitu ad occupandam Valachiam à Selymo, capiendūque Iuoniam mitti. Vbi, consecuto Palatinatu Valachia, tu quæque summa adepturus vnā cum tuis es. Opus igitur esse vt aduentum Turcarum coram Iuonia tātis per occultet, & à Danubio abscedat, dum per ipsum vniuerso exercitu traiecto pōst Iuoniam facilè capere, ipsiusq; vniuersum exercitum opprimere, cladesque acceptas superiores vna hora vicisci possint. His tot talibúsque precibus & blanditiis, lacrymas addit, orátque Czarnieuecium, vt quāprimum agmine suorum à Danubio remoto, tutò cū Turcis flumen vorticosum transire pos-

Lacryma Petri.

fit. Czarnieuiocius, Petri promissis in-
 escatus ac infatuatus, accipit conditio-
 nem, quàmque iureiurando fidem con-
 firmatam Iuoniæ dederat, eam frangit.
 Hinc ab ea parte Danubij vbi stationes
 diligenter suorum agebat, agmine sedu-
 cto, liberum per flumen transitum Tur-
 cis permittit. Erant Turcarum tum du-
 centa millia, qui cum tormentis mura-
 libus omnique apparatu oppugnandarũ
 arcium, Danubium tranauere. Trãsmis-
 so Danubio, iubent vt Czarnieuiocius
 Iuoniam ea de re certiore faciat. Hic
 celeriter ad Iuoniam veniẽs, narrat qua
 ratione Turcæ, multitudine suorũ sub-
 nixi, Danubium transierint, quibus ille
 nulla ratione obsistere potuerit. quare
 Iuonia bene rebus suis consuleret, si
 quamprimum cum exercitu adesset,
 eorũque conatibus primis obuiam
 iret, suãque infirmas copias iuaret.
 Nõ sine lætitiã hæc Iuonia audiuit. Qua-
 re plenus bonæ spei, Czarnieuiocium
 quis & quantus hostiũ numerus sit, per-
 cunctatur. Sunt, inquit, decem, nec am-
 plius

Dolus Czarnieuiocij.

plus duodecem millia. Sed antequam
 tu cum copiis aderis, in horas numerus
 eorū augebitur, & ad quindecem mil-
 lia excrescet. Erat Iuonia vnā cum suis
 Kosacis ad arcem Teinicensē, quam
 expugnare voluit. Demum conuocato
 Senatu, qui tū cogi potuit, omnes, quid
 sibi faciendum esset, consulit, an arcem
 prius expugnare deberet, vel hosti tot
 cruentis preliis irritato occurrere, eiuf-
 que copias in fugam conuertere. Ibi o-
 mnium vna ac eadem sententia erat, vt
 prius hostilem exercitum dispalaret de-
 leretque: quo deletō, post arces expu-
 gnaret. Quorum consilium ille secutus,
 habita peditum ratione, quarta demum
 die, ad castra hostium, quæ à suis duode-
 cem milliaribus aberant, cum cātu cor-
 nicinum tubicinūque peruenit. No-
 na die Iunij, eiusdem anni, castra ab ho-
 ste ad tertium lapidem Iuonia ponit. ibi
 velites simul conueniunt, de summa rei
 consultaturi. Se quidem paratis animis
 contra acerrimum hostem, tot preliis
 irritatum, proficisci: verū se neminem

*Consultatio
 Kosacorum.*

habere qui linguæ hostium gnarus esset. Iuoniam nescio quo consilio fretum, totam rationē belli certis hominibus credidisse, imprimis verò Czarnieuiocio, cui nos omnino fidere nolimus. Quare in tam rebus nostris dubiis ac plenis periculi, vt ipsimet cum Iuonia colloquamur, necesse est. Igitur ad eum citato gressu veniunt, factaque potestate dicendi, sic Suierceuius pro omnibus verba fecisse dicitur. Illustris Palatine, nos hactenus fidem tuam secuti, tecum cōtra hunc crudelissimum hostem, socia arma iunximus. in quibus ferendis quæ & quanta opera nostra extitit, optimè nosti. Huc iterum à te contra eum educti, ad internecionem cum eo dimicare parati sumus. nec illi iter in Valachiam patet, solùm per stragem cadauerū nostrū. solùm nobis necessariò prouidendum ac cogitandum est, ne temere in prelium ruentes, nullo consilio hostium cognito, quantus eorum numerus sit, quis castrorum tractus, in insidias precipitati, ab eis instar belluarū macremur.

Quare

Quare quod tibi consilium belligerandi cum eis sit, effare proloqueréque. Iuonia oratione Suierceuij commotus, alta suspiria ex intimis præcordiis ducēs, paucis ac breuibus respōdet. Et virtus mihi vestra, equites fortissimi, vita mea mihi cariores, nota perspectaque est, (cuius spectator fui) & totius belli omnia consilia nota. Non igitur obiectos vos temere cædi hostiū velim, sed consiliis eorum prius exploratis, nos cū eis dimicare velim. In proximo Czarnieuicius cum exercitu meo est: qui in hostem intentus, omnia cōsilia eorum cognita habet. Nec ego tantam rem cuius commisi, sed huic, cuius mihi fides semper in dubiis ac difficillimis rebus perspecta est: quem comitem tot peregrinationum mearum, propemodūmque exilij habui. Ipsemet modò ad me retulit, Turcarum non esse ampliùs quàm quindecim millia. Qui etiamsi triginta essent, eos nos diuino auxilio freti ad fatietatem cædemus. Hæc vbi respondit, vt in eo loco sese cum vniuerso exercitu

*Responsum
Iuoniae.*

*Iuonia Suier-
cenium cōtra
hostes mittit.*

contineret, Iuoniam Suierceuius orat,
se cum suis aduersum hostem profectu-
rum, vt aliquem ex castris ipsorum ca-
pere possit, certioraque de consilio ho-
stium explorare cognosceréque. Iuo-
nia prompto alacrique animo concedit:
cui Veremiam cum sex millibus Vala-
chorum, magistrum equitum adiungit.
Qui simul profecti, in speculatores Tur-
cicos, quorum agmen sex millium for-
tissimorum equitum erat, incidūt. Sub-
itò cum eis prelio inito, eos pallāt, in fu-
gāque conuertunt. è quorum nume-
ro vnum capiunt: qui tot tantisque vul-
neribus affectus, cū sese subitò mori-
turum præsenti, simulanter narrat pau-
cos Turcas esse in armis. Sed velites, fi-
cta eum narrare animaduertentes, nec
contemnendum numerum esse hostiū
coniicientes, qui in tantam multitudinē
speculatorū inciderint: subitò de hisce
Iuoniam certiore faciant, vt rebus suis
consultat, quidque fidendum Czarnie-
uiecio sit, etiam atque etiam cogitet, vi-
deatque. Qui nil aliud respondisse dici-
tur,

*Iuonia re-
sponsum.*

tur,

tur, solum illud. Jam non est vt perturbe-
 mur, aut horrescamus. Ego scio cui fidā:
 breui numerum hostium ipsi cognosce-
 mus. Ego enim eo animo huc proceffi,
 vt patriam meam contra hanc crudeli-
 tatem hostium, ad vltimum exitum vite
 tuear defendāque. Atque ita com-
 munitis castris suorum ad lacum qui ex
 Danubio profluit, vt opportunam aqua-
 tionem haberet, iubet equos recentes
 adducere, vt velites eis cum Valachis
 conscensis, qui superiore nocte Turcas
 pallauerant, omnes simul cōtra hostem
 proficiscantur. Erat prope hostium ca-
 stra collis arduus ac sublimis. quo con-
 scenso cum sociis, Iuonia hostium castra
 contemplari voluit. Sed ea nulla ratione
 conspici potuit, eo quòd in decliui lo-
 co posita erant, nec à quoquam è lon-
 gino loco cōspici, nisi quis ad ea pro-
 pè accederet, poterant. solum in diuersis
 locis quatuor inter se disiunctis, specu-
 latores hostium animaduertit: qui, con-
 spectum Valachorum declinantes, sese
 in quendam tumulum per diuersos tra-

Profectio Iuonia contra hostem.

Iuonia hostium castra contemplatur.

*Stratagema
Iuonia.*

*Peditum sin-
gularis in
Iuonia fides.*

mites, qui non procul à suorum castris erant, abdunt. Iuonia, propè hostem adesse suspicatus, totum exercitū suum, (erat autem triginta millium) quoniam multitudine abundabat, in triginta turmas, per interualla disponit. Ante singulas turmas tormenta muralia miræ magnitudinis collocat. Erant autem octoginta, quæ ex sese globos igniferos euomebant. Pedites simili ratione ab equitibus semotos, quorum magnus numerus erat, disponit: qui Iuoniam apud se retentum, ad equites haud patiūtur progredi, non mediocriter de vita ipsius, ne à primoribus deceptus, viuis in potestatem Turcarum veniret, pertimescētes: solū ad Kosacos Polonos eum interdum commeare patiuntur. Nam pedites, gens rustica, singulari fide ac animo in Iuoniam fuere: quorum arma, falces, arcus, gladij reflexi, Turcicorum similes, ac fustes erant. Instructa acie, firmissimisque subsidiis firmata, Iuonia, antequam signa canerentur, iterum collem arduum, vt ex proximo loco castra hostium

hostium contemplaretur, conscendit.
 quorum multitudine præter spem ac o-
 pinionem visa, cognoscit, se esse à Czar-
 nieuiecio in fraudem inductum. quare
 eum ad se accire iubet. qui respondet, *Iuonia fraude*
 sibi iam facultatem ad ipsum veniendi *Czarnieciij*
 non dari: se statim cum Turcis certamē *cognoscit.*
 pro incolumitate ipsius initurum. Ha-
 buit autem Czarnieuiocius fortissimo-
 rum equitum, quibus præfuit, tredecim
 millia, optimè armis instructa. Cùm igi-
 tur signa canerētur, Turcæque acie suo-
 rum optimè disposita, prelio sese expe-
 dirent, ibi proditor Czarnieuiocius, pri- *Iuonia pugna*
 mus prelium init. Cùmque illi dimican- *cum Turcu.*
 dum congrediēdumque cum hoste ef-
 fet, uti cum Turcis constituerat, iubet
 suos vexillum demittere, & pileos hastis
 ensibúisque impositos, eleuare, ac capi-
 ta flectere. Ibi Turcæ, animaduersa vo-
 luntaria deditioe, in sublime hastis suis
 erectis, eos ad se transire iubēt. Hac ta-
 li defectione Czarnieuiocij, exercitus
 Iuoniæ consternatus, omnes retrocedē-
 tes, properè ad Iuoniam accurrunt: rem

*Magnitudo
animi Iuoniae.*

Exitus proditorum.

esse perditam narrant. Quorum ille vocibus minimè consternatus, (vt erat in rebus dubiis subitísq; intrepido animo) eos id pro nihilo ducere, ac contra Turcas sese expedire iubet. Sed Turcæ, postquam turmas Valachicas trepidare vidēt, agema suorum contra eos mouēt: ante se illos ipsos Valachos propellunt, ac tergiuersantes cædunt. Quibus Iuonia visis, ira percitus, in eos vim tormentorum exonerare iubet. Sic illi partim à suis, partim à Turcis in medio cæsi fuere. Turcæ verò proditorum terga secuti, eisque tecti, per stragem cadauerū ad exercitū Iuoniæ, sanguine eis iter, qui instar riui ex cæsis Valachis fluebat, intercludente, peruenere. Quos Kosaci, more solito, à lateribus aggressi dissipāt, non mediocritérque turbant. Adsunt alij Valachi, animo, armis, vigore, ac viribus corporis, Turcis longè superiores. qui sibi aditu patefacto, Turcas egregiè cædunt. Hinc clamor permixtus hortatione, lætitia, gemitu oritur. item strepitus armorum ad cælum ferri, sagittæ vtrinque

utrinque volare cœperūt. Non sustinuerim vim Valachicam Turcæ: subitò terga, seu timore perculsi, seu data opera, dant. ac quingentos passus, ut Valachos ad locum insidiarum pertraherent, ubi vim tormentorum in abditis locis condiderant, retrocedūt. Sensit eum dolum Suerceuius hostium. Quare sublato clamore, monet turmas tã Polonicas quàm Valachicas, ut pedem referant. His illi adhortationibus concitati, imminēti se periculo manu armata subtrahunt. In hos Turcæ recentes impetum faciunt: sed Valachi eos egregiè sustinent, nullaque memorabili clade accepta, ad castra suorum incolumes reuertuntur. Iuonia ex suorum successu lætus, tam Valachorum quàm Polonorum, iuxta tormēta aciem disponit: ubi singuli impletis pharetris pluribus sagittis, lanceis aliis acceptis, intenti in hostem erant. Turcæ recentibus viribus feroces facti, subitò in Valachos irruunt. Quibuscum fortiter congressi, nullius imminentis periculi ratione habita, displosis tormē-

Pugna Valachorum cum Turcis.

Stratagema Iuoniae.

tis in Valachos, eorum aciem non mediocriter turbant. Quorum conatibus Valachi obuiam euntes, fit atrox pugna, eadēque propemodum par. Cadebāt præcipites tam Turcæ quàm Valachi ex equis. iam vires viris, iam ferro sua vis deerat. Tantus pulvis è tormentis, è quibus crebri violentique globi emittebatur, excitatus fuit, vt ipsius dēfitas solem obscurauerit. nec vlla vox hominum in tanta multitudine exaudiri potuit, nec quisquam à quoquam videri: nec magistri tormentorum, in quam partem eis globi emittendi essent, scire. Nec in tam aspero negotio Iuonia territus, suisque succurrendum ratus, sublata voce proclamat vt retro post tormenta cedant, vexillaque sequantur. Turcæ quoque retro cessere. Oppidani Oblacienfes, tantam atrocitatem pugnae ex oppido spectantes, cernentēsque copias Turcarum à Valachis prægrauari, fugam parant. Est id oppidum trans Danubium, ditionis Turcarum: ex quo effusa multitudo, in remotiora Turciæ fugit. Postquam

*Iuonia suos
reuoocat.*

quam quasi ex composito, ab vtraque parte ab armis discessum fuit, repētē ingentibus procellis fusus imber: quo vniuersa agmina tam Valachorum quàm Turcarum perfusa fuere: illéque totus puluis, ingenti boatu tormentorum, & pedibus dimicantium excitatus, in terrā delapsus, discussus fuit. sed maximo detrimento Valachica tormenta affecit, quæ eis magno adiumento contra omnem vim Turcicam fuere. Nam ea cælesti aqua perfusa, globos emittere nequibant. Hodiernorum tam muraliū, tam eorum quibus tam equites quàm pedites vtūtur, apud veteres nullus vsus fuit. Non ita pridem hæc sunt, circiter annum millesimum trecentesium supra septuagesimum sextum, inuenta. Quæ accepta primò Veneti à Germanis, hisce in eo bello vfi sunt quod contra Genuenses ad Clodiam fossam gessere. Primi tormēti inuētor fuit quidam Germanus, cuius nomen à scriptoribus non proditur. cui casu in mentem venit tale quid in perniciem hominum inuenire.

Vn imbris.

*Tormentorū
usus cæpit
anno Christi
1378.*

*Germanus
inuentor pri-
mi tormenti.*

Fertur enim seruasse domi in mortario puluerem sulphureum, cuiusdam medicinæ causa faciendæ, illumque texisse lapide: ac inde contigisse ut, cum ignem propè ex silice excuteret, scintilla nitro inciderit, subitoque flamma concepta, eadem eruperit, atque lapidem in altum tulerit. Quam ille rem penitus considerans, postea ferrea facta fistula, & pulvere cōfecto, machinam reperit: in quam immisso prius puluere, demum globo, igne admoto, ex eo sonitum terribilem, eundemque violentum edidit. Huius

Bombardariū vsus est apud omnes gentes. formæ sunt
utilitas. variæ, ad expugnandasque vrbes aptissimæ, ut in eis omnis vis peditum, omnis equestris splendor, omnis denique bellica virtus constet. Cum violentia pulueris globus excutitur, quicquid obuium offendit, quassat, dissipat, frangit, conrundit: adeo ut nullus locus sit, quamuis natura munitus, qui non facile expugnetur. Is igitur machinæ huiusmodi reparator, pro mercede (ut opinor) accepit ut nomen eius silentio perpetuo premere-

tur,

tur, ne omni tempore à cunctis mortali-
 bus diris deuoueretur: dignus scilicet
 qui prior ipse vice Salmonei, fulmine *Nota de Sal-*
 flagrasset: (Salmoneus enim, Æoli filius, *moneo.*
 cùm Iouem vellet in fulminibus iacien-
 dis æmulari, ab eo de cœlo tactus, detru-
 ditur) quando hæc fulmini, odore, luce,
 fonitu, impetu simillima est. Sed nos ad
 institutam historiam reuertamur. Irri- *Redit ad h-*
 tatis tam Valachicis quàm Turcicis ani- *storiã.*
 mis certamine, etiam acrius concursum
 est. Nam Turcæ, eductis suorum viginti
 millibus in aciem, in læuam partem, vbi
 tormenta Valachica disposita erāt, pro-
 filiūt. Ibi Valachi in eos tormēta dispo-
 dere nequeunt. Nam iam à cœlesti aqua
 corrupta fuerāt. Nihilominus mutuò
 sese cohortātes, in Turcas magnum im- *Pugna Val-*
 petum faciunt, cum eisque ad vltimam *chorum cum*
 defatigationem dimicāt. Subitò adfunt *Turcis.*
 Scythæ, cum recentibus copiis Turca-
 rum: qui, cùm sese nullo à tormentis de-
 trimento affici vident, ex inferiore loco
 per diuersos tramites in quibus latita-
 bant, egrediuntur. Ibi dissono clamore

*Victoria Tur-
carum.*

*Verba Iuonia
ad Polonos.*

perterrefaciunt Valachos, & à tormen-
tis remouent, in fugamque conuertunt:
qui per Valachicos patentes campos dis-
palati, instar pecudum à Turcis cēdun-
tur. Nec iam plures ad hoc vsque tēpus,
quàm ducenti quinquaginta velites, seu
Kofaci, supererant. Sic mutata fortuna
belli, vnius perfidia Czarnieuecij: quæ
non multo pōst supremam cladem Iuo-
niæ attulit. Nam Iuonia accurrens, ad re-
liquum peditatum, & illos ducentos
quinquaginta velites (quos Turcæ fati-
gati cæde Valachorum, aggredi non au-
si erant) cōuersa oratione sic dixisse fer-
tur. Video, fortissimi viri, nos vnius Czar-
nieuecij perfidia in extremum pericu-
lum adductos esse. sed vbicunque cor-
pora vestra ferro hostili interfecta iacu-
erint, ibi & meum inter vestra erit: ani-
ma cœlum petat. Ad quem ita Suierce-
uius: Hæc præsens mors, Iuonia, vti for-
tes viros decet, nos minimè mouet, mo-
dò summa vi innixi, hosce canes, hostes
nomini Christiano infensissimos, ad sa-
tietatem, antequam nobis intereūdum
erit,

erit, cædamus. Hæc effatus, subitò ve- *Kofaci sese cæ
peditibus con-
iungunt.*
lites ex equis descendunt, seseque cum
peditibus cōiungunt. quibuscum simul
conglobati, sexaginta tormenta muralia
Turcis subtraxere. solus Iuonia vno ar-
repto, quod vix duodecem equi trahere
poterant (tantæ vires illi fuere) illud tra-
hit. Quo Poloni viso, illud ipsi ademere,
leuiori dato. Hinc compositis pedestri-
bus copiis, quorum adhuc erant viginti
millia, Iuonia retrocedit. Quoniam ve- *Iuonia retro-
cedit.*
rò tormenta eis maximo impedimento
erant, ea abiiciunt: sed ita vt Turcis pòst
nulli vsui fuerint. Nam maxima vi pul-
ueris in ea imposita, cū ea Turcæ displo-
derēt, omnia disrupta fuere. Interea Iuo-
nia, qui iā & animo & corpore deficie-
bat, cum omnibus pedestribus copiis, &
nonnullis tormentis, vestigia cæsi exer-
citus sequitur: nec plus vna die, ob in-
gentem stragem cumulūque cadaue-
rum, quæ passim cæsa in viis insepulta ia-
cebant, mille passus progredi poterant.
Qui cum vniuerso peditatu in locū vbi
antè villa incensa fuerat, quædāmq̃

*Iuonia castra
munit,*

recentia rudera extabāt, cū venisset, castra sua ibi communit, eaque fossa, ne subito à Turcis occupari possint, cingit. Ea in parte (sed fatis obsistere difficile erat) consilium Iuonię dignum reprehensione fuit, quòd ibi suos vallo cinxisset, vbi nulla commoda aquatio fuit. Nā siti homines enecti moriebantur, seseque Turcis nō multo pòst dedidere. Sole iā iam occidente, eadē die decima mensis Iunij, Turcæ à fuga Valachorum, quos persequiebantur, reuersi, subito castra Iuoniæ circumdant, atque coarctant, quorum tanta multitudo fuisse dicitur, vt oculis terminari nequierit. Quibus circumdatis, neminem ex exercitu Iuonię egredi patiuntur: vtq; spem omnem ei commeatus præciderent, villas castris Iuoniæ proximas, in quibus ampla prædia erant, tota nocte incēdio graui consumunt: idque ideo, nequis obsessorum effugeret: neve extra vallū obscura nocte egressi, ipsos inuaderent. Appropinquant luce, (quæ fuit vndecima Iunij) Turcæ in castra Iuoniæ multitudinem

*II Iunij dies
extrema Iuoniae fuit.*

*Turcæ castra
Iuoniæ in-
stant.*

nem globorum è machinis muralibus
 emittunt: sed illa nullo detrimento affe-
 cta fuere, eo quòd alto aggere obvallata
 erāt, vnde sese Valachi, pariter cum Po-
 lonis, contra Turcas egregiè defende-
 bant, in eisque ingentem stragem toto
 triduo faciebant. Turcæ, difficilem ex-
 pugnationem castrorum Iuoniae animo
 cernentes, per internūtiōs cum eo col-
 loquia ferunt, vt ille omni cunctatione
 omissa sese dedat. spem ei maiorem de-
 bere esse in misericordia Turcarum,
 quàm in suis vllis viribus: præsertim
 cū omni ope auxiliōque destitutus,
 pōst se dedere cogatur. Quare spōtanea
 hac deditione præoccuparet animos i-
 pсорum, nec in tam anceps periculum &
 suas copias & Turcicas iniiceret. Ad ea
 sic respondet Iuonia. Video ac animo
 cerno, in quàm aduersam necessitatem
 adductus sim: sed, cū penes me firmis-
 simas copias pedestres habeam, possim
 certè non sine vestra clade cadere. Qua-
 re, cū fortunæ hoc tempore cedendū
 ac necessitati arbitrer, non renuo dedi-

*Colloquium
 Turcarum cū
 Iuonia.*

*Iuonia re-
 sponsum.*

tionem: solum ductores vestri me à vobis conseruatum iri, ac quascunque vobis conditiones proposuero, vos eas integras cōseruatueros iurēt: nec id semel, sed quiuis septies. Hisce dictis, internuntios extra munimēta castrorū excedere iubet: quibus se quāprimum respōsum daturū pollicetur. Hisce ita compositis, omnes ad se Polonos, paritēque Valachos cōuocat: ad quos sic verba fecisse memoratur. Hodierna dies hęc tristis ac misera à nobis, fortissimi viri, aut deditionem extorquet, aut hīc inter hęc septa enectos mori iubet. Quare vtrum consultius rebus nostris sit, an sese huic truci hosti dedere, vel portis castrorum patefactis in indubitata morte ruerē, ac nō sine cæde hostium gloriose cadere: in medium consulite. Mors certē sola finem omnium malorum afferet, quæ corpus à cruciatu, oculos ab indignis rebus auertet, nōsque diuino conspectu frui efficiet. Plura loqui volentem ac cupientem vis lacrymarum orta præpediuit. Ad quæ sic Poloni. Mors nobis

Oratio Iuonia ad suos.

Polonorum responsum.

nobis, Iuonia, nūquam acerba ac atrox
& est, & erit. Quare, si ita animo desti-
nasti, hūc crudelem hostem inuadamus,
potiūsque gloriose cadamus quàm ab
eo capti, per ludibrium, per dedecus,
per varios cruciatus, non sine contume-
lia vitam finiamus: præsertim cū nulli
Christianorum fidem datam conseruet.
At contrà Valachi, quorum tantus ani-
mus in mortem non fuit. Deditionem
quidem nō se abnuere, si pro certo Iuo-
nia sciret, Turcisque fidere, quòd ipsum
incolumem conseruaturi essent, posset.
Si de fide eorum dubitaret, se cum Po-
lonis ad vltimam internecionem, fidei
semel ipsi datæ memores, cōtra Turcas
malle dimicare, quàm per fraudem illo-
rum omnibus esset pereūdum. Iuonia
huc illuc animo fluctuans, quid sibi fa-
ciēdum esset, animi dubius, in diuersum
curis trahebatur. Mouebatur indigna
calamitate suorum, eò quòd multi siti e-
necti, in dies magis atque magis morie-
bantur, ac breui pòst omnibus pereun-
dum erat: serò culpans consilium suum,

*Valachorum
responsum.*

quòd in tam iniquo loco castra posuisset. Quare summo cū gemitu, & lacrymis sanguinolentis ita exclamat: Malo me hosti dedere, quòdque aduersa fors attulerit, pati, quàm vt mea causa tot millia hominum siti pereant. Percun-
 ctabor nihilominus legatos ad me missos, an in hacce cōditiones quas eis proposuero, iurare velint. Si iurauerint, tum me eis dedam. Quare legatos Turcarum, qui extra munimenta castrorum, responsum expectabant, acciri iubet, eosque ita affatur. Ite, vestrisque imperatoribus hæc nunciate. Quamuis firmissimas copias, quas ipsi cernitis, habeam: quorum fideli subsidio subnixus, hacce vestras vires sustinere possim: tamen necessitati hoc tempore cedendum arbitror. Quare si omnes imperatores & præfecti vestri, singuli septies, in has conditiones mihi iurabūt: tum primū me dedam. Primò, vt vniuersum equitatum Polonicum, singulari fide ac virtute præditū, vnà cum suis equis ac impedimentis, à quauis gēte magnificiendum,

*Iuonia verba
luctuosa.*

*Iuonia legatis
respondet.*

*Prima com-
ditio.*

dum, qui ad postulata mea venire, sine
 ullo impedimento saluum reuerti pa-
 tiantur, liberumque eis transitum per
 Nestrum flumen dent. Secundo, vt me *Secundam*
 ad Selymum, Turcarum imperatorem,
 dominum meum, viuum ac incolumẽ
 deducant. De Valachis nihil dico: quos *Tertia*
 æquum est, cùm Cæsaris dedititij sint,
 conseruare: quos si vos violaueritis vel
 trucidaueritis, ingens detrimẽtum Cæ-
 sari, vel ei quem ille pòst Valachia præ-
 ficiet, estis allaturi. Hæc legati vbi pur-
 puratis & arcium præfectis exposuissẽt,
 omnes pedibus in conditiones eas eunt:
 septiẽsque singuli omnia postulata iura-
 mento militari, etiam suorum militum
 nomine, confirmant. Tãdem ipsemet
 ad purpuratos Turcarum, omni metu
 deposito, impendentisq; periculi ne-
 scius, è castris egreditur, coramque sic
 p equitatu Polonico verba facit. Cùm *Oratio Iu-
 nia ad purp-*
 ita Deo optimo maximo visum sit, vt *ratos.*
 potestatis vestræ factus sim: vos ego per
 fidem vestram, quam mihi sacramento
 militari sanxistis, oro ac obtestor, vt e-

quitatum Polonicum, liberè in equis ad
 suos cum omnibus impedimētis reuer-
 ti patiamini. Digni etenim sunt ij viri vt
 eos omnes mortales colant, suspiciant,
 magnifaciant. Siquod vestrum odium
 est in eos, illud in me conuertite: quod
 ego pro eis ferre sustineréque paratus
 sum. Demum suis paulisper à castris re-
 motis, ad Polonos, quos educebat, illa
 verba nouissima dixisse fertur. Nūc gra-
 uis ac acerba fortuna, viri fortissimi, me
 à vobis disiungit. quare hāc dextram vo-
 bis singulis porrigo, testorque, quoad
 vsque spiritus meus hoc in mortali cor-
 pore supererit, nomen vestrum grata a-
 nimi memoria me prosequuturum. Nō
 sine lacrymis hęc Poloni audiuerunt: cu-
 ius dextram cum flebili vlulatu ample-
 xi exosculabantur. Qui cū iam ad ter-
 tium teli ictum à castris abfuissent, Vala-
 chos quoque pari ratione è castris edu-
 cit: quibus non sine lacrymis valedi-
 cit. Recordatus auriac vnionum, quos
 penes se habebat, iterum ad Polonos re-
 uersus, gladio accinctus vtrinque acuto,
 omnia

*Nouissima
 oratio ad Po-
 lonos.*

*Valachi à
 Iuonia edu-
 cuntur.*

omnia eis largitur, tandèmq; flens sic
inquit: O si mihi iam ad manus vestræ *Inonia verba*
copiæ quàm priores illæ duplo maiores *ad Polonos.*
essent, vel saltem eæ integræ: efficerem
profectò, Deo adiuuante, ne quis istorũ
canum ad occasum solis in hac regione,
quàm mihi Deus propter magnitudinẽ
scelerum meorum adimit, superstes fo-
ret. Sed frustra vos, viri fortissimi, volu-
bilitate verborum inani detineo. id ferre
cogor, quicquid mihi Deus imponet.
Vos ita à me discedere velim, & opto, vt
vos Deus opt. max. incolumes ad pa-
trios lares deducat. Me quoque si Deus
è manibus cruentis horum teterrimorũ
hostium conseruabit, méque Turcici
Bassæ, vti polliciti sunt, viuum & incolu-
mem Selymo sistent, iureiurando mihi
pro re certa polliceor, me pòst benefi-
cio Selymi, cuius sensus omnes calleo,
Valachiam iterum habiturum. Vos in-
terim oro, vt dulcissima recordatione
semper memoriam mei colatis. Quic-
quid opum & diuitiarum mihi pòst erit,
id in vos conferam, vestræq; stirpis Po-

lonicæ homines ad summos gradus honoris, quoniam fides, fortitudo, cōstantia vestra, in rebus dubiis est mihi perspecta ac cognita, eueham. Hæc effatus, quicquid residui vnionum aurecorū habuit, id Polonis largitur, inquiēs: Nolo vt id in manus horum immanissimorum hostium perueniat. Proinde considerans fortitudinem vestram, & fidelem operam, quam mihi adhuc nauastis, & eum affectum sanè mirum, quo me prosequuti estis: omnia vobis dono: animi grati beneuolētiam erga vos, ac omnem gentem vestram, penes me relinquo: quam semper ad extremum spiritū retinebo. cuius rei testem Deum, huius vniuersitatis creatorem, inuoco: cui vos cōmendo. Huiusmodi precatio ac obtestatio Iuoniæ, omnibus Polonis lacrymas excussit: cui gratias egere. Qui armis à se abiectis, more supplicum, ad castra Turcarum, sumpto secum Polono Osmolio, peruenit: quibuscum integras quatuor horas colloquium habet. Ibi Bassa Capucius, fortassis oratione eius offen-

offensus, immemor fidei sacramēto militari confirmatæ, quam Iuonia dede-
 rat, stricto gladio, ventrem faciēque
 eius discidit. Ita vulneratum Ianczari
 corripunt, & semiuiuo caput amputāt:
 deinde trūcum, pedibus duorum came-
 lorum alligatum, discerpendum obii-
 ciunt: quod belluæ in diuersum conci-
 tatæ discerpunt. Caput hastæ infixum:
 cadauer discerptum, in frustaque minu-
 tissima concisum: cuius ossibus inter se
 partitis, cruore cadaueris recentis gla-
 dios perungebant, sanguinēque equis
 suis bibendum porrigebant, deo suppli-
 cantes quò in ipsis quoque idem virilis
 animus, & eadem belligerandi ratio ef-
 set. Eum exitum Iuonia, vir memora-
 bilis, habuit: qui perfidia Turcarum tam
 crudeliter ac nefariè, omnium cum tristi
 desiderio, è medio sublatus fuit. Quod
 ei, reor, non accidisset, si in religione
 Christiana constantior fuisset, & impe-
 rata fecisset. Dolendus ipsius casus, in
 exemplum est documentūque incon-
 stantiæ rerum humanarum. Nam sicut

*Miserabilis
 exitus Iuonia.*

*Exemplum
 Iuonia incon-
 stantiæ rerum
 humanarum.*

Extremus conatus veliti.

antè secunda fortuna rebus supra vota
 fluentibus, tot tamque inclytas victorias
 ex Turcis attraxerat: ita nunc aduersa,
 quæ ei indulgebat, velut in ostentatio-
 nem fragilitatis humanæ, destruens quæ
 cumulauerat, exitum miserabilem, hor-
 rendam ruinam, fœdâque mortē Iuo-
 niæ adiecit. Turcæ miserabiliter Iuo-
 niâ occiso, subitò in Valachos, quos Iuo-
 niâ è castris eduxerat, impetum faciunt,
 eosque instar pecudû crudeliter interfi-
 ciunt. Poloni velites, visa perfidia Tur-
 carum, nec sibi tutum reditum in Polo-
 niam esse cernentes, in castra iterum, ex
 quibus excefferant, regredi volebant.
 Sed ea à Turcis occupata iam erant. De-
 mum, sese mutuò cohortati, in agmina
 densa Turcarum, pleni animi speique,
 summa vi incurrunt. quibus disruptis
 disiectisque, omnes fortiter occubere.
 pauci grauitè vulnerati: qui post Tur-
 cis admirationi fuere, quòd paucissimi
 in numerosos proruisissent, pugnarentq;
 viriliter: quòdque, lethaliter faucij, per
 media castra ambulassent, nec ob id mor-
 tui

tui essent. Illi autem præcipui capti è Po-
lonis fuerunt: Suierceuius, cuius præci-
pua virtus, industriâque singularis in eo
bello extitit: Coslouius, Sadorfcus, Ian-
cius, Zalescius, Copitfcus, Rescouius,
Socolouius, Libifouius, Cifouius, Suci-
nius, Bogfcus: qui omnes post ab he-
ris suis grandi ære redempti fuere. Sollici-
tabant autem eos Turcæ, vt religione Ma-
hometi amplexa, in verba eorum iura-
rent: pollicentes, fore vt amplissimis bo-
nis à Selymo acceptis apud eos vitâ trā-
quillam beatamque ducerent. Sed illi o-
mnibus Turcarum pollicitationibus
spretis, maluerunt apud suos vitam in-
opem agere, quàm in opulētia ac omniū
rerum affluentia, cum animæ iactura, a-
pud Turcas. magnę admirationis virtus
eorum fuit: qui Turcæ, quamuis in suo-
rum laudem propensi sunt, tamen vul-
go sermonibus iactitarunt, in toto regno
Poloniæ, viribus, industria, belligerandi
promptitudine, eis minimè pares esse.
Illi, hisce auditis, Immò nos omnium,
inquiunt, sumus infimi: qui ob inopiam

*Capti Polo-
norum præci-
pui.*

*Constantia
Polonorum.*

*Turcæ capti-
uos Polonos
laudant.*

*Captiui vir-
tutem suam
elevant.*

apud nostros nullo loco habito, in hasce
oras venimus, vel vt honestè patriā de-
fendentes, mortem oppeteremus, vel
præda nacta, ea onusti, ad nostros reuer-
teremur. Quibus vt crederent, haud id
in animum suum inducere poterant.

*Selymus totā
Moldauiam
occupat.*

Post tam ignobilem cædem Iuoniæ,
Selymus totam Moldauiam occupat:
omnes ferè stirpis Valachicæ, tam sum-
mos quàm infimos, crudeliter è medio
tollit. Totaque Valachia occupata, arci-
búsque ipsius firmo præsidio munitis, al-
lia multitudine alibi in colonias dedu-
cta, in Russiam intētus est. Quæ sibi vnā
cum vniuersa Polonia, à tã potenti, per-
fido & immanissimo hoste caueat. Nam
optimè, sollerti animo Turcæ cernunt,
occupata à se Valachia, ac deinde Pocu-
censi oræ, (quæ est regio inter Hirassum
& Tyram, ultra Cameneciū versas Ha-
liciam, Podoliæ emporium, in vltiore
Polonicæ ditionis ripa, cōtra Zuthan-
nam Tyræ impositum) pro qua Poloni
cum Valachis ad internecionē pugna-
bāt, bello illato, omnia in Podolia ipso-
rum

*Pocucensis
ora situs.*

rum aperta fore libidini, quæ se in Poloniam quoque extendere possit. Nam id est Turcicis imperatoribus in more positum, ut, si finitimi alicui gēti sint, aucupata occasione, ac iniectis factionib⁹ inter principes illius gentis, eam post facile bello aggressam vincāt, eiq; perpetuū iugum imponāt: ut memoria patrū Græcis fecere, nostra Vngaris, nō ita pridem Valachis. Polonia est eis vndique præsidio tot gentium nudata: quæ hætenus vires eorū, Scythicasque, in tāto diffidio Christianorū, qui sese cū applausu Mahometi, ciuili ferro cōfodiunt, sustinuit. De qua occupāda, nō mediocris eos curastimulat, ut per illā vniuersæ Germaniæ bellum inferre possint: cū ipsis ad Germaniam vastandam difficilis aditus per Austriam, ob munitiones Viennenses, pateat. Non diu post captam Valachiam Selymus superstes fuit: qui ferè quarto anno post quā a patre Solymano regnare cœpisset, fatalem horam anno Christi millesimo quingentesimo septuagesimo quarto; quindecima die

*Mors Selymi
anno Christi
1574.*

*Post Selymū
regnat Sulta-
nus Mura-
tha.*

Decēbris, obiuit. in cuius locum filius,
stirpis maximus, Sultanus Muratha, tāto
silentio à Bassis ad occupandum impe-
rium accitus successit, vt prius ad Con-
stantinopolim veniret antequam adesse
ab omnibus suspicaretur. Qui imperiū
suum à cæde quinque fratrum, duarūq;
matrum, (quarum vna grauida erat) &
multorum procerum, secutus morē ve-
terum Turcarum Cæsarum, inchoatus,
omnibus terrori ac formidini studet ef-
fe. Hic, vt lanczaros fremētes placaret,
quòd ipsis insciis à Bassis accitus impe-
rium inuasisset, hæc eis postulata cōces-
sit. Largitus est singulis à summo ad mi-
nimum septuaginta quinque taleros. sti-
pēdium illorum auxit: filios ipsorum, vbi
adolescerent, lanczaris ascribendos sta-
tuit. Numerū lanczarorū duobus milli-
bus maiorē fecit: ita vt iam sint sedecim
millia. Postremò, in prelio mutilatos,
immunes à bello fecit, & omnem victū
ad vitam transigendā eis dari iussit. His
ita compositis, memor cladis quam Iuo-
nia cū Polonis Kosacis, ditionibus Tur-
cicis

cicis intulerat, vt aliquando Polonos vicisceretur, immiffis mēse Octobri, anni 1575, cētū & vndecim millibus Scytharum Pręcopiēfiū, regiones Rufficas quaquaversus, ad quadraginta milliaria *Scythæ Ruffiā vastant.* peruaftauit. Ducentas domos equeſtris ordinis, ac pagos permultos, flāma iniecit, ij immites hoſtes exuſſerunt: ſenes è plebe pueruloſq; plorātes cōtrucidarūt. Nobiles tamen haud plures triginta vel in preliis occiderūt, vel pariter cū vxoribus liberisq; in Valachiā, miſeris modis colligatos abduxerūt. multi greges boū ouiumq; multa equorū armenta, ab illis abacta ſunt. laſſis crura ſuccidebāt: viuiscoria ad vinciendos homines detrahebāt. In traiectu Neſtri fluminis, magnus captiuorū plāctus auditus eſt, quòd ſe iā planè in acerbiffimi hoſtis poteſtatē veniſſe viderēt. Quos noſtri liberaturi fuiſſet, ni cōfiſi vanis promiſſis Petri Palatini Valachiæ, qui ſe Scythiſ reditū in patriā, p Valachiā permiſſurū negabat, noſtriſq; id ſāctè pmittebat, ad Kiouiā, quā hoſtis venerat, eādē ſperantes rediturū,

cōuerſi, paulo tardiùs ad Neſtrū cōcur-
riſſēt. Multi quidē tū Scythæ occiſi: plu-
res tamen Ruſſi abaſti ab illis ſunt: qui
paſſim graſſante tā numeroſo hoſte, cō-
uenire ad Mielieciū Palatinū Podoliæ,
haud potuerūt. Interemptus quidā Scy-
tha à Iacobo Niezabitouio, cū ſeptingē-
tis, quos ducebat: cuius frōs viginti qua-
tuor digitos lata fuit: manus & pedes, ad-
eōq; totum corpus ſtupēdæ magnitudi-
nis: humi iacēs cadauer, vmbilicum viri
ſtātis attingebat. Dū verò iſti prædā in
Valachia cū Palatino partiūtur, Koſaci,
Boryſthenis accolæ, milites generoſiſſi-
mi, ductore Bogdano Roſinſkio, in Scy-
thiā irruunt, flāma & cædibus omnia cō-
plent, fœminarū vbera abſcindunt, alias
excæcāt, liberos illarū collidūt, veteres
captiuos liberāt. Sed iā placet hitoriæ
finē imponere. Ex qua id inter alia diſci-
mus, Turcas vinci à Chriſtianis poſſe, ſi
ſint fideles & impauidi milites, firma au-
xilia: ac (quod primum eſt) ſi ſit fortis &
gnarus militiæ imperator.

IOHANNIS LASICII

Historia de ingressu

Polonorũ in Valachiam cum
Bogdano Voiuoda, (cui suc-
cessit Iuonia) & cæde Turcarũ;
ducibus Nicolao Mielecio &
Nicolao Sieniawscio : A. M. D.
LXXII.

H iij

ILLVSTRIBVS ET MA-
GNIFICIS VIRIS, DN. NI-
colao Mieleczki, Voiuodæ Po-
doliae, Grodenſi: & Nicol. Sie-
niaſki, Strienſi præfecto, at-
que copiarum regni in Ruſſia
primario ductori:

IOHANNES LASICIVS S.



*ISI nos certa merces
laborum, Christiano-
rum causa susce-
ptorum, in cælis ma-
neret: nihil vobis, il-
lustres viri, cæteris-
que isthic pacis publicæ conſervatori-
bus, foret infelicius. Tanta sunt vestra
in rempubl. Christianam merita, me
latet an iam remunerata. Hæc verò est
illa maxima caritas, de qua sic inquit
noster*

noster servator: Maiorem hac carita-
 tem nemo habet, quàm si animam suam
 ponat pro amicis suis. hoc illud quod Si-
 rachus faciendum suadet, ne fratris &
 amici causa pecuniæ parcamus. hoc
 quod Paulus scribit, Caritas non quæ-
 rit quæ sua sunt: & omnia sustinet.
 Quæ, quanta sint, quis non videt? Te-
 stis rei huius est, inter alia, hæc quam ad
 vos mitto, Valachica historia. nã quid
 vos aliud in Valachia, tanto cum dis-
 crimine vitæ, nec absque impensis, &
 domesticis rebus postpositis, anno 1572
 egistis, quàm ut Bogdano, gentis nostræ
 amantissimo, in illam reducto, tutum
 ab illa parte à Turcis regnum Poloni-
 cum, firmissimum Germaniæ murum,
 redderetis? quo beneficio quod aliud
 maius à vobis in rempubl. proficisci po-
 tuit? Itaque, ne dubitate, veniet ali-

quando illud tempus, cū, ut omnium
 Christo fidentium virtutes, ita vestra
 quoque hæc de populo Dei merita, ma-
 gnis præmiis afficientur. Nec ego
 valde miror, optatis conatibꝫque ve-
 stris fortunam non respondisse: cū
 nemo sit hominum, cui semper secunda
 sint omnia. In magnis, ait poëta, & vo-
 luisse sat est. Satis vos patriæ, satis a-
 mico dedistis afflicto. Si Deo, mundi,
 quem creavit, admirando rectori, se-
 cus visum: quid dolemus? voluntati
 illius quis resistet? is ut dat, ita aufert
 reges, regna mutat, excitat & immit-
 tit hostes. non tamen absque causa: sed
 propter impunita scelera, idololatriam,
 superstitionem, pauperum oppressio-
 nem, iniurias, fraudes, furta, cædes, lu-
 xus, libidines, ebrietates. Ductus est
 in captiuitatem populus meus, ait va-
 tes

tes Esaias, propterea quòd non fuerit
 præditus scientia: tympanum, tibia &
 vinum in conuiujs illorum: opus au-
 tem Dei non respiciunt. Neque verò
 vos tunc solùm præclaram patriæ ope-
 ram nauastis: magna semper ab illo
 tempore, ex quo vos in Russia diuina
 constituit prouidentia, utriusque ve-
 strum, maiorúmque vestrorum, in re-
 pellenda vi barbarorum, vigilantia,
 industria, fortitudo enituit: si modò
 alij conatus adiuuissent vestros, vel si
 plura perficere per iram diuinam li-
 cuisset. Utinam autem nostri, tam
 crebris Scytharum incursionibus exci-
 ti, qui mihi nihil nisi prodromi Tur-
 carum esse videntur, de locis, quàm illis
 accessus ad nos patet, muniendis tan-
 dem aliquando cogitarent. Vidisti tu,
 sapientissime Mieleci, in tua illa cum

Comite Tarnouio & Stanislao Latal-
 scio peregrinatione, vidisti inquam
 iuuenis, ut Itali Turcis, Hispani Mau-
 ris, Galli Anglis, Dani Suecis, Ze-
 landi & Hollandi quibusuis, cum bel-
 lum est, nauibus ad se aditum prohi-
 beant: ut iis in locis, quibus commodus
 est ad eos accessus, arces praesidiaq; ha-
 beant: collapsa instaurent, dies & no-
 ctes excubent. Cuius rei documenta
 si nunc hac tua & aetate & auctorita-
 te ad tuum Neſtrum atque Neprum,
 quā ferus Scythia incurrit, ederes: cer-
 tē hoc inter tot tuos, quos in arcendis
 hostibus suscipis labores, praecipuum,
 idemq; immortale opus esset futurum.
 Ni verò id, hoste iam nobis propin-
 quo, & incuria nostra nimium audaci
 facto, maturē feceritis, quis mirabitur
 sequutam possessionis direptionē: quæ,
 pro

proh dolor, iam magna est, ubi nulla se-
 pes fuit? Cui ducendæ non dubito quin
 post tot calamitates, & Turcarum in
 Valachiam ingressum, manus sitis cele-
 riter admoturi. Opto vobis Gedeo-
 nis fortitudinem, Samsonis vires, Da-
 vidis felicitatem. Barcini,
 Kalendis Octobr.

a. 1577.



IOHANNIS LASICII

*Historia de ingressu Polono-
rum in Valachiam, cum Bogdano
Voivoda, (cui successit Iuonia) &
cæde Turcarum : ducibus Mie-
lecZkio & SieniaWskio : A. M D
LXXII.*



ARIA esse gentis cui-
iusvis, ut virtutes, ita
vitia, nemo est qui
ignoret. Valachorū
sanè ea est leuitas ani-
mi, & perfidia, ut ma-
ior esse nequeat. Ij
paucis antè annis, ne superiora comme-
morem, Alexandro principe suo eiecto,
quēdam Iacobum Despotem, qui Ro-
stochij mathemata docebat, nostris qui-
busdam

bñsdam suo cum dispendio eum adiu-
 uantibus, receperunt. quo occiso, rursus
 Alexandrum, postea Bogdanum admi-
 serunt. hoc fastidito, Iuonia se subiece-
 runt. isto Turcis prodito, ad Petrum de-
 fecerunt. quem quis diutius his regna-
 turum credat? Ita illud à Salomone ve-
 rè dictum, vt omnia, propter improbita-
 tem terræ, multos principes eius esse.
 Quamobrem haud mirum est, propo-
 fuisse id in concilio Lucensi, anno Chri-
 sti 1429, Sigismundū Hungarorum Ro-
 manorūmque regem, (vt testis est lib. 4
 Chronicorum Polonicorū noster Mie-
 chouiensis) vt gens Valachica, vnà cum
 suis Voiuodis exterminaretur: quòd ne-
 mini fida foret, furto ac præda viueret.
 sed Wladislaum, regem Poloniae, Vi-
 toudo, Duce Lituaniae, fratre suo, præ-
 sente, respondisse: non esse æquū vt Va-
 lachi, regni Poloniae subiecti, extermi-
 narentur. quorū si aliqui furto viuerent:
 id tamen non posse de omnibus dici. Li-
 cet autem hoc tum discordia regum nō
 fuerit factū: at nostra ætate, magnis eos

cladibus affligi : tandem etiam diuino permisso, Turcarum iugo subiici vidimus. Sic enim propheta Amosus, Dei nomine: Ecce, inquit, oculi Domini Iehouæ in regnum quod peccauit: disperdámque illud è terra. Sic & apud Ieremiam Deus ait, Ego feci terram, & dedi eam illi cui mihi visum est. dedi omnes has terras Nebuchadnefaro Babylonio, seruo meo. Quis igitur miretur tot gentes, quarum fides lubrica, iam in prouerbium abierat, in Turcicam deuenisse potestatem? nam quid Deo magis exosum, bilingui, perfido, fraudulento? Sed nos iam historiam aggrediamur, Paprociū sequuti.

Valachi, qui olim Getæ & Daci, post ab colonia Italorum, quos Wlochos vocamus, Valachi cognominati, gēs misti feminis, ideoque ingenij varij & inquieti: concepto odio contra Bogdanū, suū Voiuodam, (vox ea lingua nostra exercitus ducem significat, quòd Polonorum magna consuetudine sua in aula vteretur, his plurimum fidei haberet, horum

horum beneuolentiam liberalitate demereretur, vni illorum sororem suam nuptum dedisset, ipse quoque vxorem genere Polonā ducturus esset: clām in-
eunt consilium de alio in locum illius sublegendo. Erat tum apud Imperatorem Turcarum Iuonia, (sic illi Iohānem appellant) filius Stephani, Voiuodę illorum, è concubina prognatus: qui anno salutiferi partus 1561, rege Sigismundo Augusto comitia Lublini agente, Iohannis Fierlei, Voiuodę Lublinensis, Marsalcique regni Polonię, senatoris grauissimi, minister fuit. Is Valachis visus est ad suscipiendum imperiū satis idoneus. Ad hunc ergo de nouo principatu scribunt. quæ & quanta à Bogdano & Polonis perferant mala, significant. si citò cum aliqua Turcarum manu veniret, prodituros se ei obuiam pollicētur: Polonósque vnà cum Bogdano, & Petro fratre ipsius, vinctos viuos in potestatem eius tradituros. Iuonia iamdudum cupidine dominandi flagrans, accepto tali nūtio, protinus colligit Cæ-

faris sui permisso, circiter viginti millia
Turcarum, Græcorum, & Serborum.
Porrò Bogdanus, factus de his consiliis à
quodam Valacho certior, simulque mo-
nitus vt profectus in Poloniam ad ami-
cos, maturè pararet auxilia, quibus se ab
iniuria tueretur, vitaret insidias: illo ipso
quo hæc accepit die, (qui fuit Domini-
cus præcedens bacchanalia anni 1572)
Valachia excedit. vbi primùm Polonis,
suis familiaribus, perfidiam insidiâsque
subiectorum suorum aperit. Egresso è
Valachia Bogdano, ingressus in eam est
Iohannes, ipsius æmulus, magnis Turca-
rum copiis stipatus. cui obuiam prima-
tes profecti, Gabriel Logofet, Dinga
dux exercitus, Craczonus eremita, Vi-
sternicus rarus, Lupul⁹ Stroitz, cæteri-
que proditores: salutatumque reuerenter,
Iasum, vbi sedes Voiuodorum est, de-
ducunt. Tum verò cognouere periuri
Valachi, quàm leuia fuerint priora in-
commoda illis quæ à Turcis patiebantur.
nam nostri milites nihil aliud quàm
pabulum in vsum equorū, ex agris hor-
reisque

reisque incolarum auferebant: at Turca, præter id, vxores quoque illorum, virgines, pueros constuprabant: parentes, propinquos flagitia prohibētes pulsabant: omniāque alia arbitrato suo agebant: adeo licēter, vt illos tum pluribus incōmodis vnus Turca affecerit, quàm antea triginta Poloni: nec dissimilis eorum conditio Iuonia imperante, illi Ifraëlitarum, Abimelecho rerum potiente, fuerit. quæ fors cōmunis est iis omnibus, qui excusso dominatu à Deo accepto, alium sibi pro sua libidine, nefariè accersunt. Nam & ipse Iuonia, vel ob leuissimum delictum, pœnam capitis in fontes statuebat, viuos excoriabat, palis infigebat, oculis priuabat, (quæ pœna apud Valachos familiaris est) naso & auribus præcisis deformes homines reddebat. breuiter, si quis illo inuito seu racemum suæ vineæ, seu quidpiam aliud, ex quo census penditur, vendidisset: hunc ille aut occidebat, aut hamo per nares illius traducto, manibúsque post tergum colligatis, tortoribus, vel, si isti non ef-

sent, Nigritis (quos Ziganos vocant) per plateas immisericorditer flagellandum obiiciebat: & (quod immanius est) cæforum cadauera, insepulta esse in foro sinebat, vt canes esu illorum saturarētur, homines aspectu obedientiores redderentur. Hac tali feritate, tantum sui metum amorēque (si modò in metu esse potest amor) plebi incussit, vt illū postea nō modò honorarint horruerintque, verū etiam fortiter pro eo depugnauerint. Tale in illis locis, & ad Septētrionem, vulgi hominum ingenium est, vt castigatum, promptius quàm sua sponte officium faciat. Est in Russia nobilissimæ prosapiæ Casparus Paniewskius, præfecti Zidaczouiensis forma conspicua filius. huic Bogdanus suam sororē, matre id volente, bona cum dote locauit. Ipse etiam Bogdanus, Iohannis Tarlonis, signiferi Leopoliēsis, pudoris pulchritudinisque eximiæ filiam, ducturus in matrimonium erat. cui filię, matrīque eius, viro mortuo, rex Augustus tutores dedit Senatores illustres, Georgium Ias-

lou-

Iouieciū Ruffiæ, Nicolaum Mieleciū
 Podoliæ Voiuodas: qui puellam ſponſo,
 non ſecus quàm ſi regia filia foret, tradi-
 turi erāt. Ad hos ergo Bogdanus vbi ve-
 nit, opem illorum contra infidos Vala-
 chos implorat: ſuum honorem tuēdum
 vt ſuſcipiant, omnibus precibus rogar.
 idem petit & à militibus, finium regni
 cuſtodibus. Hi itaque omnes, rei indi-
 gnitate commoti, & illud Sirachi confi-
 lium ſequuti: Iniuriam (inquit) patiētem
 eripe è manu iniuriam inferentis: neque
 vindicando animum paruum habeas: &
 eritis tanquam filij altiffimi: quod & Da-
 uid, Salomon, Ieremias, homines diuini,
 faciendum cenſuerunt: operas illi ſuas,
 ad vindicandum ius amiſſum, obrulere.
 miſerat & ad Auguſtum regem certos
 homines, qui idem abs eo flagitarēt. ſed
 fœdus cum Turcis antiquum, auxilia
 ferre non fuit. tamen quod præſtare po-
 tuit, fecit. miſſo ad Turcam nobili lega-
 tionibus viro, Andrea Taranowskio,
 Bogdano vt recōciliaretur, ſi modò of-
 fenſus ab illo eſſet, vtq; eiectum in pa-

trium principatum restitueret, orauit. Egredito è Valachia absque omni operæpretio legato, confestim Bogdanus cum bis mille ferè, voluntariis militibus è nobilitate conflatis, in patriam irrumpit, quos traducto Nestro flumine, voluntate omnium, Nicolao Mielecio, propter prudentiam & rei bellicæ scientiam inter omnes summo, ducendos regendosque committit. Is sibi laboris socium & adiutorem adiūgit Nicolaum Sieniawskium, Palatini Russiæ filium, Striēssem præfectum, nō minùs quàm ipse, rei militaris scientia clarum: cui breui pòst, omnis oræ illius militiæ cura à rege commissæ est. Horum ductu ingressi in Valachiam, rei frumentariæ paulò licentiùs studere cœperunt. quare cognita, Mielecius furcam mediis in castris erigit, pœna capitis raptoribus statuta: quòd non ad hostes, sed ad suos venissent, quibus dominum restituere conarentur expulsum. Habitus est ibidē delectus militum. septingenti, bello gerendo parum idonei, domum reuerti iussi, mille trecenti

centi relictī: pauci numero, sed animi
 corporisque viribus præstantes. Poste-
 ro die iter ingressi per syluam faginam
 (quæ quōdam ab incolis callidè succisa, 1494.
 nostris perniciosa fuit) ad Prutum a-
 mnem peruenerunt. vnde misso Pilawf-
 kio centurione cum Bogdani famulis,
 vt Chocimo tormenta bellica aduehe-
 rent: ad Stepanowczum (qui locus ad
 eundem fluuium est) processere. vbi fa-
 cti de vicinis hostibus certiores: visum
 imperatoribus est, quò ad illos suis cum
 centuriis proficiscerentur insignis forti-
 tudinis audacięq; viri, Stanislaus Lancz-
 coronskius Scalensis, Michaël Iaslouie-
 cius Chmielnicensis, præfecti: Nicolaus
 Herburtus, Stanislaus Volskius, Crus-
 sielniczkius, Temrucus Pietichorensis
 cum suis, & triginta Croatis. Hos Vala-
 chi cōspicati, quorū ductor Dambroua,
 Pruto celeriter traiecto, terga dedêre.
 ibant ergo nostri secundum vnā ripā,
 hostes ex aduerso secundum alterā: eius
 animi, vt sex millia virorum quadringē-
 tos Polonos nō fuerint adoriri ausi. No-

stri, nulla re memorabili patrata, in castra reuersi, ire rursus ad excubias agēdas iussi sunt. profecti, incidunt in Turcicos & Valachicos excubitores: qui multis in locis ignes excitarant, vt hac ratione, quamuis mille capita non superarent, plures esse viderentur. His nostri cœlo iam albente visis, etsi impares, tamen se tenere non potuerunt quin sublato clamore in illos irruerent. at Turcæ, armis protinus correptis, conclamant & ipsi: Volscianósque atq; Croatas, qui eos inuascerant priores, abs se propellunt. sed posteaquam Herburtus, Lanczcoronskius, Iaslouiecicus, Crusielnizkius cum tympanis accessere, illico pedibus salutē quæsierunt: nostris fugientes, veluti pecora cēdentibus. vigintiquatuor viui capti: nostri omnes salui. Croatæ solū vnus, cui effrænatus equus erat, Turca fugiens, caput acinace abstulit. Hic cū quidam Temrukianus Scytha, Volskij cohortē repulsam esse ab hoste vidisset, insciis omnibus, ad imperatorē cū nuncio cæsarum Polonorum aduolat. cui præmij

præmij loco, catenæ iniectæ, quòd vano
 rumore animos militum frāgeret. Sub-
 iecti quæstionibus captiui, in proximo
 esse magnas suorum copias cōfessi sunt.
 Quapropter centuriones, suos quisque
 protinus instruunt ac ordinant: impera-
 torem de victoria, & hoste vltra mōtem
 abdito, edocent, maioraque auxilia ro-
 gant. Voiuoda, interrogato iuvene an
 nobili genere ortus esset: eóque id aien-
 te, Lesciniúmque dici, & Herburti famu-
 lum esse: respōdet, Ergo (inquit) ea quæ
 refers, vera sunt. nam nihil magis nobi-
 li, quàm vt semper vera & comperta di-
 cat, curæ est. accipe, ingenue adolescēs,
 hoc læti nunciij præmium, quo seruus
 Scythæ minimè dignus fuit. Lescinio
 muneribus affecto, & suorum animis
 recreatis, præmissisq; ad illos qui opem
 implorabāt, Ioanne Iordano & Cosiel-
 skio: ipse item eos Voiuoda cum reliqua
 manu sequitur. vbi conuenerunt, pri-
 mùm Deo, auctori salutis omnium, cædis
 verò hostium: pòst ipsis etiam, pro ope-
 ra primo aggressu bene nauata, gratias

egit. Interim Pilawskius cum tormentis
venit: quæ Iacobi Iordani fidei tradita
sunt. Progressi omnes ad Iasum, anim-
aduertunt, magna Turcarum Valacho-
rumque agmina tumulos Stepanowcios
insedisse: adhæc, Valachos conspectis
nostris, acies suas ostentare. Hic Miele-
cius, quid hostes auderent, periclitatu-
rus: Herburtū, Iaslouiezkium, Temru-
cum, eos ad præludium pugnae elicere
iubet. Verum ij, animaduersis insidiis,
(posuerat enim dux in occulto Czere-
missios præstantes iaculatores) prodire
in aciem noluerunt. Mielecius quoque,
consideratis hostium viribus, nec igna-
rus aliud resistendi, aliud cedendi tem-
pus esse: regredi potius quam temere cū
paucis in Valachiam progredi, cōsiliū
capit. quare iubet per speciem quæri va-
da Pruthi, quasi Iasum iter flexurus, cū
(opinor) reditus Chocimum versus esset
in animo. cur enim infinitis hostibus ex-
iguū suorum numerum, nulla habens
certa auxilia, opponeret? Dies Iouis
prima à paschate fuit, cū eōuersi Cho-
cimum,

cimum, sequētes se propè magnis agminibus habuerūt hostes. Quorum audaciam minimè ferendā esse Voiuoda existimans, monet Herburtum, Lanczconskium, & aliquot alios, vt illos suis à ceruicibus reiicerent. quod hi propter loci iniquitatem, & quia sol ad occasum vergebat, facere tum detrectarunt, operam suam loco æquiore temporèq; magis opportuno ipsi polliciti. Proin nostri procedebant vltteriùs, hoste incassum è decliui loco tela tormētis in eos iacientes, donec inter Pruth & alium fluuiolū peruenerūt. Nocte sub armis vigilanter transacta, cernunt prima luce hostes id vnum conari, quò ipsos circumuenirent & in angustias redigerēt. Sed Herburtus sua cum cēturia, quæ semper extremum agmen claudebat, multitudinem hostium falcata aggressus, in aquas compellit. Quibus actis effudit se quidam è suorum grege Turca hastatus, more militari aliquem è nostris ad monomachiam prouocās. Vix hæc effatus, aduolat à latere cum venabulo Stanif-

laus Vistempus, exigui quidē corporis, sed (vt tales sunt) pectoris impauidi: quo venabulo Turcam vno ictu transuerberat. Accurrunt Turcæ subsidio prouocatori animam agenti: nostri item Vistempo triumphanti. Fit mediocre certamen: in quo Zebro, Polonus centuriæ Lanczcoronskianæ, occubuit. Turcæ tali viro amisso, ibant quieti die illo, qui Veneris fuit: illis ideo sacer, vel quod Mahometes creatus ab illis hoc ipso die rex foret: vel quia, vt à Christianis superstitione diuersi sunt, ita etiam aliud colendi Dei tempus, aliūque modum habent. Nos enim ad orientem solem, patriæ oriētalīs, è qua Adam eiectus est, memores: illi, ad meridiem conuersi, Deum hac die adorant. Postera luce, nostros Chocimum tendentes magna phalanx Turcarum insequuta est. vbi rursus alius Stanislaum Ciolcum, armis habitūque, qui luteus erat, inter cæteros fulgētem, ad singularem pugnam euocat. His auditis, currit ad Voiuodā Ciolcus, ac vt ipsum in sui honorem, tanto
cum

cum viro hasta certare permittat, etiam
 atque etiam orat, obsecrat. Cui is, Ego
 verò, inquit, non sinam vt quisquam ve-
 strum, qui diuitiores habemini, tali bar-
 barico certamine, periculo se exponat.
 E re magis vestra futurū, si iūctis animis
 dextrisque, hostem, vbi necesse erit, ag-
 grediamini. Dolenter hæc Ciolcus tu-
 lit. Hoste in prouocatione perstante, &
 lingua Slauonica, veste pēnisque niten-
 tem prouocante, obsecrat prouocatus,
 vt, si hoc sibi nō liceret, saltem quispiam
 suorum famulorum cū barbaro in are-
 nam descenderet: ne impunè Christia-
 nis insultare videretur. Data facultate,
 statim contra illum cum hasta proruit
 Paulus Chauzowskius: nec id segnius
 Turca fecit. sed vterque cursu irrito. Tū
 Paulus, manu promptus iuuenis, distri-
 ctum subitò ensem fronti hostis infigit:
 adhæc vulneratum, ferrum hærens ex-
 trahentem, brachiis corripit. Vis lon-
 giuscula luctatione, decurrunt ad com-
 militonē Stanislaus Visga, & Stanislaus
 Niegoczkius: hic, Baworowski, ille

Herburti minister. Turca manibus Pauli elapsus, recipit se ad suos. qui subito, lethali cognito vulnere, complures adorti illos tres, egregiè se à vi magna defendentes, vndique petunt. Laborantibus subueniunt suis cum turmis Herburtus & Volskius. fit cædes magno strepitu. sospitat Christus prelium Christianis. barbari in fugam vertuntur: quos ij cædentes acriter persequuntur. Exclamant imperatores, sine persequendi facto, pedem referrent, & ad signa redirent: clamitant & centuriones, inhibentque frustra. adeo iam animi victorum incaluerant, vt reuocari ab incepto non potuerint. Quod cernentes alij centuriones, non multis in castris relictis, pugnantibus animos suo aduentu addidere. Tū verò omnes simul multo feruentius hosti numerofo instare, cæsim punctim ferire, donec illos ad ipsa statua Valachica compulerunt. Prouecti calore pugnandi vltra tubicines & tympanotribas, animaduertunt se nimium procul à suis abcessisse. quapropter coacti in vnum, ad
eos

eos redeunt. Res mira, nec alij quàm
 Deo, suorum pilos numeratos habenti,
 ascribenda, quòd eousque pugnando
 progressi, nec circumdati ab hostibus
 essent, nec in conflictu acerrimo plures
 vnico, qui fuit Volskij, ceciderint. Re-
 uersos palàm obiurgabat imperator
 Mielecius, tacitè laudabat fortitudinē:
 quòd præter suum iussum, rem summi
 periculi pauci tentassent. Nos verò, re-
 spondent, collegæ tui permissu id feci-
 mus. quidni enim, Deo conatus secun-
 dante nostros, hostem fugientem perse-
 queremur? Loco quodam cœnoso su-
 perato, qui haud procul Chocimo ab-
 erat, Turcæ nostros ea cum vociferatio-
 ne assequuntur, vt viuos deuoraturi vi-
 derentur. Stanislai verò Czureli centu-
 ria maximè petebatur. ad quos conuer-
 tente se Czurelo, procurrit cum malleo
 acuto Mielecij minister Radeczkius,
 bellandi cum Turcis gnarus: quem ca-
 piti vnus vbi impegisset, eximere non
 quiuit. hūc imitatus Czurelo, cum cen-
 tum suis equitibus, tantum hostium nu-

merum aggressus est, ut nostri inter illos dispersi, non iam apparerent. at imperator extemplo mandavit Ossowskio, ut cum suorum equitum manu perturbatis succurreret. Cæterum Turcæ, visis pluribus nostrum ad se, tanquam irritatis feris, currentibus, euestigio retroceferunt. ut enim Scythas, ita etiam Turcas, fortitudo statim deficit ubi quis illis viriliter resistit. imbellem si videant, magno eum imperu inuadunt. Sex tantum è Czurelianis desiderati: at verò Turcæ atque Valachi concisi contritiq; passim iacebant. Tendentibus nostris Nestrū versus, Turcæ suo incursu nouissimos penè attingebant. Molestè id ferebat respectans animosus Herburtus: nihil tamen iniussu sui ducis tentare ausus. Triginta Czeremissij ab tergo constituti, glandibus tormētorum incursantes repellebant. Fuit ibidem quidam palustris locus, nostris trāseundus: ad quem hostes celeriter concurrerunt, aditu eos prohibitori. verum iussu vicarij imperatoris, exonerata contra illos à Stephano Gar-

Garnissio, Herburti subcenturione, 12 minora tormenta, vnum maius ab ipso met Ciolco, conturbatos vltra montem reiecerunt. Exantlatis tot aduersis, tandem ad Chocimensem arcem, concubia nocte venerunt: quam arcem Dobrossolouius Polonus, paruo præsidio tenebat, & fide bona (cuius gens nostra natura feruans est) Bogdano tamdiu seruabat. vbi Turcæ nostros, iam securiores, & ordinis negligentes, facile oppressissent, ni Temrucus centurio, tamdiu illos sustinuisset, dum singuli suis sub signis cōsisterent. Godzissevskius prior e centuria Goraiskij hostes sensit, deinde alij: qui celeriter à Sienavvskio ordinati, productis ante aciem tormētis, hostem opperiebātur. nec res, tametsi copiis nostri multo forent inferiores, certamini moram fecit. Vetuerat autē Mielecius, ne quid ipse Bogdanus attētare: sed contentus iis quæ alij pro eo subirēt, in castris, vbi erant præstantiores, maneret. Ibi prima contentio inter nostrum exiguum peditatum & Valachos de se-

pe quadam orta. Dehinc Turcæ nostros
inuadere premeréque. Rogante Cie-
mierinskio auxilia, Temrukus & Her-
burtus, à Sieniavvskio ferre iussi, respō-
dent, minimè committi debere velites
loricatos, venabulis vtentes, cum Tur-
cis hastatis & scutatis: (nam facilè ab il-
lis dispergerentur) sed hastatos cum ha-
statis, vt sit pugna æquior. se verò præsto
fore, vt hostem alia ex parte inuadant.
Tali excusatione vsis successit Sieni-
avvskij mandatu, Iacobus Iordanus: cu-
ius centuria hastata ex imberbibus con-
stabat, sed quibus erant animi Herculei.
In hac quatuor fratres ipsius germani
fuere. Hi omnes, diuina ope implorata,
eo impetu in hostem incurrūt, vt nullius
hasta ab aduersario aberrauerit. pugnā-
tibus subueniunt à latere Herburtus &
Sigismundus Rozenus: sed protinus re-
silierunt faucij Turcæ. quos hi verberā-
do, vsque ad ipsorum castra variis tra-
mitibus fugarunt. Callidè autem, dum
fugerent, arma, pileos cæteraque impe-
dimenta abiiciebant, dummodo se inse-
quentes

quentes ad ea colligenda pertraherent: sed quia de vita & gloria certamen fuit, spreta hæc omnia à victore. Porro Garnissus, vbi illos plus satis excurrisse vidit, alta inclamauit voce vt seruato ordine retrocederēt. Fecit hoc cum Lanczcoronskio Herburtus. redigunt paucos in ordinem à cæde retractos, & reducunt: Iordanianis nihilominus, variis in sylua locis, hostē dispalatum persequentibus. Inest enim nostris quidam pugnandi ardor, vt cessare nesciant antè quàm vel vincantur vel vincant. ferrum nihili ducunt, modò ad illum qui ferit, perueniāt, & cædendo cupiditatem expleāt suam. Postquam Turcæ nostros longè digressos, & omnibus destitutos auxiliis vidēt: de integro circiter sexcenti integri, quadraginta defessos aggrediuntur, & magno cōcursu multi paucos premunt. opportunè autem tunc ad illos forte fortuna delati fuere, Rozenus & Io. Radeczkius, generosi pugnatores. Tum Herburtus paucis socios cohortatur, ne ipsorum animi multitudine hostium laba-

scerent: quos, Deo freti, nō secus quā
prius disiecturi forent, modò honesti &
famæ memores, quæ bona fortes sequi-
tur, dimicarent viriliter. Quibus dictis,
seque sequi iussis, incitat equum in ho-
stes appropinquantes. Inuadunt in eos,
etiam reliqui. Instauratur acris pugna, si
quæ vnquā alia. Qua crudecente, auul-
sum ab aliis Herburtū permulti impe-
tūt. Et ipse quidē singulari fato patrię ser-
uatus est: verūm socij eius quatuor, Do-
bruczkius, Golinskius, Vodziraczkius,
Conarskius, interēpti sunt. Vagabatur
aliquandiu inter hostes Herburtus, pro
Valacho ab illis propter vestem habi-
tus. ita oculi illorum diuinitus obcœca-
ti erant, vt, cuius conspectum toties fu-
gissent, eum nequaquam agnoscerent.
Sic ne in bello quidem, diuina homines
probos destituit prouidentia. Verūm
enimvero ne illinc quoque sine damno
dato discederet, nactus opportunum tē-
pus & locum commodum, vni è Turcis
graue infligit vulnus, seque subitò fugę
mandat: fossam quandam mirè latam &
pro-

profundam equo adacto transilit. Tollitur clamor Turcicè , Gaur, gaur, vvur, vvur: Valachicè autè, Ocide, ocide. hoc est Occide Ethnicū. Ad quæ verba profiliūt duo Turcæ: quorum vnus à dextro latere ipsum ita sarissa petit, vt ex ephippioplenè iā excuteret: alter, ab sinistro, momento eodem, (admirandā Dei providentiam) conatus transuerberare, in equum subleuat. Accepto tali beneficio, equo addit calcar. Fugienti, capite humerisque gladio protectis, obuius fit Slesinskius, armiger Lanczkoronskij. hunc agnitum, sibi vt opituletur, si quid possit, orat. Facit hoc non impigrè armiger. Sed Turcæ, viso præsentī auxilio, destitere cursu. Auxiliator benignè remuneratus, & magnam apud omnes, quòd tantum virum seruasset, iniit gratiam. Famuli mæsti, viso reduce hero, maiorem in modum refocillati sunt, periisse illum iam opinati. In tam impari pugna, præter hos quos commemoravi, haud plures vel octo vel decem interiere, qui erant Lanczcoronskij & Ioannis

Iordani. quos inter nobilior fuit Stanislaus Gosdzikovskyus, Iordani collega. quocum sui famuli occumbere, quam illo deserto, vitæ suæ fuga consulere maluerūt. Vulnerati nō pauci. Cæteri iustus hostium incurrētium armis auertentes, incolumes ad castra reuenerunt. Venientes Cofielskius centurio, Turcas esse opinatus, hastis excipere voluit, ni sermo Polonos esse prodidisset. Non desiere Turcæ in Cofielskianam centuriam, quæ primam aciem tuebatur, impressionem facere, donec eos Iacobus Iordanus, tormentis & peditatui præfectus, abegit. Fuit autē vnus ex illis, præ cæteris audacior, magni (vt videbatur) inter suos nominis. nam, quocunque iter intendebat, semper illum turmatim cæteri sequebantur. is identidem nostros ad pugnam lacebatur. nimium gestientem Mlodeczkius, Kofielskij socius, globo petiti tormentario: labentēq; ex equo hisce verbis alloquitur: Itane verò hīc iā iaces bacchanal? Fuit enim pennis struthiocameli, & exuviis leopardinis, instar

star personæ, cùm Bacchi festum agitur, perbellè ornatus. hunc asseclæ correptum ad suos cursim deferunt. Post hæc Mielecius, rebus hostium bene consideratis, monitúsque à Pencoslawskio, Iac. Iordani vicario, castra illinc aliò mouit, ab hostibus ita infestata, vt cassidem Gabrielis Remboskij, assidui sectatoris Mielecij, glās ferrea attigerit. Tum autem Cofielskij, & mandatu ducis, & successu hortante priore, castra adortus hostilia, complures in eis interfecit: insuper tormēta aliquot parua, & signum militare rubrum, illis eripuit. tam audaci incursum hostes haud mediocriter perturbati: frequentissimi paucis cedebāt. quibus eo modo repulsis, castra locata sunt ad Chocimum. Primarij in arcem ingressi: cæteri, stationes suas foris seruabant. Hinc Bogdanus ad Luoniam mittit Radeczkiū, nobilem Mielecij famulum, orans eum ne sibi patrium dominatum, in quem ius haberet nullum, vi eriperet. alioquin non futurum diuturnum, iniquè acquisitum imperium.

cogitaret, nihil esse grauius quàm de statu pristinæ dignitatis, propter vim alicuius, demigrare. Ideo expectaret ab alio paria iis quæ faceret alteri. Deum enim hac ratione solere vlcisci omnem iniuriã. Auxit rem eam verbis pluribus. Quibus minimè motus Iuonia, legatũ custodiæ Pyri czausi tradit: de hinc, cùm nulla alia ratione quenquam è Polonis nancisci viuum potuerit, iure gentium violato, Selymo imperatori, domino suo, mittit. Perductum ad Mehmet Bassam, ait Pyrus captum in prelio esse: negat id Radeczkius, sed tamen non fit ideo liber. Fuerunt tunc temporis Constantinopoli nobiles Poloni, Andreas Taranovvskius, & Christophorus Dzierskius: hic interpretes, ille nũcius regius. Ij nihil non tentauere, ne quid grauius in inſõtem Radeczkiũ statueretur. verũ Bassa, postquam de strage suæ gētis hominum in Valachia, intellexit, nõ solum tulit hoc acerbissimè, sed etiam captiuum, more aliorũ remigum, toto corpore rasum, ad triremes damnauit. multahi tum aduersa à Turcis experti. Nõ

prætereundum hîc esse videtur huius
Dzierſcij, dum Constantinopoli disce-
ret sermonem Turcicum, fingulare in
gētem Poſonam ſtudium. multos enim
captiuos, variis artibus, dura ſeruitute li-
berauit. ſæpe hoſtium de nobis conſilia,
præſertim interregni tempore, Senatui
aperuit. pericula hoc nomine adiit: im-
penſis non pepercit. Huius opera Mie-
lecius (cuius iſ munificentia erga ſe ma-
ximè ſenſit) uſus apud Baſſam primariū
eſt, in liberando Radeczkiō. qui Baſſa,
cū & ex aliis czauffis, (aulicos illi, qui
huc atque illuc cum mandatis mittun-
tur, ſic vocant) & ex Petro Bogdani fra-
tre, qui poſt ibidem deceſſit è uiuis, co-
gnouiſſet, Radeczkiū non in prelio,
ſed legatione ad Iuoniam fungentem,
captum fuiſſe: diu perquiſitum (iā enim
triemes in pelago erant) reddi Dzier-
ſkio iuſſit: verū (vt iſti mali ſolēt) clām
ei porrecto veneno. quod ipſi mortem
attuliſſet, ni ibidem liberator, dato ma-
turè remedio, ſuccurriſſet. Liberatus,
rediit poſt in patriam cum Martino

Bronievvskio, ad petendas inducias, dū in locū demortui Augusti, alius rex substitutus esset, misso. Mielecius, vidēs in dies copias augeri Iuonianas, suas verò magis ac magis inedia confici, (nam dies aliquot equis nostrum, nullum aliud pabulum quam frondes & frutices erant) adhæc memor illius oraculi, Dei voluntate dari populis abrogariq; reges: quāobrem, ne cū Deo pugnare videretur, néve quos induxit, pderet, de reditu in patriam cogitare cœpit. Interim Iaslo-uiecius, copiarū regni Poloniæ ductor, cognito Valachiæ turbulēto statu, iam iam erat Nestrum traiecturus cum equitatu octingentorum ferè virorum, ni id prudens Mielecius dissuasisset: opinor, ne magis irritatis barbaris, suos in discrimen adduceret. Ne verò nihil ageret, mittit quosdam è suis ad præfectum Bialogrodensem, qui hæc illi dicerent. Hi, inquit, Poloni, quos Bogdanus, neque rege, neque me sciente, dominatum recuperaturus auitum, è Polonia eduxit, amici mei sunt: quibus Cæsaris tui voluntas

lutas à Bogdano alienata, & in Iuoniam propēsa, minimè nota fuit. At verò, vbi ita se rem habere, ex Cæsarianis quotidie crescentibus copiis perceperunt: reuerti illò vnde exierant, voluerunt, sed à tuis impediti sunt. quare, si lubet, ita tuos compesce, ne quod nostris obiiciatur impedimētum. Quod ni feceris, necesse me erit cum his paucis, quibuscum ad terminos regni nostri & tui Cæsaris veni, breui plures habiturus, meos amicos ab omni iniuria tueri atque vindicare. Quod si factum erit, vereor ne te cōsiliij tui pœniteat. Præfectus, (Sendziam illi vocāt) simulatque hæc audiuit, continuò Turcas atque Valachos à ripa Nestri abscedere iussit. Traiicientibus nostris angustis nauigiis quinque diebus flumen, multi equi ex eis præcipitati, vi fluminis abrepti ac suffocati sunt. Non discesserant verò à ripa omnes Valachi. qui extremum agmē carpere conati, & à peditatu in tergo collocato cū tormentis, & ex ipsa arce Chocimensi, iaculis repressi fuere. Nostri, traducto

Nostro, Deo in primis, deinde ductoribus suis gratias egere: hi cōtrà illis, quòd obediētes, quòd fortes in preliis se præbuisent. Vulgò creditum, Mielecium suis vitam à Deo deprecatum esse. non rarò enim pernox supplicare Deo visus. Quamobrem magnam hinc ille laudem suo cum collega tulit. Ibant autem omnes seruato ordine vsque ad Cameneciam arcem, diuina manu munitam. Vbi Bogdanus, indignè patrimonio spoliatus, actis omnibus gratiis, qui se ipsius causa innumeris periculis exposuerant, cuius quidem eorum beneuolētia, quoad viueret, qualicūque fortuna, memor esse vellet: diuersum ab illis iter cum aliquot Polonis suscepit. Porrò relictus in arce Chocimensi Dobrossolouius, cum septuaginta iaculandi peritis peditibus, fortissimè illam à vi Turcica aliquot hebdomadas, factis interdū eruptionibus, defendit. Hunc Luonia, cū nec precibus nec minis eò adducere posset vt arce excederet: scribit ad Iaslouieciū litteras, quibus illam tradi sibi petit: se tale
iusu.

iusiurandum daturum suis cum proce-
 ribus promittēs, quale rex Augustus dari
 mandaret. (nōdum enim mors ipsius di-
 uulgata erat) annuit Iaslouiecius, quòd
 hæc mandata abs rege acceperisset. Igitur
 in hæc verba iurat: Nos, (inquit) Iohan,
 Voiuoda terrarum Moldauix & Vala-
 chix, dominus atq; hæres: iuro per Deū
 omnipotentem, ac ritu feudali promit-
 to, nos successorēsque nostros, vnā cum
 senatu & subditis nostris, fideles, constā-
 tes, obediētes fore serenissimo Poloniæ
 regi Sigismūdo Augusto, successoribus
 senatoribúsque eius, ac ipsi reipublicæ.
 Idem Senatus iurauit. Fuerūt autem isti
 præcipui: Isaias episcopus Radziouien-
 sis, Iohannes, Golofelt Moldauix, Bo-
 chdanus. Post hæc Dobrossolouius, ab
 imperatore Iaslouiecio verbis regiis ius-
 sus, cum milite ex arce descēdit. His ita
 transactis, Turcæ, Valachi, Scythæ, nu-
 mero circiter centum millia virūm, ac-
 cepto de obitu regis Augusti nūcio, (erat
 autem septimus Iulij dies, quo vita fun-
 ctus est Sigismundus Augustus) intenti

in Russiam, non priùs à Nestro secedere voluerunt quàm ea de re Cæsarem consuluissent, & precibus Iuoniæ à proposito reuocati essent. Parci fœderatis Cæsar Selymus iussit: nisi fortè talem sibi ipsi constitueret regem, qui ipsius hostis esset. (quo in numero & Moschum & familiam Austriacam habebat) Lectus rex Henricus, Dux Andium, Henrici 2., regis Gallorum, filius: vbi regnum largitione quesitum, & 4 solùm menses administratum, patrio postposuisset: hos eosdè Scythas discessu suo, anno Christi 1574, in Russiam, mēse Octobre attraxit: quo anno Iuonia, iniquè parti dominatus: Valachi, perfidiæ pœnas dederunt.

FINIS.

Ad lectorem.

Quem Gorecius pag. 12 Tyaram vocat, Strabo, Ptolemaeus, Stephanus & alij, nominant Tyram seu Tyran. quamobrem pag. 112, à Gorecij codice discedere, & veterum auctoritatem sequi non dubitavimus. Eiusdem, non nostra culpa, tam varia est in quibusdā nominibus, praesertim exoticis, scriptura & inflexio. Eidem, non nobis, tribuenda est deponentium pro passivis, activorum pro deponentibus usurpatio, transpositiones relativorum commatum inusitata, nominativi & accusativi pro ablativis absolute positi, similisque aliae syntaxeos & phraseos formae insolitae.

CLADES

Dantiscanorum , an-
no Domini M D LXXVII,
XVII Aprilis:

A


IOANNE LASICIO POLO-
no descripta, & emendatiùs se-
cundò edita: in qua causę belli
à serenissimo Rege Polonię
Stephano contra Gedanenses
suscepti, referuntur.

ACCESSIT

Satyra Ioachimi Bielscij, in quendam
maledicum Dantiscanum.

FRANCOFVRTI,
Apud Andream Wechelum.

A. M D LXXVIII.



MAGNIFICO VIRO, DN.

IOANNI ZBOROWSKI, CASTEL-
lano Gnesnensi, Ducicopiarum Au-
lico serenissimi Regis Poloniae Ste-
phani, Odolanouiesi, Kieskenfi Vol-
piensiq; praefecto, Senatori integerri-
mo, salutem & felicitatem.



ITTO ad te, strenue im-
perator, hanc belli abste,
Angelis Dei iuvantibus,
confecti, descriptionē: ut
gesta tua, tuorumq; for-
itum militū, quae iam lit-
teris mandari incipiunt,
nunquam esse moritura nisi cum hac vniuer-
sitate rerum, cognoscas: & eò maiorem inde
voluptatem percipias, ad maiora facta tanto
magis inflammmeris. Qua in descriptione, tute
nosti quale meum fuerit studiū, ne quid falsi
esset. Si quae praterij, ea supplere licet aliis.
Dolenda est sanè isthac Christianorum cala-
mitas. at quid aliud magistratus ageret, im-
perata facere nolentibus? etsi nondū hic ma-
gistratus noster, suo usus esse gladio, quem à

Deo ad coërcendos malos accepit, videtur: id tantum apparuit, quemadmodum pro eorum ille rex ac defensor pugnauerit: quum hostes non contenti eo, se ut intra mœnia continerent defenderentq; foras etiam, Regem suum oppugnaturi prodierint. Quorum cōsilia quæ finem sortita sint, tu ipse vidisti, ego descripsi. Faxit igitur Deus, quandoquidem per duelles ne nunc quidem resipiscunt, ut de te, milite eodē tuo, & Rege nostro fortissimo, similia scribere liceat. Attamen magis illud à Deo precor, ut, qua Gedanenses ob peccata affecit cæcitate, eam post hanc cladem, animis illorum adimat: ne fortè, accensa magis Vncti Dei ira, funditus euertantur. quod ut Ioannes Dantiscus, ciuis illorum, supra annos XL prædixit: ita & ego mihi videre iam videor. Vale, & pugna feliciter, decus amplissimæ Zborouiorum familie: hanc autem meam lucubrationculam eodem animo, quo me miles, annis abhinc XIX, in Gallia complexus es, quæso te, accipe. Barcini, anno M D LXXVII, XX Maij.

Tuæ dignitatis obseruantissimus

Ioannes Lasiczki.

CLADES



CLADES DAN-

tiscanorum, anno Christi M D

LXXVII, XVII

die Aprilis:

A Ioanne Laficio descripta.



NTEQVAM ad fune-
sti Gedanensium suo
cū Rege belli descri-
ptionem accedam, il-
lud mihi præfandum
esse videtur, ipsosmet
Gedanenses tanti sui

mali causam fuisse. quod quidem, præ-
ter hunc miserabilis pugnae euentum,
abirato procul dubio Deo profectum:
ex conditionibus quoque à clemēti Re-
ge ipsis non semel oblatis apparet. Nam
quum Rex Stephanus, quinto vt regna-

re cœpit, mense (qui erat anni superioris Septēber) firmandi regni sui causa, Cracouia Marieburgum venisset, opinatus tanto facilius, quāto Gedanum propius, omne negotium transactum iri: factum necessario est, Senatu qui cum Rege fuit consulto, vt Gedanenses, rebelles pronunciarētur: quod à Cossobucio secretario, Andrea Sborouio curiæ Marfalcono, & ab aliis duobus Senatoribus ad ipsos missis officij admoniti, nihil de sua obstinatione remitterent: quodque ad causæ suæ dictionem, fide bona vocati, quamuis commodè potuerint, tamen non venerint. quæ nota in fontibus grauis, nihil quidquam illorū animos permouit: nullum in illis seriò placandi Regis, contumacia offensi, studium apparuit. quin imò Regi legem imponentes, vt antea, ita post, liberari ab eo fide Cæsari Maximiliano, à paucis appellato Poloniæ Regi, præcipitanter data, volebant: triginta aliis conditionibus (quarū primæ, vt à quibusdam oneribus ab Augusto Rege ipsis impositis liberi essent, & por-

& portorio ipsimet fruerentur) cum illo
paciscebantur: militem in Germania, in-
consulto Rege & regni Senatu, conscri-
bebant: portas interdium, nullum habētes
hostem, claudebant: non contenti gene-
rali Regis iureiurando, legibus publicis
priuatisque suis singulari quoque (Regē
hac ratione infidi animi arguētes) caueri
postulabant: contumeliosis & ab omni
veritate alienis de Rege laudatissimo &
regno, officinæ Jacobi Rothi scriptis
Germaniam implebant: Grebino, terri-
torij sui capiti, in ipso Regis conspectu,
præsidia imponebant: urbem suam tam
milite mercenario, quàm validis propu-
gnaculis, magis ac magis muniebant.
Quibus eorum facinoribus benignus
Rex irritatus, arcem Grebinensem 26
die Septembris occupat, præsidia cædit
& fugat, multos pagos quos Zulawa il-
lorum habuit, euastat. Perciti inopinatis
cladibus damnisque, impetrant quatri-
dui commeatum, vt vrbe tutò exire li-
ceret. Egressi, suburbium pagumque di-
tionis Episcopi Wladislauiensis, Sena-

toris regni Poloniæ, igni comburunt: ac paulo post cœnobium, iuris eiusdem antistitis, intra sua mœnia, ac item aliud extrà, quòd Oliuense vocatur, antiquis principum Pomeraniæ sepulcris clarũ, euertũt: imbelles monachos, alios contrucidant, alios ludibrio habent. misère tamen ad Regem cum certis postulatis octo viros. ad quę eiusmodi responsum, primis Octobris diebus, accipiũt. Rege copias suas ex agris illorum abducturo, ipsi quoque suos milites dimitterẽt, iusiurandum darent, exteros iurare nolentes vrbe mouerent, supplices veniam peterent, confirmationem iurium habaturi, ad comitia regni venirent: tum decretum ob contumaciam cõtra ipsos latum, & quę vocarent grauamina iniustè sibi imposita, suo modo tollerentur. Acceptis his conditionibus, non omnes illis probatæ. oblatas deinde alias, eodem modo aspernati sunt. Rursus impetrata 17 Nouembris, suis internunciis, Constantino Ferbero & Georgio Rosenbergio, vltro citróque commeandi hisce legibus

gibus securitate, calendis quoque Decembribus vlteriùs prorogata, vt pacata ciuitate, dimissòque milite, ad Regē venirent, delicti veniam petituri: rescribūt quædā à Regis voluntate aliena. & quoniam conditionibus non satisfecerunt, retenti sunt à Rege legati. Aliud semper quàm par erat, & Rex iustus volebat, respondentibus, humilibúsque verbis superba scribentibus: extracta res est ad comitia Toronensia, mensibus Octobri atque Nouembri, anni 1576, Gedanensium potissimè causa celebrata. In quibus Regia de ipsis sententia, ab omnibus prouinciis ordinibúsque comprobata est. deliquisse Gedanenses, & crimen contra Maiestatem commisisse, inuenti. Quò, hoc cum responso, illi iidem reuerterunt, quamuis Rex exercitum abducat è Sula wa suum, ipsos tamen non esse id facturos: nec ad commune concilium, quum ad illud non pertineant, venturos. Mirabantur nostri hæc ab illis scribi, quum anno 1569 Rex Augustus Lublini, aui sui Casimiri quarti,

de conciliis conuentibúsq̃ue Prutenicis
illam legē, *Omnes causas notabiles, ad ter-
ras Prussiae pertinentes, cum communi consi-
liariorum earundem terrarum consilio tra-
ctabimus*: ita cōmodè interpretatus sit,
vt ostenderit, non esse certum locum
hisce causis tractandis definitū: nec hinc
Senatū regni, sine quo nihil magni Rex
constituat, excludi: sed ex indiuiduo Po-
loniae cum Prussia vinculo, anno 1454
opera eiusdem Regis facto, omnia com-
munia sequi: non tamen leges harū gen-
tium confundi: ideóque tali iurisiuran-
di formula, fidem suam Regibus & re-
gno Poloniae, consules ciuitatum Prus-
siae atque nobiles obstringere: *Ego N. iu-
ro quòd serenissimo D. Sigismundo Regi Po-
loniae, & suis successoribus Regibus Poloniae,
eiusque regno, fidelis ero: eiusque Maiestatis
honorem, statum Regium, & commodum
Reipubl. Regni & terrarum Prussiae, pro vi-
rili procurabo: suamque Maiestatem de o-
mnibus damnis quae sciuerò, certiore faciam:
& ea manifestabo fideliter. sic me Deus ad-
iuuet.* Non destitere porrò tempus te-
rere

rere variis effugiis, clàm in Germania auxilia conquerentes, Rege prudētifutura prouidente, ac quæ iam acciderūt, prædicēte. Ad quem vbi Rosenbergius cum Henrico Lempka iurisconsulto, vltimum ipforum, ad ea quæ 25 Ianuarij acceperūt, respōsum, multo aliud quàm sperabatur, Bidgostiam attulissent: statutum est, post diu tētatam, tandem etiā contemptam mitis Regis patiētiam, debellare superbos, & vi cogere ad officiū ciuitatem, quæ potestati à Deo institutæ nollet subiici. Nā quid aliud, bonū regē facere oportuit? Adducā huc quæ tū etiā illis gratificabatur. *Respōsum sacræ Maiestatis Regiæ, internunciis ciuitatis Regiæ Gedanēsis à Maiestate Regia ad eorū supplicationem datum.* Sacra Regia Maiestas satis abundè omnia intellexit, quæ ciuitatis Gedanensis nomine ab ipsius Maiestate petebantur. Existimat autem, ad frequentes ciuitatis suæ Gedanensis supplicationes, satis supérque se vsum esse clementia, conniuentia sua regali: ita vt amplius vtēdum sibi esse nō putet tam diu.

turna procrastinatione, rerumq; & negotiorum propositorum dilatione. Verti ea in re iudicat dignitatem suam: expediréque rebus & consiliis suis censet, vt ista tractatio iam pridem instituta, nūc tandem finem suum sortiatur, modo & ratione infra scriptis. In primis concedit Maiestas Regia vt pro concludēdis, vltimóque fine terminandis conditionibus, à Regia Maiestate ciuitati oblatis, isto modo quo Regia Maiestas conclusit ac determinauit, in spatio sex dierum Maiestati Regiæ satisfiat, pleneq; de his omnibus ciuitas Regiæ Maiestati respondeat. Hi verò dies per reliquos mēsis Ianuarij dies anni præsentis, ciuitati concessi esse censeantur. Primò quidem, ducenta millia florenorum, numeri & monetæ Polonialis, Regiæ Maiestati ciuitas persolvere debet. Prima quidem, in spatio vnus mensis: alia verò centum millia, prima die Martij, anni futuri 1578, Regiæ Maiestati reponet. Et nunc etiam oblationi Statuum Prusici innitendo, duplicem accisam ciuitas iustè

iustè & integrè contribuet, eámque in thesaurum Regiæ Maiestatis inferet, prout id melius & vtilius ipsius Maiestati fore videbitur. de quibus omnibus obligationem forma concepta quæ mittitur, faciat. Illa quæ merè regalia sunt, quæ ex priuilegiis ciuitas Gedanensis Regiæ Maiestati pēdere debet: ea quotannis exoluantur. ista enim obligationibus aut exemptionibus vllis subiici non vult. De 4 tormentis bellicis, vnà cum puluere globisque bene præparatis, ad vsum belli præstādis, ciuitas Regiæ Maiestatis volūtati satisfaciat: in eoque Regiæ Maiestati morem gerat. De prorogatione temporis ad Palatium, aliaq; ædificia regalia in ciuitate Gedanēsi extruenda, permittit Regia Maiestas ex gratia clementiæque sua, tempus competens ciuitati se concessuram esse. De portorio maris, negotiū ad futurum regni conuentum reiicit: ita tamen vt Regiæ Maiestatis scriba peculiaris ibi adsit, iuxta priorem declarationem. Graua-
mina, quæ autoritate sua citra cōsensum

Ordinum regni tollere potest, ea tollit
reliqua ad cōuentum regni generalem
differt, vt de illis ex sententia Ordinum
decernatur. Quæ tamen Regiæ Maie-
statis de grauaminibus istis sententia sit,
eam peculiari priuilegio super his con-
scripto declarauit. Si verò vult, aut ma-
gis cupit ciuitas, nō abnuitt Regia Maie-
stas vt omnes articuli, & omnia grau-
amina, ac omnes actus cōmiffariales, in-
ter quos & portorij negotium est, ita vt
etiā scriba ad id non adhibeatur, ad fu-
turum regni conuentum reiiciātur. Re-
liqua tamen placationis capita, ac decla-
ratio Religionis conseruandæ, stare de-
bent loco & tempore suo. Confirma-
tionem iurium & libertatum, iuxta for-
mam præscriptam quæ mittitur, Regia
Maiestas ciuitati dabit: omniāque priui-
legia, iuxta illius contenta, conseruabit,
eamque authenticè nunc extradet. Si
fortè ciuitati placeat grauamina omnia
articulósque (placationis conditionibus
& capitibus, tum etiam Religionis con-
seruatione, de quo specialibus litteris ca-
uebitur,

uebitur, exceptis) ad futurum regni con-
uētum reiicere: litteras reuersales, prio-
ribus non absimiles, ciuitati dabit: qui-
bus promittet, auctoritatem suam apud
Ordines regni interposituram esse, vt ci-
uitatis ratio habeatur, grauaminaque i-
pſius illegitimè irrogata discernantur &
abrogentur. Ante omnia ciuitas mili-
tem dimittat, Regiam Maieſtatem for-
ma concepta deprecetur, conuentis ſe
ſtare obliget: fidelitatis iuramētum præ-
ſtet: omniaque faciat quæ ad ſubiectionis
fidelitatisque officiū ſpectant & per-
tinent. In quorum omniū fidem ſigillū
noſtrū apprimi iuſſimus. Datum Bid-
goſtiæ 25 Ianuarij, anno Chriſti 1577,
regni verò noſtri primo. His ſubſcri-
ptio manus Regiæ acceſſit. Dedit iisdē
die eodem priuilegium de grauamini-
bus, eodem quo dictum eſt modo, abro-
gandis, vſu Auguſtanæ Religionis con-
ſeruando, omnibus priuilegiis legitimè
impetratis confirmandis, deque cæteris
rebus, quadraginta capitibus compre-
henſis. Quæ omnia quo animo acce-

perint, mœnibus confisi suis, id ex iis liquet verbis quæ de Gedanensibus Regia Maiestas Senatoribus absentibus vndecima Februarij Bidgostię perscripsit. In primis, inquit, declarationem conditionum à nobis oblatarū illis dedimus: grauamina quæ ipsi soli poteramus abrogare, dato priuilegio abrogauimus. Commissionis negotium, ad futurum regni conuentum reiecimus: vt de eo ex omnium regni ordinum cōsensu decernatur. Exemplum confirmationis iurium, amplissima forma, citra omnium exceptionem, illis dedimus: vt nihil superesset quod eorum animos obstinatos à præstanda fidelitate, ac relinquenda temeritate, retrahere posse videretur. His ita cōstitutis, sex dierum spatium datum est, vt Senatui & cōmunitati ea omnia videnda mitterentur. Expectati sunt ad 12 dies: quibus cunctationem hanc, certam pacem pariturā esse credebamus. Ecce autē Rosenbergius cū syndico aduenit: respōsum nobis attulit in quo nō modò ea quæ pacta & responso nostro conclusa

conclusa fuerant, inuersa sunt: verum
etiam multa alia adiecta, quæ non modò
dignitatem nostram, verum etiam iura
publica perstringere videbatur. Etenim
ducenta millia florenorum, quæ nos nō
placationis, sed debitorum regno retē-
torū nomine, ab illis pacti eramus, quæ
ipsi etiam tempore constituto soluere
promiserant, in tempus postea longissi-
mum & incertum transtulerunt. Con-
tributionem accisæ abiecerunt: regalia
nostra, quæ nobis à ciuitate singulis an-
nis pendendi solent, in dubium vocarunt.
Commissionem abrogare autoritate, so-
lummodo nostra, extra conuentum, vo-
luerūt: cum regno nihil se habere com-
mune. Item alia quæ non commemora-
mus, scripserunt. Quid saluo conductu
durante fecerint, omnibus notum est:
internunciis que pacis prætextu ablega-
tis, nihil minùs quàm pacem in ciuitate
tractarunt: hanc propugnaculis & ante-
muralibus extructis munierūt: militem
qui dimitti debuit, auxerūt: eruptiones
multas fecerūt: ex villis & domibus no-

bilium prædas egerunt: villas incend-
runt: euentus vt demonstraerit, illos
nō pacificationis, sed ludificationis cau-
sam nobiscum egisse. Tacemus eorum
innumera in nos & Rempubl. commis-
sa delicta. Iam videmus eorum animos
obcæcatos, in perniciem suam ruere.
Sed nobis Deus testis est, quòd lenis &
clementis Principis officio hætenus vsi
sumus, atque curauimus vt illos ad sanā
rationique obsequentem mētem redu-
ceremus. Nihil profecerunt hortatio-
nes, legationes, persuasiones, cunctatio-
nes nostræ. Expectatum diu est, cū sum-
ma nostra & Reipubl. indignitate: nihil
est intermissum quod ad quietem pu-
blicam retinēdam pertineret. Quid igi-
tur aliud restat faciendum, quàm ne no-
bis & Reipubl. desimus: atque vt sequa-
mur & suscipiamus ea consilia quæ ratio
suadet, & iustus dolor exprimit? Hæc
Rex Stephanus animi erga suos paterni.
Porro quod responsum ad illorum po-
strema verba, eodem tempore à tribu-
nali Regiæ Maiestatis profectū sit, ope-
ræ pre-

reprecium est his addere: vt cuiuis notū
fit, nihil Regem temerè, nihil iniquè, ni-
hil præcipitanter egisse. quocum, missis
in custodiam Lenciciensem Ferbero &
Rosembergio consulibus, post decretū
contra omnes latum, remissus Lempka
est. Prospiciebat animo sacra Regia Ma-
iestas, Dominus noster clementissimus,
hæc omnia quæ agerentur à Gedanensi-
bus impetrandis toties salui conductus
proagationibus, non aliò spectasse quàm
vt rem extraherent ad hoc ipsum tēpus,
quod ad detegenda apertè nefaria sua
consilia, magis idoneum arbitrabantur.
Cuius illorum instituti cū antè non
parua indicia hæc essent, quòd in tracta-
tionibus, à leuioribus postulatis orsi,
grauiora, quoties legatos ad sacram Re-
giam Maiestatem remitterent, indies
adderent. quibus tantum abest vt pro
patrato crimine omniū grauiissimo, Re-
giæ Maiestati satisfacerēt: vt etiam iam
propè gloriando de crimine hoc admis-
so, magis magisque offenderent. quod
tamen sacra Regia Maiestas patienti ac

paterno animo ferebat, ac ea quæ ad iura illorum & libertates augēdas spectarent, illis concedebat, quæ non rebellibus, verum bene meritis de Principe suo subditis deberentur: vt hac sua clementia eos ad officium reuocare posset. nihil tamen, vt videt, eos hæc benignitas mouit: cū ad superiora postulata iniqua, hæc posteriora impia ac nefaria prorsus adiecerint, ita concepta vt iam meditatum scelus prorsus detegant, & tam Regiæ Maiestati quàm Reipubl. communi regni Poloniæ, contra iusiurandum maiorum suorum, Diuo Casimiro Regi, eiusque successoribus ac regno datum, valedicant: nec se cum publicis regni consiliis ac ipso regno, in cuius titulum ac ius, vt maiores ipsorum iurarunt, concessissent, quidquam commune habere, impudenter & nefariè scribant. Iam verò sacra Maiestas Regia non solum iniquitate & insolētia postulatorum in dies lædebatur: verum etiam alio genere iniuriarum, non modò ciuitate non exonerata (iuxta formulam salui con-

ui con-

ui conductus, mittendorum ad Regiam
Maieſtatem Oratorũ dati) externo mi-
lite, verũ etiam maioribus conductis
copiis, & nobilium ac aliorum subdito-
rum ſacræ Regiæ Maieſtatis vrbi vici-
norum pagis ac ædibus ſpoliatis, dire-
ptis, ac etiam exuſtis. Quamobrem, cũ
iam apertè conſtet, obfirmatas in ſcele-
re perduellium Gedanenſium mentes,
humanitate ſacræ Regiæ Maieſtatis ac
aliis lenioribus rationibus ad officium
reduci non poſſe: aliis grauioribus ſacræ
Regiæ Maieſtas vti, pœnãſque meritas
de illis ſumere neceſſe habet. Itaque de-
cretum ſuum, quo illos perduellionis
dãnauit, iam iãmque publicat & pro-
mulgat: omnem ſecuritatem terra ma-
ríque illis adimit: & tanquam impiis in
Principem & patriam hominibus, aqua
& igni interdicit.

Bello ſic indiçto, & cura illius Ioanni
Zborouio, vni ex ordine Senatorio, de-
mandata: poſteaquam Gedanenſes co-
gnouiſſent quàm paucos milites Rex
Stephanus, Grebino capto, & Sulaua

depopulata, in agro ipforum reliquisset: quasi nōdum fatis tot malis damnisque, quæ illis rebellio attulit, afflicti: accersenda plura esse potius quàm aliquid Regi concedendum, qui illis nihil nisi Batori esset: & si fortuna faueret, opprimendos esse paucos antè quàm plures confluerent, animis obfirmatis statuerunt. Iam verò ab illis qui ad Regem vētitabant, voces illæ audiebantur, posse ipsos, si modò vellent, nullo negotio nostros obruere milites: rati idem esse, velle quid & facere posse. Rei igitur huius auspicato aggrediundæ diu expectabāt occasionem. Visum est Pascha per commodum, (septima Aprilis fuit) quum omnes vbiuis Christiani cultui diuino maximè incumbere solent. Confisi ergo viribus suis, & Ioannis Colonienfis, ducis sui magno præmio ex Germania euocati, experientiæ: adhuc omnibus necessariis ad euertenda diruendaque oppida bene instructi: hoc cōsilio urbem egrediūtur crepusculo vespertino, vt oppresso milite nostro, & Derflauia, (Czceuū
nos

nos vocamus) in quam se tempore hyberno ex agro receperat, expugnata: ad Gnieum, Nouum, Staragardum, cæteraque Regia oppida procederēt vastanda. Verū nōdum vrbe omnibus egressis, ea tempestas exorta est, (Deo profanæ augustę diei, & Regis contemptus vindice) iique cœli tonantis sonitus, & fulminis ictus auditi, vt vnius propugnaculi pars auulsa, in fossam corruerit: equus ductoris, fulgore atque fragore attonitus, succubuerit: ipse scssor à satellitibus, quibus stipatus erat, suffultus: duo equites è pōte fossæ imposito, in aquam profundam delapsi sint, nec sine labore alter extractus, alter aquis obrutus. Reducto itaque in urbem exercitu, idem postera die, aliisque deinceps ab illis tētatum. Sed hæc ipsorum aduersus summum Prussiæ magistratum suscepta cōsilia, semper pluuia impediabantur. Ea tamen cæcitas hominum fuit, vt adeò aperta futuræ stragis omina, non Deo, à cœptis eos quæ oderit dehortāti, sed sagarum veneficiis tribuerint: duásque cã

ob causam in carcerem compegerint: suspicati, à nostris conductas procellam incantamentis excitasse. Armât interim duas naues vectorias, totidémque minores, duplici via regios milites inuasuri. Tandem 16 die mensis eiusdem, sole ad occasum vergente, aduerso flumine Vistula, sed ventis iuuantibus, Czeuum primùm oppugnatum contendunt. parte ab altera, tam equestres quàm pedestres cohortes emittunt. de quorum lento progressu Zborouius, insignis virtutis imperator, à velitibus Strussij, qui tū in excubiis erant, certior factus, & quos sæpè ad pugnam prouocasset, moeniaq; illorum penè attigisset, nunc primùm prodire miratus: procedit illis cum suis obuiam. locum pugnae commodum ad pagum Rokitki prope aquas deligit, & donec propiùs accederent, locaque aquosa præterirent, ordinatis aciebus expectat. Substitere Dantiscani ad villam Langnaw, quæ paulo plus vno miliari distat Derfzauia, præmissa ad excubias ea exercitus sui manu, quæ maior fuit omnibus

mnibus Zborouij copiis. Hic Zborouius, memor circumspecta celeritate nihil in bello melius esse: inuadendi securos lætósque consilium capit. Sed timēs oppido, ne interea ab hoste nauibus egresso occuparetur, néue bono mutato loco, incommodiore agenda res foret: prudenter illud mutat. nec tamen in oppidum redit, veritus ciuium proditionem. nam cum Gedanensibus facere videbantur. Dispositis igitur quaquauersum vigilibus, & misso cum 60 Tartaris, qui nauibus imminerent, forti viro Andrea Carchowscio: noctem in equis cū suis transigit. Oriente sole, septima decima Aprilis die, hostis appropinquare visus, nostris non nihil multitudine illius perculsis. Conspexit & Coloniensis nostros, non absque stupore: quòd pauci, quos ad sui conspectum fugituros putabat, tantis cum copiis venientem expectarent. Illis ergo vltra fluuiolum & lacū editiore loco constitutis, nostris ex aduerso stātibus, néue ab illa vi hominum magna circumdarentur, cauentibus: in-

cipit velitatio, duabus fermè horis ab ortu solis. grauis nostris Cofakis (quos ferentarios licet seu velites vocemus) Germanus eques fuit, vndique armis rectus. Quibus confestim misit imperator in auxilium 20 Vngaros generosissimos, & Stanislaum Iordanum manu promptum iuuenem, cum 50 equitibus. Descendebat in arenam ipse quoque Coloniësis, veluti quidam suorum moderator. Ciebatur ergo prelium magna animorum alacritate. sed Germani ita cursitare, vt imperus hastatorũ vitarent, idque vnum facerent quò nostros illò pertraherent vbi tormenta ænea collocata erāt. Quod vbi animaduertit Zborouius, datis de vitando periculo præceptis, miscuit hastatis equites è peditatu sumptos, cum tormentis longioribus. Defatigatis pugna & cursu vtrisque, cessere integri. E nostris Zolkieuius cū turma Ioannis Zamoiski, regni Poloniæ Vicecancellarij, non minùs quàm priores alacer prodit. Vulnerati aliquot Germani: vnus equo detrusus, equus alterius

alterius trāsfixus corruit. iam etiam duo àferentariis anteuenientes currentibus occisi fuerant, nostris saluis. Felix prelij principium incendit spectatores ad audenda facinora maiora: equis nostrum, ad clangorem tubarum tympanorumq; sonum, adeò gestientibus, vt ab sessoribus ægrè tenerentur. Quum tali pugnae præludio detinētur nostri, Coloniensis misso illo pergēdi vltteriùs ad oppidum obsidendum consilio, postquam vidit Zborouium pugnādi copiam haud impigrè facturum: suis vt consuleret, sæpi-mentum è fissis trabibus, quas secum, vt alia omnia, vehebat, facit. nihilominus tamen fermè ducētos, ad nostros in acie distinendos, mittit: astutè omnia: vt cuius rei bellicæ scientia, celebris in Germania sit ob defensam Magdeburgum. Igitur collocata intra illud munimentū suorum bona parte, ipse interim cum tormētis, & lectissimis quibusque viris, ab altero montium latere, nostros à tergo aggressurus, ad lacum Libisseuicsem suis fatalem, iter intendit: ratus, vndique

comprehensos, nisi fugerent, sua in potestate facile futuros. vbi iussus properare cēturio Raufaius, respōdisse fertur, lentē festinandum esse. videri enim sibi Polonos ad certamen magis quā ad fugam esse paratiores. Erat autem ibi in excubiis Temrukus, expertę virtutis miles, cum 50 velitibus. Qui, hostilem vim imparem esse suis viribus sentiēs, maturē sibi subueniri petiit. laborantibus missum euestigio subsidium. Zborouius, astu hostis deprehenso, quid facto opus foret, (fugere enim ignominiosum esse ducebat) protinus init cum suis consilium. Vrgente vndique periculo, non longa consultationi mora data, placet illuc omnem equitum peditūque globum conuertere, vbi ipsum caput hostium foret. Quum verò nostri vidissent, mutatum esse ab hostibus aptum ad pugnam locum, (nam & alij, qui munitione continebantur, iisdem tramitibus ducem sequebantur) adducti sunt in spem victorię. Proinde extemplo disciunt pōticulum fluuiolo impositum, ne ab

ne ab velitationi deditis, & intra sæpi-
menta latentibus, à tergo inuaderentur.
Itaque quum in illa potissimùm parte,
quò properè tendebat Colonienfis, o-
mnis belli vis sita esse videretur: nec pe-
riculum ab nauibus, vi brachiorum vē-
to aduerso tardè tractis, oppido incum-
beret: Zborouius suis præcipit vt veli-
tationi finem imponerent. præterea ci-
uium magistrum dubiæ fidei confirmat,
vt, si quæ vis hostilis ingrueret, saltem a-
liquot horas bona fide obsidionem sus-
tineret: cuius rei causa quinquaginta
pedites Polonos cum tormētis manua-
riis ei reliquisset, ipse breui, hoste Deo
adiuuante superato, cum pluribus affu-
turus. Tum admonitus ab Haidonum
ductoribus, quorum tres in acie ceci-
dere, vt prelium antè iniret quàm hostis
suos ordines planè explicaret, tormenta
iam disposita, terra cōgesta muniret: fi-
cta oratione addit suis animos, spe iam iā
Vistulam traicientis mille equitum pe-
ditūque auxiliij. orat præterea omnes,
vt alij aliis offensas condonēt, pœniten-

*Oratio Zbo-
rouii ad mi-
lites.*

tia placato Deo, suppliciter opem illius implorent, morti gloriam anteferant, hostes non numerent sed inuadant: neue eorum conspectu terreantur, qui breui tempore futuri sint in ipsorum potestate: quod superbi, maledici, rebelles, contumacesque sint: paucis antè mensibus ad Grebinum, Glowam, & alibi ab illis
1410. profligati: olim verò ab ipsorum auis atque proavis ad quinquaginta millia caesi, capti, fugati: omnino absque bonis armis & munitionibus imbelles ac timidi, quod illico ipsimet experturi sint, modò pristinae virtutis nominisque sui, à campestri prelio accepti, memores pugnent viriliter pro Christiano magistratu: Deo freti, ultore rebellionis, quem ducem habeant propitium, quique parvis copiis, tam iusto quàm hoc sit bello, ingentes superare soleat. His aliisque istiusmodi dictis, mirum in modum recreati sunt omnes, & ad impar prelium accensi. Dehinc Haidones, velut in rabiem versi, (erat à meridie hora fermè prima) ab dextro latere, equites à sinistro, in hostem,

Item, ubi tormenta fuere, irruunt: suos contra ipsum sclopos quinquageni exonerant: hastati sarissas, ferentarij venabula in oppositos vibrant: alij arcus manu certa tendunt. Cēturia verò Strussij, sublato clamore terrorem Germanis à tergo incutit. Nascitur pro formidine gaudium, multis ex aduersa parte cadentibus. At ab hoste emissà è tormentis iacula, per paucis nocuerunt, hastas non paucas confregerunt: quippe quòd equites incommodo loco cederent, pedites autem, conspecto ardente puluere tormentario, supini caderent, pro mortuis ab hostibus habiti: rursusque sclopis instructis, resurgerent. Damnosa hæc Germanis fuit carnis resurrectio. Quibus aliquantisper resistentibus, monet Haidones moribūdus ductor ipsorum, ut, si vincere vellent, abiectis sclopis victoriam retardantibus, acinacibus, recti capita securibus, rem cōminus agerent. Obsequuti monitori, manus cum hoste acriter conferunt, & adiuuātibus equitibus, ordines conturbant, ferreorū ho-

minum poplites succidunt. Cæteri hastis & gladiis nunc pectora transfuerberant, nunc capita petunt. Par gentis vtriusque virtus & gloria: par hostiū diuersarum gētium debilitas & formido. Aduolant & turmæ aliquot equitum, quæ ad succurrendum lassis, à prouido imperatore in proximo collocatæ erant, nequaquam aliis segniores. Paulo plus vna hora incerto euētū dimicatum. Vrgentibus nostris ferro, equis, clamore, cadūt primores Germani, denique & alij, viri proceri ac lacertosi, tormētis, in quibus illis omnis spes victoriæ fuit, & priuati & frustrati. Dein magis ac magis instantibus nostris, terga vertunt reliqui, tanta festinatione, ac ita confertim, vt aliud alium ponte detruderet. Magna pars festinè arma exuentes (miseram spem salutis) ad proximum lacum tranandum conuersi. Nimirum ea vis metus est, vt homo à quouis potiùs alio, quàm ab homine irato absumi malit. Quare magnus numerus in lacu demersorum visus. Pars suo cum glorioso duce, in lacū etiam

etiā impulso, vertit se in fugā: nostris eos
ad tertiū à prelio miliare (Prusiecz ruri
nomen) summa cōtentione persequēti-
bus, & magnas illorū strages edentibus.
Non pauci mōtes, alij sylvas Cassubicas
& Pomeranicas, effuso cursu petierunt.
Tunc illud euenisse visum, quod Moses
malis prædixit: Efficiet (inquit) Iehoua
vt corruas ante hostes tuos, & in quos v-
na via exieris, eosdem septē viis fugias:
quibus in rerū omniū pænuria feruietis.
illi verò imponent ceruicibus vestris iu-
gū ferreū, vsq; ad vestrū exitiū. Intacti il-
li, equis currus trahētibus cōscēsis, pro-
fugerūt, qui extremū agmen claudebāt.
Per multi è mōtibus & syluis à regio mi-
lite extracti, ad imperatorem trepidi ad-
ducebantur. Post victoriā aiunt Haido-
nes Zborouio, ab inclementia illos auo-
canti, hisce verbis respondisse: Si nos ho-
sti parceremus, ille victor eodem modo
quo nos nūc (quæ dicētes, hos è captiuis
detruncabant, illos mutilabant) in te sæ-
uiisset. Fugientes persequentium tantus
erat ardor, vt ad signū inclinata die rece-

ptui datū, non nisi ducenti equites, bene
cruentati, ad ducē oppido opēlaturi re-
dierint: alij pōst, cum præda sequuti. Vbi
Haidonū ductores orauit Zborouius,
vt suos ad alterū hostē adoriendū cōuo-
carēt. Qui, licet nō minūs quàm equites
cædēdo defessi, noctisq; præteritæ vi-
gilia atq; diei inedia fracti forent, tamen
simul omnes præeunte Zborouio, illos
qui è nauibus iā ad alteram ripā stātes, &
nuncios de victoria suorum opperiētes,
globos machinarum muraliū aduersus
oppidū incassum eiacularabātur, inuadere
aggrediq; cupiebāt. At hi casu suorū, ex
aduentu nostrorū, & globis tormētariis
contra se eiacularatis, cognito: domo, vbi
traiectus est, incensa, & omni quæ in ea
fuit cereuisia epota, supellectile direpta,
fugere incipiūt: paululūq; prouecti, (nā
vētus aduersabatur) se post insulā abdūt.
Interim Marieburgo, ad preces Zboro-
uij, nostris subsidio venit Stanislaus, fi-
lius Ioannis Kostkæ, præfecti Mariebur-
gēsis, cū suorū globo, & quatuor tormē-
tis telorū: cui persequēdi hostē ab illa ea-
dem

dē ripa, datū negotiū. quod bene cœptū,
non minori fortuna peregisset, ni & nox
obscura, & vētus secūdus, fugiētibus o-
pētulisset. Quām autē salui hi quoq; do-
mū reuerterint, parū liquet: illud certū,
multoties à nostris fuisse globis tormēta-
riis petitos. Qui cladi superfuerūt, capti
mille, præter illos quos vicina nobilitas
fugiētes cōprehēdit: aliquot ita opulēti,
vt vitā multis nūmūm aureūm millibus
redimere cupiāt. Vidisses decē, plus mi-
nus, Germanos ab vno vinciri vel Polo-
no vel Hungaro. vinxit & quædā mulier
duos: (tātus pauor pectora illorum occu-
parat) ac quodā è nostris vincula quærē-
te, protulit sua spōte è sinu captiuus: En,
inquit, habes: colliga manus, vitæ parce.
Occubuerē in acie 4427 viri. id ex illis
qui iussu imperatoris occisos humabant,
cognitū. In fuga cęforū, & aquis obruto-
rū, quū hęc scriberē, nōdū erat collectus
omnis numerus: non paruus, opinor, si
modò victus verū fateri vellet. Tēdebat
iā tot cadauera, quorū lacus atq; viæ ple-
næ erant, terra obruere: à feris & alitibus

multa depasta. Inuenti à vespillonibus, seu duo seu tres, qui ad tertiã vsque à pugna diẽ, denudati vti omnes alij, morte simulata, inter occisos latuerunt. rogati verò cur non interea temporis fuga vite cõsuluissent, respõderunt, metu Haiducorũ inclemẽtiũ, qui sibi instare visi semper essent, assurgere ausos non fuisse. Signa pedestria quinq; adẽpta, vnũ equestre: idq; erat maximũ, & AVREA LIBERTAS, aureis litteris scriptũ habebat. Scilicet Rex eam illis eripere voluit: qui se omnium iura, publica & priuata, & quã quis profiteretur religionẽ, incorruptẽ seruaturũ, semel ad arã sanctẽ promisit, idq; adhuc præstitit. Tormenta ænea magna septẽ: parua triginta, tribus vecta curribus, ablata: currus 150 relictĩ: armaturæ ter mille quingẽtæ, è spoliatis ad ducem cõportatæ, & tormẽta manuaria pmulta: quibus iacturæ militũ cõpẽsatæ sunt. Largitus est alia quoq; dona Zborouius cuique fortissimo: adeò munificẽ, vt ipse nihil planẽ è prẽda sibi reliquerit, contẽtus sola gloria, quæ illi ex re bene gesta

nata

nata est: tametsi hęc etiam abs sese amo-
uēs, soli Deo, à quo profectā manifestè
videbat victoriā, & felicitati Regis sui,
triplici iā triūpho insigni, libēter tribuat.
Quis enim, nisi impius, hoc folius Dei
beneficio factū esse non fateretur, vt bis
mille viri, duodecem siue 14 millia ho-
stiū, profligarint, maioriq; ex parte cēci-
derint? Fassus est hoc & agnouit pi⁹ Rex
cū illò loci veniens vbi pugna peracta
est, hęc proferret, *Nō nobis, Domine, nō no-
bis, sed nomini tuo da gloriā.* Regij verò mi-
lites (quod mirere) solūm duodefexa-
ginta occisi, cētū triginta vulnerati. hos
intēr nōnulli, dū tormētis potirētur, fœ-
dē ambusti, quòd magister tormētorū,
viso extremo discrimine, dolio pulueris
nitrati ignē iniecerit: quo ipse vnā inter-
iit. Horū nomina, ni pigeret, possem re-
ferre: sed breuitatis habēda est ratio. E-
qui 38 cæsi, 65 faucij ac lēsi. Reperta apud
plerosq; omnes Germanos, variij generis
vincula, nostris ligādis parata, quæ ipso-
rūmet brachia senserūt. Ita illud verè di-
ctū à Solomone: Parari equū ad pugnae

diem, sed Dei esse victoriã. Illud immanius, cõfectas ab illis fuisse glãdes venenatas, quæ sursum è tormētis breuiorib⁹ (quæ duo fuere) eiecte, mortē illis adferret, quoscūq; earū scintillæ attingerent. Fastū porrò illorū, & ante victoriã triūphū, illud arguebat, quū sui generis vicinos præmonerēt, maturē migrarent aliò cū preciosa quaque supellectile, ne quid hostile à milite experirētur. quorū dictis quidā oppidani territi, sua Grudzadzū, alij aliò auehebāt. Quin etiā in ipso prociñctu, alter præbibens alteri, hic tres, quinq; ille, alius decē Polonos vinctos, vir vxori, miles amicæ, adducturum se promittebat, & pro vno capone pingui tres se captiuos daturū spondebat. Præter hæc, vrbe exituri, spectatores alloquebātur, eos ipsi quoq; comitarētur ad pugnā breuē quidē, sed lōgæ optimæque prædæ: (perrecturos se vltra Derfszauia opinati) vel saltē extra urbē opperirētur reduces cū spoliis Polonicis atq; Vngaricis. (ita paucitas nostrorū despecta ab illis fuit) Stabat ergo populus in mōtib⁹,
belli

belli euētū expectās. Primū, eūq; certū,
irati numinis ciuitati nūciū carnifex at-
tulisse dicitur. Nō credita res diu, muti-
lis cursim carnificē sequētibus, fidē me-
ruit. & posse abs Rege vinci supbos sub-
iectos, vt antè Lanscorona, Grebinū: ita
Derfzauia declarauit. Constās fama est,
paulo minūs sexcētis mulieribus Danti-
scanis hoc preliū viduitatē, nō pauciori-
bus reor orbitatē attulisse. Cūq; Coloni-
ensis in vrbē anhelus refugisset, hisce il-
las cū eo verbis expostulasse: Redde no-
bis, sceleste, viros: redde filios, redde co-
gnatos, quos tu nō eduxisti, sed seduxi-
sti: victuros, si intrā portas se cōtinuissēt.
Is Zborouio denūciaffe fertur, se dein-
tegro fortunā belli experturum, sumptis
secū vrbis clauibus, si superetur, victori
tradēdis. Quod an credā ambigo, quum
tāta sit ciuiū cōsternatio, tantus mulierū
& natis orborū parentū dolor atq; plan-
gor. Addere animos possunt Danica, ci-
uitatūq; maritimarū auxilia. Et Gedanē
ses quidē ita attriti sunt, die mēseq; eodē,
sed anni alterius, quo Stephanus Bato-

rius, primum ex Hungaria Cracouiam
(quæ Regū sedes est) ingressus, regnū in-
iit. Afflicti autē, nō ob solā diu meditatā
rebellionē, (nō enim temerē urbē suam
magno sumptu & studio, muris propu-
gnaculisq; aliquot annos firmabant) sed
etiā ppter terra de bono Rege, regnoq;
ipsius, a quo Gedanū alitur, scriptis pdi-
ta mēdacia, & in ipsa vrbe iactata in Re-
gē cōuitia: quum Regi, qualisqualis est,
nefas sit maledicere: crimē, de altero fal-
sū dicere. Adeo infelix preliū, tātū terro-
rē p multis incussit, vt clam cū iis quæ fa-
cilē auferri possūt, emigrēt ex vrbe, (me-
tū illis aduētū in Prusiam fortunati ani-
mosiq; Regis, quotidie augēte) nec vltu-
ri ignominiam ad tympani, aucto stipē-
dio, triū dierū pulsū, dare nomē militiæ
alia lege quisquā voluerit q̃ ne pugnātū
foras educatur. Ij missum ad se à Zboro-
uio cū litteris tubicinē, quib⁹ eos ad de-
ponēdā rebellionē, cuius pœnas luissēt,
inuitabat, interemerūt. Quibus Zboro-
uius iratus, p obscurū quēdam libertate
donatū captiuū, denūciari iussit, se so ex
illustrioribus captiuis, in ipsorū conspe-

tu palis infixurū, ni sibi parricidas traderent. Ad hæc illi, ab irato suis peccatis Deo se punitos esse cōfessi, tradituros se homicidas rescripserūt, & ad colloquiū cum imperatore & Ioāne Kostka, Voiuoda Sendomiriēsi, se admitti petierūt.

Habuit Zborouius, Gnesnēsis Castellanus, non plures milites 2027. Prima equestris centuria, ipsiusmet erat: altera, Andreæ Fierlei, Castellani Lublinensis: tertia, Ossolinij Krzeszouiensis Præfecti: quarta, Kasanouij: quinta, Nicolai Gostōski: sexta, Adami Balinij: septima, Zebrzydouij: octaua, Lesniouolscij: nona, Gnieuofij. Stanislai Iordani 50 solūm equites fuere. Ex volūtariis, Ioannes Zamoyfcius, Procācellari⁹, 37: Hieronym⁹ Gostōskius, 10: Stanislaus Przyiēskius, 16: ex aulicis autē regiis, Ioann. Tēcinius Comes, Castellani⁹ Voynicēsis, 50 equites habuit. (sūt Castellani, secūdi à Rege ordinis Senatores: Voiuodæ, quos Palatinos vocamus, primi) Zlostouius 7, Iacobus Pilchouius totidē, Malicius 5, Bielawskius 4, Procopius Pieniazek, eques Maltēsis, 6. Hungari 40: quorū eo-

gnomina ignota mihi sunt: nota virtus & fortitudo. Hi omnes, num. 1132, hastas prælōgas, scuta, breues sclopos, & gladios duplices gerebāt. Hussarorū nomen habēt. Velites 215 fuerūt: quib⁹, præter acinaces, venabula, arcus, loricae, arma sūt. 100, Strussij, Præfecti Bratislaviensis: 50, Těruki: 30 Scythæ Regij: totidē Andreæ Comitis Gorkani, Castellani Miedzyrzecēsis: 5, Andree Karchowskij. Hos appellāt Kofakos: equites celerrimi. Regios Stanislaus Gizitzki etiā tū (opinor) ducebat, miles celeberrim⁹. Pedites verò Regij, generis Hungarici & Slauonici, stupendæ audaciæ atq; agilitatis, 600: Haiduci patrio sermone vocati: imperatoris, 30: Fierlei, 100: è quibus 50 oppidi defensio iniūcta erat. Tormēta campestria duo tātūm: his multò minora, Hakē Germanis dicta, 27. Cōtrà, Gedanēsiū cohortes pedestres sex fuerunt. Quæ erat imperatoris, viri cetera egregij, ni operā suā rebellibus nauasset, 600 viros cōpletebatur: centurionis Kleuneri 500, Lēkæ 600, Esterreicheri 600, Raufawi 500, Vetsteiniij 300. Equites mercenariij 400:

ciuiles totidē. At ciuiū numerus, omnibus quasi ad certā victoriā cupidē ruētibus⁹, cōfessione captiuorū, vel 8 vel 10 millia supabat. Vt enim diues opū, ita populosa est ciuitas Gedanensis: cuius portu null⁹ alius in Oceano Germanico nobilior: aqua p̄funda, muris & aggere præalto, ita munita, vt inexpugnabilis esse videatur. Si igitur 8 tātū millia oppidanorū, ad excutiendū iugū Regiū egressorū posuerimus, numerus omniū militū 12 millia, minus 100, efficit: si duobus plus, (nā captiui variāt) 14 sunt millia. 12 igitur viri vnū militē Regiū fugiebāt. Hæ fuerūt Gedanēsiū copiæ, sanè magnæ: q̄bus freti, Magistratui, toti Prussiæ diuinitus dato, resistere voluerunt: nolle se vnctū Dei osculari, quē ille præ cæteris septem cōpetitoribus delegit, ostenderūt. Regē prudentem, piū, clemētem, quem alij omnes reuerētur & amāt, soli infeliciter oppugnaverunt: & (quod illi molestissimum est) à ferendo Russis contra Tartaros auxilio, qui eodem tempore in Russiam irruerant, auocauerunt. cuius causa vt æquior est, ita fortuna superior futura.

Ad lectorem Germanum.

Ne, quaeso, crebra Germanorū hac in clade mentione offendare, lector. aliter enim historia scribi non potuit. Gedanenses Germani sunt: miles quoque illorum, Germanus fuit, Scotis, Vasconibus, Danis (uti accepi) admistis. Quos cum Deus victores esse noluerit, cur me id descripsisse agrè fers? Non alius euentus expectandus illis fuit, qui Apostolici praecepti de Rege honorando, & obedientia magistratui praestanda obliti, Regem Polonia (ad quem, successorēque eius, annis abhinc 123, una cum ceteris Prussis, metu cruciferorum Teutonici ordinis, transierunt) non modò non honorauerūt, sed aperte oppugnaverunt. quàm prospere, docuit te historia: nullo (ita me Deus amet) Germanorum odio scripta: sed ut res gesta etiam ad posteros trāsmitteretur. Quòd verò Gedanenses, nunc hostes, nunc rebelles appello: sequor in eo prudētissimi Regis mei, Senatūsque, nobilitate approbante, sententiam. Et sanè manifesta est rebellio, eductis copiis, cum Domino totius Prussia bello contendere: qui, cum coronaretur, leges & privilegia aequa omnium, se seruaturum, religiosa promissione testatus est, idēque post Torunij in comitiis confirmavit. Negant illi quidem verbis rebellionem esse: sed res ipsa non aliud declarat. Defensio hac dici non potest, cum Rex iuratus vim non faceret, sed damnatos ob contumaciam, viris, opibus, muris confisos, aduersum se ruentes reprimeret atque castigaret: à quo necessaria, non armis extorquenda, sed supplici

submissione, conditionamque satis tolerabilem,
 missa omni diffidentia, acceptione, impetranda erat.
 Ita tot mala, quae postea sensere, evitassent, sua om-
 nia, quibus exuti sunt, quaeque nunc confracta ia-
 cent atque vastata, salva habuissent. Quos, cum
 hac secundo, equitatem Regiam omnibus ostensu-
 rus, in lucem ederem, illustrissimi Principes Ger-
 maniae, per legatos, Regi offenso, certis conditionibus,
 tanto studio reconciliabant, ut magna iam pacis
 deditionisque spes esse videretur. quorum conatus
 adiuvet Emmanuel noster, princeps & auctor pa-
 cis inter Deum & homines. Sed nec illud ignores,
 lector, Io. Coloniensem, belli huius impulsorem, poenas
 iam 24 Augusti in prelio ad Laternam maritimam, v-
 nam cum suis multis, dedisse: ubi & nostri, (quae fortu-
 na belli est) effusa ex urbe turba, non pauci oppressi
 sunt. Vale, 12 Nouembr. quo die horredus come-
 ta, maiorum praenuncius malorum, emicuit. a. 1577.

IOACHIMI BIELSCII

Satyra in quendam Dantiscanum, qui leuibus
 ac ineptis suis quibusdam Germanicis rhy-
 thmis multa nefaria de Rege & regno Polo-
 niae scribere, & per Germaniam ubique spar-
 gere impudenter ausus est: anno Dn. 1577.

L VSTRIS tempus ad hoc actis iam paene duobus,
 Omne mihi studium placidis incumbere Musis:
 Nec quenquam satyra proscindere mens erat acri,
 Aut mea Pasquilli defigere carmina saxo.
 Primus eras, qui me candore nitere perenni
 Non sinis, inuitumque in prelia pessime trudis.
 Quisquis sis, ego te Dantiscum, latro, vocabo:

Qui sacrum morsu nomen Violare canino
 Ausus es inuicti Regis, sanumq; Vocare,
 Quo non Christiadum toto Rex alter in orbe,
 Velpietate fuit, bello Vel maior & armis.

11 Dignus qui furca pedibus suspensus ab alta,
 11 Aut nigros pascas cornos, aut sectus acuto
 11 Carnificum ferro, canibus sis esca cruentis:
 11 Ausus Teutonicas passim tam fæda per Vrbes
 Plurima de nostra mendacia spargere gente:
 Tanquam cum Turcis iam conspirauerit, & iam
 Christiadium multis fraudi sit Lachia regnis.

11 O execrandum scelus, exitioq; piandum,
 11 Dantisca plebis: qua nedum oblita prioris
 11 Est fidei, & Regi proprio parere recusat:
 Verum non dubitat magnum quoque stringere nomen,
 Atque apud externas falso traducere gentes.

11 Tu tamen hos laudas, nec adhuc periuria demens
 11 Illorum celare potes, laudemq; merentur
 Hac aliquam gentis scelerata tristia facta.

11 Certè Dantisci digni sunt laude rebelles:

11 Certè Dantisci iuste fecere rebelles:

11 Qui sacram rupere fidem, qui nescio quali

11 Pro patria, falsa pro libertate suorum,

11 Pro laribus patriis mortem perferre cruentam

11 Haud Veriti, Domino sese opposuere superbi?

11 Vrbs quasi sola foret Prussis hæc libera: cum sint

11 Complures alia, queis nedum iura priorum

11 Integra seruauit regum pius ille: sed auxit

11 Elbingis etiam noua, vicinisq; Torunis.

11 O cæcos homines! o indulgentia Diuum!

11 Hæcine Dii patiantur agi? nec fulmine misso

11 Hos sanos trudent in Tartara furua Gigantes?

11 Qui strauere trucem Enceladum, Vastoq; Typhoeo

11 Pelion & Pindum, magna quoque molis Olympum,

11 Atque Ossam excussere manu. Quæ barbara tellus,

11 Quæ ferat hos, & non subito confundat hiatu?

11 Et Sol sit placidus tam iusto crimine laesus,

Et non sacrilega carrum diuertat ab Urbe?
 Quamq; Thyestea crudelia fercula mensa
 Periuri esse putet delicta minora Gedani?
 Ad cenam & laeta nostros conuiuia mensa
 Inuitas? aderunt illi non multa rogati.
 Vos modò Dantisce ad Vestras Venientibus ades
 Hospitibus Vultum lati exhibeatis amicum.
 Quasq; dapes secum tulerint, gustate Vicissim.
 Verum salsa Videbuntur: lesumq; palatum
 Morderi multo frustra dicetis aceto.
 Et choreas ducent, dederint Vbi cornua latos
 Rauca sonos. quales choreas? Dantisce Videbis,
 Cum magno pacem nequicquam optaueris emptam.
 Nam præ latitia salient sic acriter illi,
 Ediderint Vt quot saltus, tot Vestra sub Vndas
 Voluantur Stygias capita à cernice reuulsa.
 Vinum Velle tuis apponere dicis adustum
 Hospitibus. rectè: potus placet ille Polonis:
 Sed quoties bibitur, miserè tractabitur hospes.
 Nec propria semper residebit tutus in aede,
 Custodes quos tu posuisti in limine primo.
 Nec te Sauromata generosi, Cerbere, curant,
 Tergeminis nigram rapias Vt dentibus offam,
 Et totidem tristem latratum faucibus edas.
 Inuenietur enim Alcides qui, Cerbere, forti
 Compensum dextra superas te educat in auras.
 Musica quæ resonet, quaris, sub Vallibus imis?
 Musica (crede mihi) nostra est gratissima genti.
 Quæ Martem accendit, mentesq; in prelia tollit.
 Aurea magnanimo donari munera Costca
 Dicis ab irato, scriptor Vesane, Gedano?
 Ferrea iam pridem (fauct illi pectore toto)
 Magnanimus (munus pro munere) Costka parauit.
 Inuictum iactas ductorem. Causa fuisset
 Si melior, poterat melior dux esse: sed illum
 Numina iusta Vetant aliquem sperare triumphum.
 Est: dogma pium Christi proficetur. eundem
 Et nos amplexi sumus, atque huic fidimus Vni.

Vestibus incingi suades fulgentibus auro.
 Non opus est monitis, mos est gestare Polonis
 Intextas auro Vestes, ostroq^{ue} superbas:
 Sed tamen his Victor minimè potietur auarus.
 Aspera multa prius turpis patiatur oportet,
 Anteaquam iratis apibus mel deuoret &rsus.
 Balnea non curat, patiens est solis & æstus
 Sarmata: Vos ipsi hæc struxistis balnea Vobis.
 Nam neque nunc primum Dantisci fercula nobis
 Instruitis, quæ Vos tandem consumitis ipsi.
 Ferrea tam nostræ fecistis Vincula genti:
 Vos tamen hæc collo tandem suspensa tulistis:
 Multaq^{ue} spem præter damnosa superbia Vestram
 Corpora pallentem ferro demisit ad orcum:
 Sic & lamentis, luctu, queruloq^{ue} & lulatu
 Cælum & inhumani resonaret regia Ditis,
 Tisiphoneq^{ue} fero quatiens Vos torua flagello,
 Eumenides reliquas in opem defessa Vocaret.
 Sanguinea incinctas palla, & serpentibus atris.
 Non ergo es Veritus tam tristi laderemorsu,
 Iratumq^{ue} magis Regem gentemq^{ue} Polonam
 Reddere iam Victæ genti: quam summus ab alto
 Punit elatam fastu Rex æthere, iustis
 Punit (hand dubium est) pænis. hic mænia Troia
 Neptuni fabricata manu, hic ingentia quondam
 Pergama Thebanamq^{ue} Urbem & Carthaginis arcet
 Eruit: hic cineri dabit euertetq^{ue} superbam
 Urbem Dantisci Vestram, ni pectore ab imo
 Ipsa suum doleat facinus, Regisq^{ue} Poloni
 Proiecta antepedes, fateatur humillima culpam.
 Rex pius & clemens turba miserebitur <rò
 Infantis: tamen auctores pro talibus ausis
 Supremos scelerum mulctabit funere digno.
 Et tu, quisquis eris, iustas dabis improbe pænas,
 Accipiesq^{ue} tuis æquisima premia scriptis
 Insulsis: & erunt hæc multis ciuibus olim,
 Et tibi sacrilega exitio conuitia lingua.

PETRI RA-

MI SVMMI PHI-
LOSOPHI ET ORA-
toris Liber,

DE MILITIA C. IV-
LII CAESARIS.

Cum Præfatione,
IOANNIS THOMAE
Freigij I. V. D.



BASILEAE,
PER SEBASTIANVM
Henricpetri,

Центральна
наукова
бібліотека
АН УРСР
2807863 № 7

GENEROSO DOMINO
NO LAZARO A SVVEN-
DY: DOMINO IN BURCK-
heim, HohenLandſperg, &c. Domino
Suo Colendiſſimo S.



V M Petri Rami;
ſummi huius ætatis
& Philoſophi & Ora-
toris Commentarij il-
li de Veteri C. Iulij
Cæſaris militari diſci-

plina, de nouo in publicum æderẽ-
tur, GENEROSE DOMINE: hiſ-
quæ patronum aliquem non modo
Philoſophici, ſed & militaris artiſ-
cij callentem ac intelligentem re-
quiri & deſiderari uideremus: ne-
mo nobis aptior aut dignior occur-
rit, cui eos inſcriptos nuncupare-
mus ac dedicaremus, quàm Tua
† 2 Geneſ

EPISTOLA

Generositas. Non enim modò honestarum literarum studijs & linguæ Latinæ cognitione ita præstas, ut etiam hominibus otiosis, in scholis eas artes tractantibus, conferri meritò possis: uerum etiam in re militari ita excellis, ut insigne ac celebre nomen perpetuamq; commendationem apud summos Christiani orbis Monarchas ac dynastas iamdudum inde sis consecutus. Indicant id res maximæ contra Turcos, perpetuos Christiani nominis hostes, sæpè foeliciter & magno cum successu ac omni militari labore gestæ. Indicat id amplificatio & splendor dignitatis præcipuæ, quam summa cum gloria, familiæ tuæ intulisti. Indicat & matrimonium, quod nuper felici

DEDICATORIA.

lici auspicio in nobilissima ac uetustissima Cimberiorum familia contraxisti : quam familiam , si C. Iulij Cæsaris etiam tempore floruisse dicam , uidear id , quodammodo ipso Cæsare teste , non temerè facturus. Cum enim in libro primo belli Gallici, Sueuorum meminerit , quorum duces Nasua & Cimberius duo fratres fuerint (quorum ille fortassis Nassauiensis familiae , hic Cimberiorum pater & primus autor extiterit) magnam certè occasionem de ea re cogitandi nobis suppeditauit. Sed de his rebus disputent alij , qui maiore historiarum cognitione suffulti sunt : ego, quod suscepi, perficiam. Cum itaque Tua Generositas bonarum literarum studijs ita erudita sit , ut

† 3 horum

E P I S T O L A

horum Commentariorum artificia-
um omnium optimè intelligere: &
militaribus disciplinis ita exercita-
ta, ut de summo milite C. Iulio Cæs.
rectissimè iudicare possit: cui nam
potius hanc commentationem de-
beri existimaremus, quam Tibi? cui
eam ob causam etiam huius scripti
lectionem iucundam futuram spera-
mus, quòd eadem tyrocinia in Mar-
tis schola cū C. Iulio Cæsare summo
orbis Monarcha Te posuisse reco-
gnosces. Itaque suscipies hunc Li-
bellum **GENEROSE DO-**
MINE, ut ab homine Tibi infera-
uiendi & tuæ famæ amplificandæ
cupido: præsertim cū mei studiū
prædem lautissimum habiturus sis
nobilissimum ac clarissimum vi-
rū Dn. Doctorem **IACOBVM**

Strei-

DEDICATORIA.

Streithium, qui nos ad hoc officij
genus aliquādo extimulauit. Deus
Opt. Max. Tuam Generositatem
diu seruet incolumem. Datum Fri-
burgi Harelugorum I V. Calendas
Februar. anno Clō. 10. LXXIV.

Tue Generositatis

Studiosiss.


Ioan. Thomas Freigius

t. V. D.

SVMMARIA DISTRIBUTIO

Commentariorum de Militia

C. Iulij Cæs.



CASTR A.

Progressus agminis in castra: ubi consid.

Regionū no-
titia p quas
agmen ducē-
dum est. Hic
confid.

Interualla locorum.

Viarum genera, cōpendia, di-
uerticula.

Montes.

Flumina.

Duces viarum fideles & pro-
batio.

Agminis ductus: ubi cōsid.

Iter ter-
restre, u-
bi cōsid.

Agminis ordo diligentior.

Quantitas itineris.

Militaris la-
bor in ferēdo

Vallum.

Arma.

Cibaria.

Fluminis &
maris traie-
ctio, quæ fit
4 modis

Ponte. Caesar sic Rhenū
bis traiecit.

Nauibus.

Diducto in plures alueas
fluuio.

Vado.

Locus
idoneus

Frumentationi, Pabulationi, A-
quationi, Lignationi, Valetudi-
ni militum, Victoriæ si dimican-
dum sit.

Forma ex Polybio.

Cōstructio.

Fiebant n. p
legionariū
militem, qui

Erat artifex

Tentoriorum.

Fossarum.

Vallorum.

Paciebat ca-
stra

Materiando.

Fodiendo.

Aggerando.

t

s

Castrens

Architectura castrorum:

A. In Castris consid.

Ambulatio seu decursio tyronum exerci-
cendorum gratia

Pramia fortibus.

Castrensium ar-
morum me-
ditatio &
schola mili-
taris: ubi
confid.

Exercitus lu-
stratio: ubi
proponeban-
tur

Suppli-
cia i-
gna-
uis, ut

Fustigatio.

Decimatio.

Ignominie
causa missio.

Exautora-
tio.

Omnis fuga.

S. In

CONGRESSVS.

Vires copiarum & militum. Sic Cæsar si uiribus se inferiorem sentiebat: aut pugna abstinebat, aut hostiū copias distrahebat.

Locus prælii futuri. Superiorem situ & natura Cæsar optabat: aut arte superiore efficiebat.

Cōmunia & generalia capita disciplinæ, ab omni casus insci- tia, fortuna & temeri- tate seiūcta, quæ Cæsa- rem parti- bus infinitis prudentiorē fuisse quā fortio- rem, ostendunt. Sunt aut 4

Ordinis ratio. Nā acies variatur

Numero

Sim- plex.

Du- plex.

Tri- plex.

Qua- dru- plex.

Cunea- ta.

Qua- drata.

Rotū- da.

Huic cōtra- ria est Ordi- nis con- fusio ob ho- stis

Ce- leris- ta- tem. In- sidia- as. Dili- gen- tiā.

Figura

Cohortatio, cos mili- taris uirtutis, cui⁹ le- gem Cæsar laudat Pharsalico p̃lio. Si- ne hac Cæsar nullā uictoriā reportauit. Cæterorū aliqd ali- quādo defuit illi: sic uicit aliquando

Cum paruis co- pijs magnas, ut posterioribus bellis. Iniquio- re loco, ut ad Mundam. Ordine nō satis instructo, ut cōtra Neruios.

Speciales prælii differen- tiæ. Est enim aliud

Terrestre. Vide signū. G. Nauale. Vide signum. D.

PRAELIVM TERRESTRE.



Ex itinere primo impetu.

Vineis agendis.

Labore
in fabri-
cādis ma-
chinis

Aggere iacien-
do.

Turribus ambu-
latorijs consi-
tuendis.

Tolerantia frigoris, famis,
imbrium.

Longiore oppugnatione

Expugnatur vel

Munitis
& clau-
sis. Lo-
cus ergo
vel

Propugnatur.

D. Nante

NAVALE.

Patēti æquo
re concurre-
tur. Nauale
præliū Cæs.
in Gallia est

Venetum ubi

Navalis
prælii in-
strumen-
ta

Rostra nauium tan-
quam arietum.

Turres & falces.

Cæsaris seueritas, quali nullis in
bellis usus est.

Britannicum lib. 4.

Maritimæ urbes.

Oppu-
gnan-
tur.

Propu-
gnan-
tur.

Huc refertur. Obseſſio

Masiliæ, ubi

1 Appa-
ratus.

Propugna-
tionis.
Oppugna-
tionis.

2 Con-
tentio

Navalis du-
plex.
Terrestris du-
plex.
Eloquentiæ,
qua depre-
cantur cul-
pam.

3 Desperatio & dedi-
tio.

Alexandriæ: ubi duo navalis
prælia.

FINIS.

D. Nauale fit sicut terrestre, cum. s. uel.



P. R A M I,
REGII ELOQVENTIÆ
ET PHILOSOPHIAE
PROFESSORIS,
Liber
D E

C. Iulij Cæsaris militia.



DISCIPLINA rei militaris, est
disciplina belli rectè admini-
strandæ, qua præ cæteris gen-
tibus Romani floruerunt, sed
maximè Romanorum om-
nium Cæsar unus: Cæsaris igitur
militiam è bellis eius
præcipuè requiramus: Ea est in apparatu, ca-
stris & congressu: Apparatus belli, est in dele-
ctu & comætu: Delectus Romanis erat le-
gionis, unde & ipsa nomen habet. Legio pri-
mis urbis Romæ temporibus trium millium
fuit (ait Varro) ac singulæ tribus Tatiensium,

Ramnium, Lucerum millia singula mittebāt: postea (ut ait Livius lib. septimo) quaternū millium & ducenorum peditum fuit, deinde quinis millibus peditum, trecentis equitibus cōstitit, ait idem libro octavo, & Polybius qui fuit Africani comes, non amplius quinque millibus attribuit. Atq; ad hunc numerum Cæsar tertio belli ciuilis peruenit. Cohortes (ait de Pompeio) centum & decem expleuerat, hæcerāt millia quinquaginta quinque: sic, inquam, eo loco Cæsar loquitur. Atqui sume pro centū & decem cohortibus legiones undecim hisq; ex quo diuide quinquaginta quinque millia, singulis legionibus quinque millia obueniēt, qui legionis numerus in Cæsaris militia fuit. Ergo legio numerū illum habuit, sed ciuium: nam alterum tantū ex sociorum delectu adijciebatur, ut illo octavo libro Livius ait: Quinque auxiliorum numerū Polybius ampliorem facit: Postea, ut Vegetius author est, legio sex millia peditum habuit & centum, equites septingentos uiginti sex, & auxilijs sociorum instructa, duodecim millia compleuit, decem peditum, duo equitum: Maior etiam legionis numerus deinde fuit: Partes legionis, cohortes appellantur, & numero decem fuere. Sic septimo libro belli gallici Labienus quinque cohortes castris præsidio relinquit, quinque eiusdem legionis reliquas aliò proficisci imperat. Sed in hoc toto legionis numero alij præfunt, alij pa-

C. IVL. CAES. MILITIA. 3

rent: maior in principum delectu prouidentia
 adhibenda est: atque in huius generis quæstio-
 ne, cui populus Romanus disceptator ac iu-
 dex propositus erat, quatuor ab oratore postu-
 lata commemini, scientiam rei militaris, uirtu-
 tem, auctoritatem, felicitatem: quæ tamen qua-
 tuor in unum cōueniunt: Scientia enim rei mi-
 litaris ipsa quidem per se à cæteris scientiis di-
 stinctas rationes habet: attamen communibus
 prudentiæ fundamentis innixa ingenuarumq;
 artium disciplinis instructa & ornata sit necesse
 est: Virtus eidem oratori est labor in negotiis,
industria in agendo, celeritas in conficiendo,
constans & fortis animus in periculis, nullis uo-
luptatum illecebris irretitus. Atqui ea uirtus,
 scientiæ militaris usum exercet habitumq; ex-
 primit, & eam scientiam usu uirtutis habituq;
 informatā auctoritas & felicitas uelut umbra
 corpus affectantur: auctoritas enim oritur è fide
 de fama q; multorum in cōfectis bellis & egre-
 giorum facinorum, ut propterea facilius obtē-
 peretur difficiliusq; resistatur. Felicitas autem
 è scientia, uirtute, auctoritate nascitur: Nam
 qui & consilio prouidere & uirtute atque au-
 thoritate exequi poterit, huic facile rerum eue-
 tus secundi ac felices erunt: rectè namque à So-
 crate differitur, aurigas sapientes & nautas insē-
 pientibus fortunatiores esse: Neque nomine
 fortunæ temeritatem casus ullā intelligamus:
 hanc enim fortunam, ut postea dicetur, Cæsar

nullam in rebus secundis sibi adfuisse, imò nō. nunquam in rebus aduersis obfuisse profiteatur: Quamobrem scientia rei militaris in eligendo duce, sed uirtute perfectam, authoritate & felicitate comitatam requiramus, magnòq; studio tales principes expetamus, idq; perpetuò propositum habeamus, ut usu periti rudibus erudiendis præficiantur: Nemo enim bene potest imperare, qui non antè paruerit, nec alios docere, quod à nemine didicerit: Hæc igitur in principibus deligendis considerata sunt. Militares principes sunt Imperator, ac post eum præcipuè Tribunus & Centurio: hos enim rei militaris magistros assiduè Cæsar exprimit. Dux ipse, Prætor, Consul aut eiusmodi potestate à populo Romano deligebatur, ut Gallico bello proconsulari imperio delectus est Cæsar. Vbi duces belli sunt electi, Tribuni militū deliguntur uiginti quatuor: primò quatuordecim ex ijs, qui annua stipendia quinque fecerint, decem ex ijs, qui decem, equites quidem quatuor, pedites sex. Ac quoniam quatuor legionibus Romana res gerebatur, quadrifariæ in singulas legiones diuiduntur attribuunturque è iunioribus quatuor primum lecti primæ legioni, tres proximi secundæ, quatuor sequentes tertiæ, tres postremi quartæ: At è decem maioribus, nam duo primi primæ legioni, tres secundi secundæ, duo proximi tertiæ, tres ultimi quartæ. Ea Tribunorum distributio erat, tum
militum

C. IVL. CAES. MILITIA.

militum delectus è singulis tribubus in singu-
 las legiones pariter fiebat: t' tribu enim quæ
 prima, sorte educta sit, quatuor adolefcēres pa-
 res ætate & corporis habitu leguntur, primus
 est primæ legionis, secundus secundæ, tertius
 tertiæ, quartus quartæ: Secundo è quatuor ite-
 rum similiter electis, primus est secundæ legio-
 nis, secundus tertiæ, tertius quartæ, & sic dein-
 cept in orbem dum similes milites in singulas
 legiones è quâque tribu legantur: tum militiæ
 sacramentum exigitur, denique socijs ciuitati-
 bus imperatur à duce belli numerus, militum
 delectu consimili. Hæc è Polybio. Tribuni ue-
 rò militum tempore Cæsaris non solum erant
 comitiari & à populo delecti, sed rufuli in exer-
 citu facti, ut ait Asconius: Itaque, cum Cæsar a-
 micos quosdam potius, quam idoneos Tribu-
 nos, ut est primo libro, delegisset, ab ijs, quia
 non magnum in re militari usum haberent, to-
 tius exercitus perturbatio magna orta est, eò-
 que Cæsar errorem sui delectus cōfiteatur. Cen-
 turionum totis commentarijs longè frequen-
 tissima est mentio, præsertim in periculis præ-
 liorum, quorum princeps principibus seu pri-
 mipili Centurio fuit, qualis est apud Cæsarem
 secundo, tertio, sexto libris P. Sextius Baculus
 egregia animi magnitudine & multis uulneri-
 bus insignis. Centuriones, castrorū etiam me-
 ratores uidentur Cæsari fuisse: Sic Neruico bel-
 lo Cæsar exploratores Centurionesq; premit-

rit qui locum castris idoneum deligant. Quare
 propter hi militaris honoris magistratus erant,
 ad quos gradatim uiri fortes & militaris disci-
 plinæ periti promouerentur. De hac promotio-
 ne locus est ille sexto lib. cum ad Eburenū
 Varutam nouitiæ legionis cohortes quinque
 à Germanis circumueniuntur. Centurionum
 nonnulli (ait Cæsar) ex inferioribus ordini-
 bus reliquarum legionum uirtutis causâ in su-
 periores erant ordines huius legionis traducti:
 Sic tertio belli ciuilibis Cæsar Seuam Centurio-
 nem (qui scuto ducentas triginta sagittas, ut ex
 foraminibus apparebat exceperat) ab octauis
 ordinibus ad primum pilum se traducere pro-
 nunciauit. Atque Varutensi illo tumultu (ut
 ait ibidem Cæsar) modo conscripti atque usus
 rei militaris imperiti, ad Tribunos militū Cen-
 turionesq; ora conuertunt, quid ab his præci-
 piatur expectant. Hic igitur Cæsar Tribunos
 Centurionesq;, tyronum tanquam discipulo-
 rum magistros efficit: sic Auaticensi obsidione
 milites studia sua per Centuriones Tribunosq;
 que Cæsari denunciant. Quare magistrorum
 istorum delectus diligenter habendus est, per
 quos disciplina rei militaris ediscatur, contra-
 riâq; ignauia corrigatur. Atque hic magistra-
 tum & principum delectus esto: In priuatorū
 militum delectu tria fere considerantur, ut deli-
 gatur ciuis, robustus, in re militari eruditus:
 sed ciuis primum: id enim Romanæ militiæ san-
 ctum

tum & sacrum fuit romanis ciuibus, non tan-
 tum principibus, sed priuatis etiam militibus
 Romanam ciuitatem tueri: maiore enim chari-
 tate pro aris & focis, pro cōiugibus & liberis,
 pro patria denique dimicatur, quàm pro qua-
 uis mercede atque pecunia. Ac disciplinæ deser-
 uæ seueritas totaꝫ disciplinæ authoritas quæ
 in principibus expetitur, in ciues multo prom-
 ptior quàm in exteros alijs moribus alijsꝫ le-
 gibus educatos erit. Atque id (ait Liuius libro
 tricesimo quarto) ad memoriam insigne est,
 quod mercenarium militem in castris neminẽ
 ante quartum secundi belli Punici annum Ro-
 mani habuerunt. Hi Celtiberi fuere qui accepe-
 re à Pœnis maiorem mercedem ut abscederẽt,
 quàm quantum acceperant à Romanis ut pu-
 gnarent, eaꝫ proditione Publ. & Cn. Scipio-
 nes eorumꝫ exercitus Pœnis uincendos præ-
 buere: itaque (ait Liuius) id quidem cauẽdum
 semper romanis ducibus erit, exemplaꝫ hæc
 uerè pro documentis habenda, ne ita externis
 credant auxilijs, ut nō plus sui roboris suarum
 que propriè uirium in castris habeant. Sic Cæ-
 sar è Gallis legiones electas habuit: sed Toga-
 tis Romanisꝫ municipibus & colonis: E' Gal-
 lis etiam his citerioribus Alaudam illã, quam
 gallico nomine appellabat, instituit: sed cui ci-
 uitatem romanam promiserat ac postea præsti-
 tit: unde etiam queritur in Philippicis, Cicero
 decuriam ludicum ab Antonio factam, Auxili-

• P. RAMI LIBER DE

liares uero milites deligendi fideles & ciuibus amore proximi, quales Cæsar è ceterioribus Gallis Bracchatos, è Comatis Heduos, sed præcipuè Lingones & Rhemos: quales etiã è Germaniæ ciuitatibus quas pacauerat, equites & pedites Germanos habuit. Deligatur (inquã) miles ciuis, aut certè animo ciuis, deinde robustus: Cæsar enim militẽ (ait Suetonius) neque à moribus, neque à fortuna, sed tantum à uiribus probabat: Itaque miles ex ijs legendus est, qui quotidiano opere laborem ferre didicerit, ut sunt fabri ferrarij, tignarij, lanij, uenatores: Ac si plures sunt eiusdem ciuitatis pagi, in robustissimis delectus est habendus: rectè nanque Horatius,

Portes creantur fortibus & bonis,

Est in iuuenicis, est in equis patrum

Virtus, nec imbellem feroces,

Progenerant aquilæ columbam.

Veteres etiam staturam in delectu militiæ exigebant, ut Marius ferè senos pedes. At Homeris cum illud est notum, Tydæum paruum quidẽ, sed bellatorem fuisse, nec Cæsar militem à proceritate, sed à viribus probat. Verum ad roboris æstimationem ætatis consideratio multò iustior est: nec enim omnis ætas ad militiæ Labores perferendum idonea est: Iuuenumq; ætas credita melior ad militares exercitationes ediscendum: Atque ita primum (vt Sallustius ait) iuuentus, simul ac belli patiens erat, in castris per

per laborem, usu militiam discebat. Annus militaris ætatis decimus septimus fuit, quo dimissa prætextâ togâ, virilis assumebatur: Itaque Romanis (ait pro Cælio Tullius) olim annus erat unus ad cohibendum brachium togâ constitutus, ut exercitatione ludoque campestri tunicati uterentur: Eadem erat, si statim mereri stipendia cœpissent, castrensis ratio ac militaris. Florentibus igitur illis annis militia discebatur, veteranusque, tyronum magister erat. Sic apud poetam rex Latinus Pallantem filium Aeneæ velut armorum doctori, erudiendum tradit,

Hunc tibi præterea, spes et solatia nostri,

Pallanta adiungam, sub te tolerare magistro

Militiam et graue Martis opus, tua cernere facta

Assuescat, primis et te miretur ab annis.

Vacatio autem ætatis in re militari legibus Romanis etiam definiebatur, & illud est nimirum Ciceronis pro Amerino, cum allegoriâ militari abulas quosdam forenses arguit: Non necesse est (ait) omnes commemorare Curtios, Marios, denique Mamercos, quos iam ætas à præliis auocabat: postremò Priamum ipsum senem Antistium, quem non modò ætas, sed leges pugnare prohibebant. Hunc vacationis annum Varro secundo de vita patrum quinquagesimum definiuit: & sic apud Liuium libro quadragesimo à Senatu imperatum est Petitio, ut omnes minores quinquaginta annis sacramento rogaret. Aliquando etiam pro Reipub. temporibus,

poribus, & prætextati assumebantur & vacationibus sublati, veterani reuocabantur. Ergo ad istum cæsariani roboris delectum, ætatis delectus habendus est: Verum miles non tantum ciuis & robustus, sed armis eruditus, est ex petendus: id enim militiæ opus est. Enimvero, vt liberalium artium, sic militarium studiorum schola in primis instituenda est. Atque, vt philosophus animi, sic gymnastes corporis formandi gratia est habendus, vnde postea miles optetur & eligatur: nunquam enim Respubl. certos artifices & idoneos actores præstantiæ operum habitura est, nisi artium magistros, nisi discipulos habuerit: hinc omnium imperiorum fundamenta deducta sunt: quicquid rei militaris scientiæ plus valuerunt, minus valentibus imperarunt: Ac si quis Theologorum, Medicorum, Iurisconsultorum, Philosophorum exercitus eligendus esset, è scholis nempe earum professionum legendus esse videretur. Ergo Romæ campus Martius, schola hæc fuit, vbi Romana iuuentus ad palum omni genere armorum, & quidem veris duplo grauiorum exerceretur caput petendo, lateribus insidiando, poplites succidendo, insiliendo, resiliendo, punctum potius quam cæsum feriendo, & interim tamen assidue sese protegendo, item iaculando: Pars enim tyronum tertia vel quarta pilis, lapidibus, sagittis, manu, fundâ, arcu iaculandis exercebatur: Tum verò saltu, fossæ latitudi-

nem aut valli altitudinem superare: præcipue
autem cursu locum occupare, fugientem asse-
qui consueſcebat: Sic Pompeius, vt à Sallu-
ſtio traditum eſt, cum alacribus saltu, cum ve-
locibus cursu, cum validis vecte certabat. Nec
verò futuris equitibus exercitatio ſua deerat,
equi lignei erant in campo, vt infilire, deſilire,
dextrâ, læuâ, inermis, armatus, diſtricto etiam
gladio futurus eques addiſceret, veros etiam
equos domaret, & futuris prælijs, aſſuefaceret:
Sic Cæſari (ait Plutarchus) equitandi uſus à
puero facilis fuit: conſueuerat enim reflexis &
poſt tergum implicatis manibus equum cele-
riter agitare: Quinetiam equo (vt Suetonius
ait) utebatur inſigni, pedibusq; prope huma-
nis, & in modum digitorum, ungulis fiſſis,
quem natum apud ſe, cum Aruſpices impe-
rium orbis terræ ſignificare domino pronun-
ciaſſent, magnâ curâ aluit, nec patientem ſello-
ris alterius, primus aſcendit: cuius etiam in-
ſtar, pro æde Veneris genetricis poſtea dedica-
uit. Itaque pueris exercitatio quoque illa eque-
ſtris propoſita fuit, & ſeptimo libro Cæſar,
cum Germanos equites accerſuiſſet, quòd mi-
nùs idoneis equis utebântur, à Tribunis mili-
tum reliquisq; equitibus Romanis atque euo-
catis equos ſumit: Germanisq; diſtribuit: Er-
go bonorum quoque equorum delectus ideò-
que exercitatio ſua eſt. Delegit Cæſar equites
Germanos, equos non delegit, denique Tybe-
ris

ris Martio campo vicinus aderat, qui natando traductus, collectum exercitatione puluerem & sudorem ablueret, natationis'que solertiâ, cum necesse esset, aquam solum militibus tanquam piscibus efficeret, qua exercitatione quantum Cæsar profecerit, Hircius testis est Alexandrino bello, cum se ex nauigio eiecit, & ad eas quæ longiùs constiterant naues adnatauit. Quod idem Suetonius magnificentius repetiuit, Alexandriæ (ait) circa oppugnationem pōtis eruptione hostium subitâ compulsus in scapham pluribus eōdem præcipitantibus cum defiliisset in mare, nando per ducentos passus euasit ad proximam nauem, elatâ læuâ ne belli quos tenebat madefierent, paludamentum mordicis trahens, ne spolio potiretur hostis. Ac si quando (vt idem author ait) flumina iter morarentur, nando, vel innixus inflatis vtribus trañciebat. Sic (vt est primo belli ciuilis) procliue fuit Hispanis tranare flumen, quod consuetudo eorum omnium esset, vt sine vtribus ad exercitum non irent. Tales igitur militaris disciplinæ meditationes Romana iuuentus habuit: & omnes vrbes ac vicifestorum saltem dierū temporibus habere possunt. Tales etiam ante regiam Latini regis fingit poëta quondam fuisse,

*Ante urbem pueri & primæuo flore iuuentus
Exercentur equis, domitantq; in puluere currus,
Aut acres tendunt arcus, qui lenta laceris*

Spicula contorquent, cursuq; ictuq; laceffunt.

Arque hic delectus, legionis totius commu-
 nis est: Partes verò legionis, delectum per gene-
 ra militum & armorum quendam habent, eæ
 cohortes, vt patuit, appellantur. Prima (vt Ve-
 getius ait) habet pedites mille centum quin-
 que, equites loricatoros centum triginta duos: re-
 liquæ habent singulæ pedites quingētos quin-
 quaginta quinque, equites loricatoros sexaginta
 sex: Grauis armatura (quam πανοπλία Græci di-
 cunt) gladij maioris atque minoris, pili, scuti,
 galeæ, lorice, manicarum, ocrearum pediti tri-
 buebatur. Pilum (vt Polybius describit) fuit
 longitudine ferè bicubitali, crassitudine digita-
 li, spiculo palmi, sed sensim sic attenuato atque
 acuto, vt statim primo iactu infixum inflecte-
 retur, nec euelli posset: Sic Heluetij compluri-
 bus scutis vno ictu pilorum transfixis, nudi
 pugnare coacti sunt, sicut Heluetico bello po-
 stea dicitur: Itaque telum hoc proprium fuit
 Romanis, nec ab hoste, si semel hæssisset, retor-
 queri poterat. Idem author scuti longitudi-
 nem quatuor pedibus maiorem facit, superfi-
 ciem curuam, latitudine ferè tripedali, vt facile
 totus miles scuto protegeretur: Itaque milites
 Cæsaris Alexandrino bello e' ponte deiecti,
 scutis tanquam lyntribus alleuati ad proxima
 nauigia adnatarunt. Gladiorum autem, ha-
 starum & gæforum, vt Liuius octauo libro o-
 stendit, levis armatura equiti, vt pediti sagitta-
 rio

rio & funditori relinquebatur. Atque ita in cataphracto pedite, præcipuum legionis robur locabatur. Id militiæ Romanæ iudicium bella Cæsaris planè comprobant: grauem siquidem legionarij peditis armaturam Cæsar locis aliquot indicauit, bis certè bello Britannico, Militibus (ait quarto libro de legionario pedite) impeditis manibus magno & graui onere armorum pressis, simul & de nauibus desiliendum & in fluctu consistendum, & cum hostibus erat pugnandum. Hic videmus peditem legionarium (equites enim alijs nauibus vehebantur) è nauibus exeuntem, manibus impeditum, scuto nempe & pilis: pressum magno & graui onere armorum, galeâ quippe lorica, manicis, ocreis, gladio maiore & minore: quod idem quinto libro de Britannis essedarijs significatur. Intellectum est (ait Cæsar de legionario pedite) Romanos propter grauitatem armaturæ, quòd neque insequi cædentes possent, neque ab signis discedere auderent, minùs aptos esse ad huius generis hostem. His duobus Cæsaris testimonijs intelligimus grauem armaturam in pedite fuisse, ideòque leuem in equite, qui propterea gallico bello & præmittitur & ferè vincitur: sic Heluetiorum confertissimâ acie reiectus est, sic Neruiorum impetu pulsus ac perturbatus, simili que Tenaetherorum & Vsipectum vi, in fugam conuersus: Nec vlla Cæsari equestris victoria contigie

git, nisi tandem per Germanos equites. Quia
 Heluetico bello Cæsar primum suo, deinde o-
 mnium è conspectu remotis equis, ut æquato
 omnium periculo, spem fugæ tolleret, cohori-
 tatus suos, prælium commisit: unde perspi-
 cimus peditatum ad victoriam equitatu po-
 tiorem Romanis visum esse: Id, inquam, Ro-
 manorum de armis iudicium, is delectus ar-
 matorum fuit, ut peditem cataphractum e-
 quiti cataphracto longè præponerent: ideo-
 que in legione plures sextuplo pedites, quàm
 equites haberent.

Bellici apparatus partem in comœatu po-
 suimus, in quo præcipue stipendium compre-
 henditur, quod tum maxime proponendum
 videatur, ut spe & præmio miles ille defun-
 ctus, alacrior ad militiam proficiscatur: Sti-
 pendium igitur, ut Polybius ait libro sexto,
 & nummo & annonâ constabat: vestis etiam
 addita est: Gracchus enim, ut Plutarchus au-
 thor est, legem suavit de veste militibus danda
 sine vlla stipendiî diminutione. Pedes (ait Po-
 lybius) quotidie duos obolos capiebat, id est
 quatuordecim denarios turonicos: tritici di-
 mensum in mensem duas partes attici medime-
 ni, id est, bucellos parisienses tres: eques obo-
 los quatuor quotidie, in mensem medime-
 nos ordeï septem, tritici duos: ordinum du-
 cibus, pro loco stipendium maius. Frumen-
 tum verò militibus stipendio fuisse, Cæsar im-
 primis

primis author est : sic primo libro ait, Cum dies instaret quo frumentum militibus metiri oporteret, Heduos frumentum quod erant polliciti quotidie flagitabat. Et iterum eodem libro, Quod omnino biduum superaret, cum exercitui frumentum metiri oporteret, & quod à Bibracte oppido Heduorum longè maximo ac copiosissimo non amplius millibus passuum octodecim aberat, rei frumentariæ prospiciendum existimavit, & iter ab Heluetijs auertit ac Bibracte ire contendit. Rei verò frumentariæ quanta cura duci esse debeat, Cæsar's exempla declarant. Heluetico bello frumentum Arare subuexerat, sed eo minùs vti poterat, quòd iter ab Arare Heluetij antè auerterant, à quibus discedere volebat: Itaque difficultate magna propterea affectus est. Germanico bello & deinceps Belgico factus cautior, rem frumentariam diligentius comparauit. Obsidione Alexiæ, ne cum periculo milites ex castris egredi cogerentur, dierum triginta pabulum frumentumque habere omnes conuectum iussit. Britannico bello tempestate afflictis nauibus cum frumentum in hyemem prouisum non esset, in maiorem etiam difficultatem est adductus. Sed Cæsar in his periculis *τέρας* horribili vigilantia (vt Tullius loquitur) celeritate, diligentia fuit: ac modò in agris frumenta matura essent, id propemodum perinde imperatori

tori fuit, ac si in castrensibus horreis essent Miles enim Cæsaris non tantum bellator, sed etiam frumentator erat. Itaque, ut est quinto libro, ad illius Britannici discriminis sublevationem frumentum ex agris Cæsar quotidie conferebat: e duabus legionibus quas solas habebat, alteram vicissim frumentatum mittebat. Itaque Britanni, quod ex omnibus partibus demesso frumento, una pars erat reliqua, suspecti legionarios Cæsaris huc esse venturos, noctu in sylvis delituerunt, tum dispersos depositis armis in metendo occupatos subito adoriri, paucis interfectis, reliquos incertis ordinibus perturbarunt, simul equitatu atque essedis circumdederunt. Hic locus planè demonstrat legionarios Cæsaris, frumentum manibus metere, falces que cum opus esset, non minus scienter, quam enses tractare solitos. Sic se primo libro cum à Gergouia profectus esset, frumentum que ipsius, Hedui aut nauibus auexissent, aut flumine atque incendio corripissent, traducto celeritate summa Ligeri frumentum in agris & pecoris copiam nactus est, eaque protinus exercitum repleuit: Nec unquam omnino Cæsar ista difficultate superatus est. Nam si quando necessitas rei frumentariæ maior incidisset, famem tamen facilius quam ignominiam ferre, Cæsarianæ militiæ fuit: Cum Galli Gergobinam Boiorum Romanis amicorum obsiderent, Cæsar intelligebat, si maturius

ex hybernis legiones educeret metuendum si-
bi esse, ne ab re frumentaria duris subuectioni-
bus laboraret: Præstare tamen statuit omnes
difficultates, quàm tantam contumeliam per-
peti: Atque in obsidione Auarici cum Galli
quoquo versus quò ab Romanis adiri posset,
vicos atque vrbes incendissent, Romanus' que
miles ideò dies aliquot frumento caruisset, &
pecore extremam famem sustentaret: Nulla ta-
men vox ab eo audita, populi Romani maie-
state & superioribus victorijs indigna. Quin et-
iam Cæsar cum in opere singulas legiones ap-
pellaret, & si acerbius inopiam ferrent, se dimis-
surum oppugnationem diceret, vniuersi ab eo
ne id faceret, petebant. Sic se complures annos
illo imperante meruisse, vt nullam ignominiam
acciperent, nusquam infecta re discederent:
hoc se ignominiam laturos loco, si inceptam op-
pugnationem reliquissent. Hæc eadem Centu-
rionibus Tribunis' que militum mandabant,
vt per eos ad Cæsarem deferrentur. Repetitur
eadem militum patientia tertio belli civilis:
Cum Cæsar consumptis omnibus longè latè-
que frumentis, summis in angustijs esset, hæc
(ait ipse) singulari patientiâ milites ferebāt: Re-
cordabantur enim eadem se superiore anno in
Hispania perpestos labore & patiētiâ maximū
bellum confecisse. Meminerāt ad Alexiam ma-
gnam se inopiam perpestos: multo etiam maio-
rem ad Auaricum, maximarum se gentium vi-
ctores

flores discessisse: Non illis ordeum cum dare-
 tur, non legumina recusabant: Pannicum ve-
 ro, cuius rei summa erat ex Epeiro copia, ma-
 gno in honore habebant. Est etiam genus radi-
 cis inuentum ab ijs qui fuerant cum Valerio,
 quod appellatur Chara, quod admixtum lacti
 multum inopiam leuabat: Id similitudinem
 panis efficiebat. Eius erat magna copia, ex hoc
 effectos panes, cum in colloquijs, Pompeiani
 famem Cæsarianis obiectarent, vulgò in eos ia-
 cebant, vt spem eorum minuerent, iam que fru-
 menta maturefcere incipiebāt, atque ipsa spes,
 inopiam sustentabat, quod celeriter se habitu-
 ros copiam confidebant: crebræque voces
 militum in vigilijs colloquijsque audiebantur,
 prius se cortice ex arborib. victuros, quam
 Pompeium e manibus dimissuros. Talis mili-
 tum constantia in fame toleranda fuit Africa-
 no bello, summaque annonæ difficultate co-
 acti veterani, milites equitesque qui multa, ter-
 ra marique bella confecissent, & periculis ino-
 piaque tali sæpe essent conflictati, alga e licto-
 re collecta, & aqua dulci elota iumentis esuri-
 entibus data, vitam eorum producebant. Er-
 go Cæsar milites habuit, qui stipendijs solutio-
 nem non solum temporis, sed famis patien-
 tiâ differrent quod, imprimis propositum ijs es-
 se debeat, qui se milites Cæsare imperatore di-
 gnos haberi velint. Sed militem Imperatorē es-
 tiam habuere, qui temporis & famis vsurā per-

amplo fœnore compensaret, Legionibus (ait
 Suetonius) stipendium in perpetuum dupli-
 cavit, frumentum quoties copia esset, etiam si-
 ne modo mensuraq; præbuit. Eburonum, Ner-
 uiorum, Genabensium, Avaricensiū aliorūm-
 que innumerabilium prædam publicè militi-
 bus donavit præter eam prædam quam quis-
 que tot victorijs habere potuit. Alexiā expu-
 gnatā, è captiuis totī exercitui capita singula
 prædæ nomine distribuit: octauo belli gallici
 anno, quod hyeme summā maximis itinerib;
 Bituriges oppressissent, militibus pro tanto la-
 bore ac patientia, qui brumalibus diebus, iti-
 neribus difficillimis frigoribus intolerandis,
 studiosissimè permanserant in labore, ducenon-
 sestertios, Centurionibus duo millia num-
 mūm prædæ nomine condonanda pollicetur.
 Denique tam cultos (ait Suetonius) habuit,
 ut argento atque auro politis armis ornaret,
 nec solum ut Alexander argyraspides, sed chry-
 spides efficeret. Quinetiam ex eadem largi-
 tione à militibus, sed astutia Cæsaris ingenio
 dignissima aliquando mutuatus est: à Tribu-
 nis enim militum Centurionibusq; ut est pri-
 mo belli Ciuilis, mutuas pecunias sumpsit:
 has exercitui distribuit, quo factō duas res con-
 secutus est quod pignore, animos Centurionū
 deuinxit & largitione, militum voluntates re-
 demit: Sunt verè illa maiora quæ Suetonius i-
 bidem numerat. Singula interdum prædia vi-

C. IVL. CAES. MILITIA. 1

ritim dedit veteranis legionibus, prædæ nomi-
 ne in pedites singulos super bina sestertia, quæ
 initio ciuilibis tumultus meruerāt, in equites vi-
 gena quaterna millia nummūm dedit, assigna-
 uit & agros: Hæc verò stipendiorū genere ma-
 gna quidem fuere, sed longè maiora laudis illa
 atque honoris stipendia sunt habenda, quæ Ro-
 manis legibus vnicuique rectè fortiterque fa-
 cto proponebantur. In concione laudari ab
 Imperatore, corona, torque, armilla, aut alio
 quopiam insigni munere donari. Sic Scæuam
 Centurionem Cæsar millibus ducentis gr̄is &
 cohortem ipsius duplici stipendio militaribus
 que signis amplissime donauit: Sic in Asiæ ci-
 uitatibus confecto bello Alexandrino præ-
 mia bene meritis & viritim & publicè tribuit.
 Eiusmodi munera nempe & illa sunt initio bel-
 li Hispaniensis, quibus dandis, in Italia disti-
 netur. Sic postridie Africani ad Thapsum præ-
 lii re diuinæ factæ concione que aduocatæ, mi-
 lites collaudauit, totumque exercitum vetera-
 num donauit præmijs, ac fortissimo cuique
 beneque merenti, pro suggestu tribuit. Sic
 eodem bello ob virtutem turmæ Cassianę do-
 nauit millia tredecim, & præfectis torques au-
 reos duos & leui armaturæ millia decem. At-
 que his præmijs Cæsar tam mirificè tamq̃ ho-
 norificè bene meritos prosecutus est, vt cum re-
 prehēderetur, quòd infimi generis homines ad
 amplissimos honores proueheret (ait Sucto-

nus) professus sit palam, si grassatorum & sicariorum ope in tuenda sua dignitate usus esset, talibus quoque se parem gratiam relaturum. Eiusmodi premiis atque honoribus populus Romanus, qui tum summam imperii tenebat, suos duces multo lautius & magnificentius ornauit: hinc supplicationes tot dierum decretæ Caesaris, hinc amplissimi triumphi. Sed de militaris stipendii peculio singulare est quod à Vegetio traditur, ut ex donatiuo dimidia pars sequeretur apud signa. Sic amputato luxu castrense peculium parsimoniâ augebitur, & miles aciem tantò minus deseret, quantò plus in ea sibi repositum cogitabit. Quamobrem legio in ipso delectu stipendium fructumque laborum sibi expositum intelligat, sciâtque sibi ducem, non solum rei militaris scientiâ, virtute, auctoritate, felicitate præstantem, sed munificum & liberalem futurum: sic Legionis Cæsaris excitabis.

SECUN

SECVNDA

P A R S.



ASTRIS secundam militię partem dedimus, vbi primum progressus agminis in castra, deinde architectura castrorum: denique castrensis armorum meditatio considerata est: Atque in progressu agminis notitia ipsa regionum per quas agmen ducendum sit imprimis necessaria est: Imperator igitur regionem (quā si iter factururus) accuratā picturā descriptam habeat, nec interualla locorum longitudine & latitudine tantum descripta tabulis & depicta, sed viarum genera, compendia, diuerticula, montes, flumina, duces etiam viarum fideles & probatos. Sic Cēsar contra Ariouistum iter exquisiuit per Diuitiacū, quod ex alijs Gallis maximam ei fidem habebat, & ut tutius iter esset millium amplius quinquaginta circuitu, locis apertis exercitum duxit: Sic Belgico bello dat negocium Senonibus reliquisq; Gallis, qui finitimi Belgis erāt, uti quæ apud eos geruntur cognoscant, seq; de his re-

bus

bus certiores faciant: Sic Britannico bello conuocatis ad se vndique mercatoribus, quanta esset insulæ magnitudo, quæ & quantæ nationes incolerent, quem vsum belli haberent, quibus institutis vterentur, qui essent ad maiorum nauium multitudinem idonei portus, cum reperire non posset, ad hæc cognoscenda, priusquam periculum faceret, idoneum esse arbitratus, C. Volusenum cum nauis longa præmisit, vt exploratis omnibus rebus, ad se quamprimùm reuerteretur. Suetonius etiam id amplius, Exercitum, ait, neque per insidiosa itinera duxit vnquam, nisi perspeculatus locorum situs, neque in Britanniam transuexit: nisi per se portus & nauigationem & accessum ad insulam explorasset. Exploratores autem non tantum prudentes, sed fortes minimeque timidos esse necesse est Pub. Confidius (vt est primo libro) qui rei militaris peritissimus habebatur, qui que in exercitu L. Syllæ, & postea in M. Crassi fuerat, cum exploratoribus premititur. Primâ luce cum summus mons à T. Labieno teneretur, ipse ab hostium castris non longius mille & quingentis passibus abesset, neque, vt postea ex captiuis comperit, aut ipsius aduentus, aut Labieni cognitus esset, Confidius equo admissio, ad eum accurrit, dicit montem, quem à Labieno occupari voluerit, ab hostibus teneri, id se à gallicis armis atque insignibus

signibus cognouisse : Sed Confidius paulo
 post sua timiditate Cæsari ridiculus fuit : mul-
 to enim die per exploratores reliquos Cæsar
 cognouit & montem à suis teneri, & hostes
 castra mouisse & Confidium timore perterri-
 tum, quod non vidisset, pro viso sibi renun-
 ciasse. Fuit militiæ Romanæ signum Mino-
 raurus, quo tanquam Labyrintho tecta con-
 silia dux habere moneretur, quod in itineri-
 bus, Cæsari mirificè propositum fuit. Ita-
 que cum in proximo (ait Suetonius) hostis
 esset, itineris tempus denunciare non solebat,
 præcipuè pluuijs, & festis diebus : Ac subin-
 de obseruandum se admonens, repente inter-
 diu vel nocte subtrahebat, augebat'que iter,
 vt seriùs subsequentes defatigaret. Atque
 hoc secretæ mentis archanum indicat Hircius
 bello Africano, Cæsar in Africam profici-
 scens nullum portum sibi tutum fore perspi-
 ciebat. Itaque nullum certum locum guber-
 natoribus præfectis'que quem peterent præ-
 ceperat, neque vt mos ipsius consuetudo'que
 superioribus temporibus fuerat, tabellas si-
 gnatas dederat, vt in tempore his prælectis,
 locum certum peterent vniuersi. Hic locus
 consuetudinem quandam Cæsaris indicat de
 occultando itinere non modo hostibus, sed e-
 tiam ciuibus, cum tabellas illas à præfectis
 nisi necessitate coactis perlegi vetaret. Ergo
 hæc regionum notitia teneatur : Agmen verò
 b f ducia

ducitur itinere terrestri, aut flumina maria uel
 traducitur: in terrestri itinere, ordo agminis,
 quantitas itineris, sed supra omnia militaris
 labor animaduertendus est: Agminis igitur
 ordo duobus exemplis præcipue ostenditur.
 Primus est secundo libro, Cum ex dedititijs
 Belgis reliquisque Gallis complures Cæsarem
 secuti vnà iter facerent, quidam ex his, ut
 postea ex captiuis cognitum est, eorum die-
 rum consuetudine itineris exercitus Romani
 perspectâ, nocte, ad Neruios peruenerunt, at-
 que his demonstrarunt inter singulas legio-
 nes impedimentorum magnum numerum in-
 tercedere, neque esse quicquam negotij, cum
 prima legio in castra venisset, reliquæque le-
 giones magnum spacium abessent, hanc sub
 sarcinis adoriri, qua pulsâ impedimentisque
 direptis futurum ut reliquæ contra consiste-
 re non auderent. Hic locus ostendit agmi-
 nis ordinem quendam: sed negligentior, quia
 nondum hostis adesset. Sed consequens
 in eodem libro locus multò diligentior ap-
 propinquante hoste demonstrat. Cæsar (ait
 ipse) æquitatu præmissis subsequabatur om-
 nibus copijs: Sed ratio ordoque agminis al-
 iter se habebat ac Belgæ ad Neruios detule-
 rant: Nam quod hostis appropinquabat
 consuetudine sua, Cæsar sex legiones expe-
 ditas ducebat, post eas totius exercitus im-
 pedimenta collocarat: & duæ legiones, quæ
 pro-

proximè conscriptæ erant totum agmen clauderant, præsidioque impedimentis erant. Hic igitur locus multò maiorem ordinis curam diligentiamque proponit: aliam similis diligentiae speciem Hircius octauo libro descripsit. Cæsar (ait) agminis ordinem ita constituit, ut legio septima, octaua, nona, ante omnia irent impedimenta: deinde omnium impedimentorum agmen, quod tamen erat mediocre, ut in expeditionibus esse consuevit, cogeret vndecima ne maioris multitudinis species accidere hostibus posset, quam ipsi depoposcissent. Hac ratione penè quadrato agmine instructo, ut omni ex parte sustinere posset hostium impetum, in conspectum hostium celerius opinione eorum, exercitum abducit. At si hostis à tergo relinqueretur ab eoque discederetur, alia ratio fuit, impedimentis nempe præmissis, ut cum Cæsar à Pompeio ad Dyrrachium duplici clade affectus esset, ideoque illinc Apolloniam contenderet: Itaque (ait Cæsar) nulla interposita morâ, sauciorum modo & ægrorum habitâ ratione, impedimenta omnia silentio prima nocte ex castris Apolloniam præmisit ac conquiescere ante iter confectum vetuit: His vna legio missa præsidio est. His explicitis rebus duas in castris legiones retinuit, reliquas de quarta vigilia compluribus portis eductas eodē itinere præmisit: paruoque
spatio

spatio intermisso, ut & militare institutum seruarietur, & ne citissima eius profectio cognosceretur, conclamari iussit statim que egressus & nouissimum agmen consecutus, celeriter ex conspectu castrorum discessit. Hic itaque agminis ordo Cæsari fuit, quantitas itineris dicenda est. Romanis verò militiæ consuetudo fuit, ut Vegetius docet, simplici gradu horis quinque æstiuis, id est, nostris sex & vnâ tertiâ progredi millia passuum viginti, pleno, viginti quatuor: quicquid amplius esset, cursus erat, cuius spatium definiri non potest. Septimo libro significatio quædam è tribus locis colligi potest de militaris huius itineris quantitate, Cæsar Gergouię obsidione occupatus, mediâ nocte per Eporedorigem certior factus est de Heduerũ defectione: deinceps nullâ interpositâ dubitatione è sex legionibus, duas in castris relinquit, quatuor expedit & adhortatur ne necessario tempore, itineris labore permoueantur: Cupidissimis omnibus, progressus millia passuum viginti quinque, Heduos offendit, nescip in colloquio, errorem suæ defectionis & culpam demonstrat: deinde tribus horis noctis exercitui ad quietem datis, castra ad Gergouiam mouet, tum in medio ferè itinere cognito periculo suorum ad Gergouiam relictorũ, summo labore militum ante ortum solis, in castra peruenit. Hæc sic à Cæsare narrantur, vnde concludo viginti quatuor horis quinquagin-

ta millia passuum confecta esse à legionibus il-
 lis expeditis quidem sarcinarum impedimen-
 to: at armorum grauitate certè impeditis: Su-
 perioris enim noctis aliquot horæ consumptæ
 in audiendo Eporedorige, capiendo consilio,
 legionum distributione, quæ educerentur, quæ
 manerent: Item consequentis diei aliquod tem-
 pus fuit in monendis Heduis & reconcilian-
 dis: Denique militem ieiunum tot millia iisse
 ac rediisse, vix credibile sit: his tot rebus tres ho-
 ras accipio, tres porro datæ sunt quieti, vt ait
 Cæsar: Itaque dimidiæ noctis illius nihil super-
 est. Ac summum viginti quatuor horis, aut e-
 tiam paucioribus, totum illud iter factum est,
 quia ante solis ortum Cæsar rediit, & quidem
 non ordinarium, sed propè duplicatum fuisse
 Cæsar eo declarat quòd rem in celeritate posi-
 tam fuisse ibidem ait, & quòd milites adhorta-
 tur, ne itineris labore permoueantur: Quare
 diurnum exercitus iter viginti aut viginti qua-
 tuor millia, vt Vegetius ait, videntur fuisse.
 Sic Cæsar ad liberandum Ciceronem vno die
 hyberno ab hora tertia millia passuum viginti
 progreditur. Superest in agmine, militaris la-
 bor prorsus admirabilis: Itaque magnos & ma-
 gni nominis testes huc appello, ne quid in re
 propè incredibili fingere videar: Dico enim
 legionario militi in itinere vsitatum fuisse fere-
 re non solum arma, sed vallum: & illud de
 quod Horatius in Odis velut incredibile po-
 steritati

steritati futurum admiratur,

Romana (eheu) posteri negabit

Emancipatus fœminæ

Fert uallum & arma miles.

Romanus miles fert arma, fert vallum: imò verò fert etiam (ait Tullius) cibaria, & si quid ad vsum velit, Nostri exercitus (ait secunda Tusculana) primùm vnde nomen habeant vides, deinde qui labor, quantus agminis, ferre plus dimidiati mensis cibaria, ferre si quid ad vsum velint, ferre vallum: nam scutum, gladium, galeam in onere nostri milites non plus numerant, quàm humeros, lacertos, manus. Arma enim, membra militis esse dicunt: quæ quidem ita geruntur aptè, vt si vsum foret, abiectis oneribus, expeditis armis vt membris pugnare possint. Hæc Tullius de sui temporis militia. Liuius verò antea non dimidiati, sed integri mensis cibaria militem ferre solitum docet: Sic enim libro quinquagesimo quarto ait, Consul menstruum iussu milite secum ferre, profectus decimo post die. Sic Pompeiani legionarij in Hispania dierum viginti duorum frumentum efferre iussi sunt: Eadem etiã postea disciplinæ ab imperatoribus seruata legitur. Pescennius Niger (ait Lampridius) vinum & pistores à castris remouit, iussitq; omnes aceto & buccellato (quem panem biscoctum dicimus) contentos esse: Sic Iulianus (vt Marcellinus ait libro decimo septimo) buccellatum in viginti dies

dies humeris militum imposuit. Ac de legionis agmine tot sarcinis onusto indicium illud patuit in illo agminis ordine, cum Cæsar sarcinas & onera legionum exposuit, sub quibus facile à Nerujs opprimi posse viderentur: quomodo libro tertio Aquitani Romanos impeditos in agmine & sub sarcinis infirmiore animo adoriri cogitant: Quomodo Labienus in Africa existimabat Cæsaris milites sub onere ac sarcinis defatigatos, pugnare non posse, ut ait Hircius. Quapropter iste est incredibilis Horatio, admirabilis Tullio, agminis labor in milite, nec in bono duce minor. Cum Marius æstu magno, agmen ducebat (ait ibidem Cicero) laborabat. Memini calones & lixas & mercatores in exercitu Cæsaris fuisse, sed qui ligna & aquam vasa que parando cibo instrumenta que castrensi operi necessaria militibus ferrent: denique (ut iam patuit) singulis legionibus sua impedimenta fuisse. Ac nonnunquam (ait Suetonius) post magnam pugnam atque victoriam remisso officiorum munere licentiam omnem passim lasciuiendi militibus Cæsar permittebat, iactare solitus, milites etiam vnguentatos bene pugnare posse. Atque illud etiam memini quod tertio belli ciuilis à Cæsare in concione ad milites dicitur ut æquo animo mancipia atque impedimenta in Italia relinquerent, ipsi expediti, naues conscenderent. Et bello Africano seueritas disciplinæ eadem

seruata est: Cæsar enim ita ex Sîcilia exercitum transportauit, vt præter ipsum militem & arma, neque vas, neque mancipium, neque vllam rem quæ militi vsui esse consuevit, in naues imponi pateretur. Ita Cæsar, quum vltimus esset (ait Suetonius) disciplinæ seuerissimus exactor fuit. Atque vna de Cæsaris virtutibus nescio an' non sit hæc longè maxima Laboris (ait Suetonius) vltra fidem patiens erat, in agmine nonnunquam equo, sæpius pedibus anteibat capite detecto seu sol, seu imber esset. Nec verò temporis aut loci vlla ferè iniquitas, Cæsaris iter tardabat: Sic secundo bello Britannico noctu progreditur millia passuum circiter duodecim: & seprimo libro summâ hyeme, discussâ niue sex in altitudinem pedum summo militû labore, vias exercitui suo patefecit per Gebennam Aruernorum montem, quo tempore ne singulari quidem homini semita vnquam patuerat. Atque inde omnibus suis inopinantibus, quàm maximis potest itineribus, Viennam peruenit: vnde neque diurno neque nocturno itinere intermisso, per fines Heduatorum in Lingones contendit, vt si quid etiam de sua salute ab Heduis iniretur consilij, celeritate præcurreret, prius' que legiones omnes, quarum duæ in Lingonibus, duæ in Treuiris, sex in Senonibus hyemabât, in vnum locum cogit, quàm de eius aduentu Aruernis nunciari posset. Tèpore horribili vigi-

lantia, celeritate, diligentia, exclamat Cice-
ro. Illud etiam secundo belli ciuilis de se ait,
Tarracone discedit, pedibusque Narbonem,
atque inde Massiliam peruenit: Qualis vero
Imperator ipse fuit, tales & milites fuere: hac e-
nim militaris itineris celeritate, Pompeij lega-
ti in Hispania & Pompeius ipse in Graecia op-
pressus est. A Pompeianorum & Caesaris ca-
stris quinque millia passuum proxima interce-
debant itineris campestris: Inde excipiebant ad
liberum loca aspera & montosa: qui prior has
angustias occupauerit, ab hoc, hostem prohi-
beri nil esse negotij.

Adhuc terrestris itineris ratio expedita est, se-
quitur fluminis & maris traiectionis. Flumina tra-
iiciuntur modis quatuor: primo, pote, quomo-
do Caesar Rhenum bis traiecit, nauium magnam
copiam ad transportandum exercitum Vbi pol-
licebantur, ut est libro quarto, sed nauibus ne-
que satis tutum esse arbitrabatur, neque suae, ne-
que populi Romani dignitatis esse statuebat.
Itaque & si summa difficultas faciendi pontis
 proponebatur propter altitudinem, rapiditatem,
 latitudinemque fluminis: tamen id sibi conten-
dendum aut aliter non traducendum exercitum
 existimabat. Rationem igitur pontis hanc insti-
tuit, riga bina sesquipedalia, paulum ab imo
 praecuta, dimensa ad altitudinem fluminis in-
teruallo duorum pedum inter se iungebat. Haec
 cum machinationibus, immissa in flumine defle-

xerat fistucis' que adegerat, non subliçæ modo directâ ad perpêdiculum, sed prona ac fastigia ta, vt secundum naturam fluminis procumberent: his item contraria duo ad eundem modum iuncta interuallo pedum quadragenûm ab inferiore parte contra vim atque impetum fluminis conuersa statuebat. Hæc vtraque insuper bipedalibus trabibus immixsis, quantum eorum tignorum iunctura distabat, binis vtrinque fibulis ab extrema parte distinebatur, quibus disclusis atque in contrariam partem reuinctis, tanta erat operis firmitudo, atque earum natura, vt quò maior vis aquæ se incitauisset, hoc arctius illigata tenerentur. Hæc directâ materiâ iniectâ contexebantur, ac longioribus cratibus' que consternebantur: Ac nihilo secius subliçæ ad inferiorem partem fluminis obliquæ adigebantur, quæ pro ariete subiectæ & cum omni opere coniunctæ, vim fluminis exciperent, & aliæ item supra pontem mediocri spacio, vt si arborum trunci siue naues deiçien di operis causâ, à barbaris missæ, his defensoribus earum rerum vis minueretur neu ponti nocerent. Hæc Cæsaris est descriptio, in qua certè talis architecturæ imperito quædam pos sint ambigua videri: Primum enim quid est tigna bina interuallo pedum duorum distantia inte se iungi? vtrum bina tigna transuersarijs intermedio duorum pedum spacio inter se colligari? an duo tigna inter se quidem cõtinuata, à duo

a duobus autem alijs duos pedes seiungi? Se-
 cundo quid est fistuca? vtrum machina cuius
 pondere tigna illa in solum fluminis adigun-
 tur? an qua solum fluminis fistucatur, id est, ex-
 aquatur & solidatur? Tertio quid est quadra-
 genum pedum interuallum? vtrum in summo
 fluminis, an imo, an in pontis contabulatione?
 Quarto, quid est fibula? nihil verò tota pon-
 tis structura magis ambiguum fuerit: E' fibu-
 la siquidem forma videtur operis firmitudo
 significari. Quid igitur est fibula? vtrum qua-
 dratum quoddam e' firmissima materia vincu-
 lum, quo bina tigna cum media trabe reuinci-
 untur? an adminicula eiusmodi quibus in cru-
 ce Tau gallici transuersum lignum innititur?
 Denique quid est sublicas obliquas adigi? v-
 trum ad perpendiculum erectas contra tigno-
 rum inclinationem tanquam trianguli latera
 constitui? an transuersas ab vna parte pontis ad
 reliquam interfecari? Hic doctorum hominum
 ingenia sudauere. Qui verò fibulis illis firmita-
 tem operis ostenderit, is Cæsaris mentem, opi-
 nor assequetur: E' quæsitis autem illis primum,
 quod'que mihi magis probatur. Sed vt ad in-
 stitutum redeam, diebus decem, quibus mate-
 ria coepta erat comportari, omni opere effecto
 exercitus traducitur. Cæsar ad vtramq; partem
 pontis firmo presidio relicto, in Sicambrorum fines
 contendit Sicambrisq; vexatis, decimo octauo
 post die in Galliã se recepit, pontemq; rescidit.

Biennio postea rursus pauld supra eum locum,
 vt est sexto libro quo antè, exercitum traduxe-
 rat, simili ratione pontem facere instituit, ma-
 gnoꝝ militum studio opus paucis diebus effe-
 cit: Militū (inquam) studio, vt Cæsar ipse ait: mi-
 les enim Cæsaris non tantū frumentator, sed tia-
 gnarius etiā faber erat: non quòd omnes, archi-
 tectos fuisse confirmem, sed quòd materiari &
 cuilibet operi materiā cedere & dolare, nec mi-
 nùs laboriosè secures & dolabras expedire,
 quàm enses ac parmas cōsuessent. Quin etiā i-
 sta militū architectura, vno die & Ararim pōte
 iunxit & exercitū traduxit. Qua celeritate per-
 moti Heluetij cū id quod ipsi diebus viginti e-
 gerrimè confecerant, vt flumen trāsirent, Cæsa-
 rē vno die fecisse intelligerent, legatos ad eū de
 pace miserūt. Sic Menapij; cū in paludes suas
 confugerent, celeriter effectis pontibus ad de-
 ditionē cōpulsi sunt, vt est sexto libro. Sed pō-
 tis illa ratio Hispaniensi bello tradita nequa-
 quā prætermittenda est. Cæsar cū ad flumen
 Bætīm venisset, neque propter altitudinē flu-
 minis transire posset, lapidibus corbes plenos
 demisit: illa nempe fistucatio soli fuit. Ita insu-
 per ponte factō, copias ad castra tripartitō tra-
 duxit. Cuius pontis forma etiā dissimilis facta
 est Alexādrino bello, de qua sic Hircius, Itaque
 eodem tēpore equites Germani dispersi, vada
 fluminis querētes, partim demissiorib. ripis flu-
 men tranarunt & legionarij magnis arboribus
 excisis

excisis, quæ longitudine vtramque ripam cōtingerent proiectis, repentinoque aggere iniecto, flumen transierūt. Nec verò in his mathematicis pontiū operib. virtus tantum, sed dolus Cæsaris enituit. Exercitū ad Aruernorū Gergouiam secundū flumē Elauer ducebat. Quare cognita, Vercingetorix omnib. interruptis eius fluminis pontibus ab altera Elaueris parte, iter facere cœpit. Cū vterque vtrique esset exercitus in conspectu, fereque e regione castris castra poneret dispositis exploratorib. nec ubi effecto ponte Romani copias traducerent. Erat in magnis Cæsaris difficultatibus res, ne maiorē partem, flumine impediretur, quod non ferè ante autumnū Elauer vado transit solet: Itaque ne id accideret, syluestri loco positis castris e regione vnius eorum pontium quos Vercingetorix rescindendos curauerat, postridie cum duabus legionibus in occulto restitit: reliquas copias cum omnibus impedimentis, vt consueuerat misit demptis quibusdam cohortibus, vt numerus legionum cōstare videretur: His quàm longissimè possent progredi iussis, cū iam ex diei tempore coniecturam caperet, in castra peruentum, n̄ idem subleuatis, quarum pars inferior integra remanebat, pontem reficere cœpit Celeriter effecto opere legionibusque traductis & castris loco idoneo delecto, reliquas copias reuocauit Secundus modus traducēdi fluminis, est nauib. cū Cæsar, vt est primo belli

c 3 ciuilis,

ciuīlis, in maximas rei frumētarię angustias ab
 Afranio adductus esset, atq; omnes vię ab A-
 franianis militibus equitibusq; obsiderentur,
 nec pontes rescissi, refici possent, imperat mili-
 tibus Cæsar vt naues faciant, cuius generis eū
 superioribus annis vsus Britannię docuerat.
 Carinæ primū ac statumina ex leui materia
 fiebant, reliquum corpus nauium, viminibus
 contextum corijs integebatur. Has perfectas,
 carris iunctis deuehit noctu millia passuum a
 castris viginti duo, milites que his nauibus flu-
 men transportat, continentem que ripę collē
 improuiso occupat. Hunc celeriter priusquam
 ab aduersarijs sentiatur, communit: huc legio-
 nem postea trañcit, atque ex vtraque parte pō-
 tem institutum biduo perficit. Ita comneatus
 & eos qui frumenti causā processerant, tuto
 ad se recipit, & rem frumentariam expedire in-
 cipit. Tertius modus traducendi fluminis est
 eodem libro, diducto in plures alueos Sicori
 Hispaniæ flumine. Cæsar ne semper magno cir-
 cuitu per pontē equitatus esset mittendus, na-
 ctus idoneum locum, fossas pedum triginta in
 latitudinem complures facere instituit, quib.
 partē aliquā Sicoris auerteret vadumq; in eo
 flumine efficeret: Ac summo labore militū cō-
 tinuato, diē noctemq; opere in flumine auer-
 tendo huc iam reduxerat rē, vt equites etsi dif-
 ficulter atque ægrē fiebat, possent tamen atque
 auderēt flumen transire: pedites verò tantum-
 modo

modo humeris ac summo pectore extarent, vt
 tum altitudine aque, tum etiam rapiditate flu-
 minis ad transeundum impedirentur. Equites
 ita transeunt. Quartus modus trañciendi flu-
 uij eodem tempore & loco à Cæsare describi-
 tur, & longè omnium promptissimus. Cum pe-
 dices clamarent, ne Cæsar labori suo neu peri-
 culo parcerent, paratos esse sese: posse & audere
 ea transire flumen quâ traductus esset equita-
 tus. Quorum studio & vocibus excitatus Cæ-
 sar & si timebat tantæ magnitudinis fluminis
 exercitum obijcere, conandum tamen atque
 experiendum iudicat. Itaque infirmiores mili-
 tes ex omnibus cēturijs deligi iubet, quorum
 aut animus aut vires videbantur sustinere nō
 posse: Hos cum legione vna, præsidio castris
 relinquit, reliquas legiones expeditas educit,
 magnoque numero iumentorum in flumine
 supra atque infra constituto, traducit exerci-
 tum: Pauci ex his militibus vi fluminis ab-
 repti, ab equitatu excipiuntur ac subleuantur:
 interijt tamen nemo. Sic igitur Cæsar equi-
 tibus vtrinq̃ue dispositis, peditatum inco-
 lumē traduxit: Quo genere traductionis vsus
 est libro septimo, vt Ligerim transiret. Liger
 (ait) locis ferè omnibus à Gallis obsidebatur
 & ex niuibus creuerat, vt omnino vado transi-
 ri non posse videretur: Itaque Cæsar admodū
 magnis diurnis nocturnisque itineribus cō-
 fectis, contra omnium opinionem ad Lige-

rim uenit, vadoque per equites inuento pro rei necessitate opportuno, vt brachia modò atque humeri ad sustinenda arma liberi ab aqua esse possent, disposito equitatu, qui uim fluminis refringeret, atque hostibus primo aspectu perturbatis incolumem exercitum traiecit. In Britannia Tamesis ita traductus est, cum capite solo, ex aqua milites extarent. Ergo hæc itineraria Cæsaris militia fuit. Pontes variorum generum Vegetius ab exercitu comportari solitos ait. Cæsaris milites faciendi pontis artifices erant, pontes factos non uehebant, sed ubi opus erat, celeriter industrièq; faciebant. Nec uerò flumina tantum, sed maria ipsa huic architecturæ militari subiecta sunt. Itaque cum primâ in Britanniam transmissione, duodecim naues Cæsar amisisset, summo iterum militum studio, earum materia atque ære reliquas refecit. Secundo in eam insulam commeatu militum architecturâ istâ sexcentas naues onerarias & longas duodeciginta exiguo tempore construxit. Ideoque id in portu contemplatus, milites collaudauit, ut est quinto libro. Atque iterum cum naues iactarentur tempestate & quadraginta perisissent, reliquas in aridum ne nocturnis quidem temporibus ad militum laborem intermissis subduxit. Ergo miles Cæsaris, naues faciebat, imò uerò etiam remigabat. Audiamus igitur quæ libro quinto scripta sunt, Cæsar cum iterum Britanniam peteret

peteret longisq̃ue nauibus veheretur : tamen
 longius delatus æstu , orta luce sub sinistra
 Britanniam relictam conspexit : Tum rura-
 sus æstus commutationem secutus, remis con-
 tendit, vt eam partem insulæ caperet, quæ o-
 ptimum esse egressum superiore æstate cogno-
 uerat. Qua in re admodum fuit militum vir-
 tus laudanda qui vectorijs grauibúque nauí-
 gij non intermisso remigandi labore, longa-
 rum nauium cursum adæquarunt. Verume-
 nimuero quamuis Cæsar mathematicis archi-
 tecturæ Geographiæq̃ artibus tam excellen-
 ter ad itinerum difficultates eruditus: attamen
 nauticæ in Oceano Astrologiæ , quæ ad istam
 quoque itinerum notitiam attinet, inscientiâ
 extremam calamitatem penè subiit. Primò bel-
 lo Britannico cum equitum naues octodecim,
 in continentem tempestate essent reiectæ, ac-
 cidit, vt esset Luna plena, quæ maritimos æ-
 stus maximos in Oceano efficere consuevit,
 Romanisq̃ue id erat incognitum. Ita vno tem-
 pore & longas naues, quibus Cæsar exercitum
 transportandum curauerat, quasq̃ue in aridũ
 subduxerat, æstus cõplebat, & onerarias quæ
 ad anchoras erant deligatæ, tempestas afflicta-
 bat: neque vlla Romanis facultas aut admini-
 strandi, aut auxiliandi dabatur cõ pluribus na-
 uibus fractis, reliquæ cum essent funibus, an-
 choris reliquisq̃ue armentis amissis, ad nauí-
 gandum inutiles, magna (id quod necesse erat

accidere) totius exercitus perturbatio facta est, neque enim naues erant aliae, quibus reparari possent, & omnia deerant, quae ad reficiendas eas vsui sunt: Et quod omnibus constabat, hyemare in Gallia oportere, frumentum in his locis in hyemem prouisum non erat. Haec sunt libro quarto, ubi & rebellio propterea Britanniae exponitur, & magna Caesaris difficultas, ut ei magnae cuiusdam victoriae instar fuerit, exercitum incolumem reduxisse. Sed haec incommoda, horribilis illa & imparatoris et militum vigilantia, celeritas, diligentia sanauit. Quamobrem toto isto militari itinere non solum magnam regionum scientiam, sed incredibiles, siue terrae, siue flumine marisue exercitus ducatur, militiae labores agnoscimus.

DE CASTRORVM AR. chitectura.

Sed miles in castra peruenerit, quid deinde? Locus & forma constructioque tota proponitur: castris locus diligendus frumentationi, pabulationi, aquationi, lignationi, valetudini militum, sed imprimis victoriae (si dimicandum sit) idoneus: Sic contra Belgas Caesar, postquam omnes Belgarum copias in unum locum coactas ad se uenire, neque iam longe abesse ab his quos miserat exploratoribus, & ab Rhemis cognouit, flumen Axonam, quod est in extremis Rhemorum

rum finibus exercitum traducere maturavit,
 atque ibi castra posuit. Quæ res & latus vnum
 castrorū, ripis fluminis muniebat, & post eum
 quæ erant, tuta ab hostibus reddebat, & com-
 meatus ab Rhemis reliquisq; ciuitatibus, vt si
 ne periculo ad eum portari possent efficiebat:
 In eo flumine pons erat: ibi præsidium ponit, &
 in altera parte fluminis Q. Titurium Sabinū
 legatum cum sex cohortibus relinquit. Hic, ca-
 stris delectus est valde idoneus locus: Cæsar ve-
 ro castris ad dimicandum, præcipuè montes &
 colles appetiuit. Sic tertio libro Sabini castra
 loco rebus omnibus idoneo, eo'que edito &
 paulatim ab imo accliu circiter passus mille.
 Contrarium incommodum Galba libro ter-
 tio demonstrauit, qui cum in vico Veragrorum
 Octoduro posito in valle, non magnâ adiectâ
 planitie altissimis montibus vndique conclu-
 so castra posuisset, hostibus vndique in vallem
 decurrentibus tela'que in castra conicienti-
 bus, magnum periculum adiit, quo liberatus,
 sæpius fortunam tentare noluit, in prouin-
 ciam reuertit, confessus iniquum castris locum
 illum fuisse. Atque hæc de castrorum loco
 qui postea magis patebit de forma etiam di-
 camus. Castrorum formam vnicam & sim-
 plicem omni & loco & tempore Romanis fuis-
 se Polybius author est: nos ex eo tantum
 quod commune sit castris Cæsaris, assume-
 mus: Itaque loci castris delecti regionem, vnde
 sic in

sit in omnes partes latissimus despectus imper-
 rium' que facile percipi possit, prætorio lum-
 mi' que ducis tentorio designato, hoc dato tan-
 quam puncto, interuallo autem tanto quantū
 exercitus requireret, quadratum describito: An-
 guli quatuor, portæ quatuor erunt, præ-
 toria ad orientem, decumana ex diametro op-
 posita, quæstoria ad meridiem, quintana ad oc-
 cidentem. Liuius libro quadragesimo, præto-
 riam videtur appellare ordinariam, quintanā
 & decumanam principales, illam dextram, hanc
 sinistram. Tentoria legatorum à prætorio hinc
 atque illinc secundum quadrati dimetientem,
 latera duo opposita bifariam secantem, æqua-
 libus spatiis sunt, iuxta' que ad partem aqua-
 tionis & pabulationis aptissimam legionis cu-
 iusque cum suis Tribunis & Centurionibus
 distincta vñs & directæ sunt: ad oppositam re-
 liqui quadrati partem regia intercedente via,
 legionum equites atque inter eos media socio-
 rum auxilia statuito: à legionū tentorijs ad val-
 lum area parallela quadruplex esto: prima va-
 cua ad excipiendum extraordinarios qui casu
 aduenerint: secunda latior foro rerū venalium
 cōstituta, reliquæ duæ totis castris parallelo spa-
 tio circumductæ, tertia quidem angustior, quar-
 ta latior, vallo velut vrbis muro, pomerij vice
 adiuncta: denique castra speciem notissimæ vr-
 bis habeant, vbi vñs, ædificijs, signis, omnia ci-
 uibus rure domum redeuntib. definita sint, vt
 simul.

simul atque ad castrorum portam miles accesse-
 rit, sciat quò sibi perueniendū sit: Sic enim Po-
 lybius & Liuius docent. Cæsar tamen lunatis
 castris Thapsum (vt est Africano bello) operi-
 bus circummuniuit. Vegetius triquetra & se-
 mirotundam formam nominat, vtrum hæc lu-
 natam figurā significans, affirmare non audeo:
 iubet'que vallum vestiri cespite cum terra ipsa
 herbam continente, altitudine dimidij pedis,
 latitudine pedis, longitudine sesqui pedis: Si
 regio sit arenosa, faccos more persico pulueru-
 lenta terra compleri cespitis loco iubet: Vallē
 fossæ'que etiam formam tradit, sed variè: vigi-
 lias noctis quatuor, ternis horis distinguit:
 Eiusmodi castrorum formam tam subtiliter, à
 Cæsare notatam non comperio: sed illud cer-
 te, quod multò maximum omnium est, à legio-
 nibus vt antea pontes & naues, sic & quidem
 multò pluribus testimonijs castra fieri solita
 comperio. Dico (inquam) atque confirmo,
 materiando, fodiendo, aggerando Romana ca-
 stra facta esse per certam peditum legionario-
 rum partem sarcinis & grauioribus armis ad si-
 gna depositis, dum reliqua pars exercitus cum
 leui armatura staret in armis ad hostem, si for-
 te interueniret, propulsandum: Castrensis i-
 gitur architecturæ opera militaria videamus.
 Cæsar ad quintum Calendas Aprilis Gene-
 uam peruenit, ibi vna legione & militibus
 quos ex provincia conuenire iussit, à lacu Le-
 mano

mano ad montem Iuram millia passuum decē
 & nouem, murum in altitudinem pedem sex-
 decim fossam' que ante Idus Apriles perduxit.
 Fac Cæsarem Româ octaua die (vt Plutarchus
 ait) Geneuam peruenisse: mirabile ramen sit se-
 ptem reliquis diebus & milites coëgisse & tan-
 tum opus effecisse. Nullus verò Cæsaris com-
 mentarius est non testis huius militaris archite-
 cturæ. Eodem libro contra Ariouistum Cæsar
 primam & secundam aciem in armis esse, ter-
 tiam castra munire iussit. Ac quamuis eo ma-
 gnas interea copias Ariouistus ad munitionē
 prohibendum misisset, nihilo secius Cæsar, vt
 antè constituerat, duas acies hostem propulsa-
 re, tertiam opus conficere iussit. Vides' ne igitur
 legionarium fossorem? Audi quid Nerui-
 co bello faciant sex legiones. Legiones (ait Cæ-
 sar) sex quæ primæ venerant, opere dimenso,
 castra munire cœperunt, paulo' que longius ag-
 geris petendi causâ processerunt. Sic quinto li-
 bro milites lignationis munitionis' que causâ
 in syluas discedunt. Ergo fodere, ergo materia-
 ri, ergo castra fabricari & architectari legiona-
 rijs militibus, militare opus fuit Sed fossæ lati-
 tudo valli' que altitudo à Cæsare nonnunquā
 etiam notatur, vt secundo libro aduersus Bel-
 garum maximas copias castra in altitudinem
 pedum duodecim vallo fossa' que duodeui-
 ginti pedum munire iubet, Vides hîc tãquam
 vrbis,

—atque altae mœnia Romæ?

Sic octavo libro Cæsar imperat castra vallo pedum duodecim muniri, lorikulam, velut alterum vallum pro hac ratione eius altitudinis inædificari, fossam duplicem, pedum quinum denum, lateribus directis deprimi, turres crebras excitari in altitudinem trium tabulatorum pontibus traiectis constratisque coniungi, quorum frontes vimineâ lorikulâ munirentur, ut hostis à duplici propugnatorum ordine depelleretur, quorum alter ex pontibus, quò tutior altitudine esset, hoc audaciùs longiusque tela promitteret, alter, quò propior hostem in vallo collocatus esset, ponte ab incidentibus telis tegeretur, portis fores altioresque turres imposuit. Huius munitionis duplex erat consilium: namque & operum magnitudine, & timorem suum sperabat fiduciam barbaris allaturum, & cum pabulum frumentatumque longius esse proficiscendum, parvis copiis castra munitione ipsa videbat posse defendi. Sed callidior consilio castra aduersus Afranium (ut est primo belli civilis) Cæsar facere constituit, ne in opere faciendo milites repentino hostium incursu exterrerentur atque opere prohiberentur, vallo muniri vetuit, quod eminere & procul videri necesse erat, sed à fronte castrorum contra hostem pedum viginti, fossam fieri iussit: prima & secunda acies in armis, ut ab initio constituta erat, permanebat. Per hos, opus in occulto

occulto acies tertia faciebat : sic omne prius est perfectum, quàm intelligeretur ab Afranio castra muniri. Sub vesperum Cæsar intra hanc fossam legiones reducit, atq; ibi sub armis proxima nocte cōquiescit. Postero die omnem exercitum intra fossam continet, & quod longius erat agger petendus, in præsentia similem rationē operis instituit, singulaq; latera castrorum singulis attribuit legionibus munienda, fossasque ad eādem magnitudinem perfici iubet, reliquas legiones in armis expeditas contra hostem constituit. Tertio die postea vallo castra communit. Ergo castrorum forma à Cæsare & facta & descripta eiusmodi est : Militem tamen in hoc opere castrēsi sarcinis & grauioribus armis expeditum fuisse, quod antea posui, Cæsaris varij loci demonstrant : primus est libro secundo cū sex legiones in faciendo opere occupatæ tam subito à Neruijs opprimerentur, vt non modò ad insignia accommodanda, sed etiam ad galeas induendas scutis 'que tegumenta detrahenda tempus defuerit. Hic, inquam, locus ostendit insignibus & galeis, & scutis positis munitionem castrorum fieri solitam. Idem libri tertij locus ostendit de Morinis in syluas abditis, Cū Cæsar castra munire instituisset, neque hostis interim visus esset, dispersis in opere Romanis, hostes subito ex omnibus partibus syluæ euolauerunt & in Romanos impetum fecerunt : Romani celeriter
arma

arma coeperunt, eosque in sylvas repulerunt. Hic locus alter item ostendit faciendis castris arma grauiora poni solita, sicut iam dictum est in frumentatione, cum Britanni dispersos legionarios depositis armis in merendo occupatos addorti sunt: illic enim arma in frumentatione deposita dicuntur. Tentoria vero castrensia, pellicea fuisse locus ille tertij libri demonstrat. Eiusmodi tempestates sunt consecutae, ut continuatione imbrium diutius sub pellibus milites contineri non possent. Item alter ille tertio belli civilis, Caesar castris ad Apsum flumen positus sub pellibus hyemare constituit. Denique tertius locus ille docet idem Africano bello, Quibus rebus attenuati, oppido perquam pauci sub pellibus acquiescebant, reliqui ex vestimentis tentoriolis factis atque arundinibus corijsque contextis protegebantur. Sed tota haec castrensum munitionum opera, locorum oppugnatione & propugnatione postea longe plenius intelligentur, id modo statuo, legionarium militem tentoriorum, fossarum, vallorum opificem ex disciplina Romana & Caesariana fuisse: neque laboribus illis fractum fuisse aut debilitatum, sed exercitatum robustioremque factum, ut praetantis & agminis & castrensis munitio- nis laboribus, scutum, gladium, galeam ferre, in onere is miles non plus numeret, quam humeros, lacertos, manus, praeterea ijs operibus praestari leuissimum, imo iucundissimum existimet.

Romanus (cheu) posteri negabitis,

(ait ille)

Fert uallum & arma miles.

At verò, inquam, vt quod proposui concluda.

Romanus (cheu) posteri quid agimus?

Materiando, fodiendo, aggerando castra fecit.

DE AMBVLATIONE.

Verum esto, miles arma ferat, vallum ferat, cibaria ferat, & si quid ad vsum sit, ferat, castra materiando, fodiendo, aggerando faciat: Abiectis illis oneribus expeditum armis tanquam membris alacrem ad praelium videamus: tyrones quidem quotidie & mane & à meridie, omnibus armorum generibus in hoc castrensi campo exerceantur, veterani semel: (has enim leges Vegetius à veteribus institutas tradit) Hostis nullus adest: adesse tamen comminiscamur, aciem instruamus: & si non dimicatum, attamen veluti dimicationis causa ambulatum deducamus. Augusti atque **A**driani constitutionibus (ait Vegetius) cautum erat, vt ter in mense tam equites quam pedites educerentur ambulatum: Hoc enim verbo genus huius exercitationis appellabant. Decem millia passuum miles armatus gradu illo militari, quem diximus, eat redeatque, sed magnam partem itineris pleniore gradu, maximam cursu conficiat, interimque quemlibet aciei ordinem meditetur: Atque in sum-

ma ordinum permistione, miles ordinem tamen sequatur, vexillum nusquam oculis amittat, neque planis tantum locis hæc itinera, sed cliuosis & arduis fiant, ut nulla non prouisa difficultas possit accidere, aut si ambulatio nulla sit exercitatio tamen nusquam desit, miles syluam cædat, æstiuis temporibus nateat, ad palum dimicet, saltet, curiat. Exercitationis huius exempla apud Liuum frequentia sunt: sic enim libro tricesimo tertio de Sempronio, Ibi, quia ociosa castra erant, crebro decurrere milites cogebar, ut tyrones assuesceret signa sequi & in acie cognoscere ordines suos. Et libro tricesimo sexto de Scipione Africano, Primo die legiones in armis quatuor millium spacio decurrerunt, secundo die arma curare & tergere, antè tentoria iussit, tertio die sudibus inter se in modum iustæ pugnæ concurrerunt, præpilatis que missilibus, iaculati sunt, quarto die quies data, quinto iterum in armis decursum est. Sed Cæsarianam militiam recepi & exercitationis huius exempla apud Cæsarem clara sunt, Superius institutum Cæsar (ut est tertio belli ciuilis) in equitibus seruabat, ut quoniam numero multis partis partibus esset inferior, adolescētes atque expeditos ex antesignanis electos milites ad pernīcitatem, armis inter equites præliari iuberet, qui quotidiana consuetudine vsum quoque eius generis præliorum perciperēt. His erat rebus effectum ut equites

mille, apertioribus etiam locis, septem millibus Pompeianorum impetum, cum adesset usus, sustinere auderent, neque magnopere eorum multitudine terrentur. Exempla huius scholæ multo clariora sunt Africano bello, cum paruas copias haberet Cæsar & magnam quidem partem tyronum. Cæsar (ait Hircius) iubet milites rursus ad opus redire & per causam munitionum, tyrones in labore defatigare non intermittit. Simile deinde paulo post, Cæsar non more superiorum Imperatorum, in hybernis exercitum continebat, sed in tertio quartoque die procedendo, propiusque hostem accedendo, castra communiebat, opereque faciendo milites se circumspiciendi non habebant facultatem. Tum deinceps, Cæsar interim quotidie legiones in campum deducere atque opus facere, vallumque & fossam per medium campum ducere, aduersariorumque excursionibus officere non intermittit. Scipio item munitiones contra facere, & in iugo, ne à Cæsare excluderetur, appropere. Ita duces utrique & in operibus occupati erant, & nihilominus equestribus præliis inter se quotidie dimicabant. Sed eodem demum libro schola totius meditationis huius contra novos hostes egregia est, Cæsar contra eiusmodi hostium genera copias suas non ut Imperator exercitum veteranum victoremque maximis rebus gestis, sed, ut lanista tyrones gladiatores

condocefaceret, quo pede se reciperent ab ho-
 ste & quemadmodum obuersi in aduersarios
 & in quantulo spacio resisterent, modò procur-
 rerent, modò recederent comminarentur' que
 impetum, ac prope quo loco & quemadmodū
 tela mitterent præcipit. Mirificè enim hostium
 leuis armatura anxium exercitum Cæsar's at-
 que sollicitum habebat, quia & equites deterre-
 bat prælium inire propter equorum interi-
 tum, quòd eos iaculis interficiebant & legiona-
 rium militem defatigabant, propter velocita-
 tem: Grauis enim armaturæ miles simul atque
 ab his infectatus constiterat in eos' que impe-
 tum fecerat, illi veloci cursu facilè periculum
 vitabant. Quibus ex rebus Cæsar vehementer
 commouebatur: quia quodcunque prælium
 quoties erat commissum, equitatu suo sine le-
 gionario milite, hostium equitatu leui' que ar-
 maturæ eorum nullo modo par esse poterat.
 Sollicitabatur autem his rebus, quod nondum
 legiones hostium cognouerat, & quo'nam mo-
 do sustinere se posset ab eorum equitatu leui'-
 que armatura, quæ erat mirifica, si legiones quo-
 que accessissent. Accedebat eò etiam hæc caus-
 sa, quòd elephãtorum magnitudo multitudo
 que, militum animos detinebat in terrore. Cui
 vni rei tamen inuenerat remedium: Nam' que
 elephantos in Italiam trãsportari iusserat, quò
 & Cæsar's miles speciem & virtutem bestiæ co-
 gnosceret, & cui parti corporis eius, telum fa-
 d 3 cile

cilè adigi posset oneratus'que ac loricatus eleph-
phantus cūm esset, quæ pars corporis eius nu-
da sine tegmine relinqueretur, vt eò tela conij-
cerentur: Præterea vt iumenta, bestiarum odo-
rem, stridorem & speciem, consuetudine capta-
rum, non reformidarent, quibus ex rebus lar-
giter erat consecutus: Nam & milites, bestias
manibus pertractabāt, earum'que tarditatem
cognoscebant, equites'que in eos pila præpila-
ta conijciebant, atq; in consuetudinem, equos
ipsarum bestiarum adduxerant. Ob has causas
quas supra commemoravi, sollicitabatur Cæ-
sar, tardior'que & consideratior erat factus, &
ex pristina bellandi consuetudine celeritateq;
excesserat. Nec mirum: copias enim habebat
in Gallia bellare consuetas locis campestribus,
& contrā, Gallos homines apertos minime'
que insidiosos, qui per virtutem, non per do-
lum dimicare consueverunt: Tum autem erat
ei laborandum, vt consuefaceret milites, ho-
stium dolos, insidias artificia'que cognoscere,
& quid sequi, quid vitare cōueniret. Itaq; quo
hæc cæleriùs conciperent, dabat operam vt le-
giones non vno loco cōtineret, sed per causam
frumentandi huc atque illuc raptaret, ideo
quod hostium copias à se suo'que vestigio non
discessuras existimabat: atq; post diem tertium
productas accuratiùs suas copias, sicut instru-
xerat, præter hostiū castra prætergressus, equo
loco inuitat ad dimicandum. Hac totā Hir-
cū

et historiâ mirificum Cæsaris magisterium in
 tyronibus erudiendis agnoscimus. Atque in
 hac castrensi schola exercitus lustratio fuit, quâ
 tanquam in Romani census lustro, cuiusque pe-
 ditis equitis'que virtus aut ignavia pro meri-
 tis afficiebatur: Sic Cæsar in Treu:rorum fini-
 bus cum eo legiones ex omnibus hybernis e-
 uocasset, exercitum anno belli Gallici nono lu-
 strauit: Sic iterum Africano bello lustrauit: Ac
 præmia illa de quibus antè in stipendio dixi-
 mus, in castris data sunt: supplicia etiam in mi-
 lites ignauos aut seditiosos cōstituta sunt, quæ
 militaribus delictis grauiæ erant. Si quis fura-
 tus esset, aut præmij consequendi gratiâ peie-
 rasset, aut locum in acie deseruisset aut in vigi-
 lijs dormitasset, aut adolescentis ætate ac flore
 abusus esset, fustibus cædebatur ac lapidibus
 obruebatur (ait Polybius) Et illud nimirum
 Ciceronis est in Philippicis, Si Antonius Con-
 sul, fustuarium meruerunt legiones quæ Con-
 sulem reliquerunt. Si totus exercitus vel ma-
 gna pars deliquisset, sorte decimus quisque ad
 supplicium legebatur, vt ostendit Liuius libro
 secundo: Decimatio illa nempe fuit, de qua p
 Cluentio Tullius, Statuerunt ita maiores no-
 stri, vt si à multis esset flagitium rei militaris ad-
 missum, fortitione in quosdam animaduerte-
 retur, vt metus videlicet ad omnes, poena ad
 paucos perueniret: Sic igitur decimus quisque
 plectebatur, reliquis extra vallum agentibus,

annona ordeum tantum erat, donec egregio facinore satisfactum videretur: Hæc autem seueritas Romanis illis Imperij authoribus tanta fuit, vt Posthumius & Torquatus filios, quia patrum iniussu contra hostem ierant, quamuis victores & hostium spolijs opimos: tamen securibus percusserint, ipsi que naturæ ac patrio amoris ius maiestatis atq; imperij prætulerint. Ac Cæsar (ait Suetonius) militem pari seueritate atque indulgentiâ tractabat, non enim ubique nec semper, sed cum hostis in proximo esset, coërcebat: Tum maxime exactor grauissimus disciplinæ delicta neque obseruabat omnia, nec pro modo exequiebatur, sed desertorum ac seditiosorum & inquisitor ac punitor acerrimus, conniuebat in cæteris: Itaque duabus cladibus vno die acceptis, vt est libro tertio belli ciuilis, Cæsar habita cōciōne, nōnullos signiferos ignominiâ notauit ac loco mouit: Sic Africano bello, præfectos quosdam (quorum negligentia, militum nauiß amissa esset) ignominia causa dimittendos ab exercitu, grauissimumque in eos edictum proponendum, curauit. Ac eodem bello exemplū illud est exauthorandi militis in poenam malefici cōmissi cum nona & decima legiones è Sicilia in Africam exponuntur: His enim legionibus expositis, Cæsar (ait Hircius) memor in Italia pristinae licentiæ militaris ac rapinarum certorum hominum, paruulam modò caussulam nactus, quod

quod C. Auienus Tribunus militum decimæ
 legionis, nauem commeatu familia' que sua at-
 que iumentis occupauisset, neque militem v-
 num à Sicilia sustulisset, postero die de sugge-
 stu conuocatis omnium legionum Tribunis
 Centurionibus'que, Maximè vellem (inquit)
 homines suæ petulantia' nimia'que libertatis
 aliquando finem fecissent, mea'que lenitatis,
 modestia: patientia'que rationem habuissent:
 Sed quoniam ipsi sibi neque modum, neque
 terminum constituunt, quo cæteri dissimili-
 ter se gerant, egomet ipse documentum more
 militari constituam. Quapropter C. Auiene,
 quod in Italia milites populi Romani contra
 Rempublicam instigasti, rapinas'que per mu-
 nicipia fecisti, quod'que mihi rei'que publicæ
 inutilis fuisti, & pro militibus tuam familiam
 iumenta'que in naues imposuisti, tua'que ope-
 ramilitibus'que tempore necessario Respub.
 caret ob eas res ignominia' causâ ab exercitu
 meo te remoueo, hodie'que ex Africa abesse, &
 quantum potes proficisci iubeo. Itemq; te A.
 Fonteius, quod Tribunus militum seditiosus ma-
 lusq; ciuis fuisti, ab exercitu dimitto. T. Allie-
 ne, M. Tiro, C. Clusiane, cū ordines in meo ex-
 ercitu beneficio non virtute consecuti ita vos
 gesseritis, vt neq; bello fortes, neque pace boni
 aut utiles fueritis, & magis in seditione con-
 citandis'que militibus aduersariorum nostro-
 rum imperatoris, quàm pudoris modestiaq;
 fueritis

fueritis studiosiores, indignos vos esse arbitror
qui in meo exercitu ordines ducatis, missosque
facio, & quantum potestis. abesse ex Africa iu-
beo. Itaque tradidit eos Centurionibus, & ad
singulos non amplius singulis additis seruis,
in nauim imponēdos separatim curauit. Quid
plura: miles in castris nunquam otiosus sit
hac enim quotidiana exercitatione fiet, vt ni-
hil magis optet, quā praelium, nihil seditio-
nis moueat. Sic Cæsar cum hostibus appro-
pinquaret, disciplinæ exactor grauissimus e-
rat: et tamen aliquando exercitationis huius
negligentiā, maximam totius exercitus pertur-
bationem euitare non potuit, de qua sic est li-
bro primo, dum paucos dies ad Vesontionem
rei frumentariæ com meatus' que causā mora-
tur, ex percunctatione Romanorum vocibus
que Gallorum ac mercatorum, qui ingenti ma-
gnitudine corporum Germanos incredibili
virtute atque exercitatione in armis esse præ-
dicebant, sæpenumerò sese cum his esse con-
gressos, ne vultum quidem atque aciem ocu-
lorum dicebant ferre potuisse, tantus subito ti-
mor omnem exercitum occupauit, vt non me-
diocriter omnium mentes animos' que pertur-
baret. hic primū ortus est à tribunis militum
ac præfectis, reliquis' que qui ex vrbe amici-
tiæ causā Cæsarem secuti magnum pericu-
lum miserabātur, quod non magnum in re mi-
litari vsum habebant, quorum alius alia causā

C. IVL. CAES. MILITIA. 29

illata quàm sibi ad proficiscendum necessarium
 esse diceret, petebat, ut eius voluntate discede-
 reliceret: nonnulli pudore adducti, ut timoris
 suspicionem vitarent, remanebant, hi neq; vul-
 tum fingere, neque interdum lachrymas tene-
 re poterant, abditi in tabernaculis aut suum
 querebantur fatum, aut cum familiaribus suis
 commune periculum miserabantur, vulgò to-
 tis castris testamēta obsignabantur: horum vo-
 cibus ac timore paulatim etiam hi qui magnū
 in castris vsum habebant, milites Centurios
 nes'que, quī'que equitatuī præerant, perturba-
 bantur. Qui se ex his minus timidos existima-
 ri volebant, non se hostem vereri, sed angustias
 locorum itineris & sylvarum magnitudinem
 quæ intercederent inter eos atque Ariouistum
 aut rem frumentariam ut satis commodè sup-
 portari posset, timere dicebant. Nonnulli e-
 tiam Cæsari renunciabant, cū castra moueri,
 & signa ferri iussisset, non fore dicto audientes
 milites neque propter timorem signa laturos.
 Sed hanc perturbationem Cæsar eloquentiā
 sustulit, partim spem pacis ab hoste, atque e-
 tiam si obstinatus esset, victoriæ demon-
 strando. Cū Germani sæpè, victi essent à
 Romanis atque etiam à Gallis, quos tamen
 Romani vicissent, partim militum ignaviā
 & arrogantiam accusando, qui de Imperato-
 ris sui virtute, constantia, consilio atque offi-
 cio quærerent: denique militiæ desertoribus
 suppli-

supplicium illa ipsa authoritate & seueritate, de qua paulò antè dixi, minitando: Postremo quòd in longiorem diem collaturos fuisset, re-præsentaturum esse, & proxima die de quar-ta vigilia, castra moturum, vt quamprimum intelligere posset, vtrum apud eos pudor atq; officium, an timor plus valeret. Quod si præte rea nemo sequatur, tamen se cum sola decima legione iturum, de qua non dubitaret sibi que eam prætoriam cohortem futuram: Huic legio ni Cæsar & indulserat præcipue, & propter vir tutem confidebat maximè: Itaque illa Cæsar's oratione mirum in modum conuersæ sunt mi-litum mentes, & magna belli gerendi cupidi-tas innata. Sic in posterum Cæsar diligenter ca uit ne per otium, eiusmodi quicquam in castris oriretur. Gallos Tenctheris & Vsipectibus Ger-manis studere intellexit, vt est quarto libro: Ita que ad consilia capienda nihil spatij dandum existimauit, quin celeriter octo millium itine-re confecto prius ad hostium castra peruenit, quàm quid ageretur Germani sentire possent. Ocium verò contrarium, vt est secundo belli ci uilis, causam militibus defectionis contra Cu rionem meditandæ dedit. Quare disciplina mi-litaris in quotidianis ambulationibus & exer-citationibus seuerè teneatur, præcipueq; Impe-ratoris, Legati, Tribuni: Centurionis authori-tas seueritasq; meditationibus istis appareat: Hic enim miles victoriam meditatur tantoq;

Ideo

ideo promptius assequetur, quanto diligentius
 meditatus fuerit. Sic igitur castris positus mi-
 les perpetuo paratus & promptus ad dimican-
 dum. Libyci pastoris labores cum legionarij
 militis laboribus Maro comparavit, quod v-
 terque dies & noctes ambulet, portet arma, te-
 ctum, cibum, protinusq; stet expeditus in ope-
 re: Ergo ait,

*Sape diem noctemque & totum ex ordine mensens
 Pascitur, idq; pecus longa in deserta, sine ullis
 Hospitijs, tantum campi iacet, omnia secum
 Armentarius Afer agit, tectumq; larēque,
 Armaq; amyelaeumq; canem, cressamq; pharetram
 Non secus ac patrijs acer Romanus in armis
 Iniusto sub fasce viam dum carpit, & hostem
 Ante expectatum positus stat in agmine castris.*

TERTIA

TERTIA

PARS.



PPARATVM & castra diximus, reliquus est praelij congressus, de quo varia præcipi solent à magistris huius doctrinæ: quatuor autem communia sunt, in praelijs considerata & comparanda, vi-

res, locus, ordo, cohortatio: quorum ratio à Cæsare diligenter habita est. In obeundis expeditionibus (ait de Cæsare Suetonius) dubium cautior'ne an audentior fuerit. Ego verò ex ipsius rebus gestis fortissimum quidem, sed partibus infinitis prudentiorem statuere possum: Vires igitur quæ satis essent ad victoriam semper habuit. Itaque si quando maiores hostium vires fuerunt, pugnâ abstinuit: Sic cum propè trecenta Belgarum millia vno tempore armata essent, & castra à millibus passuum minus duobus contra ipsius castra posuissent, Cæsar quamuis octo plenas legiones haberet: tamen primò propter multitudinem hostium, & propter eximiam opinionem vir-

tutis;

rutis, praelio supersedere statuit. Vercingeto-
 rix (vt est septimo libro) octoginta millia pe-
 ditum, quindecim equitum habebat: Cæsar
 quamuis decem legiones haberet: tamen quod
 hostes equitatu superiores esse intelligebat, di-
 micare noluit: sed trans Rhenum in Germa-
 niam mittit, equites que accersit & levis arma-
 turæ pedites qui inter eos præliari consueue-
 rant. Quot millia? inquires, Cæsar tacet, sed
 tot, inquam, existimato, quod ad victoriam
 sufficere statuerit: ac iam cum viribus equi-
 tum responderet, tum demum præliatur. Cum
 Pompeio, cum Scipione non antè dimicauit
 quam totæ copiæ transportatæ essent. Quin-
 etiam, si dimicare cogeretur, ne cum maiore
 multitudine dimicaret id callidè agere consue-
 uit, vt hostium copias distraheret, ac dissipa-
 tas, facilius vinceret: Sic, ne contra trecenta
 illa Belgarum millia vno tempore confligere
 cogeretur, Diuitiacum Heduum cum Heduis
 copiis in Bellouacorum (quorum sexaginta
 delecta millia in Belgarum castris erant) fines
 ad hostium manus distinendum ac distrahen-
 dum ab se dimisit, ac Bellouacis, cum eorum
 finibus Hedui appropinquarent, persuaderi
 non potuit vt diutiùs cum reliquis Belgis mo-
 rarentur, Aduersus Ambiorigem, discipline
 consilium idem est. Ambiorix rex Eburo-
 num legatos Cæsarís Cottam & Sabinum
 cum toto exercitu deleuerat, sed facinoris sui
 defen-

defensores permultos habebat, Neruios, Aduaticos, Menapios, Germanos, Senones, Carnutes. Cæsar vt hanc cladem indignissimè tulit, ita grauissimè vindicandam statuebat, atque ideo omnia prius Ambiorigi auxilia detrahenda, quò facilius destitutum opprimeret: Itaque Cæsar ipse cum quatuor legionibus hyeme nondum confectâ Neruios improuisos & inopinantes, in deditiōnem coëgit: Senones & Carnutes partim concilio Galliarum publico, partim celeritate & legionum terrore compescuit, Menapios quinque legionibus subegit, per Labienum Treuiros deiecta Induciomari factione, & Cingetorigi principatu reddito, recepit, copiis'que omnibus coactis Germaniam terruit: atque ita demum Ambiorigis fines omnibus auxilijs nudatos spoliavit pro'que libidine vexauit. Quamobrem, vt in cæteris contentiōibus, sic in bello ne Hercules quidem contra duos: Itaque istam quoque prudentiam Cæsar habuit, vt hostium vires viribus æquaret. Ac quod Vegetius è veterum authorum aliquo descripsit, in Consulari exercitu legiones duabus plures nō fuisse, id de Consule vnus prouinciæ rectore accipiendum: At Cæsar, duas Gallias initio habuit: Itaque legiones quatuor à Repub. primo anno accepit, & cum prouincias bello plures appeteret, duas Heluetico bello addidit, sexq; tum legiones habuit: secundo deinceps octo,

reliquis

reliquis annis decem præter auxilia annuâque
supplementa ascriptiuorum (vt appellat Var-
ro,) qui ascribebantur inermes, vt succederent
armatis militibus, si quis eorum deperisset: qui
numerus videtur duodecim cohortium fuisse,
vt sexto commentario ad Rheni pontem: vbi
præter decem legiones, numerantur etiam co-
hortes duodecim: Legiones verò Cæsaris in cō-
mentarijs belli Gallici disertè nominantur, pri-
ma, septima, octaua, nona, decima, vndecima,
duodecima, decimatertia, decimaquarta, deci-
maquinta. Et Cicero ad Atticū de Cæsaris co-
pijs ad bellum ciuile, Video (ait) illac facere le-
giones vndecim. Quantæ verò decem legionū
vires fuerint, ostendit illa vox Cæsaris Hispa-
nienſi bello Lusitanos accusantis, An me dele-
cto, nō animaduertebaris decem habere lectas
quidem legiones, populum Romanum, quæ
non solūm vobis obſistere, sed etiam cœlum
diruere possent? Quin, vt Liuius libro vicesi-
mo prodidit, populus Romanus sociorum La-
tini que nominis trecenta millia ad Gallos Ita-
liæ aditu prohibendum vno tempore armata
sunt, vnde satis constat exercitus modum ex
hostium numero metiēdum esse: Quinetiam
Cæsar exercitus mediocres locis diuisis plures
habere maluit, quàm vnicum per magnum &
vno loco coniunctum: vt bello Venetico plu-
rimę nationes agitatę in Romanos, cū Venetis
cōiurauerāt, Curiosolites, Osissimi, Nannetes,
Dia-

Diablintres, Vnelli, Lexobij, Eburones, Morini, Menapij: metuebatur etiam Aquitani, Germani, Britanni: Gallorum etiam reliquorum motus timebatur. Ergo Cæsar, tametsi octo legionibus & duodecim cohortibus legionarijs armatus esset: quamvis etiam Belgæ omnes victi propemodum, aut pacati essent, Celtæ reliqui factione aliqua sociati essent: partendum sibi tamen ac latius distribuendum exercitum putavit, ut cum paucioribus hostium reliquorum copijs facilius dimicaret: Itaque T. Labienum legatum in Treuiros, qui proximi flumini Rheno sunt, cum equitatu mittit, huic mandat, Rhemos reliquosque Belgas adeat atque in officio contineat, Germanosque qui auxilio à Belgis accersiti dicebantur, si per vim nauibus flumen transire conentur, prohibeat: Publ. Crassum cum cohortibus legionarijs duodecim & magno numero equitatus, in Aquitaniam proficisci iubet, ne ex his nationibus auxilia in Galliam mittantur ac tantæ nationes coniungantur. Q. Titurium Sabinum Legatum cum legionibus tribus in Vnellos, Curiosolitas Lexobiosque mittit, qui eam manum distinendam curret. Decium Brutum adolescentem classi gallicisque nauibus quas ex Pictonibus & Sanctonis reliquisque sociorum Celtarum regionibus conuenire iusserat, præficit, & cum primum posset, in Venetos proficisci iubet, ipse

eo pedestribus copijs contendit. Quare videtur Cæsar eo bello copiarum numero superior fuisse, & hostium copias ita distraxisse, vt facilius vinceret.

L O C V S.

Cæsaris disciplina prudentia' que in viribus copiarum perspecta est: potest par & eadem in loco futuræ prælii perspicui nec enim minus de prælii loco, quàm de militum viribus securus esse voluit: Superiorem autem Cæsar optauit: ventum etiam & solem congruentem doctores addiderunt. Clara sunt huius prudentiæ ac multa in commentarijs exempla, Cæsar contra Pharnacem regem Ponti castra editissimo colle fecerat, cum spacio non amplius mille passuum intercisa vallis, castra hostis diuideret. Itaque cum interposita tanta locorum iniquitate Pharnaces Cæsarem esset aggressus, celerrimè superatus est, vt Cæsar, hostis primùm inanem ostentationem, quam putabat irriserit, postea verò incredibilem temeritatem sit admiratus, & eò loci productam aciem, quem in locum nemo sanus hostis subiturus esset. At verò longè aliter Cæsar, vbi Vercingetorigem cum omni equitatu expeditis' que pedibus à castris abesse cognouisset, mediâ nocte, silentio profectus ad hostium castra manè peruenit. Illi celeriter per exploratores ad-

uentu Cæsaris cognito, carros impedimenta
tua in arctiores sylvas abdiderunt, copias om-
nes in loco edito atque aperto instruxerunt:
Quâ re nunciatâ, Cæsar celeriter sarcinas con-
ferri, arma expediri iussit. Collis erat ab infi-
mo leniter accliuus: hunc ex omnibus ferè par-
tibus palus difficilis atque impedita cingebat
non latior pedibus quinquaginta: hoc se colle
interruptis pontibus, Galli fiducia loci conti-
nebant, omniâque vada ac saltus eius paludis
certis custodijs obtinebant, sic animo parati
vt si eam paludem Romanis percurrere cona-
rentur, hæsitantes premerent ex loco superio-
re: Indignantes autem Romanos quòd conspe-
ctum suum hostes ferre possent tantulo spatio
interiecto, & signum prælii exposcentes, Cæ-
sar edocet quanto detrimento & quot viro-
rum fortium morte necesse esset constare vi-
ctoriam, quos cum sic animo paratos videret
vt nullum pro sua laude periculum recusarēt,
summæ se iniquitatis condemnari debere, nisi
eorum uitam sua laude habeat chariorem: sic
milites consolatus, eodem die reducit in ca-
stra. Hoc idem factum Cæsar postea in ca-
stiganda militum cupiditate, qui iniquo ad
Gergouiam loco magnum periculum adij-
sent, repetiuit: Cum ad Auaricum sine du-
ce & sine equitatu deprehensis hostibus, ex-
ploratam victoriam dimisisset ne paruum mo-
dò detrimentum in contentione propter ini-
quitatem

quitatem loci accideret. Secundum eiusdem
 prudentiæ exemplum est libro octauo, Bello-
 uaci locum castris excelsum impedita circun-
 datum palude delegerant : impedimenta o-
 mnia in vltiores sylvas cōtulerant, cūmq̃ue
 Cæsar instructa acie contra stare, copias in-
 struunt pro castris, nec loco superiore dece-
 dunt. Cæsar tametsi dimicare optauerat: ta-
 men admiratus tantam multitudinem hosti-
 um valle intermissâ, magis in altitudinem de-
 pressa, quàm late patente, castra castris hosti-
 um confert. Hic prudentiam eandem, nul-
 lam audaciam vides : deinde cū pontibus
 palude constrata, legiones traduxisset, aciem
 constituit eo loco vnde tormento missa tel-
 la in hostium cuneos conijci possent : Bello-
 uaci confisi loci naturâ cū dimicare non re-
 cusarent, si fortè Romani subire collem cona-
 rentur, in acie permanserunt. Quorum per-
 tinaciâ cognitâ Cæsar prælio abstinet, eo lo-
 co castra metatur. Ergo in his exemplis clara
 rei militaris scientia demonstratur. Ac si natu-
 ra ipsa superiorem situ locum denegaret : arte
 tamen Cæsar efficiebat, vt contra Belgas secū-
 do libro, Collis vbi castra posuerat, paululum
 explanitiæ editus, tantūm aduersus in latitu-
 dinem patebat, quantum loci acies instructa
 occupare poterat, atque ex utraque parte la-
 teris deiectus habebat, & in frontem leniter
 fastigiatus paulatim ad planitiem redibat : ab

utroque latere eius collis, & transfuersam fossam obduxit circiter passuum quadringentorum & ad extremas fossas castella constituit: ibi que tormenta collocauit, ne cum aciem instruxisset, hostes qui tantum multitudine poterant, à lateribus pugnantes Romanos circumuenire possent. Hoc facto, duabus legionibus quas proximè conscripserat in castris relictis, ut si quo opus esset subsidio duci possent, reliquas sex legiones pro castris in acie constituit: hostes item suas copias e castris eductas instruxerunt. Palus erat non magna inter Romanorum & hostium exercitum: hanc si Romani transirent, hostes expectabant. Romani autem, si ab illis initium transeundi fieret, ut impeditos aggrederentur, parati in armis erant. Interim prælio equestri inter duas acies contendebatur: Vbi neutri transeundi initium faciunt, secundiore equitum prælio Cæsar reduxit suos in castra, Hæc Cæsaris in speciem magnifica virtutis ostentatio fuit, reuera simulatio prudentiæ plenissima fuit: Acies enim sic instructa velut in castris vnica tantum porta aperta cum hostibus prælium commissura fuit: Castra enim erant à tergo, fossæ & vallum ab utroque latere, ut à fronte tantum dimicari posset. Quamobrem tam multis documentis manifestum est Cæsaris iudicium, quantus victoriæ artifex & machinator sit locus: Sed cum dolo gerenda res est, lo-

cus sine dubio est omnium insidiarum recepta-
tor & fabricator improbiſſimus: tum'que vi-
rium ratio minor habetur, tanquam locus i-
pſe multorum militum numero habeatur: Er-
go huic iniquitati ne Romani quidem ipſi pa-
res eſſe potuerunt. Romanarum ad Varutam
quindecim cohortium tantâ militiæ discipli-
nâ eruditarum, & quidem hoſtibus numero,
vt Cæſar confitetur, parium: attamen loci i-
niquitate ab Eburonibus circumuentarum,
internecio facta eſt: Collocatis enim inſidijs bi-
partitò, in ſyluis opportuno atque occulto lo-
co, Romanorum aduentum Eburones expe-
ctabant. Cùm ſe pars Romani agminis in
magnam conuallem demiſiſſet, ex vtraque
parte eius vallis, ſubitò ſeſe oſtenderunt, no-
uiſſimos'que premere & primos prohibere
aſcenſu prælium'que committere cœperunt
procul tela conijciendo, impetum facienti-
bus velociſſimè cedendo, interim'que nuda-
tos, ab latere aperto feriendo: denique reuer-
tentes circumſiſtendo tandem omnes intere-
merunt. Quamobrem intelligimus quas vires
locus habeat. Stulta verò & anili ſuperſti-
tione, locorum circumſtantia quæritur. Mi-
thridates Romanos eo loco vicerat, vbi Cæ-
ſar caſtra poſtea poſuit, Pharnaces Mithrida-
tis filius eādem loci felicitatem ſibi propoſuit:
Itaque auſpicjs & religionibus inductus mi-
ſera clade eodem loco deletus eſt: Talis eſt

in tempore vanitas dierum Romanis atrorū
& infeliciū. Hæc superstitio Ariouistū Ger-
manorum regem perdidit: Nam cum quære-
ret Cæsar quamobrem Ariouistus prælio non
decertaret, hanc reperiēbat causam, quod a-
pud Germanos ea consuetudo esset, vt matres
familiās eorum sortibus & vaticinationibus
declararent, vtrum prælium committi ex usu
esset necne: eas ita dicere, non esse fas Germa-
nos superare, si ante nouam lunam prælio con-
tendissent, Quid igitur? vtrum superstitionis
huius tanquam certi in hoste timoris occasio-
nem Cæsar ignorauit, utrum contempsit: imò
verò postridie eius diei instructā acie, vsque
ad castra hostium accessit, eosque ad pugnam
pertractos deleuit. At Cæsar, ait Suetoni-
us, nulla vnquam eiusmodi religione à quo-
quam incœpto absterritus vel retardatus est.
At temporis circūstantia vnā cum loco in
bellis verè considerari illa solet: quod præci-
puum sit æstiuum maturis frugibus: belli ta-
men gallici annis quinto, sexto, septimo, octa-
uo Cæsar summis hyemis difficultatibus res
maximas confecit. Diurnum tempus præliis
aptius creditur, & id in commētarijs ita tradi-
tum est primo belli ciuilis, nocturna prælia
esse uitanda, quod perterritus miles in ciuili
dissensione timori magis, quàm religioni con-
sulere cōsueuerit: At lucem multum per se pu-
dorem omnium oculis, multum etiam Tribu-
norum

norum militum & centurionum praesentiam
 afferre: quibus rebus coerceri milites & in offi-
 cio contineri soleant. Atque id consilium est
 Pompeianorum Caesaris hostium: At Cæsa-
 ris ipsius consilium tale est. Alexandrino bel-
 lo, Alexandrini Cæsari redeunti, cum classe oc-
 currerunt, qui duabus de causis eo die dimi-
 care nolebat, quod & nullos milites in nauib.
 habebat, & post horam decimam diei res age-
 batur: nox autem allatura videbatur maiorem
 fiduciam illis, qui locorum fiducia confidebāt:
 sibi etiam hortandi suos auxilium defuturum,
 quod nulla satis esset hortatio, quæ neque vir-
 tutem posset notare, neque inertiam. Sic nox
 Africano bello & uentus accusantur: Quod ni
 in noctem praelium esset coniectum, ait Hirci-
 us pulvisq; vento flatus, omnium prospecti-
 bus offecisset, Iuba cum Labieno capti, in po-
 testatem Cæsaris venissent, equitatusque cum
 leui armatura funditus ad internecionem de-
 letus esset: quo tamen Cæsar tum usus est, cū
 illud à Pōpeianis deliberatur: sic aliās sepe: &
 nocturnum Pompeij cōtrā Mithridatem præ-
 lium, nobilissimam hac ipsa temporis occasi-
 one victoriam peperit, cū luna quasi com-
 militans, à tergo hostibus, à facie Romanis se
 præbuisset: Pontici per errorem longius ca-
 dentes umbras suas quasi hostium corpora
 petebant, & Mithridates quidem nocte illa
 debellatus.

Ordinis ratio succedit apud Liuium vno præcipuè octauilibriloco, sed satis obscure de duorum Consulum cōiuncto exercitu propositus in triplici acie hastatorum, principū, triariorum: in vnaquaq; autem acie leuem & grauem armaturam collocat: leues, qui hastam tantum gēsa' que gererent: trecentos in hastatis, totidem in principibus, quos vtrōsque antepilanos appellat: Sed grauis & in hastatis & principibus armaturæ numerum non habet: in tertia acie viginti quinque millia centum & decem statuit, ac distribuit æqualiter in triarios, grauius armatos, & leuius armatos rorarios & accensos, vt in tertia quaque parte sint octo millia trecenti septuaginta: Sic autem Liuius loquitur, Prima acies, hastati erant, manipuli quindecim, distantes inter se modicum spaciū: manipulus leues videnos milites, aliam turbam scutatorum habebat: Hæc prima frōs in acie florem iuuenum pubescentium ad militiam habebat: Robustior inde ætas totidem manipulorum quibus principibus est nomen: hos sequebantur scutati omnes insignibus maxime armis: hoc xxx. manipulorum agmen, antepilanos appellabant, quia sub signis iam alij quindecim ordines locabantur, ex quibus ordo vnusquisq; tres partes habebat: earum vnamquanq; primum pilum vocabant: tribus ex vexillis constabat: vexillum CLXXXVI. homines erant: Primum vexillum triarios ducebat,

bat, veteranum militē spectatæ virtutis: secundum rotarios, minus roboris etate factisq; tertium accensos, minimæ fiduciæ manum, eo & in postremam aciem reſciebantur. Vbi his ordinibus exercitus instructus eſſet, hastati omnium primi pugnam inibant: si hastati profligare hostem non possent, pede pressio eos retro cedentes in intervalla ordinum principes recipiebant: tum principum pugna erat: hastati sequebantur, triarii sub vexillis confidebant sinistro crure porrecto, scuta innixa humeris, hastas sub erecta cuspide in terra fixas, haud secus, quàm vallo septa, inhorreret acies, tenentes. Si apud principes quoque haud satis prosperè eſſet pugnatum, à prima acie ad triarios sensim referebantur. Inde rem ad triarios redisse, cum laboratur, proverbio increbuit. Et sic Varro triarios dictos eſſe ait, quòd in acie tertio ordine extremis subsidio deponebantur. Triarii consurgentes vbi in intervalla ordinum suorum principes & hastatos recepissent, ex templo compressis ordinibus velut claudebant vias, vnoq; continente agmine, iam nulla spe post relicta, in hostem incedebant: id erat formidolosissimum hosti, cum velut victos insecuti, novam repente aciem exurgentem, autam numero cernebant. Hactenus Livius de triplici Romanorum acie, ut in hastatis flos eſſet iuuentis, in principibus robustior ætas, in triariis spectatior virtus, ut ordines mihi-

tiq̃ loco pariter & virtute crescerent, robusti milites hastati, robustiores hastatis principes, robustissimi omnium triarii. Sed eodem deinceps Liuſ loco è prælii administratione, res tota plenius intelligitur, cum Latini pari militie disciplina aduersus Romanos præliantur, nec vexilla cum vexillis tantum vniuersi, hastati cum hastatis, principes cum principibus, sed Centurio cum Centurione, si turbati ordines non essent, concurrendum sibi esse sciebat: Primò igitur vtrumq; æquis viribus, eodem ardore animorum gerebatur res: deinde ab læuo cornu hastati Romani non ferentes impressionem Latinorum, se ad principes recepere, tum Decio Consule altero pro legionum, Romanorum victoria dñs superis inferis que deuoto consternatae cohortes Latinorum, fugam ac vastitatem late fecerunt. Simul & Romani exolutis religione animis, velut tum primum signo dato cohorti, pugnam integram ediderunt: nam & rorarii procurrebant inter antepilanos, addiderantq; vires hastatis ac principibus. Et ille ros videlicet fuit, vnde nomen habent, ait Varro, qui bellum committebant antè: ideo quod antè rorat, quam pluit. At triarii genu dextro innixi, nutum Consulis ad consurgendum expectabant: procedente deinde certamine, cum alijs partibus multitudo superaret Latinorum, Manlius Consul audito euentu Collegæ, cum vt ius falsque erat, lachrymis nō minus quam laudibus debitis

debitis prosecutus tam memorabilem mortē
 esset, paulisper addubitauit an cōsurgendi iam
 triarijs tempus esset: deinde melius ratus inte-
 gros eos ad vltimum discrimen seruari, accen-
 sos ab nouissima acie, ante signa procedere iu-
 bet: Qui vbi subiere, exemplo Latini, tanquam
 idem aduersarij fecissent, triarios suos excitaue-
 runt: qui aliquandiu pugna atroci cūm & se-
 met ipsi fatigassent, & hastas aut præfregissent
 aut hæbent, pellerent vi tamen hostem, de
 bellatum iam ratī, peruentum' que ad extremā
 aciem: tum Consul triarijs, Consurgite nunc,
 inquit, integri aduersus fessos, memores patri-
 parentum' que & coniugum ac liberorum, me-
 mores Consulī pro vestra victoria morte oc-
 cubantis. Vbi triarij consurrexerunt integri re-
 fulgentibus armis, noua ex improviso exorta
 acies, receptis in interualla ordinum antepila-
 nis, clamore sublato principia Latinorum
 perturbant: Hastis' que, ora fodientes primo
 robore virorum cæso, per alios manipulos ve-
 lut inermes prope intacti euasere, tanta' que ce-
 deperrupere cuneos, vt vix quartam partem
 relinquerent hostium. Sic igitur prælium Ro-
 manorum aduersus Latinos à Liuiō narratur,
 vnde pugna hastatorum prima, secunda prin-
 cipium, tertia tertiæ aciei, sed ita vt rorarij
 inter antepilanos primò procurrant: deinde
 etiam accensi eodē procedant, vt tum de-
 nique viribus hostium vel exhaustis vel debi-
 litatis,

litatis, integri & recentes triarî pugnâ capessere. Polybius eundem ordinem describit a. pertius, legionem quadrifariam diuidit in pilanos minimos natu, hastatos rîs proximos ætate, principes florentissimis annis, triarios maximos natu, pilanos quidem hastos' que & principes millenos ducenos: triarios autem sexcentos. Si maior fiat legio, proportionē partes augentur, exceptis triarijs, quos semper efficiunt pares. Hæc Polybius paulo clarior Liuius. Sed in omnibus commentarijs rerum à Cæsare gestarum vix semel hastati & principis, triarij autem, rorarij, accensi, omninoque pilani vel antepilani ne vix quidem nomen inuenies: Nec omnino ordinis huius vlla significatio in tot Cæsaris prælijs indicatur, siue id tanquam notissimum, de industria prætermisum sit, siue aliam quandam militiæ disciplinam Cæsar habuerit: quod prælia ipsa magis videtur declarare, in quibus milites veterani primos præliorum impetus sustinent, tyrones ferè collocantur in subsidijs, vt suo tempore dicetur. An verò vterque ordo simul seruari potuit, vt in vnaquaq; Cæsaris acie, imò legione, hastati & principes cum suis antepilanis: triarij cum suis rorarijs & accensis distinguerentur, & tamen prima acies veteranos, postrema tyrones tãquam rorarios vel accensos haberet? Dicam quod in Cæsare animaduerti. Ordo acies' que prius instruatur, quàm hostis adueniat.

niat: Ita tamen, vt nunquam totis viribus vno
 tempore dimicaretur, sed pars certa extra praeliū
 idoneo loco reſeruetur, vnde laborantibus ſub-
 ſidium ſummitti poſſit: Id enim Cæſarem
 ſummo ſtudio prouidiſſe eo'que præcipuè vi-
 ciſſe diligenter attendenti manifeſtum eſt: ali-
 os in Cæſare triarios non inuenio. Acies au-
 tem variatur numero & figurâ: numero ſim-
 plex, duplex, triplex, quadruplex appella-
 tur. Africano bello contra Labienum Cæ-
 ſar aciem ſimplicem dirigit, vt poterat, pro-
 pter paucitatem. Sagittarios ante aciem con-
 ſtituit, equites dextro ſiniſtro'que cornu oppo-
 nit, & ita præcipit, vt prouiderent ne multitu-
 dine equitatus hoſtium circumuenirentur.
 Cræſſus autem aduerſus Aquitanos duplicem
 aciem inſtruxit, auxilijs in mediam aciem collo-
 catis: At Cæſar ferè quoties leuiorè numero æ-
 quas vires habuit, aciem triplicem inſtruit: Sic
 acie triplici inſtructâ, ad Ariouiſtum conten-
 dit, & acie triplici contra eum dimicauit: Acie
 triplici inſtructâ, ad Uſipetum & Tenctherorū
 caſtra peruenit: Contra Scipionem in Africa
 triplex acies à manè ad vesperam inſtructa cō-
 ſtitit, neque tamen dimicauit: Poſtea verò ad
 Thapſum vbi Scipio victus eſt, Cæſar aciem
 quadruplicem habuit. Ergo ſic numero variatur
 acies: Figura autem cuneata, quadrata, rotūda
 appellatur: Cuneus dimidiatus rhombus &
 transformatus in triquetrum valet'que ad per-
 rum-

rumpendum hostiū aciem: Sic tres Cæsar's co-
hortes ad Varutā duo Sicambrorum equitum
millia perruperūt & incolumes in castra redie-
runt: Cæsar penē quadrato agmine in conspe-
ctum Bellouacorum processit, ait Hircius: hac
autem formā, Cæsar's prælium nullum in com-
mentarijs formatum est. Sed orbis, vt inter fi-
guras pulcherrimus, sic in vsu militari præstan-
tissimus est. Trecentos legionarios Morini
solos & à reliquis copijs seiunctos nacti, pri-
mò non ita magno suorum numero circumsti-
terunt, ac si sese interfici nollent, arma ponere
iusserunt, Cum illi orbe facto sese defenderent,
celeriter ad clamorem hominum circiter mil-
lia sex conuenerunt: Quā re nunciatā Cæsar
omnem e castris equitatum suis auxilio misit.
Interim Romani milites impetum hostium su-
stinuerunt, atque ampliùs horis quatuor for-
tissimè pugnaverunt, paucis vulneribus ac-
ceptis, complures ex his occiderunt. Secun-
dum exemplum nobis erit de Domitij (qui
Cæsar's Legatus erat) fuso exercitu à Phar-
nace rege Ponti, Cum victrices regis copię
se conuerterent ad trigessimam sextam legio-
nem, ea magnis hostium copijs circundata,
præsentissimo animo pugnans, in orbem se re-
cepit ad radices montium quò Pharnaces in se
qui propter iniquitatem loci noluit. Quare le-
gio vnica, victorem totum exercitum, artificio
orbis sustinuit ab eo' que incolumis euasit. At-
qui

qui tamen quinto libro videtur à Cæsaris or-
 bis reprehendi, quo Cotta & Sabinus Cæsa-
 ris legati, ab Eburonibus circumuenti, vñ es-
 sent, Cūque, ait Cæsar, propter longitudinē
 agminis non facile per se omnia obire, & quid
 quōque loco faciendum esset, prouidere pos-
 sent, iusserunt pronuntiari vt impedimenta
 relinquerentur, atque in orbem consisterent:
 Quod consilium (etsi in eiusmodi casu repre-
 hendendum non est) tamen incommode ac-
 cidit: Nam & Romanis militibus spem minu-
 it, & hostes ad pugnandum alacriores effecit,
 quod non sine summo timore & desperatione
 id factum videbatur. Equitatus Labient suo-
 rum multitudine confusus, Cæsaris paucitatē
 circumire conatur: Cū m equites Cæsaris pau-
 ci, multitudine hostium defessi, equis conuul-
 neratis paulatim cederent, hostis magis ma-
 gisque instabat. Ita pūctio temporis, omnibus
 Cæsaris legionarijs ab hostiū equitatu circum-
 uētis, Cæsari'sque copijs in orbem compulsis,
 intra cancellos omnes coniecti, pugnare cogē-
 bantur, omniūque animi in terrorem conie-
 cti, & maximè tironum: Circumspicere enim
 Cæsarem, neque amplius facere, nisi hostium
 facula vitare. Cæsar interim consilio hostium
 cognito, iuber aciem in longitudinem quam
 maximam porrigi, alternis conuersis cohor-
 tibus, vt vna post alteram ante signa tenderet.
 Ita coronam hostium dextro sinistroque cor-

nu, mediam diuidit, & vnam partem ab altera
exclusam equitibus intrinsecus adortus, cum
peditatu telis coniectis in fugam uertit, neque
longius progressus, veritus insidias, se ad su-
os recipit: Idem altera pars equitum peditum-
que Cæsaris facit. O: bis igitur has vires habet
ad resistendum ad excedendum: At si par esse
non possit, ad rectam lineam, cuius conuersio-
ne factus est, tãquam ad principium reductus,
extremam salutem ostendit. Prælium verò ad-
uersus infirmissimam hostium partem nostra
firmissima parte inchoëtur. Levis armatura
prouocet hostem victumque persequatur: Im-
par, ad grauem armaturam sese recipiat, præli-
um excipiat grauis armatura: hic enim murus
ahæneus est, statariãque legionis pugna, que si
vicerit, victum hostẽ levis armatura persequa-
tur. Sed tamen quod de copiis quod de loco
fecimus: sic etiam cõtraria neglecti ordinis ex-
empla proferantur: Confusio nempe tam gra-
uis aduersaria est, quàm numeri paucitas, quã
loci cuiusuis iniquitas: Sic Belgæ dissipati cæ-
duntur a Cæsare, contra quos acie composi-
tos, dimicare veritus est: hi discessu constituto,
secundã vigiliã magno cum strepitu ac tumul-
tu castris egressi nullo certo ordine neque im-
perio cum sibi quisque primum itineris lo-
cum peteret & domum peruenire propera-
ret, fecerunt vt consimilis fugæ profectio vi-
deretur, Hac re statim Cæsar per speculatores
cogni-

cognitâ, infidias veritus, quòd qua de causâ
 discederent nondum perspexerat, exercitum
 equitatumque castris continuit: Primâ luce
 confirmatâ re ab exploratoribus, omnem e-
 quitatum qui nouissimum agmen moraretur,
 præmisit eique Q. Pedium & L. Aruncule-
 um Cottam Legatos præfecit, T. Labiennû
 Legatum cum Legionibus tribus subsequi
 iussit: Hi nouissimos adorti & multa millia
 passuum persecuti magnam multitudinē eo-
 rum fugientium conciderunt. Cum ab extre-
 mo agmine hi ad quos ventum erat consisterēt
 fortiterque impetum Romanorum militum
 sustinerent, priores quòd abesse à periculo vi-
 derentur neque vlla necessitate, neque impe-
 rio continerentur, exaudito clamore, perturba-
 tis ordinibus omnes in fuga sibi subsidium po-
 nerent: ita sine vlllo periculo tãtam eorû mul-
 tudinem Romani interfecerunt, quantum
 fuit diei spatium, sub occasumque solis sequi
 destiterunt, seque in castra vti erat imperatum
 receperunt. Sic in prælijs Pharsalico, Pontico,
 Africano, Hispaniensi simulatq; interruptus
 est ordo, nil est nisi pavor, fuga, cædes: Mise-
 rum verò prælii genus est, cum viribus & lo-
 co inferiores, etiam dissipati & confusi de-
 prehēdimur: cuius generis exempla duo sunt
 insignia, alterum primo, alterum secundo
 libro. Ararim ratibus ac lintribus iunctis Hel-
 veti transibant, Vbi per exploratores Cæsar

certior factus est tres iam copiarū partes, Hel-
 uetios id flumen transduxisse, quartam vero
 partem circa flumen Ararim reliquam esse: de
 tertia vigilia cum legionibus tribus ē castris
 profectus ad eam partem peruenit, quæ non-
 dum flumen transierat: Eos impeditos & ino-
 pinantes aggressus, magnam partem eorum
 cōcidit, reliqui sese fugæ mādarent atque in
 proximas sylvas abdiderunt. Hoc exemplum
 primum est, alterum secūdo libro describitur.
 Belgæ cū Cæsar illis æquam pugnandi con-
 ditionē non faceret, protinu's ex eo loco ad flu-
 men Axonam contendunt, ibi vadis repertis,
 partem suarum copiarū traducere conati sunt.
 Cæsar certior factus à Titurio, omnem equita-
 tum & levis armaturæ Numidas funditores
 sagittariosque pontē traducit atque ad eos cō-
 tendit, acriter in eo loco pugnatum est: Hostes
 impeditos, Romani in flumine aggressi ma-
 gnum eorum numerum occiderunt. Per eorū
 corpora reliquos audacissimè transire conan-
 tes, multitudine telorum repulerunt. Primos,
 qui transierant, equitatu circumuentos inter-
 fecerunt. Sed in hoc toto inopinati & impro-
 uisi prælii genere, celeritas illa, de qua antè in
 itinere disserui, primas partes obtinet, nec in
 præliis Cæsaris alias insidias aliūmue dolum
 ferè comperio. Sic Germanorum ad Mosam
 quadringēta & tringinta millia oppressa sunt,
 cū prius ad eorum castra Cæsar peruenisset
 quā

quam quid ageretur sentire possent: Sic sexto
 bro hyeme nondum confectâ & Neruî &
 Senones inopinantes priusquam conuenire
 aut profugere possent, oppressi sunt: Sic Aru-
 erni hyeme summâ Gebennæ altitudine & ni-
 uibus, quibus se tutos arbitrabantur, celerita-
 te superatis, parua manu latissimè peruagata
 perterriti eorûmque copiæ, quod usu ventu-
 rum Cæsar opinione præceperat, è Biturigum
 finibus reuocata: Eadem celeritate Bituriges
 cum coniurationem meditarentur, imparati
 & priusquâ in oppida cōfugere possent, equi-
 tatu circunuēti, intereaq; vulgatæ illud incur-
 sionis signum, quod incendijs edificiolorum in-
 telligi consuevit, interdicto sublatum, ne aut
 copia pabuli frumentiq; deficeret, si longius
 progredi vellet, aut hostes incendijs terreren-
 tur, tantâque celeritate omnibus locis Cæsar
 occurrit, vt nulli ciuitati, spatium de aliena po-
 tius quàm de domestica salute cogitandi de-
 derit, qua celeritate & fideles amicos retine-
 bat, & dubitantes, terrore ad conditiones pa-
 cis adducebat. Pompeiani Petreius & Afrani-
 us noctu proficiscendū non putant: At Cæsar
 exploratis regionis, albente cœlo, omnes co-
 pias castris educit, magnôque circuitu nullo
 certo itinere exercitū ducit: Nam quæ itinera
 ad Iberum pertinebant, castris hostiū opposi-
 tis tenebātur, ipsi erant transcendendæ valles
 maximæ ac difficillimæ: saxa multis locis præ-
 rupta

rupta iter impediébāt, vt arma per manus necessario traderentur, militesque inermes subleuatique alij ab alijs, magnam partem itineris conficerent. Sed hunc laborem recusabat nemo, quod eum omnium laborum finem fore existimabant, si hostem Ibero intercludere & frumento prohibere potuissent: Ac primo Afraniani milites visendi causā, læti ex castris procurrebant cōtumeliosisque vocibus prosequiebantur Cæsarianos necessarij victus inopia coactos fugere. Erat enim iter à proposito diuersum contrariāque in partem iri videbatur: Duces verò eorum, consilium suū laudibus ferebant, quod se castris tenuissent: multūque eorum opinionem adiuuabat, quod sine iumentis impedi mentisque ad iter profectos videbant, vt non posse diutius inopiam sustinere confiderent: Sed vbi paulatim retorqueri agmen ad dexteram conspexerunt, iamque primos, superare regionem castrorum animaduenterunt, nemo erat adeo tardus aut fugiens laboris, quin statim castris exeundum atque occurrendum putaret. Conclamatur ad arma atque omnes copiae paucis præsidio relictis cohortibus exeunt, rectoque ad Iberum itinere contendunt. Erat in celeritate, omne positum certamen vtri prius angustias montesque occuparent. Sed exercitum Cæsaris, viarum difficultas tardabat. Afranij copias, equitatus Cæsaris insequens morabatur; Res tamen

ab Afranianis huc erat necessario deducta, ut si priores, montes quos petebant, attigissent, ipsi periculum vitarent, impedimenta totius exercitus cohortesque in castris relictas servare non possent: Quibus interclusis exercitu Caesaris, auxilium ferri nulla ratione poterat: Confecit prior iter Caesar, atque ex magnis rupibus natus planitiem, in hac contra hostem, aciem instruit, eaque celeritate Pompeianos deditio- nem facere coegit. Simillima itineris & diligentiâ & astutiâ Pompeius in Græcia circum- ventus est, Caesar acie instructa decertandi po- testatem Pompeio fecit. Vbi illum suis locis se tenere anima duertit, reducto in castra exerci- citu aliud sibi consilium capiendum existima- vit: Itaque postero die omnibus copiis ma- gno circuitu, difficili angustoque itinere, Dyr- rhachium profectus est, sperans Pompeium aut Dyrhachium compelli, aut ab eo intercludi pos- se, quod omnem commeatum totiusque belli apparatus eo contulisse, ut accidit: Pompeius enim primo ignorans eius consilium, quod diuerso ab ea regione itinere profectum vide- bat, angustiis rei frumentariæ compulsus dis- celsisse existimabat: Postea per exploratores certior factus, postero die castra mouit, breui- ore itinere se occurrere ei posse sperans: quod fore suspicatus Caesar, militesque adhortatus ut æquo animo laborem ferrent, parua parte noctis, itinere intermisso mane Dyrhachium

venit cum primum agmen Pompeij procul
 cerneretur: atque ibi castra posuit. Hic alterum cer-
 tamen non pugne uel cedis, sed diligentie &
 celeritatis vides, quo Pompeius opportunis-
 sima sibi ciuitate interclusus est.

COHORTATIO.

ERgo hæc de ordine, cohortatio reliqua
 est, cuius lex à Cesare Pharsalico prælio
 laudata & celebrata est. Est quedam (ait) ani-
 mi incitatio atque alacritas naturaliter innata o-
 mnibus, quæ studio pugne inceditur: hanc non
 reprimere, sed agere imperatores debent: Neque
 frustra antiquitus institutum est, ut signa undique
 concinerent clamoremque vniuersi tollerent: qui-
 bus rebus & hostes terreri & suos incitari exis-
 timauerunt. Hanc nimirum militie legem quarta
 Philippica Tullius usurpauit, cum ad Quiri-
 tes ita loquitur, Faciam igitur ut imperatores
 instructam aciem solent, quanquam paratissimos mi-
 lites ad præliandum videant, ut eos tamen adhor-
 tentur, sic ego vos ardentes & erectos ad liber-
 tatem recuperandam adhortabor. Quapropter
 in præliis ut vires, locus, ordo, sic vel maxime
 cohortatio requiritur, quam verè eodem milita-
 ris virtutis appellare possumus: Itaque si quan-
 do alacritas animi absteritis militibus defuit,
 nunquam prælium in sibi ante committendum Ce-
 sar existimauit, quam certa cohortatione confir-
 masset.

masset. Nonuimus antea, quantâ curâ milites,
 Germânici belli errore debilitatos recreârît,
 tum orando (qua facultate plurimum valu-
 it) tum hostem ipsum non in odium modo,
 sed in contemptû adducendo, vnde tanta præ-
 liandi cupidas incensa est, vt ipso prælii die
 Romani complures, in hostium phalangem
 insilerent & scuta manibus reuellerent & de-
 super vulnerarent. Cæsar ad Dyrrachium ad-
 uersis duobus prælijs eodem die vsus est: Hic
 igitur eloquentia & authoritas eadem adhibi-
 ta est ad pristinam alacritatem recuperandum:
 Concionem apud milites habuit, hortatusq;
 est ne ea quæ accidissent grauitè ferrent, ne ue
 his rebus terrerentur, multisq; secundis præ-
 lijs vnum aduersum & id mediocre oppone-
 rent, habendum fortunæ gratiam, quod Itali-
 am sine aliquo vulnere cœpissent: quod duas
 Hispanias bellicosissimorum hominum perî-
 tissimis atq; exercitatissimis ducibus pacauis-
 sent, quod finitimas frumentariasq; provinci-
 as in potestatem rede-gissent: denique recorda-
 ri debere quâ felicitate inter medias hostium
 classes, oppletis non solum portibus, sed eti-
 am litoribus, omnes incolumes essent trāspor-
 tati: si non omnia cederent secunda, fortunam
 esse industriâ subleuandam: quod esset acce-
 ptum detrimenti, cuius potius, quàm suæ cula-
 pæ debere tribui: Locum se tutum ad dimi-
 candum dedisse, positum esse hostium castris,
 expulisse

expulisse ac superasse pugnantes: sed siue ipsorum perturbatio, siue error aliquis, siue etiam fortuna, partam iam præsentemque victoriam interpellauisset, dandam omnibus operam, Ut acceptum incommodum, virtute sarciretur: quod si esset factum, detrimentum in bonum verteret, uti ad Gergouiam accidisset, atque illi, qui antè dimicare timuissent, ultro se prælio offerrent. Hac habitâ concione, nonnullos signiferos ignominiâ notauit ac locomouit: Exercitui quidem omni tantus incessit ex incommodo dolor tantumque studium infamiæ sarcientiæ, ut nemo aut Tribuni aut Centurionis imperiû desideraret, & sibi quisque etiam poenæ loco grauiores imponeret labores, simulque omnes arderent cupiditate pugnandi. Cum superioris etiam ordinis nonnulli oratione permoti, manendum eo loco & rem prælio committendam existimarent: contra ea Cæsar neque satis militibus perterritis confidebat, spatiumque interponendum ad recreandos animos putabat. Itaque sauciorum & egrorum habitâ ratione, paulo post, Gomphis in Thessalia expugnatis, prædâ urbibus, milites recreauit, nec prius de prælio quicquam statuit, quàm re frumentaria præparata confirmatisque militibus, & satis longo spatio temporis à Dyrrhachinis præliis intermisso satis perspectos habere militum animos videretur. Sic in Britannia cum Romani pre-

meren-

merentur, Cæsar⁷ que aduentu hostes consti-
 tissent: Cæsar tamen perterritis militibus, ad
 lacessendum hostem & committendum præ-
 lium alienum esse tempus arbitratus, suo se lo-
 co continuit, Atque ad hanc alacritatem fidu-
 ciamque animorum constituendam plurimū
 valet cum eloquentia, tum authoritas, quæ
 postremis præsertim bellis tanta fuit, vt mili-
 tes in ipsius imperatoris vultu (ait Hircius
 Africano bello) vigore mirabilique hilarita-
 te omne auxilium reponerent, huic acquiesce-
 rent: In eius sciētia & consilio omnia sibi procli-
 uia fore sperarent: Ac reuera (vt est ibidem)
 Cæsar^{is} nomen authoritasque magna ex par-
 te hostium minuebat audaciam: Atque inde
 illa Cæsar^{ianorum} de seipsis tanta persuasio,
 vt Centurio cum aliquot veteranis commili-
 tonibus suis captiuis Scipioni libertatem &
 stipendium promittendi si contra Cæsarem
 militare vellet, Elige (respondit) ex tuis co-
 hortem vnam, quam putas esse firmissimam
 & constitue contra me: ego autem ex meis cō-
 militonibus quos nunc in tua tenes potestate,
 non amplius X sumam: tunc ex virtute no-
 stra intelliges quid ex tuis copiis sperare de-
 beas. Cohortatione uero Thapsitanum in A-
 frica prælium penè sine prælio confectum est.
 Cæsar pedibus circum milites concursans, vir-
 tutesque veteranorum præliaque superiora
 commemorans blandēque appellans animo
 eorum

eorum excitabat: Tirones autem qui nunquam in acie dimicassent, hortabatur ut veteranorum virtutem æmularentur eorumque famam, nomen, locumque victoriâ partâ cuperent possidere. Ex hac Cæsaris cohortatione tantus ardor in Cæsarianis ingeneratus est, tantusque terror in hostibus, ut Cæsare ipso penè initio Cæsariani in hostes impetum fecerint ac vicerint. Cæsar autem in omnes partes cursitans, colore vestitus agnoscebatur: Id enim Cæsaris insigne in præliis esse consueverat (ut est libro septimo) ut si vox ab omnibus percipi non posset, præsentia tamen principis & adhortatio colore ipso perciperetur: Denique tantum valet ad victoriâ unam militum cohortatio, ut in victoriis cæterorum, aliquid aliquando defuerit, cohortatio nunquam. Cæsar enim vicit aliquando cum parvis copiis contra magnas, ut posterioribus bellis: tum iniquiore loco ut ad Mundam, tum ordine non satis instructo, ut contra Nervios: nunquam verò ullam victoriâ reportavit, nisi militibus cohortatione animatis & accensis ad prælium. Atque hæc disciplinæ capita Cæsari tam proposita fuerunt, ut (quod initio posui) partibus infinitis prudentiorem fuisse quam fortiolem merito statuamus. Quinetiam quod armis assequi posset, consilio longe maluit (ut in Hispania contra Petreium & Afranium:) Nam cum milites ardore præliandi flagrarent signumque pugnae flagitarent, Cæsar

farin eam spem venerat, se sine pugna & sine vulnere suorum, rem conficere posse, quod re frumentariâ aduersarios interclusisset: Tum vero, ut ipse disputat, cur etiam secundo prælio aliquos ex suis amitteret? cur vulnerari pareretur optimè meritos de se milites? cur denique fortunâ periclareretur? præsertim cum non minus esset imperatoris, consilio superare, quàm gladio. Sic Africano bello cum lacefferetur à Scipionis exercitu, non egrediebatur è castris timidumque se hostium opinionem præbebat: Neque ideo copias, quanquam erant paucae, tironumque, non educebat in aciem, quod victoriarum suorum diffideret, sed referre arbitrabatur cuiusmodi victoria esset futura: Turpe enim sibi existimabat tot rebus tantisque exercitiis deuictis, tot tam clavis victorijs partis, ab reliquis copiis aduersariorum suorum ex fuga collectis, se cruentam adeptum existimari victoriam.

DE FORTVNA.

IN bellis plurimum posse fortuna, quin humanarum rerum domina vulgò dicitur summisque viris ad amplitudinem & gloriam & ad res magnas bene gerendas, diuinitus adiuncta, ideoque in laudibus excellentis imperatoris, quarta ab Oratore efficitur: Fortuna etiam (ait Caesar tertio belli civilis) plurimum potest, cum
in re-

in reliquis rebus, tum præcipue in bello paruis
momentis magnas rerum commutationes ef-
ficat: Sed Cæsar de tam multis victorijs, nullã
solet fortunæ tribuere: Quod vicit, scientiæ &
virtutis putat esse: quod aliquando non victus,
sed certe prælijs aduersis sit vsus, id demum
fortunæ tribuit: totis Gallici belli commenta-
rijs fortunam à Cæsare Eburonico tantum bel-
lo appellatam commemini, quasi fortuna &
cladem illius belli Romanis intulerit & vltio-
nem eripuerit. Sabinum & Cottam legatos
ab Ambiorige Eburonum rege cum toto ex-
ercitu cæcos exposuimus. Erant numero pares
Romani, sed à duce (ait Cæsar) & fortunâ dese-
rebantur. Hic Cæsar & se & fortunâ legionã-
rijs defuisse conqueritur, tanquam Cæsar alias
& scientiæ & virtutis militaris causas adhibi-
turus fuerit ad aliam fortunam efficiendum.
Deinde cum Ambiorigem Eburonum regem
propterea vlcisci modis omnibus conaretur,
eoque cum decem legionibus & equitatu to-
to contenderet, L. Minutium Basilium cum
omni equitatu præmittit: si quid celeritate iti-
neris atque opportunitate temporis profice-
re possit, monet vt in castris ignes fieri prohi-
beat, nequa eius aduentus procul significatio
fiat, sese confestim subsequi dicit. Basilium, vt
imperatum est, facit, celeriter contraque omni-
um opinionem confecto itinere multos in a-
gtis inopinantes deprehendit, eorum indicio

ad ipsum Ambiorigē cōtendit: quo in loco cū paucis equitibus esse dicebatur: Multum cum in omnibus rebus, tum in re militari fortuna potest: Nam sicut magno accidit casu, ut in ipsum incautum atque etiam imparatum incideret, priusquam eius aduentus ab omnibus videretur quā famā ac nuntijs afferretur, sic magnæ fuit fortunæ, omni militari instrumento, quod circum se habebat erepto, rhedis equis, que comprehensis ipsum effugerem mortem: Sed hoc factum est, quod ædificio circumdata sylva (ut sunt ferè ædificia Gallorum, qui vitandī æstus causā, plerūque sylvarum ac fluminum petunt propinquitates:) Comites familiāresque eius, angusto loco paupersper equitum Romanorum vim sustinuerunt: His pugnantibus, illum in equum quidam ex suis intulit, fugientem sylvæ texerunt: sic & subeundum periculum & ad vitandum, multum fortuna valuit. Hic, Cæsar Ambiorigem fortunā & inuētum & elapsū ait, eiusque rei euentum fortunæ tribuit. Tertiū eodem libro locus est, cū Cæsar illo accepto dolore permotus, Eburonum gentem funditus delere cogitaret, eaque de causā, omnia impedimenta ad Varutam Q. Ciceronis cum vna legione mandauisset, exercitum in omnes Eburonū fines partitur: At cū legionarios syluis & paludibus dissipatos, in magno periculo versari videret, omnes finitimas ciuitas

ciuitates ad diripiendos & vexandos Eburones conuocat. Hic quantum in bello fortuna possit (ait Cæsar) & quantum afferat casus, cognosci potuit: Sicambrorum Germanorum duo millia hac fama ad Eburones deprædandum excitantur: Itaque magno hominum pecorisque numero potitis vnus ex captiuis Eburonibus, Quid vos (ait) hæc miserâ actenuem sectamini prædam, quibus iam licet esse fortunatissimis: tribus horis ad Varutâ venire potestis: Huc omnes suas fortunas exercitus Romanorum cõtulit, præsidij tantum est vt ne murus quidem cingi posset, neque quisquam egredi extra munitiones audeat. Oblata spe, Germani quâ nacti erant prædam in occulto relinquunt, ipsi ad Varutam cõtendunt vsi eodem duce, cuius hæc indicio cognouerant: Et certe parum abfuit quin ea castra caperent, tam in sperato tamque acri impetu sunt adorti: At cum cohortes quinque quæ frumentatum ierant, fortè redirent, Germani signa procul conspicati, legiones Cæsaris primò rediisse arbitrantur, postea paucitate despectâ, facto impetu, ex his duas interficiunt, reliquæ in castra incolumes euaserunt: Itaque Germani obsidione desperatâ abeunt. Cæsar reuersus, multum fortunam in repentino hostium aduentu potuisse iudicauit, multò etiam ampliùs, quod penè ab ipso vallo portisque castrorum barbaros auertisset: Quarum omnium rerum maximè admirandum

dum videbatur, quòd Germani, qui consilio Rhenum transierant, vt Ambiorigis fines depopularentur, ad castra Romanorum delati, optatissimum Ambiorigi beneficium obtulerunt. Sic in praelijs ferè omnibus aduersis, calamitas accepta, fortunæ tribuitur: Optauit tamen propitiam sibi fortunam Cæsar, & felicitatis signum Africano bello dedit: sed causam victoriarum suarum, temeritati & casui nunquam attribuit. Atque hæc ad consequendam victoriam generalia Cæsariani consilij de viribus, loco, ordine, cohortatione capita, & quidem ab omni casus inscitia ac temeritate seiuncta fuerint: speciales praelij differentiæ sunt terrestres, naualis, patienti campo munitionibus incluso, vbi nulla ferè noua præcepta sunt, sed praeliorum initia progressus, extrema continuo cursu velut ante oculos subiiciuntur, pleniusq; & vberius intelliguntur: Seligemus igitur ex vnaquaque praelij differentia singularia maximè, maximèq; excellentia: è terrestribus patienti campo factis duo gallica ponemus, Helueticum & Neruicum, duo ciuilia, Pharsalicum & Mundense: Primum igitur Cæsaris praelium aduersus Heluetios erit vicis oppidis que omnibus incensis egressos ad vniuersæ Galliæ imperium occupandum: quorum qui arma ferre possent, Cæsar ait ad no-
naginta duo millia fuisse: quot autem arma tulerint, non exprimit; & quidem priusquam

de summa rerum dimicaretur, quarta pars illius numeri ad Ararim concisa fuerat: Cæsar igitur ab exploratoribus certior factus Heluetios sub monte consedisse millia passuum ab ipsius castris octo, qualis esset natura montis & qualis in circuitu ascensus qui cognoscerent, misit: renunciatum est facilem esse. De tertia vigilia T. Labienum legatum properè, cum duabus legionibus & hisdem ducibus qui iter cognouerant, summum montem ascendere iubet, quid sibi consilij sit, ostendit. Ipse de quarta vigilia ad hostes eodem loco quo ierant, contendit equitatumque omnem ante se mittit, cumque Confidius falso nuncio renunciaret montem ab Heluetijs teneri, copias in proximum collem subducit aciemque instruit. Heluetij castra mouere: Cæsar insequitur: Postridie cum iter ab Heluetijs auerteret Bibracte, Heluetij à nouissimo agmine lacessere ceperunt: Postquam id animaduertit Cæsar, copias suas in proximum collem subducit, equitatumque qui sustineret hostium impetum, misit, ipse interim in colle medio triplicem aciem instruxit legionum quatuor veteranorum, ita uti supra se in summo iugo duas legiones, (quas in Gallia Togata proximè conscripserat) & omnia auxilia collocarit ac totum montem hominibus complerit. Interea sarcinas in vnum locum conferri & eum ab his qui in superiore acie constiterant, muniri iussit.

Heluetij cum omnibus suis carris secuti, im-
 pedimenta in vnum locum contulerunt. ipsi
 confertissimâ acie reiecto Romano equitatu,
 phalange factâ sub primam Cæsarîs aciem suc-
 cesserunt. Cæsar primum suo, deinde omnium
 conspectu remotis equis, vt equato omnium
 periculo spem fugæ tolleret, cohortatus suos
 prælium commisit: Romanis e loco superiore pi-
 lis missis facile hostium phalangem perfrege-
 runt, eâ disiecta gladijs districtis in eos impe-
 tum fecerunt. Heluetijs magno ad pugnam es-
 rat impedimento, quod pluribus eorum scutis
 vno ictu pilorum transfixis & colligatis, cum
 ferrum se inflexisset, neque euellere, neque sin-
 strâ impeditâ satis commodè pugnare pote-
 rant: multi, vt diu iactato brachio præoptarent
 scutum manu emittere & nudo corpore pu-
 gnare, tandem vulneribus defessi, & pedem re-
 ferre, & quod mons suberat circiter mille pas-
 suum, eò se recipere cœperunt. Capto monte,
 & succedentibus Romanis Boij & Tulingi,
 qui hominum millib. circiter quindecim, ag-
 men Heluetiorum claudebant, & nouissimis
 præsidio erant, ex itinere Romanos latere aper-
 to aggressi circumuenere. Id conspicati Helue-
 tij, qui in montem sese receperant: rursus instare
 & prælium redintegrare cœperunt: Romanis
 conuersa signa, bipartito intulerunt. Pri-
 ma ac secunda acies, vt victis ac summotis re-
 sisteret, tertia, vt venientes sustineret. Ita an-

cipiti prælio diu atque acriter pugnatum est. Diutius cum sustineri Romanorum impetus non posset, Heluetij se ut cœperant in montem receperunt, Boij & Tulingi ad impedimenta & carros suos se contulerunt. Nam hoc toto prælio, cum ab hora septima ad vesperam pugnatum sit, auersum hostem, Romanus videre non potuit. Ad multam noctem, etiam ad impedimenta pugnatum est, propterea quod pro vallo Heluetij carros obiecerant, & e loco superiore in Romanos venientes tela coniciebant, & nonnulli inter carros rotasque, mazaras ac tragulas subiiciebant, Romanosque vulnerabant. Diu cum esset pugnatum, impedimentis castrisque Romani potiti sunt. Ergo ita commissum est Helueticum prælium: in quo singulas laudes recognoscamus. Cæsar hostium numerum, ut iam dixi, amplificat, tacet suum: At sex legiones Romanas & equitum Gallorum millia quatuor habuit universamque Galliam conspirantem & fauentem, cum id bellum pro Gallorum libertate gerere videretur. Sic viribus Cæsar nequaquam inferior fuit, loco certe superior esse valde studuit: Subducit enim copias in collem proximum: pridie prælii & ipso prælii die copias in proximum collem subducit: Heluetii contra sub monte confederant pridie, & ipso prælii die sub monte confederunt: Cæsar igitur initio pugnae, loco superior fuit: crede cœlum etiam solo respon-

spondisse, nihil alienum crederis : Certè, ut a-
 cies ante instrueretur, equitatus ad tardandum
 hostem præmissus est Virtute fuderunt Helue-
 tii equitatum & leuem Cæsaris armaturam: At
 ascensu collis fatigati, & pilis eminùs confixi,
 scuta abiicere, quod in pilorum usu antè nota-
 uimus, & nudi pugnare contra recentes & in-
 tegros legionarios coguntur. . Locus igitur
 pro Romanis pugnavit. Heluetiis in montem
 recepti, commilitonem locum habuere, quem
 hostem paulò antè habuerant, subsidio'que so-
 ciorum adiuti, prælium redintegrant. Dehinc
 ordinis laus apparet. Cæsari triplexacies ita
 distincta fuit, ut tertia duabus primis subsidio
 subueniret. Itaque quatuor tantum legiones
 illæ veteranæ, initio pugnaere, duæ nouitiæ
 interea locum impedimentis in summo iugo
 muniuere, tum veteranis legionibus subsidio
 tandem fuere, quam ordinis laudem summam
 in Cæsare statuo. Hic verò non hastatis &
 principibus veteranos, triarios sed tertiam &
 quidem tyronum aciem duabus primis vete-
 ranis subsidio summam fuisse perspicio. Ter-
 tia fuit ordinis disciplina, ubi conuersis biper-
 titis signis, velut orbe quodam facto duæ pri-
 mæacies in Heluetios à fronte, tertia ab utroq;
 latere contra Boios & Tulingos dimicauit, mi-
 litum illorum quos armigeros, quos cibario-
 rum baiulos, quos fossiores, quos fabros, quos
 mellores, quos remiges effecimus, expedita &

excitata virtus, armis tanquam membris vfa est. Cohortationem verò militum quantam ex eo factam arbitramur? Cæsar primum suo deinde omnium è conspectu remotis equis, ut æquato omnium periculo spem fugæ tolleret, cohortatus suos, prælium commisit. Quibus hîc verborum argumentis Cæsar vſus ſit, non eſt expoſitum: ſed illud certè fortiffimi facti exemplum vehementer incendere militum animos & inflammare debuit, cum Cæſarem dignitate quidem principem: at periculo commilitonem viderent. Hæc igitur pugna, egregio cum militis, tum ducis exemplo depugnata eſt, victoriamque vires, locus, ordo, cohortatio Cæſari tribuerunt. Sed tamen non ſolum vincere, ſed victoriâ ſapienter uti Cæſar ſciebat. E trecentis ſexaginta octo millibus Heluetiorum, Tulingorum, Boiorum, quæ domo exierant, centum & triginta ſuperfuerāt, ea commeatu intercluſa in poteſtatem redegit: Sed dum obſides arma, ſerui qui profugerant poſcuntur, Verbigenus pagus (qui ſex hominum millia fuerant) fugit retractuſque, in hoſtium numero eſt habitus, quatuordecim millia Boiorum Heduis petentibus conceſſa ſunt, reliqua centum & decem millia domum à Cæſare remiſſa ſunt, ne vacuus ager potiùs à Germanis occuparetur, quàm Romanis ſtipendiarius eſſet: atque vtrumque illud Romanum fuit,

Parcere subiectis, & debellare superbos.

Verum enim uerò ex omnibus Cæsaris prælijs Neruicum singulare est ad ducis & militum laudes omnes declarandum. Neruicorum sexaginta millia à Cæsare notata sunt, Romanæ legiones octo præter illum Gallicum equitatum tuere, maiore etiam numero videtur dimicatum esse, sed Cæsaris factiones præcipuè hic euigilauère. In Celtica Gallia Senonum ciuitas imprimis firma, & magnæ inter Gallos authoritatis fuit. Cæsar apud eos regem constituit Cauarinum. Carnutum ciuitas censu atque authoritate par erat, ut constat è septimo libro: Hic etiam Tasgetium regem fecit, easque ciuitates horum regnorum beneficijs obstrictas habuit: Itaque dat negocium Senonibus reliquisque Celtis, qui finitimi Belgis erant, ut ea quæ apud Neruios gerantur, cognoscant seque de his rebus certiores faciant. Exploratores Cæsaris quàm multos hîc vides? Atqui Cæsari tam propositum id semper fuit, ut si per exploratores suos hostium consilium cognoscere non posset, equitum turmas, quod Bellouaco bello fecisse legimus, dimitteret in omnes partes ad aliquos excipiendum, ex quibus hostium consilia cognosceret. Sapientis Imperatoris est, inter hostes semina discordiarum serere. Cæsar etiam hostium partem suis factionibus sibi adiungit. Quære quomodo reliqui Celte quieuerint, quâ ratio-

ne Rhemi tam facile se dediderint, commeatu aluerint, imò Treuiri etiā equitatum miserint, vtrum nō regna promissa suspicēre? Sed his facultatibus & copiis aduersus Nervios Cæsar contendit. Hi, mulieres, qui que per etatem ad pugnam inutiles viderentur, in eum locum cōiecerāt, quo propter paludes, exercitui aditus non esset: ipsi autem trans Scaldem flumen confederunt, ibi que Romanorum aduentum expectare decreuerunt. Exploratotes itaque à Cæsare Centuriones que præmissi locum castris delegerunt in colle à summo æqualiter decliui ad Scaldem, cuius altitudo erat trium pedum: à flumine, pari accliuitate collis nascebatur aduersus huic & contrarius, passus circiter ducentos inferiore parte apertus, superiore syluestris, vt non facile introspici posset. Intra eas syluas Neruī in occulto sese continebant, in aperto loco secundum flumen paucae stationes equitum videbantur. Cæsar in equitatu præmissis subsequēbatur omnibus copiis. Equites Romani cum funditoribus sagittariis que flumen transgressi, cum hostium equitatu prælium commiserunt: cum se illi identidem in syluas ad suos reciperent ac rursus ex sylua in Romanos impetum facerent, neque Romani longius quā ad flumen porrecta & aperta loca pertinebant cedentes insequi auderent, interim legiones sex, quæ primæ venerant, opere dimenso castra munire cœperūt. Vbi prima
impe

impedimenta Romani exercitus ab his qui in sylvis abditi latebant visa sunt, quod tempus inter eos committendi praelii conuenerat, ita, ut intra sylvas aciem ordinesque constituerant atque ipsi sese confirmauerant, subito omnibus copiis prouolarunt imperumque in Romanos equites fecerunt, his facile pulsas ac percurbatis, incredibili celeritate ad flumen decurrerunt, ut penè vno tempore & ad sylvas, & in flumine & in manibus Romanis hostes viderentur. Eadem autem celeritate, aduerso colle ad Romana castra atque eos qui in opere occupati erant, contenderunt: Cæsari omnia vno tempore erant agenda, vexillum proponendum, quod erat insigne cum ad arma concurrere oporteret, signum tubæ dandum, ab opere reuocandi milites, qui paulò longius aggeris petendi causâ processerant, accersendi, instruenda acies, milites cohortandi, signum dandum, quarum rerum magnam partem temporis breuitas & incursus hostium impediēbat. His difficultatibus duæ res erant subsidio, scientia atque usus militum, quod superioribus praeliis exercitati, quid fieri oporteret non minus commodè ipsi sibi præscribere, quàm ab aliis doceri poterant, & quod ab opere singulisque legionibus singulos legatos Cæsar discedere nisi munitis castris vetuerat: hi propter celeritatem & propinquitatem hostium nihil iam Cæsaris imperium expectabant, sed per

se quæ videbantur, administrabant: Cæsar ne-
cessariis rebus imperatis, ad cohortandos mili-
tes quam in partem fors obtulit, decurrit, & ad
legionem decimam deuenit, milites non lon-
giore oratione est cohortatus, quam vti suæ
pristinæ virtutis memoriam retinerent, neu
perturbarentur animo hostium'que impetum
fortiter sustinerent: Et quia non longius ho-
stes aberant quam quò telum adiici posset, præ-
lii committendi signum dedit, atque in alce-
ram partem item cohortandi causâ profe-
ctus, pugnantibus occurrit. Temporis tanta
fuit exiguitas hostium'que tam paratus ad di-
micandum animus, vt non modò ad insignia
accommodanda: sed etiam ad galeas induen-
das scutis'que tegmenta detrahenda tempus
defuerit: Quam quisque ab opere in partem
casu deuenit, quæ'que signa prima conspexit,
ad hæc constitit, ne in quærendis suis pugnan-
di tēpus dimitteret: Instructo exercitu magis
vt loci natura deiectus'que collis & necessitas
temporis, quam vt rei militaris ratio atque or-
do postulabat. Cum diuersis locis legiones alię
alia in parte hostibus resisterent, sepibusq; den-
sissimis, vt ante demonstrauius, interiectis
prospectus impediretur, neque certa subsidia
collocari, neq; quid in quaque parte opus esset
provideri, neque ab vno omnia imperia admi-
nistrari poterant. Itaq; in tanta rerum iniquita-
te, fortunæ quoque euentus varii sequebātur.

Legio-

Legionum nonæ & decimæ milites vt in fini-
 stra parte aciei constiterant, pilis emissis cursu
 ac lassitudine exanimatos, vulneribus confe-
 ctos Atrebates (nam his ea pars obuenerat) ce-
 leriter ex loco superiore in flumen compule-
 runt, & transire conantes insecuti, gladijs ma-
 gnâ partem eorum impeditam interfecerunt.
 Ipsi transire flumen non dubitauerunt & in lo-
 cum iniquum progressi rursus regressos ac re-
 sistentes hostes redintegrato prælio in fugam
 coniecerunt: Item alia in parte diuersæ duæ le-
 giones vndecima & octaua profligatis Vero-
 manduis, quibuscum erant congressi, ex loco
 superiore in ipsis fluminis ripis præliabantur,
 ac totis ferè castris à fronte & à sinistra parte
 nudatis, cum in dextro cornu legio duodeci-
 ma & non magno ab ea interuallo septima
 constitisset, omnes Neruñ confertissimo agmi-
 ne, duce Boduognato, qui summam imperij te-
 nebat, ad eum locum contenderunt, quorum
 pars aperto latere legiones circumuenire, pars
 summum castrorum locum petere cœpit. Eo-
 dem tempore equites Romani leuis'que arma-
 turæ pedites qui'que cum his vnâ fuerant,
 quos primo hostium impetu pulsos dixeram,
 cum se in castra reciperent, aduersis hostibus
 occurrebant: Ac rursus aliam in partem fu-
 gam petebant, & calones qui ab decumana
 porta ac summo iugo collis Romanos victo-
 res flumen transire conspexerant, prædandi
 causa.

causâ egressi cum respexissent, & hostes in Romanis castris versari vidissent, præcipites, fugę sese mandabant: Simul eorum qui cum impedimentis veniebant clamor fremitusque exaudiebatur, alijque aliam in partem perterriti ferebantur. Quibus omnibus rebus permoti equites Treuiri, quorum inter Gallos virtutis opinio est singularis, qui auxilij causâ à ciuitate missi ad Cæsarem venerant, cum multitudine hostium castra Romana compleri, legiones premi & pene circumuentas teneri, calones, equites, funditores Numidas diuersos dissipatosque in omnes partes fugere vidissent, desperatis Romanis rebus, domum contenderunt, Romanos pulsos superatosque, castris impedimentisque, eorum hostes positos, ciuitati renunciauerunt. Cæsar ab decimæ legionis cohortatione ad dextrum cornu profectus, vbi suos vrgeri, signisque in vnum locum collatis duodecimæ legionis confertos milites sibi, ipsos ad pugnam esse impedimento, quartæ cohortis omnibus Centurionibus occisis signiferoque interfecto, signo amisso, reliquarum cohortium omnibus fere centurionibus aut vulneratis aut occisis, in his primipilo Publ. Sextio Baculo fortissimo viro multis grauibusque vulneribus confecto, ut iam se sustinere non posset, reliquos esse tardiores, & nonnullos à nouissimis desertos prælio excedere ac tela vitare, hostes neque à fronte ex inferiore

feriore loco subeuntes intermittere, & ab utro
 que latere instare & rem esse in angusto vidit,
 neque ullum esse subsidium quod summitti
 posset, scuto à nouissimis vni militum detra-
 cto, quòd ipse eò sine scuto venerat, in primam
 aciem processit, centurionibusque nomina-
 tim appellatis reliquos cohortatus milites, si-
 gna inferre & manipulos laxare iussit, quò fa-
 cilius gladijs vti possent. Huius aduentus spe-
 illata militibus ac redintegrato animo cum
 pro se quisque in conspectu Imperatoris etiam
 extremis suis rebus operam nauare cuperet,
 paulum hostium impetus tardatus est. Cæsar
 cum septimam legionem quæ iuxta constite-
 rat item vrgeri ab hoste vidisset, Tribunos mi-
 litum monuit, vt paulatim sese legiones con-
 iungerent & conuersa signa in hostes inferrēt,
 quo facto cum alijs alij subsidium ferrent, ne-
 que timerent ne auersi ab hoste circumueni-
 rētur, audacius resistere ac fortius pugnare cœ-
 perunt. Interim milites legionum duarum,
 quæ in nouissimo agmine præsidio impedimē-
 tis fuerant, prælio nunciato, cursu incitato, in
 summo colle ab hostibus conspiciebantur, &
 T. Labienus castris hostium potitus & ex lo-
 co superiore, quæ res in castris Romanis gere-
 rentur conspiciatus, decimam legionem subsi-
 dio Romanis misit, qui cum ex equitum &
 calonum fugâ, quo in loco res esset, quanto-
 que in periculo & castra & legiones & impe-
 rator

rator versaretur cognouissent, nil ad celeritatem sibi reliqui fecerunt. Horum aduentu tantarum commutatio est facta, ut Romani, etiam qui vulneribus confecti procubuissent, scutis innixi praelium redintegrarent, calones, perterritos conspicati Neruios, etiam inermes armatis occurrerent: equites vero, ut turpitudinem fugae virtute delerent, omnibus in locis pugnae se legionariis militibus praeferrent. At Neruij etiam in extrema spe salutis tantam virtutem praestiterunt, ut cum primi eorum cecidissent, proximi iacentibus insisterent atque ex eorum corporibus pugnarent. His deiectis & coaceruatis cadaueribus, qui superessent, ut ex tumultu tela in Romanos conicerent pilaeque intercepta remitterent, ut non nequicquam tantae virtutis homines iudicari deberet, ausos esse transire latissimum flumen, ascendere altissimas ripas ab subire iniquissimum locum, quae facilia ex difficillimis animi magnitudo redegerat. Hoc praelio facto, & prope ad internecionem gente ac nomine Neruiorum redacto, maiores natu, quos una cum pueris mulieribusque in aestuaria ac paludes collectos dixeramus, hac pugna nuntiata, cum victoribus nihil impeditum, victis nihil tutum arbitrarentur, omnium qui supererant consensu, legatos ad Caesarem miserunt, seque ei dederunt, & in commemoranda ciuitatis calamitate, ex sexcentis ad tres Senatores ex hominum

minum millibus sexaginta, vix ad quingentos
 qui arma ferre possent, sese redactos esse dixe-
 runt: Quos Cæsar, vt in miseros ac supplices v-
 sus misericordia videretur, diligentissime con-
 seruauit, suis'que finibus atque oppidis vti
 iussit, & finitimis imperauit vt ab iniuria &
 maleficio se suos'que prohiberent. Hoc
 prælium vti factum, ita narratum à Cæsare
 confusissimè est. Capita disciplinæ subduca-
 mus: Cæsar numero superior fuit, vt iã perspe-
 ctum est, cum propè centum millibus aduer-
 sus sexaginta dimicarit. Sed loci æquitas vel i-
 niquitas hîc valde animaduerti potest. Neruij
 equitatum Romanum leuem'que armaturam
 quæ hostem prouocauerat pepulerunt ac pertur-
 barunt. Quid ita? quia ex superiore loco dimi-
 cabant. Labienus Atrebates vicit, quid ita?
 quia superiore loco pilis emissis contra exani-
 matos cursu ac lassitudine vulneribusq; antè
 confectos dimicabat. Vndecima & octaua le-
 gio Veromanduos profligarunt, quid ita? quia
 ex loco superiore in ipsis fluminis ripis prælia-
 bantur. Romanæ legiones octo cõiunctæ, Ner-
 uios confecerunt, quid ita? quia Neruij de supe-
 riore loco decurrerunt in vallem, latissimum
 flumen transierunt, altissimas ripas ascenderunt,
 iniquissimum denique locum subierunt. Ergo
 Cæsar locum tanquam militem tum fortem,
 tum liberalem (nullum enim stipendium coe-
 pit) contra Neruios eorum'que socios habuit.

At periculum tantum, ordinis inopia creauit
cuius tamen, ut in re tam subita, sua quoque
laus extitit: triplex acies binis legionibus pro
necessitate temporis est instructa, nona & de-
cima legio sinistro cornu aduersus Atrebates,
vndecima & octaua, mediâ acie aduersus Ve-
romanduos: duodecima & septima dextro cor-
nu aduersus Neruios steterunt. Hæc triplex
ut Heluetico & Germanico prælio acies fuit.
Secunda generis huius commendatio fuit in
cornu sinistro, ubi dextri cornu vires fuere, seu
casu temporis, ut Cæsar videri voluit, seu Cæ-
sar's aliqua ex itinere ipso prudentia, quia op-
positum Neruiorum dextrum cornu, esset in-
firmius, quod magis probo: quia disciplinæ
conuenientius est firmiore nostra parte aduer-
sus hostium infirmiore partem prælium
incipere. Itaque ut Boduognatus in Romano-
rum, sic Labienus in Neruiorum castris victor
eodem tempore versatus est. Tertia laus ordi-
nis deinde fuit. Duodecimæ legionis milites
conferti, sibi ipsi ad pugnam erant impedimē-
to & septima legio vrgebatur: Illius igitur ma-
nipuli laxati sunt: hæc cum illa coniuncta: con-
uersis in hostem signis, orbis ille Heluetici bel-
li repetitus est, ut alij alijs subsidium ferrēt, nec
auerſi, ab hoste circumueniri possent. Vegeti⁹
dextrum cornu, duci exercitus attribuit, & ita
Cæsar contra Germanos præliatus est: At isto
prælio omnibus locis, ut sæpe aliàs interfuit &
sub-

submissio subsidiorum cohortatioque id im-
 primis videtur exigere. Aelianus quod ad se-
 des principum attinet, geometricam propor-
 tionem seruandam censet, vt medijs extrema
 respondeant. Tam varia igitur tamque multipli-
 cia ordinis praesidia fuerunt: attamen subsidia
 certa propter sepes collocari non potuisse Cæ-
 sar conqueritur: Denique nullum omnino sub-
 sidium fuisse quod summitti posset. Hos sibi
 triarios Cæsar queritur defuisse, non illos qui
 in eadē legione post hastatos & principes sub-
 siderent. Sed hæc perturbatio peccato Cæsaris
 videtur accidisse: quia faciendis castris legio-
 num partem armatam non habuerat, dum cæ-
 teræ opus efficerent, vt lex militaris require-
 bat, & vt ipse Germanico bello habuit: & toti-
 us perturbationis initium hinc videtur ortū:
 Verum cohortatio ducis eam culpam præci-
 pue præstitit: Etenim per Deum immortalem
 qualis est hoc toto prælio Cæsaris alacritas ad
 milites excitandum? ad cohortandos milites
 quam in partem fors obrulit, decurrit: ad legio-
 nem decimam, cui confidebat maxime, pri-
 mum deuenit, milites pristinae virtutis admo-
 net: à legionis huius cohortatione ad dextrum
 cornu cohortandum proficiscitur, nec verbis
 tantum, sed rebus adhortatur scuto arrepto,
 centurionibusque nominatim appellatis, re-
 liquos milites cohortatus atque in primam a-
 diem inuectus, prælium restituit. Ergo Cæsaris

ista locis omnibus tanta cohortatio quantā mi-
 litibus alacritatem attulit? Quapropter Cæsar
 ista cohortatione culpam illam perturbati or-
 dinis amplissimè præstetit. Sed & scientia mili-
 tum rem valde adiuuit: Etenim non ne mello-
 res illos ac fossiores Cæsar ipse proficitur in hac
 difficultate Cæsares fuisse, qui non minùs com-
 modè ipsi sibi præscribere quā à Cæsare ipso do-
 ceri possent? Itaque quam quisque ab opere in
 partē casu deuenit, quæq; signa prima conspe-
 xit ad hæc constitit, ne in quærendis suis pu-
 gnandi tempus dimitteret: Tum legiones duæ
 illæ subsidiariæ & decima imprimis, cognito im-
 peratoris periculo, protinùs aduolauere. Adiu-
 uit etiam præsentia legatorum, qui vt Germa-
 nico, sic Neruico bello tanquam testes virtutis
 cuiusque fuere: Quapropter hoc prælio vires
 & ordo, sed multò magis locus: at maximè om-
 nium cohortatio Cæsari victoriam attulere. At-
 que vt singularis victoria hæc fuit, sic & Cæsar
 ea singulariter est usus, reliquos Neruios, cum
 se dederent, vt in miseros ac supplices usus mi-
 sericordiā videretur, diligentissimè conserua-
 uit suisque finibus atque oppidis vti iussit, &
 finitimis imperauit, vt à Neruiorum iniuria se
 suosque prohiberent: Comium etiam Atre-
 batem, cuius eximia tum virtus apparauerat,
 Atrebatibus regem dedit: Sic victos populos
 retinuit eumque victoriæ fructum percepit:
 Ita duobus his prælijs duæ populo Romano
 nationes

nationes acquisite sunt Heluetico Heluetij, Ner-
uico Neruij. Sed nequaquam in omnes deuictos
pari clementia usus est: Seuerior sepe fuit, regem
Ariouistum funditus sustulit: Sequanos, quod
prius erat regnum, populo Rom. subiecit: Dum
origem Heduum nobilissimum, quia Cesarē
in Britanniam comitari noller, quamuis se libe-
rum & liberæ ciuitatis esse claimitaret, tamen
iussit interfici (vt est quinto libro) Cōcilio Gal-
licæ Durocororum Rhemorum indicto, de con-
iuratione Senonum & Carnutum quæstionē
habere instituit: De Accone qui princeps eius
coniurationis fuerat, grauiore sententiā pro-
nunciata more Romano, supplicium sumpsit,
reliquis qui profugissent, aquā & igni interdi-
xit. Postea Cotuaturn Carnutum principem,
nouæ etiam coniurationis cōcitatorem ad sup-
plicium depoposcit, verberibusque exanima-
tum, securi percussit. Atque hæc gallica prælia
terrestria, patenti campo fuerunt, ciuilia sequū-
tur. Pharsalicum famā rerum & dignitate prin-
cipum clarissimum omnium fuit. Pompeius
vndecim legiones, prætereaque magnum nume-
rū supplemēti homine, tria millia sagittariorū,
funditorū cohortes sex, equitum septē millia
habuit: Cæsar legiones duodecim præter equi-
tū Brundisiū conuenire iusserat: sed hæc legio-
nes hoc infrequentiores fuere, quod multi gal-
licis tot bellis defecerant, longumque iter ex Hi-
spania magnum numerū diminuerat & grauis

autumnus in Apulia circumq; Brūdusium, ex saluberrimis Galliae & Hispaniae regionibus, omnem exercitum valetudine tentauerat: Sed praeterea multi quotidianis praeliis perierunt, antequam de summa rerum certaretur, praesidijsq; urbium multi sunt distracti, ut nihil mirandum sit ipso praelii die tam exiguas Caesari copias fuisse. Quantus verò militum in Cesare fuerit amor iam initio belli ciuilis intellectum est, cum Centuriones cuiusq; legionis singulos equites è viatico suo & vniuersi gratuità & sine frumento stipendioq; operam obtulerint (ait Suetonius.) Sed ad tantum periculum partis vtriusq; meditationem & antecedentē cohortatiōe comparemus. Praeliis dyrrhachinis, quibus vno die duobus aduersis Caesar vsus esset, tantū fiducia ac spiritus Pompeianis accessit, ut non de oratione belli cogitarent, sed vicisse iam sibi viderentur. Nec quib. rationibus superare possent, sed quemadmodū uti victoriā deberent, cogitabant: Hæc itaq; Pompeianorū meditatio fuit. Quid Caesar? quid hic meditatur? concione aduocatā, milites cōsolatus & adhortatus est (ut iam diximus) Ac cum satis perspectum habere militū animum videretur, tentandum Cesar existimauit, quid nā Pompeius propositi aut voluntatis ad dimicandum haberet. Itaq; exercitum è castris eduxit aciemque instruxit, primū suis locis, pauloq; à castris Pompeij longius: continentibus verò diebus

bus, ut progredieretur a castris suis collibusque Pompeianis aciem subiiceret, quæ res in dies confirmationem eius exercitum efficiebat. Denique illam deambulationis exercitationem, de qua diximus, magnam curam adhibuit, ac per eos dies prælium secundum equestre fecit. Hæc igitur adhortatio confirmatioque militum tam diligens, id est, victoriæ meditatio tam accurata prælium antecessit. Sed prælium ipsum est Cæsaris historia totum proponamus: Pompeius quia castra in colle habebat, ad infimas radices montis, aciem instruebat, semper, ut videbatur, expectans si iniquis locis Cæsar se subiceret. Cæsar nulla ratione ad pugnam elici posse Pompeium existimans, hanc sibi commodissimam belli rationem indicavit, uti castra ex eo loco moueret, semperque esset in itineribus: hoc spectans, ut mouendis castris pluribusque adeundis locis, commodiore frumentaria re vteretur, simulque ut in itinere aliquam occasionem dimicandi nancisceretur, & insolitum ad laborem Pompeij exercitum, quotidianis itineribus defatigaret. Vides igitur potius leonis audaciam, quam vulpis astutiam: vides Cæsariani exercitus vires esse laboris illa patientia maiores. His constitutis rebus, signo iam profectio- nis dato tabernaculisque detentis, animaduersum est paulò antè, extra quotidianam consuetudinem longius à vallo esse aciem Pompeij progressam, ut non iniquo loco posse dimicari videretur. Tum Cæsar ad suos, cum iam esset agmen

in portis, Differendū est (inquit) iter in presentia nobis, & de praelio cogitandū si, vt semp de poposcimus, animo sumus ad dimicandū parati, non facile occasionem postea reperiemus. Confestimq; expeditas copias educit. Ergo Cæsar equitatē loci nactus est, quam querebat, copias suas confirmavit, locum idoneum ex occasione nūc demū arripit. Conferamus Pompeia nam hac in re confidentiam, stultitiæ & temeritatis plenam reperiemus. Pompeius quoq; vt postea cognitum est, suorū omniū hortatu statuerat praelio decertare: Namque etiam in concilio superioribus diebus dixerat, prius quā concurrerēt acies fore vt exercitus Cæsaris pelleretur. Id cum essent plerique admirati, Scio me (inquit) pene incredibilem rem polliceri: sed rationem consilij mei accipite, quo firmiore animo in praelium prodeatis. Persuasi equitibus nostris, id que mihi se facturos confirmauerūt, vt cum propius sit accessum, dextrū Cæsaris cornu à latere aperto aggrederentur, vt circumuenta à tergo acie, prius perturbatum exercitum pellerent, quā à nobis telum in hostem iaceretur: ita sine periculo legionum & penē sine vulnere bellum conficiemus. Id autem difficile non est, cum tantū equitatu valeamus. Simul denuntiavit, vt essent animo parati in posterum: & quoniam fieret dimicandi potestas vt sæpe cogitauissent, ne usu manūque reliquorum opinionem fallerent. Hac

igitur

igitur Pōpeij vanitas atq; inanis ostētatīo fuit: Hūc Labienus excepit, & errorē amplificauit: Nam cū Cēsaris copias despiceret, Pōpeij cōsiliū summis laudibus efferret, Noli (inquit) existimare Pompei, hūc esse exercitū qui Galliam Germaniamq; deuicit. Omnibus interfui praelijs, neq; temerē incognitam rem pronuncio. Perexigua pars illius exercitus superest, magna pars deperijt, quod accidere tot praelijs fuit necesse: multos autumnī pestilentia in Italia cōsumpsit, multi domum discesserunt, multi sunt relictī in continenti. An' non audistis ex ijs qui per causam valetudinis remanserunt, cohortes esse Brundusij factas? Hæ copiae quas videtis, ex delectu horum annorum in Togata Gallia sunt resectæ, & pleraeq; sunt ex colonis Trāspadanis: Attamē quod fuit roboris, duobus praelijs Dyrrhachinis interiit. Hæc cū dixisset iurauit se nisi victorem, in castra non reuersurum reliquos' que, vt idem facerēt hortatus est. Hoc laudans Pompeius, idem iurauit: nec verò ex reliquis fuit quisquā, qui iurare dubitaret. Hæc cū facta essent in concilio, magna spe & lætitiā omnium discessum est, ac iam animo victoriam præcipiebant, quòd de re tanta, & à tā perito Imperatore nihil frustrā confirmari videbatur. Quapropter eiusmodi Pōpeiana meditatio fuit, ea futuri praelij cogitatio: Vires vtriusq; partis & locū percepinus, ordinē deinde attendamus. Cæsar cū Pompeij castris appro-

pinquasset, ad hunc modū acie eius instructam animaduertit. Erant in sinistro cornu legiones due tradite à Cæsare initio dissensionis ex S.C. quarū vna, Prima, altera, Tertia appellabatur. In eo loco ipse erat Pompeius, non in dextro, vt Vegetius præcipit: mediā aciem Scipio cū legionibus Syriacis tenebat. Cilicensis legio coniūcta cum cohortibus Hispanis, in dextro cornu erant collocatæ: has firmissimas se habere Pompeius existimabat. Reliquas inter aciem mediam cornuaq; interiecerat numeroq; cohortes CX expleuerat: hæcerant millia LV. Eucatorum circiter duo millia, quæ ex beneficiarijs superiorum exercituum, ad eum conuenerant, quæ tota acie disperserat: reliquas cohortes VII. in castris propinquis que castellis præsidio disposuerat. Dextrum cornu eius riuus quidam impeditis ripis munebat: quam ob causam cunctum equitatum, sagittarios funditores que omnes in sinistro cornu obiecerat. Habes aciem Pompeianam suis partibus instructam & ordinatam, vbi Pompeium licet principem summum, tamen in sinistro cornu contra Vegetianum præceptum conspiciamus. Quid Cæsar? quem in tanto prælio ordinem tenuit? certè minus accurate descripsit, quā ceteris antè plijs cōsueuerat: tres tātū legiones, vnā in dextro cornu, duas in sinistro nominat, mediam aciem non definit, sicuti neq; quartā e tertie cohortibus effectam: Quam vtramq; tamē
subli-

subsidiariā habuit & victorię principē causam.
 Sic aut de se, ipse loquitur, Cæsar superius insti-
 tutū seruās, decimā legionem in dextro cornu,
 nonā in sinistro collocauerat, tametsi erat Dyr-
 rhachinis prælijs vehemēter attenuata: huic sic
 adiunxit octauā, vt penē vnam ex duabus effi-
 ceret: atq; alteram alteri præsidio esse iusserat.
 Cohortes in acie LXXX. cōstitutatas habebat: que
 summa erat militum XL: sic enlm eum locum
 lego, vt numero quidem militum Cæsar infe-
 rior esset, at viribus superior: Cohortes duas ca-
 stris præsidio reliquerat: Sinistro cornu Anto-
 nium, dextro Publ. Syllam, mediā acie Cn. Do-
 mitium præposuerat: ipse contra Pompeium
 constitit: Simul his rebus animaduersis quas
 demonstrauius, timens ne a' multitudine e-
 quitum dextrum cornu circumueniretur, cele-
 riter ex tertiā acie, singulas cohortes detraxit,
 atque ex his quartam instituit equitatuī que
 opposuit, & quid fieri vellet, ostendit: monuit-
 que eius diei victoriā in earum cohortium
 virtute constare, sicut in omnibus fere' prælijs
 ex illa subsidiaria acie causa victoriæ constitit:
 simul tertiæ aciei toti' que exercituī imperauit
 ne iniussu suo concurreret: se cū id fieri vel-
 let, vexillo signum daturum, Hic ordo qua-
 druplicis aciei fuit: Adhortationem Cæsarīs
 audiamus. Exercitum cū militari more ad
 pugnam cohortaretur, suāq; in eum perpetui
 temporis officia prædicaret, imprimis comme-

morauit testibus se militibus vti posse quanto studio pacem petisset, quæ per Vatiniū in colloquijs, quæ per Au. Clodium cum Scipione egisset: quibus modis ad Oricum cum Libone demittendis legatis contendisset, neque se vnamquam abuti militum sanguine, neque Rempub. alterutro exercitu priuare voluisse. Hac habita oratione exposcentibus militibus & studio pugnae ardentibus, tuba signum dedit. Ergo Cæsaris ea cohortatio fuit, quam nihilo minor Crastini cohortatio secuta est. Erat Crastinus euocatus in exercitū Cæsaris, qui superiore anno apud eum primum pilum in legione decima duxerat, vir singulari virtute: hic signo dato, Sequimini me (ait) manipulares mei, qui fuistis & vestro imperatori quam cōstituisistis, operam date. Vnum hoc prælium superest, quo confecto & ille suam dignitatem, & nos nostram libertatem recuperabimus. Simul respiciens Cæsarem, Faciam (inquit) hodie, imperator, vt aut viuo mihi aut mortuo gratias agas. Hæc cum dixisset, primus ex dextro cornu procurrit, atque eum electi milites circiter Cxx voluntarij eiusdem centuriæ sunt persecuti, Crastini que virtus excellentissima (vt post victoriam Cæsar ipse iudicauit) in hoc prælio fuit: Itaque hoc prælio, vt antea Nerui-
co, initium prælij à dextro cornu factum, à fir-
missima nempe parte, non tamen contra infir-
missimam: precipuas enim vires Pompeius in
oppo-

oppositum cornu sinistrum contulerat. Inter
 duas acies tantum erat relictum spatij, vt satis
 esset ad concursum vtriusque exercitus. Sed
 Pompeius suis prædixerat, vt Cæsaris impe-
 tum exciperent, neue se loco mouerent, aciẽm-
 que eius distrahi paterentur, id' que admonitu
 C. Triarii fecisse dicebatur, vt primus excur-
 sus vis' que militum infringererur aciẽsque di-
 stenderetur, atque in suis ordinibus dispositi,
 dispersos adorirentur: leuiusq; casura pila spe-
 rabat, in loco retentis militibus, quàm si ipsi
 immixtis telis occurrissent: Simul fore, vt du-
 plicato cursu Cæsaris, milites exanimarentur
 & lassitudine conficerentur. Id Pompeij consi-
 lium fuit, quod Cæsari, nullâ ratione factum
 videtur: imò contra cohortationis eam legem,
 quam ex hoc depromptam loco, quia omniũ
 preliorum communis esset, preposuimus. Sed
 Cæsariani milites dato signo cùm infestis pilis
 procurrissent atque animaduertissent non cõ-
 curri à Pompeianis, vsu periti ac superioribus
 pugnis exercitati Pompeium fefellerunt: sua
 quippe sponte cursum represserunt & ad me-
 dium fere spatium constiterunt, ne quod spe-
 rasset Pompeius cõsumptis viribus appropin-
 quarent, paruóque intermisso temporis spatio
 ac rursus renouato cursu, pila miserũc, celeritẽr
 que, vt erat præceptũ à Cæsare, gladios strin-
 xerunt: Neq; vero Pompeiani huic rei defue-
 runt. Nam & tela missa exceperunt, & impetũ
 legio.

legionum tulerunt, & ordines conseruauerunt, pilis'que missis ad gladios redierunt. Hic primus praelij fuit impetus. Eodem tempore equites à sinistro Pompeij cornu intenti, vt erat imperatum, vniuersi procurrerunt, omnisq; multitudo sagittariorum se profudit, quorum impetum Cæsarianus equitatus non tulit, sed paulum loco motus cessit: equites'que Pompeiani hoc acrius instare & se turmatim explicare, aciem'que Cæsarianorum à latere aperto circumire coeperunt. Atque hic ventus Pompeianæ iactantiæ fuit, sed qui non magno imbre compressus subsedit. Nam vbi id Cæsar animaduertit, quartæ aciei, quā instituerat, ex cohortium numero signum dedit. Illi celeriter procurrerunt, infestisq; signis tanta vi in Pompeij equites impetum fecerunt, vt eorum nemo consisteret, omnes'que conuersi non solum loco excederent, sed protinus incitati fugâ, montes altissimos peterent, quibus summotis omnes sagittarij funditores'que destituti inermes sine præsidio interfecti sunt. Eodem impetu cohortes sinistro cornu pugnantes etiam tum ac resistentes in acie, Pompeianos circumierunt, eos'que à tergo sunt adorti. Eodem tempore tertiam aciem Cæsar, quæ quieta fuerat, & se ad id tempus loco tenuerat, procurrare iussit. Ita cum recentes atque integri, defessis successissent: alij autem à tergo adorirentur, sustinere Pompeiani non potuerunt, atque

que vniuersi terga verterunt. Hic igitur acies
 tertia etiam subsidiaria fuit, non solum quarta:
 atque ita duæ acies subsidiariæ fuerunt, geminæque
 triarij: alios enim, ut dixi, triarios in Cæsare non
 video: & quidem triarios non illos ut Liuius &
 Vegetius definiunt, omnium fortissimos ac ro-
 bustissimos: Decumani enim qui prælium, inie-
 rant, palmam illam ferebant. Quamobrem vires
 militum locus per occasionem captatus, sed ordo,
 eiusque imprimis subsidia, sed maxime omnium
 cohortatio tum Cæsaris tum Crastini tam præ-
 claram victoriam Cæsari tribuerunt. Huius autem
 victoriæ fructum Cæsar tam celeriter percepit,
 quam accurate victoriam ipsam obtinuerat,
 fugientem Pompeium persequitur, castra ca-
 pit, in quibus immodicam Pompeianorum lu-
 xuriam in triclinijs stratis, in magno argenti
 pondere, in tabernaculis hederam protectis de-
 miratus est, pauloque post, Pompeianas reli-
 quias in potestatem recepit: dehinc auctoritas
 Cæsaris toto terrarum orbe per magna fuit, Cæ-
 sarque, ut de se tertio belli ciuilis loquitur, confi-
 sus famam rerum gestarum omnemque locum sibi
 tutum fore existimans, Alexandriam infirmis au-
 xilijs proficisci non dubitauit. Sed de Pharsa-
 lico prælio satis. Postremum prælium est pro-
 positum est Mundense in Hispania, quod Cneius
 Pompeius filius cum reliquiis paternarum
 copiarum confugerat. Oppius historiæ hu-
 ius scriptor longè dissimilis, & elegantiae
 &

& prudentiæ Cæsarianæ fuit. Locus prælii primum describitur æquissimus Pompeianis, Cæsarianis iniquissimus ad Mundam oppidum excelso loco positum. Planicies (ait Oppius) inter utraq; castra intercedebat circiter millia passuum quinque, ut auxilia Pompeii duabus defenderentur rebus, oppidi excelsi & loci naturâ: hinc dirigens proxima planicies æquabatur, cuius pecursum antecedebat riuus, qui ad eorum accessum summam efficiebat loci iniquitatem: Nam palustri & voraginoso solo currebat ad dextram partem, & Cæsar cum aciem directam vidisset, non habuit dubium quin media planicie in æquum ad dimicandum aduersarii procederent. Hoc erat in omnium conspectu: huc accedebat, ut locus ea planicie equitatum ornaret & diei solis que serenitas, ut mirificum & optandum tempus, prope a diis immortalibus illud attributum esset ad prælium committendum. Cæsariani lætari, nonnulli etiam timere, quod in eum locum res fortunæque omnium deducerentur, ut quicquid post horam castris fieret, in dubio poneretur. Itaque Cæsariani ad dimicandum procedunt, id quod aduersarios existimabant esse facturos: Qui tamen a munitione oppidi mille passibus longius non audebant procedere, in quo sibi prope murum aduersarii constituebant. Itaque Cæsariani procedunt. Interdum æquitas loci aduersarios efflagitabat, ut tali conditione

clione contenderent ad victoriam: neque tamē
 illi à sua consuetudine discedebant, vt aut ab
 ex excelso loco, aut ab oppido discederent.
 Cæsariani pede presso propius riuum cum ap-
 propinquassent, aduersarij patrocinari loco
 iniquo non desinunt. Hæc igitur contra Pom-
 peianos Cæsarianis iniquitas loci fuit, vires
 partium sequuntur ordinis artificio in diligen-
 tius exposito. Erat acies XIII. aquilis constitu-
 ta, quæ à lateribus equitatu tegebatur, cum le-
 ui armatura millibus sex. Præterea auxiliares
 accedebant propè alterum tantum, Cæsariana
 præsidia, Lxxx cohortes, & octo millia equi-
 tum, cuiusmodi ferè Cæsaris vires contra Pō-
 pelum patrem fuerant, Ita cum in extrema pla-
 nicie iniquum in locum Cæsariani appropin-
 quassent, paratus hostis erat superior, vt tran-
 seundi superius iter vehemēter esset periculo-
 sum. Neq; prudētia Cæsaris hī cab Oppio præ-
 termissa est. Nam cum (ait) à Cæsare id esset a-
 nimaduersum, ne quid temerè culpā suā secus
 admitteretur, eum locum definire cœpit, vt
 fossā valloq; obduceretur: Sed miles tot antè
 partis victorijs insolentior retineri nō potuit:
 Itaque cum id hominum auribus esset obie-
 ctum, moleste & acerbè accipiebant se impedi-
 ri quo minus prælium conficere possent, Hæc
 mora aduersarios alacriores efficiebat: Cæsaris
 copias timore impediri ad committendū præ-
 lium. Ita se efferētes, iniquo loco sui potestatem
 facie-

faciebant, vt magno tamen periculo accessus eorum haberetur. Hic Decumani suum locū, cornu dextrum tenebant: Hæc enim legio victoriarum prærogatiuam quandam sua virtute iam pridem meruerat: sinistrū autem cornu, tertia & quinta legio, itemq; cætera auxilia & equitatus. Hæc ordinis instructio nempe fuit. Prælium clamore facto committitur: ea enim prælii inchoandi cohortatio Romana erat. Hic etsi virtute Cæsariani antecedeabant, aduersarii loco superiore defendebant acerrimè, & vehemens fiebat ab utrisque clamor telorumq; missu concursus, sic, vt propè Cæsariani diffiderent victoriæ. Atque illud (si verum Suetonius ait) tempus videtur fuisse cum Cesar suis fugientibus de consciscenda sibi morte cogitauit: Oppius tamen diffidentiam tantūm, non etiam talem desperationem ostendit. Congressus (ait) & clamor quibus rebus maxime hostes conterrentur in collatu, par erant conditione, tanta nempe cohortatio tantaque partium alacritas fuit: Itaque ex utroque genere pugnae cum parem virtutem ad bellandum cōtulissent, pilorum missu fixa cumulat & concidit aduersariorum multitudo. Dextrum demonstrauimus decumanos cornu tenuisse, qui etsi erant pauci: tamen propter virtutem magno aduersarios timore eorum opera afficiebant, quod a suo loco hostes vehementer premere cœperunt, vt ad subsidium ne ab latere Cæ-

re Cæsariani occuparentur, legio aduersariorū
 traduci cæpta sit ad dextrū quæ simul est mo-
 ra, equitatus Cæsaris sinistrum cornu premere
 cepit. At hi eximia virtute prælium facere
 incipiunt, vt locus in acie ad subsidium veni-
 endi non daretur. Ita cum clamori esset inter-
 mixtus, gemitus gladiatorumque crepitus au-
 ribus oblatus, imperitorum mentes timor
 præpediebat. Hic (vt ait Ennius) Pes pede
 premitur, armis teruntur arma. Atque in hoc
 bellorum ciuiliū extremo velut actu. Pom-
 peianos licet vehementissimè pugnantes tan-
 dem Cæsariani tamen agere cœperunt: qui-
 bus oppidum subsidio, Ita ipsi fusi fugati que
 non superfuissent, nisi in eum locum confugis-
 sent, ex quo erant egressi: In quo prælio cecide-
 runt millia hominū circiter triginta & si quid
 amplius: præterea Labienus & Actus Varus:
 quibus occisis vtriusque funus est factū, itém-
 que equites Romani. partim ex vrbe, partim
 ex prouincia ad millia tria. Cæsariani desi-
 derati ad hominum mille partim peditum,
 partim equitum: sauci ad quingentos. Aduer-
 sariorum aquilæ sunt ablatae XIII. & signa &
 fasces. Præterea duces belli XVII. capti sunt
 hos habuit res exitus. Cæsarianorum præci-
 pueque Decumanorum virtus hic excelluit,
 culpamque loci temerè initi abundè præstitit: Si
 Cæsar, victoriæ scriptor, vt author fuisset, co-
 hortationē tam periculoso prælio, talem nepe
 i lege-

legeremus, qualem antea Neruico prælio cognouimus. Hanc laudem Oppius de victoriæ laudibus præcipuam prætermisit. Fructus victoriæ, non solum Hispaniæ, sed totius Imperij pax fuit, & triumphorum tot antè victorijs meritorum lætitiæ.

OPPUGNATIO LOCORUM.

HActenus patentibus locis prælia facta sunt, deinceps clausis & munitis erunt. Locus obsessis præsidio est. Itaque cætera, copiarum, ordinis, cohortationis, obsidentibus maiora debent esse. Oppugnationis autem & propugnationis artes ferè communes sunt. Castrensis architectura illa, de qua supra dictum est, hic imprimis expromenda est: hac enim virtute vna & singulari, vrbes expugnantur. Locus igitur expugnatur ex itinere primo impetu, aut longiore oppugnatione capitur. Expugnantur ex itinere Gomphi, quod est oppidum primum Thessaliæ, venientibus ab Epeiro vt est tertio belli ciuilis. Gomphen-
ses venienti Cæsari, portas præcluserunt. Cæsar itaque castris munitis scalas musculosque (quibus fossæ aggere completę solidum iter efficerent) ambulatorijs turribus: ad repentinam oppugnationem fieri, & crates parari iussit, quibus rebus effectis, cohortatus milites, do-
cuit

cuit quantum vsum haberet ad subleuandam
 omnium rerum inopiam, potiri oppido pleno
 atque opulento simul reliquis ciuitatibus, hu-
 ius vrbis exemplo inferre terrorem, & id fieri
 celeriter prius quàm auxilia concurrerent. Ita-
 que vsus singulari militum studio, eodem quo
 venerat, die post horam nonam oppidum altis-
 simis mœnibus oppugnare aggressus, ante so-
 lis occasum expugnauit & ad diripiendum, mi-
 litibus concessit, statim'que ab oppido castra
 mouit, & Metropolim venit, sic vt nuntios ex-
 pugnatī oppidi famam'que antecederet. Me-
 tropolitæ eodem primū vſi consilio, hſdem
 permoti rumoribus, portas clauferunt, mu-
 ros'que armatis compleuerunt: sed postea casu
 ciuitatis comprehensis ex captiuis cognito,
 quos Cæsar ad murum producendos curaue-
 rat, portas aperuerunt: quibus diligentissimè
 conseruatis, collatâ fortunâ Metropolitanarum
 cum casu Gomphenſium, nulla Thessaliæ fuit
 ciuitas præter Larissæos, qui magnis exerciti-
 bus Scipionis tenebantur, quæ non Cæsari pa-
 reret atque imperata faceret. Docuimus an-
 tea quid celeritas Cæsaris effecerit: hſc etiam
 multo plenius intelligitur. Eodem die oppu-
 gnati & expugnati sunt Gomphi: Huius cele-
 ritatis terrore permouetur tota Thessalia sese'q;
 dedit: sic vno die innumerabiles vrbes in vna
 vrbe captæ sunt: Ac si propter latitudinem fos-
 se muri'que altitudinem repentino impetu

vrbs expugnari non possit, vineis actis, agger
 re iacto, turribus constitutis oppugnatur: Vi-
 neæ autem, machina est lignea, crudis coriis in-
 texta vndique, lata pedes octo, alta septem, lō-
 ga sexdecim, sub qua milites tecti, ad murum
 accedunt: agger aggestus lapidibus, terra, cra-
 tibus cumulus. Turres ambulatoriæ sunt, qua-
 rum imâ parte aries ad subruendum, falxq; ad
 distrahendum murum educitur: mediâ, pons
 aditum in urbem facit, summâ sagittarij & fun-
 ditores, muro propugnatorem deſciunt. Ma-
 gnitudine horum operum, quæ neque vide-
 rant antè Galli, neque audierant, & celeritate
 Romanorum permoti Sueſſiones, Nouiodu-
 num oppidum dediderunt, vt est libro secun-
 do. Aliquando circumuallatur pariter & op-
 pugnatur oppidum, vt contra Aduaticos li-
 bro secundo, quorum oppidum egregiè natu-
 râ munitum, ex omnibus in circuitu partibus
 altissimas rupes deſpectuſque habebat: vna
 ex parte leniter accliuſ aditus in latitudinem
 non amplius ducentorum pedum relinqueba-
 tur, quem locum duplici altissimo muro mu-
 nierant, tum magni ponderis saxa & præacu-
 tas trabes in muro collocarant: Hoc oppidum
 Cæſar vallo duodecim pedū, in circuitu quin-
 decim millium crebrisque caſtellis circummu-
 nit, deinde vineæ aguntur, agger extruitur,
 turris conſtituitur, quam vbi moueri & ap-
 propinquare muris viderunt, nouâ atq; inuli-
 tatâ

tatâ specie commoti, legatos ad Cæsarē de pace miserunt, qui ad hunc modum locuti, Non se existimare, Romanos sine ope deorum, bellum gerere, qui tantæ altitudinis machinationes tantâ celeritate promouere & ex propinquitate pugnare possent, se suâque omnia eorum potestati permittere dixerunt: Sic difficillimo & durissimo hyemis tempore oppida Senonum, Carnutum, Biturigum capta sunt, ut est libro septimo. Atque in imprimis oppidis capiendis celeritas illa prorsus admirabilis fuit: Cæsar Vellaunodunum Senonum oppidum biduo circumualluit, tertio die missis ex oppido legatis de deditioe, arma conferri, frumenta produci, sexcentos obsides dari iubet: ea qui conficeret C. Trebonium legatum relinquit. Interea Genabum Carnutum capit & incendit: Sic nondum captâ vrbe, vrbs alia tamen capitur, nec vlla temporis occasio, tanta celeritas ducis est, non arripitur: Itaque protinus Cæsar Nouiodunum, Biturigum, armis, equis, obsidibus acceptis dimittit, ut hac horribili celeritatem reliquas res conficeret, quâ plerâque erat consecutus. Hinc Auaricum cepit oppugnari, oppidum in Biturigum finibus maximum & munitissimū atque agri fertilissimâ regione propè, ex omnibus partibus, flumine & palude circumdatum vno & per angusto aditu: Hæc autem palus magna fuit, ut quæ perpetua inter Cæsaris & Vercingetorigis

castra intercederet. Ad huius urbis oppugnationem Cæsar decem legiones habuit præter auxilia sociorum: ordo & cohortatio non defuere. Hostis loco superior erat: Itaque locus oppugnantibus labore illo castrensi equandus fuit. Castris igitur ad illum urbis aditum positis, Cæsar aggerem apparare, vineas agere, turres duas constituere coepit: circumvallare autem loci natura prohibebat. Interea summam difficultatem rei frumentariæ (quod Galli circumquaque omnia incenderant & magnis copiis Romanos frumentatione prohibebant) affectus est Cæsaris exercitus: famem tamen (ut antè proposui) quam rei infectæ ignominiam ferre maluit. Labor in fabricandis machinis antè fuit, hæc etiam fames toleratur: tertia difficultas ab oppidanis oritur: Itaque cum muro turres appropinquant, singulari Romanorum virtuti, consilia cuiusque modi Gallorum occurrunt: Nam & laqueis falces, & arietes auerrebant, quas cum distinuerant, tormentis introrsus reducebant & aggerem cuniculis subtrahebant. Totum autem murum ex omni parte turribus contabulauerant, atque has corijs intexerant, cum crebris diurnis nocturnisque eruptionibus, aut aggeri ignem inferebant, aut milites occupatos in opere adoriebantur, & Romanarum turrium altitudinem quantum has quotidianus agger expresserat, commissis suarum turrium malis adæquabant, & apertos cuniculos

los præusta & præacuta materia & pice ferue-
 tacta & maximi ponderis saxis morabantur,
 mœnibusque appropinquare prohibebant.
 Muri autem compositi trabibus & lapidibus
 ficerant, ut facile & ab incendio lapis & ab arie
 materia defenderet. His tot rebus impeditâ
 oppugnatione Romani cum toto oppugna-
 tionis tempore, frigore & assiduâ imbribus
 tardarentur: tamen continenti labore, omnia
 hæc superauerunt, & diebus viginti quinque,
 aggerem, cui nempe turre imponderentur, la-
 tum pedes trecentos viginti, altum pedes o-
 ctoginta extruxerunt. Sed labor hic est mili-
 tum. Quid Cæsar, laboris ne huius expers fuit?
 Cum agger murum hostium penè continge-
 ret, Cæsar ad opus, consuetudine excubabat,
 militesque cohortabatur ne quod omnino
 tempus ab opere intermitteretur: Nec tamen
 oppidanorum inertia, interea vlla fuit, sed to-
 tam noctem, acerrima dimicatio: paulum an-
 te tertiam vigiliam est animaduersum fuma-
 re aggerem, quem cuniculo hostes succende-
 rant: eodemque tempore toto muro clamo-
 re sublato, duabus portis ab utroque latere
 turrim, eruptio fiebat: Alij faces atque aridam
 materiam de muro in aggerem eminens iacie-
 bant: picem reliquasque res, quibus ignis ex-
 citari potest, fundebant, ut quod primum curre-
 retur, aut cui rei ferretur auxilium vix ratio i-
 niri posset. Quid igitur? quæ Cæsaris disci-
 plina,

plina, quís ordo in partitíone tanti laboris híc fuit: instituto Cæsaris, duæ semper legiones pro castris excubabant, plurésque partitis temporibus in opere erant, vnde celeriter factum est vt alij eruptionibus resisterent, alij turres reducerent aggerémque interscinderet: omnis verò ex castris multitudo ad restinguendum concurreret. Cùm in omnibus locis consumpta iam reliqua parte noctis pugnaretur, semperque hostibus spes victoriæ redintegraretur, eò magis, quòd deüstos turrium pluteos (quibus tecti milites antè turres præliabātur) videbant, nec facile adire apertos ad auxiliandum animaduvertebant, semperque ipsi recentes defensis succederent, omnémque Galliæ salutem in illo vestigio temporis positam arbitrarentur. Accidit inspectanti Cæsari, quod dignum memoriâ visum prætermittendum nō existimauit. Quidam ante portam oppidi Galus, per manus seui ac picis traditas glebas in ignem è regione turris proijciebat, scorpione ab latere dextro traiectus exanimatusque cōcidit: hunc ex proximis vnus iacentem transgressus, eodem illo munere fungebatur, eadē ratione ictu scorpionis exanimato alteri succelsit tertius & tertius quartus, nec ille prius est à propugnatoribus vacuus relictus locus, quā restincto aggere atq; omni parte summotis hostibus, finis est pugnandi factus. Hæ igitur oppugnatio Romanorū Gallorumq; propugna-

io, fuit, virtute animorum vtrinque permagna,
 at machinarum artificio, at constantia laboris
 collataque nequaquam pari: Et Vercingeto-
 rigis, qui castra collata castris Cæsaris habebat,
 permagnus error hic fuit, (vt ex oppugnatione
 Alexiæ cognoscetur) quod Romanos in gra-
 uissima noctis illius dimicatione, à tergo non
 sit adortus: nec enim tum omnis multitudo è
 castris ad restinguendum concurrisset, si hostis à
 tergo castra ipsa oppugnasset. Itaque omnia ex-
 perti Galli, quod res nulla successerat, postero
 die consilium coeperunt ex oppido profugere,
 hortante & iubente Vercingetorige: Id silen-
 tio noctis conati, non magna iactura suorum
 sese effecturos sperabant, propterea quod ne-
 que longe ab oppido castra Vercingetorigis
 aberant, & palus, quæ perpetua intercedebat
 Romanos ad insequendum tardabat, iamque
 hoc facere noctu apparabant, cum matres fa-
 milias repente in publicum procurrerunt, flen-
 tesque proiectæ ad pedes suorum, omnibus
 precibus petierunt ne se & communes liberos
 hostibus ad supplicium dederent, quos ad ca-
 piendam fugam natura & viriû infirmitas im-
 pediret: vbi eos perstare in sententia viderunt,
 quod plerumque in summo periculo timor mi-
 sericordiam non recipit, cōclamare & significa-
 re de fuga Romanis coeperunt: quo timore per-
 territi Galli, ne ab equitatu Romanorum viæ
 preoccuparetur, consilio destiterunt. Hanc for-

tuna Cæsari occasionem dedit vt hostes domestico vxorum suarum bello grauius vrgeretur quàm hostium externo. Hic Auaricensium error Vercingetorigis errore non minor est in loco oppugnationi hostium proposito, inutilem bello, imò, vt res ipsa docet, perniciosam multitudinem habere: hæc enim multitudo in eum locum conijci debuit, quo hostibus aditus non esset, vt de Neruijs antea dictum est. Ergo pretium erroris huius, Auarici exitium fuit: sed fortuna multo maiorem e cœli tempestate occasionem dedit, neque Cæsaris vigilantia hæc dormiuit: sed & vtramque celeriter arripuit: simulationis etiam dolum addidit oppidumque capit. Postero igitur die Cæsar promotæ turri perfectisque operibus quæ facere instituerat, magno coorto imbri, non inutilem hæc ad capiendum consilium tempestatem arbitratu est, quod paulo incautius custodias in muro dispositas videbat suosque languidius in opere versari iussit, & quid fieri vellet ostendit, legiones intra vineas in occulto expeditas cohortatus, vt aliquando pro tantis laboribus fructum victoriæ perciperent: ijs qui primi murum ascendissent præmia proposuit, militibusque signum dedit: Illi subito ex omnibus partibus euolauerunt murumque celeriter compleuerunt: Sic per occasiones illas captum est Auaricum. Sed attende reliquam Cæsaris disciplinam, desperatis non pugnam, sed fugam offeretis: Hos

res enim re nouâ perterriti muro turribus' quæ
 deiecti, in foro ac locis patentioribus cunea-
 tim constiterunt hoc animo, vt si qua ex parte
 obuiam contraueniretur, acie instructâ depu-
 gnarent. Hic Cæsar suos continet, Scipionis
 laudatam illam sententiam memoriâ tenet, ho-
 stibus quâ fugerent viam esse faciendam: Ita-
 que Galli vbi neminem in æquum locum sese
 demittere, sed toto vndique muro circumfun-
 di viderunt, veriti ne omnino spes fugæ tolle-
 retur, abiectis armis vltimas oppidi partes
 continenti impetu petiuerunt: victoriæ fru-
 ctus hic acerbior fuit, pars' que ibi cum, angu-
 sto exitu portarum se ipsi premerent, à militi-
 bus, pars iam egressa portis ab equitibus est in-
 terfecta, nec fuit quisquam qui prædæ stude-
 ret: Sic & Genabensi cede quâ Romani cæsi fue-
 rant à Carnutibus & labore operis incitati,
 non ætate cōfectis, non mulieribus, non infan-
 tibus pepercerunt: hic alterum erroris illius est
 pretium, imbellis nempe multitudo hostilem
 rabiem sanguine suo satiauit: Denique ex om-
 ni eo numero, qui fuit circiter quadraginta mil-
 lium, vix octingenti, qui primo clamore audi-
 to se ex oppido eiecerant, incolumes ad Ver-
 cingetorigem peruenerunt. Sic igitur oppugna-
 tum est à Romanis & expugnatum Auaricum
 incredibili legionariorum labore non bellan-
 do tantum, sed multo magis fodiendo, mate-
 riando, fabricando, loci' que interioris muni-
 tionem,

tionem, munitione exterioris atque opere exequando, frigora, imbres, famē denique constantissimè tolerādo : quibus tot malis subleuādis, egregia ducis cohortatio plurimum valuit, sudoris & algoris particeps fuit, premia fortibus viris proposuit: fructus victoriæ fuit, vt summa copia frumenti commeatusq; reliqui exercitum ex labore atque inopia reficeret amplissimaq; prædā ditaret, atque hyeme nondum cōfectā hostes tanto detrimento frangeret. Auarici oppugnatio magna fuit, sed & difficultate oppugnantium & constantia propugnantium non minor æstimanda Vxelloduni oppugnatio. Vxellodunum Cadurcorum erat oppidū egregiè naturā loci & in partes omnes, præruptissimis saxis munitum, quo defendente nullo: tamen armatis ascendere esset difficile: Flumen infimam vallem diuidebat totumq; penè montem cingebat: atque ita infimis montis radicibus ferebatur, vt nullam in partem depressis folsis deriuari posset: A' Drapete Senone & Lucterio Cadurco occupatur. Caninius Cæsaris legatus trinīs excelsissimo loco castris obsidet & ab his vallum in oppidī circuitum ducere operibusq; cingere instituit: Drapes & Lucterius ne fame opprimerentur, frumentationis causā cum parte copiarum exeunt. A' Caninio vterq; separatim fusus est: oppidani tamen animo constanti resistunt. Cæsar huc profectus, cum magnā frumenti copiam oppidani abundarent,

ent, nec vlla conditione adduci possent, aquâ
prohibere eos instituit, vt quos neq; armis, ne-
que fame potuerat, siti domaret: sed flumen a-
pertere loci natura prohibebat: Erat autem op-
pidanis difficilis & præruptus eò descensus, vt
prohibentibus Romanis sine vulneribus ac pe-
riculo vitæ neque adire flumen neque arduo
se recipere possent ascensu. Quâ difficultate eo-
rum cognitâ hîc eminens prælium factum est,
aduersus oppidanos. Cæsar sagittarijs fundi-
toribusque dispositis, tormentis etiam, qui-
busdam locis contra facillimos descensus col-
locatis aquâ fluminis prohibebat oppidanos.
Sic aqua fluminis erepta est: At fontis aqua su-
pererat, quod omnis postea multitudo aquatim
conueniebat: sub ipsius enim oppidi murum
magnus fons aquæ prorumpebat ab ea parte
quæ ferè pedum CCC. interuallo fluminis cir-
cuiu vacabat. Hoc fonte prohiberi posse op-
pidanos cum optarent reliqui, Cæsar vnus vi-
deret, castrensis labor ille oppidorum expu-
gnator reuocatus est: non sine magno periculo
regione eius fontis vineas agere aduersus mō-
tem & aggeres instruere Cæsar cœpit magno
cum labore & continuâ dimicatione: Oppida-
ni enim, loco superiore decurrunt & eminens si-
ne periculo præliantur multosque pertinaci-
ter succedentes vulnerant: non deterrentur
tamen milites Romani vineas proferre, & la-
bore atque operibus, locorum vincere diffi-
cultate

cultates: noui præterea laboris artes adhibent,
eodemq; tempore tectos cuniculos agunt ad
caput fontis, quod genus operis sine vlllo peri-
culo & sine suspitione hostium facere licebat.
Extruitur agger in altitudinem pedum nouē,
collocatur in eo turris decem tabulatorum, nō
quidem quæ mœnibus equaretur (id enim nul-
lis operib. effici poterat) sed quæ superare fon-
tis fastigium posset. Hic verò sit operis præcium
turris altitudinem decem tabulatis erectam cō-
siderare, non vt aries primo tabulato murum
subrueret, aut secundo, pons aditum in urbem
faceret: sed tantum, vt summis tabulatis libra-
tor & iaculator, aquatione oppidanos inter-
cluderet. Ergo ex ea turri cum tela tormentis
iacerentur ad fontis aditum, nec sine periculo
possent aquari oppidani, non tantum pecora
atque iumenta, sed etiam magna hominū mul-
tudo, siti consumebatur: Nec tamen tanto
malo obsessi, vllam deditionis mentionem fa-
ciunt, sed cupas seuo pice, scandulis complent,
eas ardentes in opera prouoluunt. Eodem
tempore acerrime præliantur, vt ab incendio
restituendo dimicationis periculo deterreant
Romanos. Magna repente in ipsis operibus
flamma existit: Quæcunque enim per locum
præcipitem missa erant, ea vineis & aggere
suppressa, comprehendebant id ipsum quod
morabatur: Milites contra Romani, quan-
quam periculoso genere prælii loco'que ini-
quo

quo premebantur : tamen omnia fortissimo sustinebant animo. Cohortatio vtrunque non deerat : Res enim gerebatur & excelso loco & in conspectu omnium, magnusque vtrunque clamor oriebatur, ita ut quisque poterat maxime insignis, quod notior testatorque virtus eius esset telis hostium flammæque se offerebat. Mirari lubeat in tanta rerum propè desperatione Cæsaris ingenium : præruptissimum montem cernebat, & quod etiam si nemo defenderet, armatis ascendere difficillimum esset : attamen cum complures suos vulnerari videret, ex omnibus oppidi partibus cohortes montem ascendere & simulatione mœnium occupandorum clamorem undique iubet tollere. Quo facto perterriti oppidani, cum quid ageretur in locis reliquis essent ignari, reuocant ab impugnandis operibus armatos murisque disponunt. Ita Romani sine prælii facto, celeriter opera, flammâ comprehensa partim restinguunt, partim interscindunt. Cum pertinaciter resisterent oppidani, magna etiam parte suorum sic amissa, in sententia permanebant. At postremum cuniculis, venæ fontis interscissæ sunt atque auersæ : quo facto, fons aquæ perennis exaruit, tantamque attulit oppidanis, salutis desperationem, ut id non hominum consilio, sed deorum voluntate factum putarent. Cuniculorum artes videlicet ignorabant, ut Sueſiones, ut Aduatici machinas ambulantium tur-

rium: Itaque religione deorum tacti & necessitate coacti, se tradiderunt. Sed ista similis deorum religio necessitasque Cæsarem aquâ similiter Alexandriæ interclusum nihil tetigit, nihil coegit, ut postea dicitur, quin militem animis ad fodiendos puteos incitatis, magnam vna nocte vim aquæ dulcis inueniret. Hic igitur simplicitatis error Gallorum animos ad deditiorem induxit, in qua non multo mitior Cæsar fuit, quam Cæsaris milites in Auaricensi expugnatione fuerant: Omnibus enim qui arma tulerant, manus præcidi, vitamque concessit, quod testatior esset eorum poena: hunc enim victoriae fructum sibi statuit, ut exemplo supplicii Gallos imposterum deterreret, quod minus se tali constantiâ in libertatem vindicarent. Sed in hoc contentionis dimicationisque genere non omnia Cæsari secunda successerunt: duplex enim ad Gergouiam & ad Dyrrhachium detrimentum & discessus vtrinque turpis accidit. Gergouia posita in altissimo monte (à cuius ima valle ascensus recta regione si nullus amfractus intercederet, mille ducentis passus ad muros aberat) omnes aditus difficiles habuit: à medio ferè montis in longitudinem ex grandibus saxis sex pedum vallum Galli produxerant: urbi duo præterea monte adiungebantur, alterius dorsum propè equum & angustum, quâ esset aditus ad alteram partem oppidi: alter mons è regione urbis ex omni parte circumcisus.

Galli igitur & urbem & urbis dimidium superiorem montem & adiunctos montes milibus armatis compleverāt nec vllum ferē diem intermittebant, quin equestri prēlio interiectis sagittarijs, quid in quōque esset animi ac virtutis suorum periclitarentur: Cēsar perspecto urbis situ, si alterum illum montem, qui ē regione urbis teneret, se & aquę magnam partem & pabulationem liberā hostibus erepturum putabat. Silentio itaque noctis priusquā subsidium ex oppido venire posset, præsidiū Gallorum deiecit ibi que legiones duas collocat, ac fossam duplicem duodenuū pedum a maioribus castris ad hæc maiora perducit, ut toto a repentino hostium incursu etiam singuli commere possent. Ergo hic Cēsaris ad Gergouiam duobus successit, vnde binis castris Gergouia obsideri cœpta est. Interim Cēsar ad Heduorum decem millia quæ ad hostem deficere dicerentur, retinendum, subito ē castris ad viginti quinque millia passuum egreditur, castraque ipsa summis Gallorum copijs oppugnata, ægerrimē cum viris tum tormentis defensa sunt: Ac nisi Cæsar postridie, pari celeritate recurrisset, actum de castris Cæsaris videbatur. Hæc prima Cæsari plaga fuit, vnde huius expeditionis eum pœnitere cœpit. Sed cogitanti quemadmodum integrā famā discederet, accidere visa est facultas bene gerendæ rei: Montis illius oppido continentis iugum

studio-

studiosius solito à Gallis defendebatur. In spem
inde venit potiundorum castrorum, quæ me-
dio vrbis monte muniebantur: Itaque alterum
dolum meditatatur, ac tanquam iugum illud ex-
pugnaturus omnibus copiis esset, mittit com-
plures equitum turmas eò de mediâ nocte: his
imperat ut paulò tumultuosius omnibus in lo-
cis peruagentur. Prima luce magnum nume-
rum impedimentorum ex castris detrahi mu-
lionesque cum castris, equitum specie ac
simulatione collibus circumuehi iubet: his
paucos addit equites qui latius ostentationis
causâ vagarentur: longo circuitu, easdem om-
nes iubet petere regiones. Hæc procul ex op-
pido videbantur, ut erat à Gergouia despe-
ctus in castra: neque tanto spacio, certi quid
esset, explorari poterat. Legionem vnam eo-
dem iugo mittit, & paulum progressam, infe-
riore constituit loco syluisque occultat. Au-
getur Gallis suspicio, atque omnes illò muni-
tionum copiarum traducuntur. Vacua castra ho-
stium Cæsar conspiciat, tectis insignibus
suorum occultatisque signis militibus, ra-
ros milites, ne ex oppido animaduernerentur,
ex maioribus castris in minora traducit, le-
gatisque quos singulis legionibus prælece-
rat, quid fieri vellet, ostendit. Præcipit ut celeri-
tate summa in munitiones perumpantque
direptis, signo dato redeant: Heduos etiam de-
extra parte alio ascensu mittit: Signo dato, mi-
lites

lites celeriter munitionem transgressi, trinis ca-
 stris potiuntur, ac tanta fuit in castris capiēdis
 celeritas vt Theutomatus rex Nitiobrigum su-
 bito in tabernaculo oppressus, vt meridie con-
 quieuerat, superiore corporis parte nudata,
 vulnerato equo vix se ex manibus prædantiū
 militum eriperet. Consecutus id quod animo
 proposuerat Cæsar, receptui canit, legio decima
 constitit: reliquæ non exaudito tubæ sono
 non prius sequendi finem fecerunt, quàm mu-
 ro oppidi portis' que appropinquarunt. Tum
 verò ex omnibus vrbis partibus orto clamo-
 re, Galli qui longius aberant, repentino tu-
 multu perterriti, cum Romanos intra portas
 esse existimarent, sese ex oppido eiecerunt, ma-
 tres familiās de muro vestem argentum' que iā
 stabant & pectore nudo prominentes, passis
 manibus obtestabantur Romanos, vt sibi
 parcerent, neu sicut Auarici fecissent, ne mu-
 lieribus quidem atque infantibus abstinerent,
 nonnullæ de muro per manus demissæ, sese
 militibus tradebant. Auaricum monuit an-
 tea quantæ simplicitatis esset, imbellem mu-
 lierum turbam in obsessis oppidis habere, Ger-
 gouia rursus idem admonet. L. Fabius centu-
 rio legionis octauæ, quem inter suos eo die di-
 xisse constabat, excitari se Auaricensibus præ-
 mijs, neque commissurum vt prius quisquam
 murum ascenderet, tres suos nactus manipu-
 lares atque ab his subleuatus, murum ascen-

dit: hos ipse rursus singulos exceptans, in murum extulit. Interim ij qui ad alteram partem oppidi vt suprà demonstrauius, munitionis causâ conuenerant, primo exaudito clamore, inde etiam crebris nuntijs incitati, oppidum à Romanis terreri, præmissis equitibus magno concursu eò contenderunt. Eorum vt quisque primus venerat, sub muro consistebat suorumque pugnantium numerum augebat: quorum cum magna multitudo conuenisset, matres familias, quæ paulò antè Romanis de muro manus tendebant, suos obtestari & more gallico passum capillum ostentare liberosque in conspectum proferre cœperunt: Erat Romanis nec loco nec numero æqua contentio: simul & cursu & spatio pugnae defatigati, non facile recentes atque integros sustinebant. Cæsar fremens frendensque legionariorum suorum cædem spectabat. Ecce etiam nouus ab Heduis terror è similitudine Gallicorum armorum: Nam tametsi dextris humeris exertis animaduvertebantur, quod insigne pacatis esse consueuerat: tamen id ipsum sui fallendi causâ Romani ab hostibus factum existimabant: Itaque Fabius centurio quiq; vnà murum ascenderant, circumuenti atque interfecti, de muro præcipitantur: reliqui in munitiones ingressi quadraginta sex centurionibus amissis loco deiciuntur: eoque die milites sunt paulò minus septingenti desiderati (ait Cæsar) At quadraginta

draginta sex centuriones, militum millia quatuor & sexcentos ducebant : Itaque pudorne Cæsaris an dolor, an alia quædam ratio cæsorum numerū minuerit, considerato. Certè Cæsar aliud subsidium summittere laborantibus nullum potuit, quàm vt Gallos intolerantiùs insequentes, religionibus ad radices montis tardaret. Ergo hæc Cæsari ad Gergouiam altera plaga fuit, quâ præsens totos Gallici belli annos grauiorem nullam acceperat, quâque Gergouię oppugnationem dimittere coactus est. Scio Cæsarem nullo vsquam loco tam sollicitè egisse, vt facti culpā à se auerteret: de expugnatione desperauerat (ait) de obsessione non prius agendum constituerat, quàm rem frumentariam expediret: & tamen oppugnat & obsidet, concione aduocatâ, militum temeritatem, licentiam, arrogantiam contra Imperatoris sui mandatum reprehendit, quod sibi iudicauissent quò procedendum aut quid agendum videretur, neque à signo recipiendi sui dato constitissent, neque à Tribunis militum legatis'que retineri potuissent. Cæsar acceptæ cladis causas apertè commemorat, nec numero, nec loco contentio par erat, ordo non deerat, non deerat alacritas & cohortatio, sed numerus, sed locus deerat: At tamen ne milites admodum admitterentur animo, laudem quandam & consolationem huic reprehensionì adiunxit, quòd eorum virtutem

admiraretur, quos non castrorum munitiones,
 non altitudo montis, non murus oppidi tardā
 re potuisset, nec eos hostium virtute, sed cursu
 & spacio defatigatos, loci iniquitate victos ef-
 se. Toto belli Gallici tempore bis tantum acci-
 dit, vt legiones à Cæsare reprehendi possent,
 semel contra Ariouistum propter timorem, i-
 terum ad Gergouiam propter audaciam: Illic
 Cæsar adhortationis confirmationem perma-
 gnā adhibuit: Atque hīc ad milites impen-
 sius confirmandum, & gallicam ostentatio-
 nem minuendum, continuo biduo legiones e
 castris eduxit aciemque idoneo loco consti-
 tuit, cumque Galli nihilo magis in æquum lo-
 cum descenderent, castra mouit: inde ad Ale-
 xiam ignominia huius nota deleta est, vt po-
 stea cognoscetur. Hæc igitur ad Gergouiam
 detrimenta Cæsari contigerunt, quibus ad
 Dyrrhachium similia sunt accepta: Vbi tamen
 Cæsaris singularem militiam operæ precium
 sit animaduvertere: Cæsar ad Dyrrhachium lon-
 gius bellum ductum iri existimans & de Itali-
 cis comitatibus desperans, consilium capit
 ex loci natura. Erant circum castra Pompei
 permulti editi atque asperi colles, ibi castella
 communiūt, indeque ex castello in castellum
 perducta munitione, circumuallare Pompe-
 ium instituit, vt com metu & pabulatione, sed
 imprimis authoritate minueret, cum fama per
 orbem terrarum percrebuisset Pompeium à
 Cæsare

Cæsare obsideri; neque tamen audere prælio de-
certare: At fortunam tentandam sibi Pompe-
ius nequaquam statuebat: Itaque castellis vi-
ginti quatuor contra Cæsarem effectis, quin-
decim millia passuum circuitu complexus est, ut
Cæsaris copias quàm maxime distineret, &
hoc spatio pabularetur. Cæsar contra, ut obli-
dionem retineat, octodecim millia passuum o-
pere complectitur. Eheu posteri, nunquid i-
sta ridicula aut falsa iudicamus? duo terrarum
Imperatores summi bellum acerrimum gra-
uissimum que gerunt, ratione prorsus novâ &
inusitatâ: Cæsar complecti Pompeium con-
tendit, Pompeius quàm latissime potest, toto
corpore dilatatur, ne brachijs Cæsaris com-
prehendi possit: Cæsar tamen conari non de-
sistit, brachia nervis omnibus distendit, ob
eamque causam prælia sagittis præsertim ad
munitiones occupandum vel tuendum vtrin-
que perpetua fiebant: quia vno die sex prælia
facta, tria ad Dyrrhachium, tria ad munitio-
nes maiore Pompeianorum cæde: Ac quicum-
que alterum est adortus, is ferè repulsus detri-
mento que magno affectus est. Pompeiani fru-
mento maris subuectionibus abundabant; ve-
rùm pabulatione & aquæ dulcis inopiâ, flumi-
nibus & riuis per Cæsarianos aut auersis aut
obstructis, quotidianis que laboribus, homi-
nes operum talium insueti, magnum nume-
rum iumentorum & hominum amittebant:

Cæsariani frumento egebant: At egestatis patientiâ, sicut antea dixi, longè superiores erant: vulgò in vigiliarum colloquijs iactabant, se prius cortice ex arboribus victuros, quàm Põpeium è manibus dimitterent. Ergo patientiæ certamen istud est, vter sitim, vter famem & in perpetuis operibus laborẽ constantius tulerit, is victoriam reportet. Cæsar quotidie exercitu producto, Pompeium ad prælium prouocat: Pompeius, vt famam retineat, pro castris exercitum constituit: Cæsar, vt angustiore pabulatione Pompeium contineret, castella noua magnis operibus communit, vnde factum vt Põpeiani solijs arborum & teneris arundinum radicibus contusis, equos alere cogerentur. Hæc inquam mirabilis pugna Cæsaris fuit fossarum, castellorum, munitionum, imò famis & egestatis durissimo certamine, quo si vti perseverasset, victus sine gladio Pompeius esset: At plagarum insolens, dum cupidius ad vindictam properat, institutam illam nouæ victoriæ palmam perdidit. Pompeius indicio perfugarum, Cæsaris imperfectas munitiones ingressus, centuriones primæ cohortis ferè omnes interfecit magnamque præterea cædem fecit: ac ni tum Antonius primùm, tum Cæsar auxilio accurrissent, multò maius detrimentum intulisset: Hæc prima Cæsaris Dyrrhachina clades fuit, cuius sarcientiæ causâ Cæsar eodem temporis puncto quàm potuit occultissimè

mè progressus in Pompeij castra primò maiora, deinde minora irrumpit, & in his victor versatur. Sed fortuna, quæ plurimum potest cum in reliquis rebus, tum præcipuè in bello parvis momentis magnas rerum commutationes efficit (ait Cæsar fortunam cladis velut ream faciens) Cæsariani in minoribus castris Pompeij dum munitiones quasdam sequuntur, à porta aberant: Interim Pompeius subsidio suis occurrit, omnia' que subito mutantur: equitatus Cæsaris initium fugæ facit, dextrū cornu in fossam decem pedū sese præcipitat, primisq; oppressis, reliqui per eorum corpora salutem sibi atq; exitum pariebant: Sinistrum cornu eodem quo venerat receptu sibi consulit, omnia' que erant tumultus, timoris, fugæ plena, adeo, vt cum Cæsar signa fugientium manu prehenderet & consistere iuberet, alij dimissis equis eundem cursum conficerent, alij ex metu etiam, signa dimitterent, neque quisquam omnino consisteret. Atque hic locus videtur esse, vbi aquilifer moranti Cæsari, cuspide comminatus est, vt ait Suetonius. Cæsar igitur eo tempore fugere coactus est: sed tantis malis hæc subsidia succurrerunt quò' minùs omnis deleretur exercitus, quòd Pompeius insidias timens (credo, quòd hæc præter spem eius acciderant, qui paulò antè ex castris fugientes suos conspexerat) munitionibus appropinquare aliquandiu non audebat, equitēs-

que eius angustis portis, atq; his à Cæsaris militibus occupatis, ad insequendum, tardabatur. Ita parua res magnum in vtramq; partem momentum habuerunt: Munitiones enim à castris ad flumen perductæ, expugnatis iam castris Pompeij, propriam & expeditam Cæsaris victoriam interpellauerunt, eadem res celeritate insequentium tardata Cæsarianis salutem attulit. Duobus his vnus diei prælijs, Cæsari desiderati sunt milites nongenti & sexaginta, & noti equites Romani quadringenti: Hæc secunda Cæsaris clades fuit, vbi (si verum Suetonius ait) negauit Cæsar Pompeium scire vincere, qui tantam occasionem secutus non esset: Sed vt Gergouiensi, sic Dyrrhachino malo magna medicina adhibita est: primum consolationis quod antea secundæ res multæ contigissent, hanc vnâ fortunam industriâ & virtute esse subleuandam: quod si esset factum, detrimentum in bonum verteret, vti ad Gergouiam accidisset: tum animaduersionis de signiferis notatis, de quibus antè dixi: Itaque sarcienti detrimenti cupiditas incredibilis, vt Pharsalico bello dictum est, inde extitit: Sed tamen Gergouia & Dyrrhachium testimonia præbebunt quamlibet magnis Imperatoribus non semper ex animi sententia res secundas euenire,

PROPUGNATIO.

ATque hæc oppugnationum Romanarum exempla sunt, propugnationum contraria exempla subducamus. Oppugnata ad Gergouiam castra Cæsaris diximus & tormentis præcipue propugnata: Bibrax secundo libro sagittarijs & funditoribus aduersus Belgas defenditur: Castra, tum Q. Ciceronis, tum Cæsaris ad Ciceronem liberandum profecti oppugnantur, sed Ciceronis multo vehementius & oppugnantur & propugnantur: Nam cum subito Neruij, quorum erant sexaginta millia, oppugnare cœpissent, Romani (quorum vnica erat legio) celeriter ad arma concurrunt vallumque conscendunt, atque ægre is dies sustinetur: Mittuntur ad Cæsarem confestim à Cicerone literæ, magno tabellaris proposito premio, sed obsessis omnibus vijs, missi intercipiuntur: propugnationis interim arma expediuntur: noctu ex ea materia, quam munitionis causâ comportauerant, turres admodum centum viginti à Romanis excitantur incredibili celeritate: quæ deesse operi videbantur, perficiuntur: hostes postero die multo maioribus copijs coactis, castra oppugnant, fossam complent: à Romanis eadem ratione quâ pridie, resistitur. Hoc idem deinceps reliquis fit diebus: Romanorum manus perexigua erat: Itaque vigilantia & labore & machinarum artificio subleuanda. Nulla igitur pars nocturni temporis

poris ad laborem intermittitur, non egris, non vulneratis facultas quietis datur. Quæcunq; ad proximæ diei oppugnationē opus sunt, noctu comparantur, multæ præustæ sudes, magnus muralium pilorum numerus instituitur, turres contabulantur, pinnæ loricae q; ex cratibus attexuntur: ipse Cicero cum, tenuissima valetudine esset, ne nocturnum quidem sibi tempus ad quietem relinquebat, ut vltro militum concursu ac vocibus sibi parcere cogeretur. Ergo hæc tridui oppugnatio & propugnatio fuit. Interim Ciceronis animus, ab hostibus frustra ad deditiōnem sollicitatur. Itaque Neruij, sicut è Romana militiā iam didicerant, omnia oppugnationis opera suscipiunt, vallo pedum vndecim & fossa pedum quindecim castra cingunt, turres ad altitudinem valli, falces testudines que parare ac facere cœperunt. Septimo oppugnationis die, maximo coorto vento feruentes fusili ex argilla glandes fundis, & feruefacta iacula in casas, quæ more gallico stramentis erant tectæ, iacere cœperunt: hæc celeriter ignem comprehenderunt, & venti magnitudine, in omnem castrorum locum distulerunt. Hostes maximo clamore insecti quasi partâ iam atque exploratâ victoriâ, turres testudines que agere, & scalis vallum ascendere cœperunt. Hic grauis oppugnatio instituitur, sed nec minor propugnatio comparatur. Tanta enim Romanorum virtus atque

que ea præsentia animi fuit, vt cum vndique
 flammâ torrerentur maximaq; telorum multi-
 tudine premerentur, sua'que omnia impedi-
 menta atq; omnes fortunas conflagrare intelli-
 gerent, non modò demigrandi causâ de vallo
 decederet nemo, sed penè, ne respiceret quidē
 quisquam, ac tum omnes acerrimè fortissime
 que pugnarent. Hic dies Romanis longè gra-
 uissimus fuit: sed tamen hunc habuit euērum,
 vt eo die maximus numerus hostium vulne-
 raretur atque interficeretur: vt se sub ipso val-
 lo constipauerant recessum'que primis vltimi
 non dabant. Paulūm equidem intermissa flam-
 ma, & quodam loco turri adacta, & contingen-
 te vallum, tertiæ cohortis centuriones ex eo
 quo stabant loco, recesserunt, suos'que omnes
 remouerunt: ac nutu vocibus'que hostes, si in-
 troire vellent, vocare cœperunt: quorum pro-
 gredi ausus est nemo: tum ex omni parte la-
 pidibus coniectis deturbati, turris'que succensa
 est. Monuimus antea quàm liberalis in milites
 Cæsar fuerit: frumento, stipendio cæterisq; præ-
 mijs, sed maxima virtutis præmia in laude &
 gloria ponūtur, quam bene meritis militibus
 Cæsar impensè attribuit. Ergo præconium im-
 peratoris de duobus cēturionibus audiamus,
 Erant (ait Cæsar) in Ciceronis legione fortissi-
 mi viri centuriones, qui iam primis ordinibus
 appropinquarent, T. Pulvio & L. Varenus:
 hi perpetuas inter se controuersias habebant
 vter

vter alteri anteferretur, omnibusq; armis de loco, summis simultatibus contendebant, exijs Pulſio cum acerrime ad munitiones pugnaretur, Quid dubitas (inquit) Varene aut quem locum probandæ virtutis tuæ expectas: hic dies de noſtris controuerſijs iudicabit. Hæc cum dixiſſet, procedit extra munitiones & quæ pars hoſtiũ confertiſſima viſa eſt, in eam irrumpit. Ne Varenus quidem ſeſe tum vallo continet, ſed omnium veritus exiſtimationem, ſubſequitur. Tum medio criſpacio relictò, Pulſio pilum in hoſtes immittit, atque vnum ex multitudine procurrentem trañcit: quo percuſſo ex animato que hunc ſcutis protegunt hoſtes & in illum vniuerſi tela conñciunt, neque dant regrediendi facultatem, transfigitur ſcutum Pulſioni & verutũ in balteo deſigitur. Auertit hic caſus vaginam & gladium educere conantis, dextram moratur manum, impeditum que hoſtes circumſiſtunt, ſuccurrit inimicus illi Varenus & laboranti ſubuenit, ad hunc ſe cõfeſtim à Pulſione omnis multitudo conuertit, illum veruto transfixum arbitrantur, Varenus rem gladio cominus gerit, atque vno interfecto, reliquos paulum propellit. Dum cupidius inſtat: in locum inferiore deiectus concidit: huic rursus circumuento fert ſubſidium Pulſio atque ambo incolumes compluribus interfectis ſummâ cum laude ſeſe intra munitiones recipiunt: Sic fortuna in contentione &

certa-

certamine, vtrumque versauit, vt alter alteri in
 nimicus, auxilio salutis que esset, neque diiudi-
 cari posset vter vtri virtute anteferendus vide-
 retur. Quanto erat in dies grauior atque aspe-
 rior oppugnatio, & maximè quod magnà par-
 te militum confectâ vulneribus res ad pauci-
 tatem defensorum peruenerat, tantò crebri-
 ores literę nuntij que ad Cæsarem mittebantur,
 quorum pars deprehensa, in conspectu Roma-
 norum militum cum cruciatu necabatur. Erat
 vnus intus Neruius, nomine Vertico, loco na-
 tus honesto, qui à prima obsidione ad Ciceronem
 profugerat, suamque ei fidem præstite-
 rat: hic, seruo spe libertatis magnis que persua-
 det præmijs vt literas ad Cæsarem deferat, has
 ille in iaculo illigatas effert, & Gallus inter Gal-
 los sine vlla suspitione versatus, ad Cæsarem
 peruenit, ab eo de periculo Ciceronis legio-
 nis que cognoscitur. Horribilis illa Cæsaris vi-
 gilantia, celeritas, diligentia multis antea docu-
 mētis perspecta est: hic etiā potest imprimis a-
 nimaduerti: Attendamus igitur quid ipse de
 se loquatur, Cæsar acceptis literis hora circi-
 ter vndecima diei, statim nuncium in Bello-
 uacos ad M. Crassum Quæstorem mittit, cu-
 ius hyberna aberant ab eo millia passuum xxv.
 iubet mediâ nocte legionem proficisci celeri-
 terque ad se venire. Exit cum nuncio Cras-
 sus, alterum ad C. Fabium legatum mittit, vt
 in Atrebatium fines legionem adducat, quâ
 sibi

sibi iter faciendum sciebat. Scribit Labieno, si Reipub. commodo facere posset, cum legione ad fines Neruiorum veniat, reliquam partem exercitus, quod paulô aberat longius, non putat expectandâ. equites circiter quadringêtos ex proximis hybernis colligit. Hora circiter tertia ab antecursoribus, de crassi aduentu certior factus, eo die millia passuum xx progreditur. Fabius non ita multum moratus in itinere cum legione occurrit, Labienus Treuiorum bello distinetur. Cæsar etsi opinione trium legionum deiectus, ad duas redierat: tamē vnum communis salutis auxilium in celeritate ponebat, venit magnis itineribus in Neruiorū fines: ibi ex captiuis cognoscit quæ apud Ciceronem gerantur, quandoq; in periculo res sit: Tum cuidam ex equitibus Gallis, magnis premijs persuadet vti ad Ciceronem epistolam deferat: hanc græcis conscriptam literis mittit, ne intercepta epistola, Romanorum ab hostibus consilia cognoscantur, si adire non possit, monet vt tragulam cum epistola adamentum deligatâ intra munitionem castrorū adiiciat: in literis scribit, se cū legionibus profectum celeriter affore, hortatur vt pristinam virtutem retineat. Gallus periculum veritus vt erat præceptum, tragulam mittit, hæc casu ad turrim adhæsit neque à Romanis biduo animaduersa, tertio die à quodam milite conspicitur, dempta, ad Ciceronem defertur, ille

ille, perlectam in conuentu militum recitat, maximaq; omnes lætitiâ afficit. Tum fumi incendiorum, procul videbantur, quæ res omnem dubitationem aduētus legionum expulit. Adhuc oppugnatus est Tullius, deinceps Cæsar oppugnabitur. Galli recognitâ, per exploratores, obsidionem relinquunt, ad Cæsarem omnibus copijs contendunt. Hæ erant armatorum circiter millia LX. Cicero data facultate Gallum ab eodem Verticone quem supra demonstraui-
mus, repetit, qui literas ad Cæsarem deferat. Hunc admonet iter cautè diligenterq; faciat, perscribit in literis hostes ab se discessisse omnemque ad eum multitudinem conuer-
nisse: quibus literis circiter media nocte Cæsar allatis suos facit certiores eosque ad dimican-
dum animo confirmat. Postero die primâ luce mouet castra & circiter millia passuum quatuor progressus, trans vallem magnam & riuum multitudinem hostium conspiciatur. Hic verò Cæsar's ingenium singulare est in simulatione paucitatis & timoris, quò facilius in confusio-
nem & locum iniquiorem hostem adduceret, erat (ait) magni periculi res, cum tantis copijs, iniquo loco dimicare: Tunc, quoniam liberatum obsidione Ciceronem sciebat, eo-
que omnino remittendum de celeritate sciebat, consedit, & quàm æquissimò loco posuit, castra communie, atque hæc etsi erant exigua per se, vix hominum millium septem

præsertim nullis cum impedimentis: tamen angustis viarum quammaximè potest contrahit: eo cōsilio vt in summam contemptionem hostibus veniat. Interim speculatoribus in omnes partes dimissis explorat quo commodissimè itinere vallem transire possit. Eo die parvulis equestribus præliis ad aquam factis, vtrique sese suo loco continent: Galli, quòd ampliores copias quæ nondum conuenerant, expectabant: Cæsar, si fortè timoris simulatione hostes in suum locum elicere posset, vt citra vallem pro castris prælio contenderet: si id fieri posset, vt exploratis itineribus, minore periculo vallem riuum'que transiret. Primâ luce hostium equitatus ad castra accedit prælium'que cum Romanis equitibus committit. Cæsar consulto equites cedere se'que in castra recipere iubet: simul ex omnibus partibus, castra altiore vallo muniri portas'que obstrui, atque in his administrandis rebus, quam maxime concurrari & cum simulatione agi timoris iubet: quibus omnibus rebus hostes inuitati, copias traducunt, aciem'que iniquo loco constituent: Romanis vero etiam de vallo deductis! propius accedunt & tela intra munitiōnem ex omnibus partibus conijciunt, præconibus'que circummissis pronunciari iubent seu quis Gallus, seu quis Romanus velit ante horam tertiam ad se transire, sine periculo licere, post id tempus, non fore potestatem:

ac sic Romanos contempserunt, ut obstructis
 in speciem portis singulis, ordinibus cespitū,
 quod ea non posse introrumpere videbantur,
 alij vallum manu scindere, alij fossas complere
 inciperent. Tum Cæsar omnibus portis e-
 ruptione factâ equitatu'que emissio, celeriter
 dat hostes in fugam, sic ut omnino pugnandi
 causâ resisteret nemo: magnum'que ex ijs nu-
 merum occidit, atque omnes armis exuit: Lon-
 gius prosequi noluit, veritus, quod sylvæ pa-
 ludes'que intercedebant, neque etiam paruu-
 lo detrimento illum locum relinqui videbat.
 Omnibus suis incolumibus eodem die ad Ci-
 ceronem peruenit: Institutas turres, testudi-
 nes, munitiones'que hostium admiratur, Le-
 gione productâ cognoscit non decimum quē-
 que esse relictum militem sine vulnere: Ex his
 omnibus iudicat rebus quanto cum periculo
 & quanta virtute res sint administratæ: Cice-
 ronem pro eius merito, legionem'que collau-
 dat, Centuriones sigillatim Tribunos'que mi-
 litum appellat, quorum egregiam fuisse virtu-
 tem testimonio Ciceronis cognouerat. Ha-
 tenus igitur egregium Cæsarianæ propu-
 gnationis exemplum habemus, ubi loci æqui-
 tas, ordo, cohortatio, eruptione contra loci in-
 quitatem, confusionem, stultæ confidentiæ tes-
 meritatem, victoriam præclaram attulit. Lau-
 dauit Cæsar separatim PulSIONem & Vare-
 num, tandem reliquos etiam Centuriones Tri-

bunos'que militum, quorum egregiam fuisse virtutem legati testimonio cognouerat. Ergo hæc stipendia sunt laudis ab Imperatore generosis militibus longè charissima, quæ cum pecunia, veste, annona, cæterisq; stipendijs præstantium animorum iudicio comparanda nequaquam sunt. Hæc Cæsar's historia est, vnde magnam prudētiam non solum in castrorum forma videmus tanquam septem tantum milliū cum millia, viginti quatuor essent, si duæ legiones suis auxilijs essent instructæ, sed in reliquarum viarum & vniuersi timoris simulatione. Cōsilio simulationis & simili dolo vsi tum Galba contra Sedunos & Veragros in Alpibus, tum Sabinus contra Vnellos, tum Labienus contra Treuiros, victoriā similem adepti sunt. Vnum vero Cæsarianæ propugnationis strategema prætermittendum nequaquam censi. Cneius Pompeius filius Vllam oppidum Hispaniæ oppugnabat (ait Oppius) & ferè iam aliquot mensibus ibi distinebatur, quo ex oppido, cognito Cæsaris aduentu, legati clam præter præsidia Cnei Pompeij Cæsarem cum adissent, petere cœperunt, vt sibi primo quoque tempore subsidium mitteret: Cæsar eam ciuitatem omni tempore optimè de populo Romano meritam esse sciens celeriter sex cohortes secundâ vigiliâ iubet proficisci pari'que equites numero, quibus præfecit hominem eius prouinciæ notum & non parum scientem L.

Lunium

Junium Patiecum, qui cum ad Cne. Pompeij
 praesidia venisset, incidit id temporis, ut tem-
 pestate aduersa vehementi'que vento afflicta-
 retur: qua vi tempestatis ita obscurabatur ut
 vix proximum cognoscere posset: cuius incō-
 modum summam vtilitatem ipsis praebebat.
 Ita cum ad eum venerunt. iubet binos equites
 incedere, & rectā per aduersariorum praesidia
 ad oppidum contendere, medijs'que ex prae-
 sidijs, cum quaereretur qui essent, vnus ex Cae-
 sarianis respondit ut fileat, verbum facere:
 nam id temporis conari ad murum accedere
 ut oppidum capiant, & partim, tempestate im-
 pediti vigiles, non poterant diligentiam prae-
 stare: partim illo responso deterrebantur, cum
 ad portam appropinquassent, signo dato ab
 oppidanis sunt recepti, & pedites equites'que
 clamore facto dispositis ibi partim qui reman-
 sere, eruptionem in aduersariorum castra fece-
 runt: sic illud cum inscientibus accidisset, exi-
 stimabat magna pars hominum qui in castris
 fuissent, se propè captos esse. Oppugnationis
 & propugnationis exempla separatim posita
 sunt: sed Romana ad Alexiam oppugnatio pro-
 pugnatio'que longè laboriosissima omnium
 prestantissima'que fuit: Fuit autem Alexia, op-
 pidum Mandubiorum, in colle summo, admo-
 dum edito loco, cuius collis radices duæ dua-
 bus ex partibus flumina subleuebant: Ante op-
 pidum planities circiter millibus passuum tri-
 bus

bus in longitudinem patebat, reliquis ex omnibus partibus, colles mediocri interiecto spacio, pari altitudinis fastigio oppidum cingebant: huc Vercingetorix cum octoginta millibus Gallorum sese receperat, partem que collis ad orientem copijs illis compleuerat, fossam & materiam, sex in altitudinem pedum perduxerat. Cæsar ad Alexiam locis idoneis decem legionum auxiliorum que omnium quæ gallicis antè, bellis habuerat, castra posuit: Quotuplicia verò, ipse non exprimit: at res minimum bina docet fuisse: Alia enim summum vndique iugum tenebant, vnde despectus erat in omnes partes: alia ad collem, versus Septentriones loco leniter decliuu: castella præterea viginti tria fecit, quibus in castellis interdum stationes disponebantur, ne qua subito irruptio fieret. Hæc eadem noctu excubitoribus ac firmis præsidijs tenebantur: In planitie illa, primum fit equestre prælium, vbi laborantibus Romanis, Germani equites subsidio summissi & legiones pro castris præsidio constitutæ, Gallos in fugam coniecerunt. Hoc equitum subsidium, hoc legionum præsidium victoriæ causâ fuit: & victoriæ Cæsaris, vt superioribus bellis patuit, ab his causis oriuntur. Vercingetorix equitatum in omnes Galliæ partes dimittit ad omnes Gallos qui arma ferre possent cogendum: Commeatum in triginta dies parçe distribuit, atque ita auxilia Galliæ expectare constituit.

tuit. Cæsar interea Alexiam circumuallat, maximis & propè incredibilibus aduersus & interiorē & exteriorē hostem operibus, ut quoniam loco superior hostis esset, locum sibi diligentia faceret ad vincendum æqualem vel etiam superiorem. Legionarij fossores illi, materiarij, frumentarij tam multis antè exemplis laborem suum quamuis propè improbabilem, tamen probauerunt: sed hoc imprimis exemplo probare possunt: Ista enim militia tota ferè est ligonum, palarum, securium, agricolarum denique veriùs quàm militum. Cæsar igitur legionariorum opera aduersus hostem interiorē, circuitu vndecim millia passuum complexus est, fossas tres ingentes duxit, primam & vrbi proximam pedum viginti directis lateribus, ut eius solum tantundem pateret, quantum summæ fossæ labra distabant: reliquas fossas ab ea pedes quadringentos reduxit, & quinos denos pedes latas eadem altitudine perduxit: interiorē campestribus ac demissis locis aquâ ex flumine deriuatâ cōpleuit: post eas aggerem & vallum duodecim pedum extruxit: huic loricam pinnasque adiecit grandibus ceruis eminētibus ad commissuras pluteorum atque aggeris, qui ascensum hostium tardarent, & turres toto opere circundedit, quę pedes octoginta inter se distarent. Erat (ait Cæsar) eo tempore & materiari & frumentari & tantas munitiones fieri necesse, dimi-

nutis Romanis copijs quæ lōgius à castris progrediebantur & nonnunquam opera Romana Galli tentare, atq; eruptionem ex oppido pluribus portis facere summâ vi conabatur. Quare ad hæc rursus opera addendum Cæsar putavit, quò minore numero militum munitiones defendi possent: Quæ nam sunt igitur ista & aduersus quos opera? aduersus interiorem (inquam) hostem illo quadringentorum pedum interuallo triplices munitiones factæ sunt cipporum, liliorum, stimulorum. Quid igitur? quæ nam hi cippi aut cuiusmodi fuerunt? Truncis arborum, haud admodum firmis ramis abscissis atque horum delibratis ac præacutis cacuminibus perpetuæ fossæ quinos pedes altæ ducebantur. Huc illi stipites demissi & ab infimo reuincti, ne reuelli possent, ab ramis eminebant. Quini erant ordines coniuncti inter se atque implicati, quò qui intrauerant, se ipsi acutissimis vallis induebant, hos, cippos appellabant. Hoc primum genus munitionis fuit: lilia deinde definiuntur, Ante cippos obliquis ordinibus in quincuncem dispositis, scrobes, quinque in altitudinē pedum fodiebantur, paulatim angustiore ad infimum fastigio: huc teretes stipites feminis crassitudine ab summo præacuti & præusti demittebantur, ita vt nō amplius quatuor digitis, ex terra eminerent: simul confirmandi & stabilendi causâ singuli ab infimo solo, pedes tres

terrâ

terrâ exculcabantur, reliqua pars scrobis ad occultandas insidias viminibus ac virgultis integebatur. Octoni ordines ducti, ternos inter se pedes distabant: Id ex similitudine floris, liliū appellabant. Hoc igitur secundum munitio- nis genus fuit: tertium superest. Ante lilia illa, caleæ pedem longæ, ferreis hamis infixis totæ in terram infodiebantur mediocribus que in- termisis spatijs, omnibus locis differebantur, quos stimulos nominabant. Ergo hæc muni- tionum inter proximam vrbi & secundam fos- sam genera fuere, cipporum vallis acutissimis eminentium, liliorum, præustis & præacutis sti- pitibus, quatuor digitis apparentium: stimu- lorum, penitus in terram defixorum & tātūm hamis carpentium. Labores hi, permagni sunt: Attende tamen quid deinceps à Cælare commemoretur. His rebus perfectis Cæsar le- giones secutus quàm potuit æquissimas, pro loci natura, quatuordecim millia passuum cō- plexus, pares eiusdem generis munitiones, di- uersas ab his contra exteriorem hostem perfe- cit ut ne magna quidem multitudine, si ita ac- cideret, eius discessu, munitio- num præsidia cir- cumfundere possent. Incredibiles sunt illi aduer- sus interiorem hostem labores: pares tamen sunt (ait Cæsar) & eiusdem generis aduersus exteriorem hostem labores: imò verò tantò ma- iores, quantò maior ambitus fuit: vndecim millia passuum primus ambitus habuit: po-

stremus hic, quatuordecim tenuit: Ac ne materiari tantum legiones existimes, non etiam frumentari, attende quid hîc faciat. Obsidebat Gallos qui sibi in triginta dies frumentum prouidissent: Intelligebat Cæsar, se paulò post ab exterioribus hostibus obsessum iri. Quid igitur? Ne cum periculo (ait) legiones ex castris egredi cogerentur, dierum triginta, pabulum frumentumque habere omnes conuectum iubet, Commeatus interiori hosti, mensem suppetebat, commeatum Cæsar suis in mensem, sed consequentem suppetere voluit. Neque iam dimidiati, vt Tullius ait, sed integri mensis cibaria miles habet. Ergo præterito mense, fames obsessos urgere coepit: alij que deditiõnem, alij eruptionem. Critognatus etiam corporibus eorum qui ad bellum inutiles essent tolerandam famem censuit. Manubiij, à quibus essent in oppidum recepti, cum liberis atque vxoribus, ex vrbe exire coguntur: hî cum ad munitiones Romanorum accessissent, flentes, omnibus precibus orabant, vt se in seruitutem receptos, cibo iuuarent: Hos Cæsar, dispositis in vallo custodibus, recipi prohibebat. Auaricum antea & Gergouia Gallos docuerant, quantum imbellis in obsessa vrbe multitudo detrimentum haberet: Alexiæ fames tertium idem docet. At serò sapiunt Phryges & callidus hostis ne in seruitutem quidem deditos accipit: eorum vitam reliquorum vitam oppugnat. Sed interim

gallica

gallica auxilia adueniunt equitum millia octo, peditum circiter ducenta quadraginta, & quibus praelium triplex acerrimum instituitur: primum, equestre extra munitiones: Interiores itaque Galli visis auxilijs, vt ex oppido despectus erat in campum, ante oppidum confidunt: proximam fossam cratibus integunt & explent aggere, seque ad eruptionem & omnes casus comparant. Cæsar vt castra ad munitiones & exteriores & interiores fecerat, omni exercitum ad vtramque partem munitionum disposito, vt suum quisque locum nosceret & teneret, equitatum ex castris educi & praelium committi iubet. Res in conspectu & Gallorum & Romanorum gerebatur: itaque vtrosque & laudis cupiditas & timor ignominiae ad virtutem excitabat: Galli inter equites, raros sagittarios expeditosque levis armaturæ interiecerant, qui suis cedentibus, auxilio succurrerent: & Romanorum equitum impetus sustinerent: ab his complures Romani de improviso vulnerati, praelio excedebant. Cum suos pugnâ superiores esse Galli confiderent, & Romanos multitudine premi viderent, ex omnibus partibus & ij qui munitionibus continebantur, & ij qui ad auxilium conuenerant clamore & vululatu, suorum animos confirmabant. Hæce rat nimirum Gallorum inter se cohortatio. Hoc praelium primum, octo perpetuas horas (nam æstatis summæ, tempus illud erat) magna

gna contentione concertatum est. Tandem recens subsidium Germanorum equitum Romanis submissum, victoriam attulit, ut in cæteris antè prælijs, opportuna subsidiorum summissio, victoriæ causâ fuit. Secundum prælium, noctu, ut ad Auaricum antè fuit, factum est ad campestres munitiones vno die intermisso: hoc enim spacio Galli magno cratium, scalarum, harpagonum numero effecto, media nocte silentio ex castris egressi, ad campestres munitiones accedunt. Subito clamore sublato, quâ significatione, qui in oppido obsidebantur de suo aduentu cognoscere possent, crates proijcere, fundis, sagittis, lapidibus Romanos de vallo deturbare, reliqua'que quæ ad oppugnationem pertinent, parant administrare. Eodem tempore clamore exaudito dat tubâ signum suis Vercingetorix, atque ex oppido educit. Romani, ut superioribus diebus suæ cui'que erat locus attributus, ad munitiones accedunt: fundis libralibus sudibus'que, quas in opere disposuerant, ac glandibus Gallos perterrent: hæc siquidem prælii huius arma sunt. Prospectu tenebris adempto, multa utrinque vulnera accipiuntur, complura tormentis tela conijciuntur. At M. Antonius & C. Trebonius legati, quibus hæ partes ad defendendum obuenerant, qua ex parte Romanos premi intellexerant, his auxilio ex vlterioribus castellis deductos summittebant. Dum longius
à mu.

& munitione aberant Galli, plus multitudine
 telorum proficiebant: posteaquam propius suc-
 cesserunt, aut se ipsi stimulis inopinantes in-
 duebant, aut in scrobes delapsi transfodieban-
 tur, aut ex vallo & turribus trajecti, pilis mura-
 libus interibant. Hinc munitiones illę Cæsa-
 ris tam laboriosæ aduersus Gallos per se acrius
 præliantur, quàm legionarius ullus potuisset.
 Multis vndique vulneribus acceptis, nulla
 munitione perrupta cùm lux appeteret, Gal-
 li veriti ne ab latere aperto ex superioribus ca-
 stris eruptione circumuenirentur, se ad suos re-
 ceperunt. At interiores, dum ea quæ à Ver-
 cingetorige ad eruptionem præparata erant
 proferunt, priores fossas explent. Diutius
 in his rebus administrandis morati, prius suos
 discessisse cognouerunt, quàm munitionibus
 appropinquarent. Ita re infectâ in oppidum
 reuerterunt. Sic prælium secundum est fa-
 ctum. Tertium prælium grauissimum om-
 nium atque acerrimum fuit. Bis magno detri-
 mento repulsi Galli, quid agant consulunt: Mi-
 norum castrorum collem propter magnitudi-
 nem circuitus, Romani complecti non potue-
 rant. Vergasillaunus Aruernus vnus è qua-
 tuor vniuersæ Galliæ delectis principibus,
 cum sexaginta millibus ex omni numero de-
 lectis, eo primâ vigiliâ ante ortum Solis per-
 uenit, occultis'que locis milites ex nocturno
 labore reficit, Tum circa meridiem, quod
 pugnae

pugnæ tempus inter Gallos conuenerat munitiones aggreditur. Eodem tempore equitatus Gallorum ad campestres munitiones accedere & reliquæ copiæ sese pro castris ostendere cœperunt. Vercingetorix ex arce Alexiæ, suos cōspicatus, ex oppido egreditur ac rastris, longurios, musculos, falces reliqua' que quæ eruptionis causâ parauerat, profert. Pugnatur vno tempore omnibus locis, atque omnia tentantur: quæ minime firma pars visa est, huc cōcurritur. Cæsar hîc ait omnibus locis vno tempore pugnari: certè quatuor locis minimum pugnatur ad superiores munitiones à Verga-fillauno, ad campestres ab equitatu, alio loco ab obsessis, à reliquis Gallis alio. Romanorum manus tâtis munitionibus distinetur nec facile pluribus locis occurrit: multum ad terrendos Romanos valuit clamor, qui post tergum pugnantibus extitit. Hæc erat gallica cohortatio, cum vtrîque Romani ab interioribus & exterioribus Gallis diuerso loco vrgerentur. Sed animaduerte horribilem illam Cæsaris vigilantiam, celeritatem, diligentiam. Copiarum virib, aut æqualis aut etiam superior erat, loco etiam tum superior erat, multo' que erat difficilius Cæsaris quàm Alexiæ munitiones percurrere. Ordo & cohortatio ad victoriâ testabantur in ordinando & cohortando. Cæsar igitur, (ait ipse) idoneum locum nactus, quid quâque in parte geratur cognoscit, vtrîsque ad omnia occurrat,

currit, videt vnum esse illud tempus quo maxime contendendi conueniat. Galli, nisi perfregerint munitiones, de omni salute desperant: Romani, si rem obtinuerint, finem laborum omnium expectant. Maxime ad superiores munitiones laboratur, quo Vergasillaunum missum demonstrauius. Iniquum loci ad decliuitatem fastigium, magnum Gallis affert momentum. Alij tela conijciunt, alij testudine facta subeant: defatigatis inuicem integri succedunt: agger ab vniuersis in munitionem coniectus & ascensum dat Gallis, & ea quæ in terra occultauerant Romani, contegit, nec iam arma Romanis, nec vires suppetunt. Quid igitur Cæsar? His rebus cognitis Labienum cum cohortibus sex subsidio laborantibus mittit, & imperat, si sustinere non possit, deductis cohortibus, eruptione pugnaret, id nisi necessario, ne faciat. Ipse adit reliquos, cohortatur ne labori succumbant. Omnium superiorum dimicationum fructum in eo die atque hora docet consistere. Interiores Galli desperatis campetribus locis, propter magnitudinem munitionum loca prærupta ex ascensu tentant: huc ea quæ parauerant conferunt: multitudine telorum ex turribus propugnantes deturbant: aggere & cratibus fossas explent: falcibus vallum ac lorica rescindunt. Quid in tanta rerum difficultate Cæsar? Mittit primo Brutum adolescentem cum cohortibus sex, post cum alijs

alijs septem C. Fabium Legatum: postremo ipse cum vehemētius pugnaretur, integros subsidio adducit. Restituto praelio ac repulsis hostibus, in alias partes animum intendit, neciam cladem repellere, sed victoriam parare meditatur: Eo quò Labienum miserat, contendit: cohortes quatuor ex proximo castello deducit: equitum se partem sequi, partem circumire exteriores munitiones, & à tergo hostes adoriri iubet. Id nimirum est, quod à Vercingetorige in obsidione Auarici prætermisum diximus, & nunc à Cæsare studiosè prouisum & procuratum præcipua victoriæ causâ fuit. Labienus, postquam neque aggeres, neque fossæ, vim hostium sustinere poterant, coactis vnde quadraginta cohortibus, quas ex proximis præsidijs deductas fors obtulit, Cæsarem per nuncios facit certiores quid faciendum existimet. Ecquid (inquam) Cæsar in extremo discrimine? Accelerat, ut praelio intersit, eiusque aduentus ex colore vestitus, agnoscitur turmisque equitum & cohortibus visis, quas se sequi iusserat, ut de locis superioribus ac decliuibus & deuexis cernebantur, Galli praelium committunt. Vtrinque clamore sublato excipitur rursus ex vallo atque omnibus munitionibus clamor: Communis erat etiam Romanis ista cohortatio: Romani missis pilis, gladijs rem gerunt. Repente post tergum, equitatus cernitur: cohortes aliæ appropinquant: hostes, terga vertunt,

vertunt, fugientibus equites occurrunt. Fit magna cædes. Sedulius dux & princeps Lemouicæ occiditur. Vergasillanus Aruernus, viuis in fuga cōprehenditur: Signa militaria septuaginta quatuor ad Cæsarem referuntur: pauci ex tanto numero, se incolumes in castra recipiunt. Interiores Galli conspicati ex oppido cædem & fugā eorū, desperatā salute, copias à munitionibus reducunt: Fit protinus hāc re audiat, ex castris, Gallorum fuga. Quod nisi crebris subsidijs ac totius diei labore milites essent defessi, omnes hostiū copiae deleri potuissent. De media nocte missus equitatus, nouissimū agmen cōsequitur, magnus numerus capitur atque interficitur, reliqui ex fuga in ciuitates discedūt. Quid plura? obsessi deduntur, arma traduntur, principes producuntur: ē captis prædæ nomine singula capita militibus distribuuntur: reseruatis tamen Heduarum & Auernorū viginti millibus, si per ipsos Cæsar ciuitates eorū recuperare posset. Sic Cæsar victoriā vti didicerat. Atque ita captiuis his redditis, maiorem etiam victoriā adeptus est: Duas enim nō Aletrias, sed totius Galliæ longè potētissimas Aruernorum & Heduarum ciuitates recepit.

DE PRAELIO NAVALI.

A Quis eadem bella propemodū geruntur quæ terris: Nā & patētī æquore concurrunt

ritur & maritime vires oppugnātur ac propugnātur. Nauale Cēsarīs preliū in Gallia Veneticū & Britānicū est. Ad Veneticū bellū Cēsar naues longas in Ligeri ædificauit, remiges ex prouincia instituit, nautas gubernatoresq; comparauit Venetę naues, ex robore confectę erant: Transtra ex pedalibus in altitudinem trabibus, confixa clauis ferreis, dīgiti pollicis crassitudine: Carīna planior erat, prorę ac puppes erectę, anchorę pro funibus, ferreis cathenis reuinctę, pelles pro velis alutę que tenuiter confectę. Cum his nauibus Romanę classis eiusmodi cōgressus erat, vt vna celeritate & pulsu remorum pręstaret, reliqua pro loci natura, pro vi tempestatum illis essent aptiora & accommodatiora: Neque enim his Romanę, rostro nocere poterant, tanta in his erat firmitudo: neque propter altitudinem, facile telum adiciēbatur, & eadem de causā minūs commodē scopulis continebantur. Accedebat, vt cū fauīre ventus cōpisset & se vento dedissent, & tempestatem ferrent faciliūs, & in vadis consistērent tutiūs, & ab æstu derelictę nihil saxa & cautes timerent. Quarum rerum omnium Romanis nauibus casus erat extimescendus. Vbi igitur classis conuenit ac primū ab hostibus visa est, circiter ducentę viginti naues eorum paratissimę, atque omni genere armorum ornatissimę ē portu profectę, Romanis aduersę constiterunt. Cēsarīs classis numero

maior

maior fuit, ut mox videbitur significari. Neque tamen satis Bruto, qui classi praeerat, vel tribunis militum centurionibusque, quibus singulae naues erant attributae, constabat, quid agerent, aut quam rationem pugnae insisterent: Rostrum enim, noceri non posse cognouerant. Turribus autem excitatis, tamen has altitudo puppium ex gallicis nauibus superabat, ut neque ex inferiore loco satis commodè tela adijci possent, & missa, à Gallis grauius acciderent. Vna erat magno usus res praeparata à Romanis, falces praecutae, insertae affixaeque longurijs, non absimili forma ruralium falcium. His cum funes qui antennis ad malos distinebant, comprehensi adductique erant, nauigio remis incitato praerumpebantur: Quibus abscissis, antennae necessario concidebant, ut cum omnis gallicis nauibus. spes in velis armamentisque consisteret, his ereptis, omnis usus nauium vno tempore eriperetur. Reliquum erat certamen positum in virtute, quam Romani milites facile superabant, atque eo magis, quod in conspectu Caesaris atque omnis exercitus res gerebatur, ut nullum paulo fortius factum latere posset: Omnes enim colles & loca superiora vnde erat despectus propinquus in mare, ab exercitu tenebantur. Atque ea videlicet militibus velut in theatro decurreribus magnae cohortationis alacritas fuit, quod exercitum, quod Caesarem imprimis spectatorem & iudicem virtutis

haberent. Disiectis igitur (vt diximus) antennis, cum singulas Veneras, binæ aut ternæ Romanæ naues circumfisterēt, tanta nempe Cæsarinarum nauium classis fuit, milites summā vi transcendere in hostium naues contendebant. Quod postquā Veneti fieri animaduertērunt, expugnatis cōpluribus nauibus, cū ei rei nullum reperiretur auxiliū fugā salutem petere cōtendebant. Ac iam cōuersis in eam partem nauibus quò ventus ferebat, tanta subitō malicia ac tranquillitas extitit vt se loco cōmouere nō possent. Cæsar in suis rebus secundis non solet appellare fortunam, vt dixi: Attamē mulieres & imbres Auaricēses fortuna Cæsari ad victoriā cōmilitones dedit: Attamē hīc rursum ventos ipsos cōmilitones dedit. Atq; hīc Pompeianæ felicitatis illud quod à Tullio memoratur verū fuit, vt Cæsaris voluntatibus nō modo ciues assenserint, socij obtēperarint, hostes obedierint, sed etiā vēti tempestatesq; obsecundarint: nec Cæsar diffitetur, Hæc res (ait) ad negotium conficiendū maximè fuit opportuna: Nam singulas Romani cōfectatī ita expugnauerunt, vt perpaucæ ex omni numero, noctis interuētū ad terrā peruenerint, cum ab hora ferè quarta vsq; ad solis occasum pugnaretur. Quo prælio bellum Venetorum totiusque oræ maritimæ cōfectum est: Nam cum omnis iuuentus, omnes etiam grauioris ætatis, in quibus aliquid cōsiliij aut dignitatis fuit,

co

eò conuenerant: tum nauium, quod ubiq; fue-
 rat, vnum in locum coëgerāt: quibus amissis,
 reliqui neq; quod se reciperēt, neq; quemadmo-
 dum oppida defenderent, habebant: Itaque se
 suaq; omnia Cæsari dediderūt: In quos eò gra-
 uius Cæsar vindicandum statuit, quod diligen-
 tius in reliquum tēpus à Gallis ius legatorum
 (quos Veneti recuperādorū obsidum suo-
 rum causā retinuerant) cōseruaretur. Itaq; o-
 mnī Senatu necato, reliquos sub corona vēdi-
 dit. H^c Cæsar clementiæ suæ immemor fuisse
 videtur: nulla tot belli eius maior seueritas a-
 nimaduertitur. Ad huc Cæsaris est historia,
 vbi naualis prælii instrumēta cernimus, rostra
 ipsa nauium tanquā arietum, deinde turres & fal-
 ces Secunda Cæsaris expeditio naualis in Gal-
 lia libro quarto traditur, si tamen nauale præli-
 um dicendum sit, quod in littore, partim è na-
 uibus, partim à peditibus & equitibus cōmit-
 titur. Nauibus circiter octoginta onerarijs co-
 actis cōtractisq;, quod satis esse ad duas legio-
 nes transportādas existimabat quicquid præ-
 terea nauium lōgarū habebat, Quæstori Legatis
 præfectisq; distribuit: Huic accedebāt octode-
 cim onerarię naues quæ ex eo loco millibus
 passuum octo, vëto tenebātur, quò minùs in eun-
 dem portū peruenire possēt: Has equitibus di-
 stribuit, reliquum exercitū in Gallia reliquit.
 Publ. Sulpitiū Rufum legatum cum eo præsi-
 dio quod satis esse arbitrabatur, portū tenere
 m 3 iussit.

iussit. His constitutis rebus nactus idoneam ad nauigādū tempestatē, tertiā ferē vigiliā soluit, equitesq; in vltiorem portū progredi, & naues conscēdere ac se sequi iussit, à quibus cum id paulò tardiùs esset administratum, ipse horā circiter diei quarta cum primis nauib. Britāniā attigit, atq; ibi in omnibus collibus expositas hostiū copias armatas cōspexit: Cuius loci hęc erat natura, atq; ita mōtibus angustis mare cōtinebatur, vtī ex locis superiorib in litus telum adr̄ci posset: hunc ad egrediendum locum nequaquā idoneū arbitratus, dum reliquæ naues eò conuenirent, ad horam nonam in anchoris expectauit: Interim legatis tribunisq; militum conuocatis, & quæ ex Voluseno cognouisset & quæ fieri vellet ostendit, monuitq; (vt rei militaris ratio maxime que vt res maritimæ postularent) vt quia celerem atque instabilem motum haberent, ad nutum & ad tempus omnes res ab his administrarentur. His dimissis & ventum & æstum vno tempore nactus secundum, dato signo & sublati anchoris, circiter millia passuū octo ab eo loco progressus aperto ac plano litore naues constituit: At Britanni consilio Romanorū cognito, præmisso equitatu & essedarijs (quo plerūque genere in prælijs vtī consueuerunt) reliquis copijs subsecuti, Romanos nauibus egredi prohibebāt. Erat ob has causas summa difficultas, quòd naues propter magnitudinem nisi in alto constitui non

non poterāt. Hinc praeliū illud ē tam varijs generib. nauali, pedestri, equestri permistū committitur: Militibus aut, ignotis locis, impediris manib. magno & graui onere armorū pressis, simul & de nauib. desiliendū & in fluctibus consistendū, & cum hostibus erat pugnādum, cum illi aut ex arido aut paulū in aquā pgressi, omnib. mēbris expeditis, notissimis locis, audacter tela cōijcerent & equos insuefactos incitarent. Quibus rebus Romani perterriti atque huius omnino generis pugnae imperiti, nō eadem alacritate ac studio quo in pedestribus uti prelijs confueuerat, utebantur. Quod ubi Cēsar animaduertit, naues longas, quarum & species Britannis erat inusitatio & motus ad vsum expeditior paulum remoueri ab onerajs nauib. & remis incitari, & ad latus apertum hostium constitui, atque inde fundis, sagittis, tormentis hostes propelli ac summoueri iussit: quæ res magno vsui Romanis fuit: Nam & nauium figurā & remorum motu & inusitato genere tormentorum permoti Britanni constiterunt, ac paulum modò pedem retulerūt, Sic antea Suesiones & Aduaticis machinis inuisis & inauditis permoti sunt. Tum decimæ legionis aquilifer cohortatione & exemplo virtutis, causam victoriæ attulit: Romanis enim militibus cunctantibus, maxime propter altitudinē maris: quæ decimæ legionis aquilā ferebat, cōtestatus deos, vt ea res legioni feliciter eueniret, Desilite

(inquit) cōmilitones, nisi vultis aquilā hostib.
prodere. ego certē meū Reip. atq; imperatori
officiū præstitero. Hoc cū m, magnā voce dixis-
set, se ex naui p̄iecit atq; in hostes aquilā ferre
cœpit: Tū Romani cohortati inter se ne tantū
dedecus admitteretur, vniuersi ex naui defilie-
runt: Hos itē alij ex primis proximis nauibus
cū cōspexissēt subsecuti, hostibus appropin-
quarūt. Hīc cohortatio magna est ē signifero le-
gionis decimæ inter omnes Cæsaris legiones
omnibus prælijs celebratissimæ Pugnatū est
ab vtriusq; acriter, Romani tamē quòd neq; or-
dines seruare, neq; firmiter insistere, neq; signa
subsequi poterant, atq; alius alia ex naui, qui-
buscunq; signis occurrerat, se aggregabat, ma-
gnopere perturbabantur: Locus Romanis, &
ordo deerat: Itaq; magnopere hostis notis om-
nibus vadis, vbi ex littore aliquos singulares
ex naui egredientes conspexerant, incitatis e-
quis, impeditos adoriebantur plures paucos
circūstitebāt: alij ab latere aperto, in vniuersos
tela cōijciebāt: Requiebat antea Cēsar & locū
& ordinem: nunc etiam numerū copiarū & vi-
res: itaq; cū non solū loco & ordine, sed etiā nu-
mero suos inferiores esse animaduertisset, sca-
phas longarū nauium, item speculatoria nauī-
gia militibus compleri iussit, & quos laboran-
tes cōspexerat, ijs subsidia sūmittebat. Roma-
ni simul in arido constiterūt, suis omnibus cō-
secutis, in hostes impetū fecerūt atq; eos in fu-
gam

gam dederūt, neq; longiùs prosequi potuerūt, quod equites cursum tenere, atq; insulā capere non potuerunt. Hoc vnum ad pristinam fortunam Cæsari defuit. Hoc prælio Cæsar, non tam nauali quàm litorali Britannos pacem petere coëgit, sed ipse à Britannico mari pene pacem petere coactus est : Nam pace cum Britannis firmata, post diem quartum quàm est in Britanniam ventum, naues octodecim, de quibus supra demonstratum est, quæ equites sustulerant ex superiori portu, leni vento soluerunt. Quæ cum appropinquarent Britannia, & ex castris viderentur, tanta tempestas subito coorta est, vt nulla earum cursum tenere posset, sed aliæ eodem vnde erant profectæ referrentur, aliæ ad inferiorem partem insulæ quæ est propius Solis occasum, magno cum periculo decernerentur : Quæ tamen anchoris iactis, cum, fluctibus complerentur, necessario aduersa nocte in altum prouectæ continentem petiuerūt. Hæc tempestas maris, Britannos fines velut viscantis fuit, & nouum ac peregrinum regem indignantis. Difficultatem Cæsari ex inscitia Oceani, & nauigationis huius insolentia creatam, antea demonstrauimus : Itaque Britannis magis lacessitis quàm deuictis, & pace cum quibusdam ciuitatibus factâ, quod propinqua die equinoctij infirmis nauibus hyemis nauigationem subeundam non existimabat, ipse idoneam tempestatem nactus, paulò

m s post

post noctem mediam naues soluit, tum omnes incolumes ad continentem peruenierunt. Equidem valde miratus sum totâ hac Cæsaris historiâ, nullam Britanniae nauem nominari, vel vltimum per Britannos cum Romanis nauale praeliû committi. Cæsar quinto Gallici belli anno Britanniam ingenti octingentarû nauium classe repetit: sed ei praelium nauale nullum nisi cû vêtis & tempestatibus fuit, quod suprâ iam demonstratum est.

OBSIDIO MASSILIAE.

AD nauales pugnas, Massiliae & Alexandriae obsefsionem referendam existimaui, tametsi genus est cum terrestri nauali, que praelio coniunctum: Massilia vrbs origine & artibus liberalium disciplinarum graeca, bellicis studiis plane gallica, ferè tribus ex oppidi partibus mari alluitur: reliqua quarta est, quæ aditum habet à terra ex Gallia atq; Hispania, ad id mare quod attingit ad hostium Rhodani. Massilienses in dissensione ciuium Romanorum, Pompeianas partes secuti, portas Cæsari clauferant: Itaque vires quas potuerat ad vrbs defensionem comparauerant: Albi cos barbaros homines, qui in eorum fide antiquitus erant, montesq; supra Massiliam incolabant, ad se vocauerant: Frumentum ex finitimis regionibus, atq; ex omnibus castellis in urbem

dem conuexerant: Armorum officinas in vrbe
 instituerant: muros, classem & portas reficie-
 bant. Nec Cæsar's oratione dimoueri à senten-
 tia potuerant. Interea Domitius partium Pom-
 peianarum nauibus Massiliam peruenit, atq;
 ab his receptus, vrbi præficitur. Summa ei, bel-
 li administrandi permittitur. Eius imperio clas-
 sem quoquo versus dimittunt: onerarias na-
 ues, quas vbique possunt, deprehendunt at-
 que in portum deducunt, earum clauis aut ma-
 teriâ atque armamentis instructis, ad reliquas
 armandas reficiendasque vtuntur, frumenti
 quod inuentum est in publicum conferunt, re-
 liquas merces commeatusque ad obsidionem
 vrbis, si accídat reseruant. Hic communis
 Massiliensium apparatus fuit ad Massiliæ pro-
 pugnacionem: Quibus iniurijs permotus Cæ-
 sar, vires ad oppugnandum contrarias compa-
 rat legiones tres Massiliam adducit: turres vi-
 neasque agere, naues longas Arelate, numero
 duodecim facere instituit: Quibus effectis ar-
 matisque, diebus triginta, à qua die materia cæ-
 sa est, adductisque Massiliam, his Decium Bru-
 tum præficit: C. Trebonium legatum ad op-
 pugnacionem Massiliæ relinquit. Hic com-
 munis item apparatus est ad oppugnacionem
 futuram, deinceps prælia erunt geminarum cõ-
 tentionum, naualium & terrestrium eruptio-
 num permultarum: Prima naualis conten-
 tio, authore Domitio, Pompeianarum partiũ
 princi-

principe Romano, facta est. Tum igitur Massilienses vsi L. Domitij cōsilio, naues longas expediunt numero XVII, quarum erāt vndecim tectæ: multa his minora nauigia addūt, vt ipsa multitudine, Cæsariana classis terreatur: magnum numerum sagittariorum, magnum Albicorum, de quibus supra demonstratum est, imponunt, atque hos præmijs pollicitationibusque incitant. Certas sibi deposcit naues Domitius, atque has colonis pastoribusque quos secum adduxerat, complet. Sic omnibus rebus instructâ classe, magna fiducia ad Cæsarianas naues procedunt, quibus præerat Decius Brutus: Hic ad insulam quæ est contra Massiliam, stationes obtinebat. Erat multò inferior numero nauium Brutus: sed electos ex omnibus legionibus fortissimos viros antesignanos, centuriones Cæsar ei classi attribuerat, qui sibi id muneris deposcerant, vt tanto viribus superior esset: hi manus ferreas atque harpagones parauerant, magnoque numero pilorum, tragularum reliquorumque telorum se instruxerant. Ita cognito hostium aduentu, suas naues ex portu educunt, cum Massiliensibus conflagunt: pugnatum est vtrunque fortissimè atque acerrimè, neque multum Albici Cæsarianis virtute cedebant, homines asperi & montani, exercitati in armis: atque hi modo digressi à Massiliensibus, recentem eorundem pollicitationem animis continebant, pastoresque indo-

indomitū, spe libertatis incitatū, sub oculis Domitij suam probare operam studebāt. Ipsi Massilienses & celeritate nauium & scientiā gubernatorum confisi, Cæsarianos eludebant, impetusque eorum excipiebant, & (quod licebat latiore spacio) producta longius acie circumuenire Cæsarianos, aut pluribus nauibus adoriri singulas, aut remos transcurrentes detergere si possent, contendebant. Cū propius erat necessario ventum, ab scientiā gubernatorum atque artificij ad virtutem montanorum confugebant. Cæsariani, qui minus exercitatis remigibus minusque peritis gubernatoribus utebantur, qui que repente ex onerarijs nauibus erant producti, neque dum etiam vocabulis armamentorum cognitis: tum etiam grauitate & tarditate nauium impediiebantur. Factæ enim subito ex humida materia, non eundem usum celeritatis habebant. Itaque dum locus communis pugnandi daretur, ex quo animo singulas binis nauibus obijciebant, atque iniecta manu ferrea, & retenta vtraque naue, diuersi pugnabant, atque in hostium naues transcendebant: & magno numero Albicorum & pastorum interfecto, partem nauium deprimunt, nonnullas cum hominibus capiunt, reliquas in portum compellunt. Eo die naues Massiliensium, cum ijs quæ sunt captæ, intereunt novem. Id primum Massiliensium nauale prælium, ea que prima clades fuit: vbi videmus virtutem

tutem militum, quauis nauium disciplinâ ad victoriâ potiorê esse. Terrestris oppugnatio propugnatioque, deinceps terrâ grauior exoritur. C. Trebonius Cæsar's Legatus duabus ex partibus aggerem, vineas turresq; ad oppidû agere instituit, vna erat proxima portui naualibusque, altera ad partem qua est aditus ex Gallia Hispania'que. Atque hîc legiones, palæ, securis, dolabræ, non gladij, non enses præliantur. Caius Trebonius ad hæc opera perficiēda magnam iumentorum atque hominum multitudinem ex omni prouincia vocat: vimina materiam'que comportari iubet. Quibus comparatis rebus, aggerem in altitudinem pedum octoginta extruxit. Sed tanti erant antiquitus in oppido omnium rerum ad bellum apparatus, tanta'que multitudo tormentorum, vt eorum vim nullæ contextæ viminibus vineæ sustinere possēt. Asseres enim pedum duodecim, cuspidibus præfixi, atque hi maximis balistis missi, per quatuor ordines cratium, in terram defigebantur. Itaque pedalibus lignis coniunctis inter se porticus vinearum integebantur, atque hâc agger inter manus à Romanis proferebatur, antecedebar testudo pedum sexaginta, æquandi loci causâ, facta item ex fortissimis lignis, conuoluta omnibus rebus, quibus ignis iactus & lapides defendi possent: Sed magnitudo operum, altitudo muri atque tur-

nistrationem tardabat: Crebrę tamen per Albi
 cos eruptiones fiebant ex oppido, ignesq; ag-
 geri & turribus inferebantur: quę facile Cęsa-
 riani milites repellabant magnisq; vltro illatis
 detrimentis, eos qui eruptionem fecerāt, in op-
 pidum reñciebant. Hęc terrestris oppugnatio,
 propugnatio prima est. Sequitur alterum na-
 uale prælium authore Nasidio item Pompeia-
 narum partium, principe Romano maioris ap-
 paratus maioris que calamitatis. Interim L. Na-
 sidius à Cneio Pompeio cum classe nauium se-
 decim, in quibus paucę erant æratę, L. Domi-
 tio Massiliensibus que subsidio missus, præ-
 missā clam nauiculā, Domitium Massiliensēf-
 que de suo aduentu certiores facit, eos que ma-
 gnopere hortatur, vt rursus cum Bruti classe
 additis suis auxilijs confligant. Massilienses
 post superius incommodum, veteres ad eun-
 dem numerum ex naualibus productas naues
 refecerant, summa que industria armauerant:
 remigum gubernatorum que magna copia
 suppetebat: piscatorias que adiecerant atque
 contexerant, vt essent ab ictu remiges tuti: has
 sagittarijs tormentis que compleuerant. Ta-
 li modo instructa classe omnium seniorum,
 matrum familias, virginum que (hęc cohor-
 tatio gallica fuit) precibus & uetu excitati, vt
 extremo tempore ciuitati subuenirent, nō mi-
 nore fiducia quam antè dimicauerant, naues
 conscendunt: Communi enim sit vitio naturę
 vt in

ut in vitijis latitantibus atque incognitis rebus
magis confidamus, vehementiusq; exterrea-
mur, ut tum accidit: Aduentus enim L. Nasidij,
summa spe & voluntate ciuitatem comple-
uerat. Nacti idoneum ventum, ex portu exeunt
& Tauroenta quod est castellum Mafsiliensium,
ad Nasidium perueniunt, ibi que naues expe-
diunt rursusq; se ad confligendum, animo con-
firmant, & consilia communicant. Dextra pars
Mafsiliensibus attribuitur, sinistra Nasidio, eo-
dem Brutus contendit aucto nauium numero:
Nam ad eas quæ factæ fuerant Arelate per Cæ-
sarem, captivæ Mafsiliensium accesserant sex:
Has superioribus diebus refecerat, atque om-
nibus rebus instruxerat: Itaque suos cohorta-
tus, quos integros superauissent, ut victos con-
temnerent, plenus spei bonæ atque animi ad-
uersus eos proficiscitur. Facile erat ex castris
C. Trebonij atq; omnibus superioribus locis
prospicere in urbem, ut omnis iuuentus que in
oppido remanserat omnes que superioris æta-
tis cum liberis atq; vxoribus ex publicis custo-
dijs aut ex muro ad cælum manus tenderent,
aut templa Deorum immortalium adirent &
simulachra proiecti, victoriam à Dijs exposce-
rent: Neque erat quisquam omnium qui non
in eius diei casu, suarum omnium fortunarum
euentum consistere existimaret: Nam & ho-
nesti ex iuuentute & cuius que ætatis amplis-
simi nominatim euocati atque obsecrati, na-

es cōscenderant: vt si quid aduersi accidisset,
 e ad conandū quidem sibi quidquam reliquū
 ore viderēt: si superauissent, vel domesticis o-
 pibus vel externis auxilijs de salute vrbis cō-
 lerent. Commisso prælio, Mafsiliensibus res
 ulla ad virtutē defuit, sed memores eorū prę-
 ptorū quæ paulo antè à suis acceperant, hoc
 nimo decertabant, ut nullum aliud tempus
 d conandum habituri viderentur: & quibus
 pugna vitæ periculū accideret, non ita mul-
 se reliquorum ciuium fatum antecedere ex-
 timarent. quibus vrbe capta, eadem esset bel-
 fortuna patienda: diductis que Cæsarianis
 paulatim nauibus & artificio gubernatorum
 nobilitati nauium locus dabatur: & si quādo
 Cæsariani facultatem nacti ferreis manibus in-
 ctis nauem religauerant, vndique laboranti-
 us succurrebant. Neque verò coniunctis Al-
 cis comminūs pugnando deficiebant, ne-
 que multum cedebant virtute Cæsarianis, si-
 ul ex minoribus nauibus magna vis emi-
 us missa telorum, multa Cæsarianis de im-
 rouiso imprudentibus atque impeditis vul-
 era inferebat. Conspicatae que naues tri-
 emes duæ nauem D. Bruti, quæ ex signo fa-
 ile agnosci poterant, duabus ex partibus sese
 eam incitauerant: sed tanta re prouisâ, Bru-
 us celeritate nauis enisus est vt paruo mo-
 mento antecederet. Illæ adeo grauius inter
 incitatae conflixerunt, vt vehementissimè

utræque ex concursu laborarent: Altera vero
perfracto rostro tota collabefieret. Quâ re ani-
maduersa, quæ proximæ ei loco ex Bruti classe
naues erant, in eas impeditas impetum faciunt,
celeriterque ambas depriment. Sed Nasidia-
næ naues nulli vsui fuerunt celeriterque pu-
gnâ excefferunt: nō enim has aut respectus pa-
triæ aut propinquorum præcepta ad extremū
vitæ periculum adire cogeabant. Itaque ex eo
numero nauium nulla desiderata est: Ex Masi-
liensium classe quinque sunt depresse, quatuor
captæ: vna, cum Nasidianis profugit, quæ om-
nes citeriorem Hispaniam petiuerunt. At ex
reliquis vna præmissa Malsiliam huius nunc
perferendi gratiâ cum iam appropinquaret vr-
bi, omnis sese multitudo ad cognoscendum ef-
fudit & re cognitâ tantus luctus excepit, vt
vrbs ab hostibus capta eodem vestigio vide-
retur. Hæc igitur naualis offensio cladesque
secunda fuit, & quidem superiore longè gra-
uior & tristior. Vbi Malsiliensibus neque or-
do neque cohortatio defuit, sed vires minores
fuere. Succedit deinde terrestris secunda di-
micatio: Malsilienses enim, tantus hominum
vigor tantaque virtus vel in desperatis rebus
fuit, nihilo segnius ad defensionem vrbis re-
liqua apparare cœperunt: At contra Malsi-
lienses, opus laboris admirandi à legionarijs
excogitatur & absoluitur primò lateritiæ tur-
ris, deinde musculi; Et hîc, militia rursus ma-
teriaria,

teriaria, lateraria, cementaria est: Hic ascia &
 trullæ legionarios exercuerunt: Ac turris sex ta-
 bulatorum fuit, ita vt primam contignationē
 secunda & secundam tertia & deinceps supe-
 rior inferiorem superaret trabibus paulo lon-
 gioribus & eminentioribus vnde tegumenta
 præpendērent ad inferiorem contignationem
 defendendum. Sed Cæsarem audiamus. Est au-
 tem animaduersum (ait) à legionarijs, qui de-
 steram partem operis adm'nistrabant, ex cre-
 bris hostiū irruptionibus, magno sibi esse præ-
 iudicio posse, si pro castello ac receptaculo, tur-
 rem ex latere sub muro fecissent, quam primò
 ad repentinos incursus humilem paruaque
 fecerūt: huc se referebant. hinc si qua maior op-
 presserat vis, propugnabant: hinc ad repellē-
 dum & prosequendum hostem, procurrebant.
 Patebat hæc quoque versus pedes xxx, sed pa-
 rietum crassitudo pedes V. Postea verò (vt
 est rerum omnium magister vsus) hominum
 adhibitâ solertiâ, inuentum est magno esse vo-
 luisse, si hæc esset in altitudinem turris ela-
 ta. Id hac ratione perfectum est: vbi turris
 altitudo perducta est ad contabulationem,
 eam in parietes instruxerunt ita, vt capita ti-
 gnorum, extremâ parietum structurâ tegeren-
 tur, ne quid emineret, vbi ignis hostium adhæ-
 resceret. Hanc insuper contignationem, quan-
 tum tectum plutei ac vinearum passum est, la-
 terculo astruxerunt; supràque eum locum duo

tigna transfusa iniecerunt non longè ab extremis parietibus, quibus suspenderent eam contignationem quæ turri, tegumento esset futura: supra' que ea tigna directò transfusas trabes iniecerunt, easque asscribus religauerunt: has trabes paulò longiores atq; eminentiores quàm extremi parietes erant, effecerunt, vt esset vbi tegumenta præpendere possent ad defendendos ictus ac repellendos, cùm intra eam contignationem parietes extruerentur: eamque contabulationem summam, lateribus lutoque constrauerunt, ne quid ignis hostium nocere posset, centonesque insuper iniecerunt, ne aut tela tormentis missa tabulationem perfringerent, aut saxa ex catapultis lateritium discuterent. Storias autem ex funibus anchorarijs tres in longitudinem parietum turris, latas quatuor pedes fecerunt, easque ex tribus partibus quæ ad hostes vergebant, eminentibus trabibus circum turrim præpendentes religauerunt, quod vnum genus tegumenti alijs locis erant experti nullo telo neque tormento trañci posse. Vbi verò ea pars turris quæ erat perfecta, tecta atque munita est ab omni ictu hostium, plures ad alia opera abduxerunt: turris tectum per seipsum prehensionibus ex contignatione prima suspendere ac tollere cœperunt: vbi quantum storiarum demissio patiebatur, tantum eleuabant: Intra hæc tegumenta abditi atque muniti, parietes lateribus extruebant

bant: rursusque alia preensione ad edificandum sibi locum expediebant. Vbi tempus alterius contabulationis videbatur, tigna item ut primo tecta extremis lateribus instruebant, exque ea contignatione rursus summam contabulationem storiasque eleuabant. Ita tuto ac sine villo vulnere ac periculo sex tabulata extruxerunt: fenestrasque quibus in locis visum est, ad tormenta mittenda in struendo reliquerunt. Atque hæc lateritiæ turris constructio fuit: Constructio musculi deinde explicatur, & materia & forma, tum confecti deductio ad turrim: Vbi igitur milites hi materiarii, laterarii que ex ea turri, quæ circum essent opera tueri se posse confisi sunt, musculum pedes LX. longum ex materia bipedali, quem à turri lateritiæ ad hostium turrim murumque perducerent, facere instituerunt, cuius musculi hæc erat forma. Duæ primùm trabes in solo æquè longè, distantes inter se pedes quatuor collocantur, inque eis columellæ pedum in altitudinem quinque defiguntur: has inter se capreolis molli fastigio coniungunt, vbi tigna, quæ musculi tegendi causâ ponant, collocentur: eo super tigna bipedalia inijciunt, ea que laminis clavisque religant, ad extremumque musculi tectum trabesque extremas, quadratas regulas, quatuor patentes digitos defigunt, quæ lateres, qui super musculum struantur, contineant. Ita fastigiato atque ordinatim structo,

ut trabes erāt in capreolis collocatæ, lateribus luto' que musculus, ut ab igni qui ex muro iaceretur, tutus esset, contegitur. Super lateres, coria inducuntur, ne canalibus aqua immissa, lateres diluere posset. Coria autē, ne rursus igni ac lapidibus corrumpantur, centonibus continguntur. Hoc opus omne rectum vineis ad ipsam turrim perficiunt, subitoq; inopinantibus hostibus, machinatione nauali phalangis subiectis ad turrim hostium admouent, ut ædificio iungatur. Quid igitur tandem Massiliensibus quantum animi tum superfuit? Certe quantum viris fortibus in summo discrimine debuit. Hac turri, hoc musculo perterriti subito oppidani (ait Cæsar) saxa quam maxima possunt vectibus promouent præcipitata' que muro, in musculum deuoluunt: Ictum, firmitas materiæ sustinet, & quicquid incidit, fastigio musculi delabitur. Id ubi vident, mutant consilium. Cupas tædâ ac pice refertas incendunt, eas' que de muro in musculum deuoluunt: inuolutæ labuntur: delapsæ à lateribus, longioribus furcis' que ab opere remouentur: itaq; Massiliensium machinatio eluditur, atque interim sub musculo milites vectibus infima saxa turris hostium, quibus fundamenta continebantur, conuellunt: Musculus ex turri lateritia à Cæsarianis, telis tormentis' que defenditur, hostes' que ex muro ac turribus submouentur: nō datur libera muri defendendi facultas:

compluribus iam lapidibus ex ea quæ suberat turri subductis, repentinâ ruinâ pars eius turris concidit, reliqua consequens procumbebat : Denique iam miseræ ciuitati nî nisi direptio, cædes, extrema quæ expugnatae vrbis mala restabant. Malsilienses, origine ingenijque eruditione Græci erant, sôlo cœloque Galli, gallicæ vires hactenus pro patria strenuè fortiterque dimicarunt: Extrema spes salutis ab ingenio & eloquentia expetitur: Tum igitur Malsilienses turris repentinâ ruinâ commoti, inopinato malo turbati, Deorum irâ perculsi, vrbis direptione perterriti, inermes cum infulis sese porta foras vniuersi proripiunt: ad legatos atque exercitum supplices manus tendunt. Qua noua re oblata, omnis administratio belli consistit, militesque auersi à prælio, ad studium audiendi & cognoscendi feruntur. Vbi hostes ad legatos exercitumque peruenerunt, vniuersi se ad pedes proijciunt, orant, vt aduentus Cæsaris expectetur: captam, suam urbem videre, opera perfecta, turrem subrutam: itaque à defensione desistere: nullam exoriri moram posse, quo minus cum venisset, si imperata non facerent, ad nutum è vestigio diriperentur. Docent si omnino turris concidisset, non posse milites cōtineri, quin spe prædæ in urbem irrumperent urbemque delect. Hæc atque eiusdem generis complura

plura ut ab hominibus doctis, magnâ cum misericordia fletuque pronuntiantur. Hæc eloquentiæ Massiliensis dimicatio fuit: omnia machinarum tormenta experti Massilienses, tandem eloquentiæ tormentum illud experiuntur, quod in pace Romanos (Massiam enim (ait Strabo) Romani libentius liberos disciplinæ causâ, quam Athenas dimittebant) Romanos inquam, docere consueuerant *Παθὼ τὴν τύραννον ἀνθερόποιν μόνον*, Suadelam hominibus reginam solam esse: Ergo regina

Ista regit dictus animos & pectora mulcet.

Commoti legati, milites ex opere deducunt, oppugnatione desistunt, operibus custodias relinquunt. Induciarum quodam genere misericordiâ facta, aduentus Cæsaris expectatur: nullum ex muro, nullum à Cæsarianis mittitur telum: ut re confecta, omnes curam & diligentiam remittunt: Cæsar enim per literas Trebonio magnopere mandauerat, ne per vim oppidum expugnari pateretur, ne gravius permoti milites & defectionis odio & contemptione sui & diutino labore, omnes puberes interficerent, quod se facturos minabatur: ægreque tunc sunt retenti quin oppidum irrumperent: grauiusque eam rem tulerunt, quod stetisse per Trebonium, quò minus oppido potirentur, videbatur. Sic igitur induciæ pactæ sunt. At interim dum Cæsaris aduentus expectatur, recordatio pristini liber-

tatis

tatis obsessorum animos tanta subijt, vt datę fidei religione nulla moueretur, quin omnia Romanorum opera tot mensium laboribus extructa vno temporis momento corrumpere. Itaque sine fide (ait Cæsar) tempus atque occasionem fraudis ac doli quærunt: interiectisq; aliquot diebus, Cæsarianis languentibus atque animo remissis, subito meridiano tempore cū alius discessisset, ali⁹ ex diutino labore in ipsis operibus quieti se dedisset, arma verò omnia reposita coniecta que essent, portis foras erumpunt, secundo magnoq; vëto ignem operibus inferunt. Hunc sic distulit ventus, vti vno tempore agger, plutei, testudo, turris tormentaq; flammam conciperent, & prius hæc omnia consumerentur, quàm quemadmodum accidisset animaduerti posset. Cæsariani repentina fortuna permoti, arma quę possunt arripiunt: ali^j ex castris sese incitāt, sit in hostes impetus, sed muro, sagittis tormentis que fugientes persequi prohibentur: Illi sub murum se recipiunt, ibique musculum turrim que lateritiā liberè incendunt. Ita multorum mensium labor, hostium perfidiā & vi tempestatis, puncto temporis interijt. Tentauerunt hoc idem Massilienses. postero die eandem nacti tempestatem maiori que cum fiducia, ad alteram turrem aggerem que eruptione pugnauerunt multumque ignem intulerunt. Sed vt superioris temporis contentionem Cæsariani omnem remiserant,

rant, ita proximi diei casu admoniti, omnia ad
defensionem parauerant: Itaque multis inter-
fectis, reliquos infectare in oppidum repu-
lerunt. Ergo hæc Massiliensium in desperatis
rebus admirabilis virtus fuit: Sed tamē frustra
cū legionarij superessent, à quibus noue ma-
chinæ noua que tormenta possent instaurari:
deletæ & corruptæ machinationes ac machi-
natores supererant: Itaque militiā illa tignaria
ac cementaria multo acrior quā antea reuo-
catur. Trebonius ea quæ sunt amissa multo
maiore militū studio administrare & reficere
instituit: Nā ubi tātos suos labores & appa-
tus malē cecidisse viderunt, inducīs que per
scelus violatis, suam virtutem irrisui fore per-
doluerunt, quod vnde agger omnino compor-
tari posset nihil erat reliquum: omnibus arbo-
ribus longē lateque in finibus Massiliensium
excisis & conuectis, aggerem noui generis atq;
inauditum ex lateritijs duobus muris senūm
pedum crassitudine atque eorum murorum
contignationem facere instituerunt æquā ferē
altitudine, atque ille congestus ex materia fue-
rat agger. Vbi aut spatium inter muros aut im-
becillitas materię postulare videretur, pilæ in-
terponuntur, transuersaria tigna inijciuntur,
quæ frumento esse possent: & quicquid est cō-
tignatum, cratibus consternitur crates que lu-
to integuntur, sub tecto miles dextrā ab fini-
stra muro tectus, aduersus plutei obiectū, o-
peri

peri quęcunque vsui sunt sine periculo suppor-
 tat: Celeriter res administratur: diuturni labo-
 ris detrimētum, solertia & virtute militum bre-
 ui reconcinnatur. Portę, quibus locis videtur,
 eruptionis causa in muro relinquuntur. At-
 que hinc Massiliēsiū nata est desperatio: Nam
 vbi viderunt ea quę diu longoque spacio re-
 fici non posse sperassent, paucorum dierum o-
 pera & labore ita resecta, vt nullus perfidię ne-
 que eruptioni locus esset, neque quicquam o-
 mnino relinqueretur, quā aut vis militibus,
 aut ignis operibus nocere posset: eodemque
 exemplo sentiunt totam urbem qua sit aditus
 ā terra muro turribusque circumiri posse, sic
 vt ipsis consistendi in suis munitionibus locus
 non esset, cum penē ædificata in muris ab exer-
 citu Cæsariano mœnia viderentur, ac tela ma-
 nu conijcerentur suorumque tormentorum
 vsu, quibus ipsi magna sperauissent, spacio
 propinquitatis interire, pari que conditione
 ē muro ac turribus bellandi data, virtute se
 Cæsarianis adæquare non posse intelligunt,
 ad easdem deditiois condiciones recurrunt.
 Cæsar interim ex Hispania reuertitur, Mas-
 siliamque venit, Massilienses itaque omni-
 bus defessi malis, rei frumentarię ad sum-
 mam inopiam adducti, bis prælio nauali supe-
 rati, crebris eruptionibus fusi, graui etiam pe-
 stilentia conflictati ex diutina conclusionē &
 mutatione victus (pannico enim vetere atque
 hordeo

hordeo corrupto omnes alebantur, quod ad huiusmodi casus, antiquitus paratum in publicum contulerant) deiectâ turri labefactâ magnâ parte muri, auxilijs prouinciarum & exercituum desperatis, quos in Cæsaris potestatem venisse cognouerant, sese dedere sine fraude constituunt: sed paucis ante diebus L. Domitius cognita Massiliensium voluntate, nauibus tribus comparatis, ex quibus duas familiaribus suis attribuerat, vnâ ipse conscenderat, nactus turbidam tempestatem, est profectus: Hunc conspicatæ naues, quæ iussu Brutî consuetudine quotidianâ ad portum excubabant, sublati anchoris, sequi cœperunt, ex his vnum ipsius nauigium contendit & fugere perseuerauit, auxilio'que tempestatis ex conspectu abiit: duo perterrita, concursu Cæsarianarum nauium, sese in portum receperunt, Massilienses arma tormenta'que ex oppido, vt est imperatum proferunt: naues ex portu naualibus'que educunt, pecuniam ex publico tradunt. Quibus rebus confectis, Cæsar magis eos pro nomine & vetustate, quàm pro meritis in se ciuitatis conseruans, duas ibi legiones præsidio relinquit. Quamobrem Massiliæ oppugnatio tam laboriosa fuit vt Cæsar etiam triumpho dignam iudicaret: in quo tamen reprehenditur à Marco Cicerone non ex rei militaris disciplina, sed belli, sed triumphî causâ, Vexatis ait, ac perditis exteris

ris nationibus, ad exemplum amissi imperij, portari in triumpho Massiliam vidimus & ex ea vrbe triumphari, sine qua neque nostri Imperatores de transalpinis bellis triumpharant. Sed tamen Cæsar pro nomine & vetustate Massiliam conseruauit: nomine & vetustate non tantum armorum quibus plurimum poterat, sed humanitatis & literarum, vnde etiam Romani eruditionem vitæ ac morum petere solebant.

ALEXANDRIAE OP- pugnatio.

CÆsar confusus famâ rerum gestarum, cum tribus ferè millibus legionariorum, in Aegyptum, quò Pompeium fugisse audierat, contendit: Pompeius ab Aegyptijs prius interfectus est quàm Cæsar Alexandriam peruenisset. Alexandria vrbs est Aegypti medio Nilo diuisa, vnde pars dimidia Africæ, pars reliqua Asiæ esse dicitur: alluitur autem mari à septentrione, & lacu quem multis fossis Nilus efficit, à meridie: Portus maris geminus est duobus è continenti promontorijs obiectâ Pharo insula conclusis: Portus orientalis Acrotochias dicitur, est que ore commodiore: sed nauigantibus propter interiectas petras periculosior: Itaque in insula Pharo turris est magna altitudine, mirificis operibus

ribus extructa, Pharus item nomine, quâ nau-
 tæ moniti tutius in portum introeunt: Est in
 eadem insula & vicus oppidi magnitudine:
 alter portus appellatur Eunostus, ambo intus
 coeunt: insula vero ipsa à superioribus regio-
 nibus in longitudinem passuum nongento-
 rum in mare iactis molibus angusto itinere &
 ponte cum oppido coniungitur: Lacus etiam
 portum habet & quidem marino portu lon-
 gè ditiores: Atque vrbis longitudo, triginta
 ferè stadiorum est, latitudo octo, vijs distincta
 quibus currus agi possit, sed duabus omni-
 um latissimis, bifariam sese ad rectos angulos
 secantibus: Regiæ à varijs regibus extructæ,
 ferè quartam oppidi partem obtinebant &
 theatrum his coniunctum, quod arcis tenebat
 locum: huc Cæsar habitandi causâ, initio est
 inductus, fascesq; quia Consul erat, sibi præ-
 ferri iubet, vnde tanquam regia maiestas im-
 minueretur, tumultu exorto, complures eius
 milites sunt interfecti Cæsar igitur alias le-
 giones accersit ex Asia: habet apud se &
 reges Ptolemæum & Cleopatram in sua po-
 testate, & depositis armis iubet apud se de
 regno iure disceptari: Hinc per Photinum
 regis procuratorem Achilles clanculum vi-
 ginti millibus latronum & perditorum cu-
 iusque generis hominum armatur contra Cæ-
 sarem & protinùs his copijs fidens, pauci-
 tatem Cæsaris despiciens, Alexandriam in-
 gressus

gressus, primo impetu domum Cæsaris irrum-
 pere conatus est. Hic Cæsar viribus & loco
 inferior est: sed celeritate virtutis diligentiaq;
 subito perfecit, ne loco inferior esset: portum
 occupat, naues incendit, atque hostibus in pu-
 gna occupatis militibusque expositis, Pha-
 rum turrem apprehendit atque ibi præsidi-
 um posuit: quibus est rebus effectum, uti tu-
 to frumentum auxiliaq; nauibus ad eum sup-
 portari possent: Reliquis oppidi partibus sic
 est pugnatum, ut æquo prælio discederetur
 & neutri pellerentur: Id efficiebant angustiae
 loci, paucisque utrinque interfectis, Cæsar
 loca maximè necessaria complexus, noctu
 præmunit. Has munitiones insequentibus
 auxit diebus, ut pro muro obiectas haberet,
 neu dimicare inuitus cogeretur. Adhuc
 Cæsar non totam Alexandriam, sed partem
 longè quidem minorem, sed tutiorem & por-
 tum & Pharum & turrem ac non vicum obti-
 net, vrbs reliqua ex tribus quartis, est in hosti-
 um potestate. Interim Arsinoë filia minor
 Ptolemæi regis, ad Archillam ex regia se traie-
 cit: Et Photinus procurator regni cogni-
 tis eius insidijs, iussu Cæsaris necatur. Hinc
 oppugnationis & propugnationis appa-
 rus exprimuntur, bello Alexandrino con-
 flato, Cæsar. Rhodo atque ex Syria Cilicia-
 que omnem classem accersit. Ex Creta sagit-
 tarios, equites a rege Nabateorum Mal-

co euocat, tormenta vndique conquiri & frumentum mitti auxilia'que adduci iubet, interim'que munitiones quotidie operibus augentur, atque omnes oppidi partes quæ minus firmæ esse viderentur, testudinibus ac musculis optantur: Ex ædificiis autem per foramina, in proxima ædificia arietes immittuntur, quantum'que aut ruinis deicitur, aut per vim recipitur loci in tantum munitiones profertur: Nam ab incendio ferè ruita est Alexandria, quòd sine contignatione ac materia sunt ædificia, & structuris atque fornicibus continentur, tecta'que sunt rudere aut paupamentis. Cæsar maximè studebat vt quam, angustissimam partem oppidi palus à meridie interiecta efficiebat, hanc operibus vineis'que agendis, à reliqua parte vrbs excluderet, illud spectans primum, vt cum in duas partes esset vrbs diuisa, acies vno consilio atque imperio administraretur: deinde, vt laborantibus succurri atque ex altera oppidi parte auxilium ferri posset: Imprimis verò vt aqua pabulo'que abundaret quarum alterius rei copiam exiguam, alterius nullam omnino facultatem habebat: quod vtrumque palus largè præbere poterat. Neque verò Alexandrinis in gerendis negociis, cunctatio vlla aut mora inferebatur: Nam in omnes partes per quas, fines Aegypti regnum'que pertinet, legatos conquisitoresq; delectus habendi

bendi causâ miserant, magnūque numerum in oppidum, telorum ac tormentorum conuexerant & innumerabilem multitudinem adduxerant, nec minùs in vrbe, maxime armorum erant institutæ officinæ: Seruos præterea puberes armauerant, quibus domini locupletiores victum quotidianū stipendiumq; præbebant. Hac multitudine dispositâ, munitiones semotarum partium tuebâtur. Veteranas cohortis vacuas in celeberrimis vrbis locis habebant, vt quacunque regione pugnaretur, in regis viribus ad auxilium ferendum opponi possent. Omnibus vñs atq; angiportis triplīcem vallum obduxerant: Erat autem quadrato exstructus saxo, nec minus XL. pedes altitudinis habebat: quæq; partes vrbis inferiores erant, has altissimis turribus denorum tabulatorum munierant: Præterea alias ambulatorias totidem tabulatorum confixerant subiectisq; eas rotis, funibus iumentisq; obiectis, directis plateis in quancuncq; erat visum partem mouebant: Vrbs fertilissīma & copiosissīma, omnium rerū apparatus suggerebat. Ipsi homines ingeniosissīmi atque acutissīmi, quæ à Cæsarianis fieri viderant, eâ solertiâ efficiebant, vt Cæsariani illorum opera imitari viderentur: & sua sponte multa reperiiebant, vnoque tempore & Cæsarianas munitiones infestabant, & suas defendebant. Atque hoc

o principes

principes in concilijs concionibus'que agita-
bant, populum Romanum paulatim in con-
suetudinem eius regni occupandi venire: pau-
cis annis antè, Gabinium cum exercitu fuisse
in Aegypto: Pompeium se ex fuga eodem re-
cepisse: Cæsarem venisse cum copijs: neque
morte Pompeij quicquam profectum, quo mi-
nus Cæsar apud se commoraretur: quem si non
expulissent, futuram ex regno prouinciam, id-
que agendum maturè. Namque eum interclu-
sum tempestatibus propter anni tempus reci-
pere transmarina auxilia non posse. Interim
dissensione orta inter Achillam, qui veterano
exercitui præerat, & Arsinoë regis Ptolemæi
minorem filiam, vt supra demonstratum est,
cùm vterque vtrique insidiaretur, & summam
imperij ipse obtinere vellet, præoccupat Arsi-
noë per Ganymedem Eunuchum nutritium
suum, atque Achillam interficit. Hoc occiso,
ipsa sine villo socio & custode omne imperium
obtinebat: exercitus Ganymedi traditur. Hic
nouus dux contra Cæsarem comparatur, ma-
gnam'que Cæsarianis aquæ dulcis inopiâ de-
sperationem machinatur, quæ res Vxellodu-
nenses in Gallia perdidit: Sed Cæsaris inge-
nium his malis remedium reperit. Ganymedes
igitur suscepto belli principatu largitionem in
milites auget, reliqua, pari diligentia admini-
strat. Alexandria est ferè tota suffossa, spe-
cusq;

eiusque habet ad Nilum pertinentes, quibus aqua in priuatas domos inducitur: quæ paulatim spacio temporis liquefcit ac subsidit: hac vti domini ædificiorum, atque eorum familiæ consueuerunt: Nam quæ flumine Nilo fertur, adeo est limosa ac turbida, vt multos variosque morbos efficiat: sed eâ plebes ac multitudo contenta est necessario, quod fons vrbe tota nullus est: hoc tamen flumen in ea parte vrbs erat quæ ab Alexandrinis tenebatur. Atque ideo Cæsar (vt dixi) vix quartam vrbs partem obtinebat. Quo facto, est admonitus Ganymedes posse Cæsarianos aqua intercludi: qui distributi munitionum tuendarum causâ vicatim, ex priuatis edificijs specubus & puteis extractâ aquâ vtebantur. Hoc probato consilio magnum ac difficile opus aggreditur: interceptis enim specubus atque omnibus vrbs partibus exclusis, quæ ab ipso tenebantur, aquæ magnam vim ex mari rotis ac machinationibus exprimere contendit: hanc locis superioribus fundere in partem Cæsaris non intermittebat. Quam ob causam, falsior paulo præter consuetudinem aqua trahebatur ex proximis edificijs magnamque hominibus admirationem præbebat: quam ob rem id accidisset, nec satis sibi ipsi credebant, cum se inferiores eiusdem generis ac saporis aquâ dicerent vti atque antè consueissent, vulgoque inter se confere-

bant, & degustando, quantum inter se differēt aquæ cognoscebant. Paruo verò temporis spatio hæc propior bibi omnino non poterat: illa inferior, corruptior iam falsiorque reperiēbatur: Quo facto, dubitatione sublata tantus incelsit timor, ut ad extremum casum periculi, omnes deducti viderentur, atque alij morari Cæsarem dicerent, quin naues conscendere iuberet: alij multò grauius extimescerent casum, quod neque celari Alexandrinis possent in apparanda fuga, cum hi tam paruo spatio distarent ab ipsis: neque illis imminentibus atque insequentibus, ullus in naues receptus daretur: erat autem magna multitudo oppidanorum in parte Cæsaris, quam domicilijs ipsorum non mouerat, quod ea se fidelem palam Cæsarianis esse simulabat & descivisse à suis videbatur, ut Cæsari defendendi essent Alexandrini, quod neque fallaces essent, neque remerarij, multaque oratio frustra absumeretur. Cum verò vno tempore & natio eorū & natura cognoscatur, aptissimum esse hoc genus ad proditionem dubitare nemo potest. Cæsar suorum timorem consolatione & ratione minuebat. Nec iam ut imperator de prælio, sed ut Philosophus de vi ac potestate naturæ concionatur: Nam puteis, fossis, aquam dulcē reperiri posse affirmabat: omnia enim littora naturaliter aquæ dulcis venas habere: quod

si alia esset littoris Aegyptij natura atque om-
 nium reliquorum: tamen quoniam mare libe-
 re tenerent, neque hostes classem haberent,
 prohiberi sese non posse quo minus quotidie
 nauibus aquam peterent vel à sinistra parte à
 Parætonio, vel à dextra, ab insula: quæ diuer-
 sæ nauigationes nunquam vno tempore ad-
 uersis ventis præcluderentur: Fugæ verò nul-
 lum esse consilium non solum ijs qui primam
 dignitatem haberent, sed ne ijs quidem qui ni-
 hil præterquam de vita cogitarent. Magno
 negotio impetus hostium aduersos ex muni-
 tionibus sustineri: quibus relictis nec loco nec
 numero pares esse posse: magnam autem mo-
 ram & difficultatem, ascensum in naues habere,
 præsertim ex scaphis summam esse contra in A-
 lexandrinis velocitatem, locorum & ædificio-
 rum notitiâ: hos præcipue in victoria insolentes
 præcursuros & loca excelsiora atque ædifi-
 cia occubatuuros: Ita fuga nauibus que Cæsaria
 nos prohibituuros: proinde eius consilij obliui-
 scerentur atque omni ratione esse vincendum
 cogitarent. Hæc oratione apud suos habita, at-
 que omnium mentibus excitatis, dat Centu-
 rionibus negotium, vt reliquis operibus inter-
 missis, ad fodiendos puteos animum conferat,
 neue quam partem nocturni temporis intermit-
 tant: Quo suscepto negotio atque omnium a-
 nimis ad laborem incitatis, magna, vnâ nocte

vis aque dulcis inuenta est: Ita operosis Alexā-
drinorum machinationibus maximis que co-
natibus, non longi temporis labore occursum
est. Sequitur deinceps nauale prælium Cæsari
secundum. Eo biduo legio tricesima septima
ex dedititijs Pompeianis militibus cum fru-
mento, armis, telis, tormentis imposita in na-
ues à Domitio Caluino ad litora Africæ paulò
supra Alexandriam delata est: Hæ naues Euro
qui multos dies continenter flabat portum ca-
pere prohibebantur: sed loca sunt egregia om-
ni illa regione ad tenendas anchoras. Hi cum
diu retinerentur atque aque inopiâ premeren-
tur, nauigio actuario Cæsarem faciunt certio-
rem. Cæsar vt per se consilium caperet quid fa-
ciendum videretur, nauim conscendit se que
omnem classem sequi iussit: Nullis Cæsarianis
militibus impositis, quòd cum longius paulò
discederet, munitiones nudare nolebat, Cum
que ad eum locum accessisset qui appellatur
Chersonesus, aquandi que causâ remiges in
terram exposuisset, nōnulli ex eo numero cum
longius à nauibus prædatum processissent, ab
equitibus hostium sunt excepti. Ex his cogno-
uerunt Cæsarem ipsum in classe venisse, nec vl-
los milites in nauibus habere, quâ re comper-
tâ magnam sibi facultatem fortunam obtulis-
se bene gerendæ rei crediderunt. Itaque naues
omnes quas paratas habuerāt ad nauigādum,
pro

propugnatoribus instruxerunt Cæsari' que re-
deunti cum classe occurrerunt, qui duabus de
causis eo die dimicare nolebat quod & nullos
milites in nauibus habebat, & post horam de-
cimam diei res agebatur: Nox autem, allatu-
ra videbatur maiorem fiduciam illis qui loco-
rum notitiâ confidebant, sibi etiam hortan-
di suos auxilium defuturum, quod nulla satis
idonea esset hortatio, quæ neque virtutem pos-
set notare, neque inertiam. Quibus de causis,
naues quas potuit, Cæsar ad terram detraxit,
quem in locum illos successuros non existima-
bat. Erat vna nauis Rhodiâ in dextro Cæsaris
cornu, longè à reliquis collocata. Hanc con-
spicati hostes, non tenuerunt sese, magno' que
impetu quatuor ad eam constratæ naues &
complures apertæ contenderunt, cui coactus
est Cæsar ferre subsidium, ne turpem in conspe-
ctu hostium contumeliam acciperet: Quam-
quam si quid grauius illi accidisset, meritò ca-
surum iudicabat: Prælium commissum est ma-
gnâ contentione Rhodiorum: qui cum in om-
nibus dimicationibus & scientiâ & virtute præ-
stitissent, tum maxime illo tempore totum o-
nus sustinere non recusabant, ne quod suorum
culpâ detrimentum acceptum videretur. Ita
prælium secundissimum est factum: Capta est
vna hostium quadriremis, depressa est altera,
deinde omnes epibatis nudatæ magna præter-

ea multitudo in reliquis nauibus propugnatorum est interfecta. Quòd nisi nox prælum dimisisset, totâ classe hostium Cæsar potitus esset. Hac calamitate perterritis hostibus aduerso vento leniter flante, naues onerarias Cæsar remulco victricibus suis nauibus Alexandriâ deducit. Hæc naualis Cæsari victoria fuit, non numero, non loco, sed ordinis scientia & præclara quadam virtutis cohortatione & alacritate: Nauale prælum deinde aliud excipitur. Eo detrimento adeo sunt fracti Alexandrini, cum iam non virtute propugnatorum, sed scientiâ classiariorum se victos viderent, quibus & superioribus locis subleuabantur, ut vix ædificijs defendi possent, & materiam cunctam obijcerent, quod Cæsarianæ classis oppugnationem etiam ad terram verebantur. Idem posteaquam Ganymedes in concilio confirmavit sese & eas quæ essent amissæ restitutum, & numerum adaucturum, magna spe & fiducia veteres reficere naues accuratiusque huic rei studere, atque inservire instituerunt. Ac tametsi amplius centum decem nauibus longis in portu naualibusque amiserant, non tamen reparandæ classis cogitationem deposuerunt. Videbant enim non auxilia Cæsari, non commeatus supportari posse, si classe ipsi valerent: Præterea nautici homines & urbis & regionis maritime quotidiano usu a pueris exercitati,

ercitati, ad naturalem ac domesticū vsum refu-
gere cupiebant: Et quantum paruulis nauigijs
profecissent, sentiebant: Itaque omni studio ad
parandam classem incubuerunt: erant in omni
bus ostijs Nilī custodiæ exigendī portorij cau-
sa dispositæ: naues veteres erant in occultis re-
giæ naualibus, quibus multis annis ad nauigā-
dum non erant vsi: has reficiebant, illas Alexan-
driam reuocabant, deerant remi, porticus, gy-
mnasia ædificia publica detegebant, asseres re-
morum vsum obtinebant: aliud naturalis so-
lertia, aliud vrbis copia subministrabat: Postre-
mò non longam nauigationem parabant, sed
præsentis temporis necessitati seruiebant & in
ipso portu confligendum videbāt: Itaque pau-
cis diebus contra omnium opinionem quadri-
remes viginti duas, quinqueremes quinque
confecerunt, ad has minores apertas que com-
plures adiecerunt, & in portu periclitatī remi-
gio quid quæque earum efficere posset, ido-
neos milites imposuerunt, se que ad confligen-
dum omnibus rebus parauerunt. Talis Ae-
gyptiorum est apparatus: deinceps Cæsaria-
næ classis apparatus erit & instructio duplicis
aciei, tum subsidij nullo vnquam bello à Cæ-
sare prætermissi. Cæsar Rhodias naues no-
uem habebat (nam decem missis, vna in cure-
su, littore Aegyptio defecerat) Ponticas octo:
Lycias quinque: ex Asia XII; ex his erant quin-
queremes & quadriremes X: reliquæ infra
hanc

hanc magnitudinem, & pleræque apertæ: tamen virtute militum confusus, cognitis hostium copijs, se ad dimicandum parabat. Postquam eò ventum est ut sibi vterque eorum cōfideret, Cæsar Pharū classe circumuehitur aduersasque naues hostibus cōstituit. In dextro cornu, Rhodias collocat, in sinistro Ponticas. Inter has spatium quadringentorum passuum relinquit, quod satis esse ad explicādas naues videbatur. Post hunc ordinem reliquas naues subsidio distribuit: quæ quamque earum sequatur & cui subueniat, cōstituit atque imperat. Non dubitanter Alexandrini classem producunt atque instruunt. In fronte collocant XXII. reliquas subsidiarias in secundo ordine constituunt. Magnum præterea numerum minorum nauigiorum & scapharum producunt cum malleolis ignibusque, si quid ipsa multitudo & clamor & flamma Cæsarianis terroris afferre possent. Erant inter duas classes vada transitu angusto, quæ pertinent ad regionem Africæ: Satisque diu inter ipsos est expectatū, ab vtris transeundi fieret initium, propterea quòd eò qui intrassent, & ad explicandam classem, & ad receptum, si durior accidisset casus, impeditiore fore videbantur. Pharsilico prælio Crastinum Cæsar habuit, nunc Euphranorem habet: Sed Cæsaris milites & à duce ipso & ipsi inter se longè maximā cohortatione erant incitati ut tunc vni cohortationi

atque alacritati non numero, non loco, non ordini, præcipuam victoriæ causam Cæsar attribuerit: Rhodijs igitur nauibus præerat Euphranor, animi magnitudine ac virtute magis cum Cæsarianis hominibus, quam Græcis comparandus. Hic ob notissimam scientiam atque animi magnitudinem, delectus est à Rhodijs qui imperium classis obtineret. Qui vbi Cæsaris animum aduertit, Videris mihi (.inquit.) Cæsar vereri, si hæc vada primis nauibus intraveris, ne prius dimicare cogaris, quam reliquam classem possis explicare: nobis rem committe nos prælium sustinebimus, neque tuum iudicium fallemus dum reliqui subsequantur: nos quidem diutius in nostro conspectu gloriari, magno nobis & dolori & dedecori est. Cæsar illum adhortatus atque omnibus laudibus profecutus dat signum pugnæ, progressas ultra vadum quatuor Rhodias naues circumfistunt Alexandrini, atque in eas impetum faciunt. Sustinent illi atque arte solertia que se explicant. Ac tantum doctrina potuit, ut in dispari numero, nulla transversa hosti obiceretur, nullius remi detergerentur, sed semper venientibus aduersæ occurrerent. Interim sunt reliquæ subsecutæ. Tum necessario discessum ab arte est propter angustias loci: atque omne certamen in virtute constitit: Neque verò Alexandriæ fuit quisquam aut Cæsarianorum aut oppidanorum, qui
aut in

aut in opere aut in oppugnatione occupatum
animum haberet, quin altissima tecta peteret,
arque ex omni prospectu, locum spectaculo ca-
peret, precibus'que & votis, victoriam suis, à
dñs immortalibus exposceret. Minime autem
par erat praelij certamen: Cæsarianis enim pror-
sus, neque terra neque mari effugium dabatur
victis, omnia'que victoribus erant futura in in-
certo: Illi si superassent, nauibus omnia tene-
rent, si inferiores fuissent, reliquam tamen for-
tunam periclitaretur: Simul illud graue ac mi-
serum videbatur, perpaucos de summa rerum
& de salute omnium decertare: quorum si quis
aut animo aut virtute cessisset, reliquis etiam
esset cadendum, quibus pro se pugnandi facul-
tas non fuisset. Hæc superioribus diebus sæpe
numero Cæsar suis exposuerat, vt hoc maiore
animo contenderent, quòd omnium salutem
sibi commendatam viderent. Eadem suum
quisque contubernalem, amicum, notum'que
prosequens, erat obtestatus, ne suam atque om-
nium falleret opinionem, quorum iudicio
delectus ad pugnam proficisceretur. Itaque
hoc animo est decertatum, vt neque mariti-
mis nauticis'que solertia atque ars præsidium
ferret, neque numero nauium præstantibus
multitudo prodesset, neque flexi ad virtutem
ex tanta multitudine viri, virtuti Cæsariano-
rum possent adæquari. Capitur hoc praelio
quinqueremis vna cum defensorib. remigibus
que,

que, & deprimuntur tres, Cæsarianis incolu-
 mibus omnibus. Reliquæ propinquam fu-
 gam ad oppidum capiunt, quas protexerunt
 ex molibus atque ædificiis imminentibus, &
 Cæsarianos adire propiùs prohibuerunt. Cæ-
 sar naualem victoriam sic adeptus est, sed vi-
 ctoriæ fructum maiorem meditatur, vt terri-
 tis hostibus, bellum reliquum conficiat: Pha-
 ri insulæ partem priùs occuparat, reliquam
 cum ponte quo iungebatur vrbi, occupat:
 sed eo conatu quo ad Gergouiam castra Gal-
 lorum, ad Dyrrhachium munitiones Pom-
 peianorum occupauerat: Omnia siquidem
 prosperè initio ad pontem vsque successerant:
 hic fortuna commutari cœpit: Atque è Cæ-
 sarianis fere mille desiderati, Cæsar' que ipse
 fugiendo & ad naues adnatando salutem pe-
 cere contendit. Sed Hircium audiamus Cæ-
 sar' igitur ne sibi priùs nauali prælio decertan-
 dum esset, omni ratione contendendum exi-
 stimauit, vt insulam molemq' ad insulam
 pertinentem, in suam redigeret potestatem:
 Perfectis enim magna ex parte munitionibus,
 & oppidum & illam, & urbem vno tempore
 tentari posse confidebat. Quo capto consi-
 lio, cohortes decem & leuis armaturæ electos,
 quos idoneos ex equitibus Gallis arbitra-
 tur, in nauigia minora scaphas'que imponit:
 alteram'que insulæ partem destinendæ manus
 causâ, cum cōstratis nauibus aggreditur, præ-
 mīs

mījs magnis propositis qui primus insulā cœ-
 pisset: Hæc cohortatio Cæsarīs erat. Ac primò
 impetum Cæsarianorum pariter sustinuerūt:
 vno enim tempore & ex tectis ædificiorū pro-
 pugnabāt & littora armatī defendebant quò
 propter asperitatem loci, non facilis Cæsaria-
 nis aditus dabatur, & scaphis nauibus' que lō-
 gis V. mobiliter & scienter angustias loci tue-
 bātur. Sed vbi primū locis cognitis vadisq;
 prætentatis, pauci Cæsariani in littore consti-
 terunt, illos' que sunt alij subsecuti, cōstanterq;
 in eos qui in littore æquo constiterant, impe-
 tum fecerunt, omnes Pharitæ terga verterunt.
 Hi pulsi, custodiā portus relicta, nauēs ad litto-
 ra & vicum applicarunt, se' que ex nauibus ad-
 tuenda ædificia eiecerunt: Neque verò diuti-
 ūs ipsi ex munitione se continere potuerunt:
 etsi erat non dissimile atque Alexendriæ, ge-
 nus ædificiorum, ut minora maioribus confe-
 rantur, turres' que editæ & coniunctæ muri lo-
 cum obtinebant: neque Cæsariani aut scalis
 aut cratibus aut reliquis rebus parati venerāt
 ad oppugnandum: sed terror hominibus men-
 tem consiliūque eripit & membra debilitat:
 vt tum accidit. Nam qui se in æquo loco ac
 plano pares esse confidebant, n̄dem perterriti
 fuga suorum & cæde paucorum, triginta pe-
 dum altitudine in ædificijs consistere ausi non
 sunt, se' que per molem in mare præcipitaue-
 runt & octingentorum passuum intervallo,

ad oppidum enatauerunt. Multi autem ex his capti interfici que sunt. Sed numerus captiuorum omnino fuit sexcenti Cæsar præda militibus concessa, ædificia diripi iussit, castellūq; ad pontem qui propior erat Pharo communiuit, atque ibi præsidium posuit. Hunc, fugā Phariæ reliquerant: citeriorem illum propiorēque oppido, Alexandrini tuebantur. Sed cum postero die simili ratione aggreditur, quod his obtentis duobus, omnem nauigiorum excursus & repentina latrocinia sublaturus videbatur. Iamque eos qui præsidio cum locum tenebant, tormentis e nauibus sagittis que depulerat, atque in oppidum redegerat & cohortium trium instar, in terram exposuerat: Non enim plures consistere angusti loci patiebantur: relique copię in nauibus stationem obtinebant. Quo facto, imperat, pontem aduersus hostem præuallari, & quæ exi-
tus nauibus erat, fornicem extructum, quo pons sustinebatur, lapidibus oppleri atque obstrui. Quorum altero opere effecto, ut nulla omnino scapha egredi posset, altero instituto omnes Alexandrinorum copię ex oppido se eiecere & contra munitiones pontis latiore loco constiterunt: eodemque tempore que cōsueuerant nauigia per pontes ad incendia onerariarum emittere, ad molem cōstiterunt. Pugnabatur à Cæsarianis ex ponte, ex mole: ab illis, ex area que erat aduersus pontem, & ex nauibus

navibus, contra molem. In his rebus occupato
Cæsare milites'que hortante, remigum ma-
gnus numerus & classiariorum ex longis navi-
bus Cæsarianis in molem se eiecit. Pars eorum,
studio spectandi ferebatur, pars etiam cupidi-
tate pugnandi. Hi primum nauigia hostium
lapidibus ac fundis à mole repellebant: ac mul-
tum proficere multitudine telorum videban-
tur: sed postquam ultra eum locum à latere eo-
rum aperto ausi sunt egredi ex navibus Ale-
xandrini pauci, ut sine signis certis'que ordinibus
sine'que ratione prodierant, sic temerè in
naues refugere cœperunt. Quorum fugâ in-
citati Alexandrini, plures ex navibus egredie-
bantur, Cæsarianos'que acrius perturbatos
insequebantur. Simul qui in navibus lon-
gis remanserant, scalas rapere, naues'que à ter-
ra repellere properabant, ne hostes navibus po-
tarentur. Quibus omnibus rebus perturba-
ti milites Cæsariani, cohortium trium quæ in
ponte ac prima mole constiterant, cum post
se clamorem exaudirent, fugam suorum vi-
derent, magnam vim telorum aduersi sustine-
rent veriti ne à tergo circumuenirentur, & di-
fcessu navium, omnino reditu intercluderen-
tur, munitionem in pontem institutam reli-
querunt & magno cursu incitati, ad naues,
contenderunt. Quorum pars, proximas nacta
naues, multitudine hominum atque onere de-
pressa est, pars resistens, & dubitans quid esset
capiens

capiendum cōsiliū, ab Alexandrinis interfecta
 est: nōnulli feliciore exitu expeditas ad ancho-
 ras naues cōsecuti, incolumes discesserunt. Pau-
 ci alleuati scutis & animo ad conandum nixi,
 ad proxima nauigia adnatarunt. Cæsar quoad
 potuit cohortādo suos, ad pontem & munitio-
 nes cōtendere, eodem in periculo versatus est:
 postquam vniuersos cedere animaduertit, in
 suum nauigium se recepit: quò multitudo ho-
 minum insecuta cum irrumperet, neque admi-
 nistrandi, neque repellendi à terra facultas da-
 retur, fore quod accidit suspicatus, sese ex nauī-
 gio eiecit, & ad eas quæ longius constiterant
 naues, adnatauit. Hinc suis laborantibus sub-
 sidio scaphas mittens, nonnullos conseruauit:
 nauigium quidem eius multitudine militum
 depressum, vna cum hominibus interijt. Hoc
 prælio desiderati sunt ex numero legionario-
 rum militum circiter CCCC & paulò ultra eū
 numerum, classiarij & remiges. Alexandrini
 eo loco castellum magnis munitionibus mul-
 tisq; tormentis confirmarunt, atque egestis ex
 mari lapidibus, liberè sunt vsi postea ad emit-
 tenda nauigia. At legionibus detrimentum
 vt ad Gergouiam, vt ad Dyrrhachium, in bo-
 num conuertit,

Tum pudor incendit vires, & conscia virtus,
 vt legionarij magis deterrendi & continendi à
 periculosissimis dimicationibus essent, quàm
 p in-

incitandi ad pugnandum. Alexandrini cum Romanos aduersus rebus incitari viderent, ad insidias & dolos conuertuntur: Cæsarem per legatos orant, vt puerum Regem dimitteret, eo'que authore in fidem Cæsaris venirent: Cæsar & si fallaciam gentis sentiret, tamen Regem dimisit, vt per eum, Aegyptum contineret, aut si falleret, cum Rege speciosius bellum, quàm cum latronibus gereret, sicut accidit: Rege enim recepto, Aegyptij bellum acrius reparant, commeatus Cæsaris intercludere statuunt, nautali'que prælio Nicanorem illum Rhodium circumueniunt: sed cōfestim à Mithridate Pergameno, qui magnas auxiliorum copias Cæsari adducebat, Pelusium expugnatum est, & à Cæsare Mithridatis copijs aucto, Rex ipse castris eiectus, & in Nilo fugiens demersus est, Re felicissimè celerrimè'que gesta, Cæsar magnæ victoriæ fiducia proximo terrestri itinere Alexandriam cum equitibus contendit atque ea parte oppidi, victor introit, quæ præsidio hostium tenebatur. Neque eum, consilium suum fefellit quin hostes eo prælio audito, nihil iam de bello essent cogitaturi. Dignum adueniens fructum virtutis & animi magnitudinis tulit: Omnis enim multitudo oppidanorum armis proiectis munitionibusque suis relictis, veste ea sumpta qua supplices dominantes deprecari consueuerunt sacris'que omnibus

bus prolati, quorum religione precari offenso iratosque animos regum erant soliti, aduenienti Cæsari occurrerunt, seque ei dediderunt. Cæsar in fidem receptos consolatus, per hostium munitiones, in suam partem oppidi magna gratulatione suorum venit, qui non tantum bellum ipsum ac dimicationem, sed etiam talem aduentum eius felicem fuisse lætabantur. Hic pene triumphus Cæsari Alexandrinus fuit, sed victoriæ fructus longè maior illo qui deinceps ab Hircio proponitur. Cæsar Aegypto atque Alexandriâ potitus, reges constituit quos Ptolemæus pater testamento scripserat, atque obtestatus erat populum Romanum ne mutarentur. Nam maiore ex duobus pueris Rege amisso, minori tradidit regnum maiori que ex duabus filiis Cleopatæ, quæ manserat in fide præsidis que eius, minorem Arsinoë, cuius nomine diu regnasse impotenter Ganymedem docuimus, deducere ex regno statuit ne qua rursus nova dissensio, priusquam diuturnitate confirmarentur regum imperia, per homines seditiosos nasceretur. Legione veteranâ sextâ secum reductâ, cæteras ibi reliquit, quò firmitus esset eorum regnum, qui neque amorem suorum habere poterant, quòd fideliter permanerant in Cæsaris amicitia, neque vetustatis auctoritatem, paucis diebus reges constituti. Simul ad im-

perij Romani dignitatem, vtilitatem'que pu-
blicam pertinere existimabat, si permanerent,
in fide reges, præsidijs eos Romanis es-
se tutos: & hos, si essent ingrati,
posse ejusdem præsidijs
coërceri.

F I N I S.





incitandi ad pugnandum. Alexandrini cum Romanos aduersis rebus incitari viderent, ad insidias & dolos conuertuntur: Cæsarem per legatos orant, vt puerum Regem dimitteret, eo'que authore in fidem Cæsaris venirent: Cæsar & si fallaciam gentis sentiret, tamen Regem dimisit, vt per eum, Aegyptum contineret, aut si falleret, cum Rege speciosius bellum, quàm cum latronibus gereret, sicut accidit: Rege enim recepto, Aegyptij bellum acrius reparant, commeatus Cæsaris intercludere statuunt, nautali'que prælio Níchanorem illum Rhodium circumueniunt: sed cōfestim à Mithridate Pergameno, qui magnas auxiliorum copias Cæsari adducebat, Pelusium expugnatum est, & à Cæsare Mithridatis copijs aucto, Rex ipse castris eiectus, & in Nilo fugiens demersus est, Re felicissimè celerrimè'que gesta, Cæsar magnæ victoriæ fiducia' proximo terrestri itinere Alexandriam cum equitibus contendit atque ea parte oppidi, victor introiit, quæ præsidio hostium tenebatur. Neque eum, consilium suum fefellit quin hostes eo prælio audito, nihil iam de bello essent cogitaturi. Dignum adueniens fructum virtutis & animi magnitudinis tulit: Omnis enim multitudo oppidanorum armis proiectis munitionibusque suis relictis, veste ea sumpta qua supplices dominantes deprecari consueuerunt sacris'que omnibus

bus prolati, quorum religione precari offensus iratos, que animos regum erant soliti, aduenti Cæsari occurrerunt, se, que ei dediderunt. Cæsar in fidem receptos consolatus, per hostium munitiones, in suam partem oppidi magna gratulatione suorum venit, qui non tantum bellum ipsum ac dimicationem, sed etiam talem aduentum eius felicem fuisse lætabantur. Hic pene triumphus Cæsari Alexandrinus fuit, sed victoriæ fructus longè maior illo qui deinceps ab Hircio proponitur. Cæsar Aegypto atque Alexandria potitus, reges constituit quos Ptolemæus pater testamento scripserat, atque obtestatus erat populum Romanum ne mutarentur. Nam maiore ex duobus pueris Rege amisso, minori tradidit regnum maiori, que ex duabus filiis Cleopatæ, quæ manserat in fide præsidij, que eius, minorem Arsinoë, cuius nomine diu regnasse impotenter Ganymedem docuimus, deducere ex regno statuit ne qua rursus nova dissensio, priusquam diuturnitate confirmarentur regum imperia, per homines seditiosos nasceretur. Legione veteranâ sextâ secum reductâ, cæteras ibi reliquit, quò firmitus esset eorum regnum, qui neque amorem suorum habere poterant, quòd fideliter permanerant in Cæsaris amicitia, neque vetustatis auctoritatem, paucis diebus reges constituti. Simul ad im-

perij Romani dignitatem, vtilitatem que publicam pertinere existimabat, si permanerent, in fide reges, præsidjs eos Romanis esse tutos: & hos, si essent ingrati, posse ejusdem præsidjs coerceri.

F I N I S.

Центральна


наукова

бібліотека

АН УРСР

2807863 № 7





Cmz
11-13